

# REVELEŠŌN AN JON.

## JAPTER 1.

**R**EVELEŠŌN jen Jisōs Kraist, eo Anij e ar lelok ñōn E bwe En kwalok e ñōn ro korijeran, aet men ko re naj mōkōjtok, im e ar jilkinlok im bakajen e kin enjel eo An ñōn Jon korijeran;

Jon 3. 32. & 8. 26. & 12. 49. jap. 4. 1. & 22. 16.

2 Eo e ar kennan kin nan in Anij im kin kennan an Jisōs Kraist, men ko otemjej e ar loi.

1 Kor. 1. 6. jap. 6. 9. & 12. 17. 1 Jon 1. 1.

3 Emōnōnō eo ej konono ilo buk in im ro rej roñjake nan ko an kūr in, im kejbārok men ko emwij jeji ilo e; bwe ebaktok ien eo.

Luk 11. 28. jap. 22. 7, 10. Rom 13. 11.

4 Jon ñōn jiljilimjuōn eklisia ko ilo Esia: Joij ñōn kom im ainemōn jen Eo ej kiō, Ej mokta im Ej itok; im jen jiljilimjuōn Jitōb ro rej iman tron eo An;

Eks. 3. 14. Jon 1. 1. jap. 3. 1. & 4. 5. & 5. 6.

5 Im jen Jisōs Kraist eo Dri Kennan etiljek, Dri lotak mokta jen ro remij, im Iroi ion kiñ ro an lōl. Ñōn Eo e ar yokwe kij, im kōtlok kij jen jerawiwi ko ar kin bōtōktōkin;

Jon 8. 14. & 13. 34. & 15. 9. 1 Tim. 6. 13. jap. 3. 14. & 17. 14. Kol. 1. 18. Ep. 1. 20. Gal. 2. 20.

6 Im E ar kōmōn bwe jen kiñ im pris ro ñōn An Anij im Jemen; ñōn E en aibujuij im kajur potata in drio im in drio. Amen.

1 Pit. 2. 9. jap. 5. 10. & 20. 6. 1 Tim. 6. 16. Hib. 13. 21.

7 Lo, Ej itok iben kōro ko, im mej otemjej re naj lo E, im ro jabrewōt r'ar wākari E, im bwij otemjej i lōl re naj liājlol kake. Aet, en ein drein. Amen.

Dan. 7. 13. Mat. 24. 30. Jerb. 1. 11. Zek. 12. 10. Jon 19. 37.

8 Ña, ij Alpa im Omega, Anij

320

Iroi e ba, Eo ej kiō im Ej mokta im Ej itok, Dri Ekajur otem kajur. Isa. 41. 4. & 44. 6. & 48. 12. jap. 21. 6. & 22. 13. 1 jap. 4. 8. & 11. 17. & 16. 5.

9 Ña Jon, jeōmi im dri bōk mōtōn ibemi ilo iñtan im ailiñ im kijemij rej ilo Jisōs, I ar ber i ailiñ eo etan Patmos, kin nan in Anij im kennan an Jisōs.

Pl. 1. 7. & 4. 14. Rom 8. 17. 2 Tim. 2. 12. jap. 6. 9.

10 I ar ilo Jitōb ilo ran eo ran in Iroi, im I ar roñ elikiō ainiken elap, einwōt an jilil,

Jerb. 10. 10. & 20. 7. 2 Kor. 12. 2. jap. 4. 2. & 17. 3. & 21. 10. 1 Kor. 16. 2.

11 Im e ba, Kwon jeje ilo buk jabrewōt eo kwoj loe, im jilkinlok ñōn jiljilimjuōn eklisia ko; ñōn Epesōs, im ñōn Smōrna, im ñōn Pergemōm, im ñōn Thaletaira, im ñōn Sardis, im ñōn Philadelphia, im ñōn Leodisia.

12 Im I ar okōtōklik bwe in lo ainiken eo ej konono iba. Im ke emwij aō okōtōklik I ar lo jiljilimjuōn jikin lamp gold:

Eks. 25. 37. Zek. 4. 2.

13 Im iolapin jikin lamp ko, Juōn einwōt Nejin armij, emwij An kōnōk nuknuk ko rej tōbar neen, im kōñōr ion etin kin kōñōr gold.

jap. 2. 1. Ezek. 1. 26. Dan. 7. 13. & 10. 5, 16.

14 Im bōran kab kolan bōran remouj einwōt kolan šip emouj einwōt sno, im mejen rej einwōt urur in kijeek;

Dan. 7. 9. & 14. 14. & 15. 6. & 10. 6. jap. 2. 18. & 19. 12.

15 Im neen einwōt jinibor e jatōltil, einwōt fie emwij tile ilo ubaj, im ainiken einwōt ainiken elōñ dren ko.

Ezek. 1. 7. & 43. 2. Dan. 10. 6. jap. 2. 18. & 14. 2. & 19. 6.

16 Im ilo pein anbijmaroñōn Ej kapjere jiljilimjuōn iju, im jen lo

ñin jāji ekōñ im ruo mejen ej ilok, im turin mejen einwōt al ke ej romak ilo an kajur.

Isa. 49. 2. Ep. 6. 17. jap. 2. 12, 16. & 3. 1. & 10. 1. Jerb. 28. 13.

17 Im ke I ar lo E, I ar buñ iturin neen einwōt I mij. Im E ar likit pein anbijmaroñon ioō im ba, Kwon jab leññoñ; Ña ij Eo mokta im Eo eliktata,

Ezek. 1. 28. Dan. 8. 18. & 10. 10. Isa. 41. 4. & 44. 6. & 48. 12. jap. 2. 8. & 22. 13.

18 Im Eo ej mour; im I kar mij, ak lo, Ij mour in drio im in drio, im iba ki ko ki in mij im ki an Hedis.

Rom. 6. 9. jap. 4. 9. & 5. 14. & 20. 1.

19 Inem kwon jeje men ko kw'ar loi, im men ko rej kiō, im men ko re naj walok tokelik;

jap. 2. & jap. 4.

20 Men eo etino an jiljilimjuōn iju ko kw'ar loi ilo pein anbijmaroñio, im jiljilimjuōn jikin lamp ko gold. Jiljilimjuōn iju ko rej enjel ro an jiljilimjuōn eklisia ko; im jiljilimjuōn jikin lamp ko rej jiljilimjuōn eklisia.

Mal. 2. 7. jap. 2. 1. Mat. 5. 15. Pil. 2. 15.

## JAPTER 2.

ÑŌN enjel an eklisia i Epesōs, kwon jeje; Eo ej drebij jiljilimjuōn iju ko ilo pein anbijmaroñio, Eo ej etetal iolapin jiljilimjuōn jikin lamp ko gold, Ej ba men kein:

jap. 1. 13, 16, 20.

2 I jela kōmōn ko am, im am jeral im kijenmij, im bwe kwo jab maroñ in kaberber yuk kin ro renana, im kw'ar melejoñ ro rej mōke naetair dri jilik, ak e jab irro, im kw'ar lo ir dri riōp;

jap. 3. 1, 8, 15. 1 Jon 4. 1. 2 Kor. 11. 13.

3 Im kwoj kijenmij im kw'ar kaberber yuk ilo eta, im kw'ar jab mōk.

Gal. 6. 9. Hib. 12. 3, 5.

4 A men in iba ej notam, bwe kw'ar illok jen am yokwe mokta.

5 Inem kwon kememej ijo kw'ar buñ jen e, im ukwelok ibōm, im kōmōnmōn jeral ko mokta; elañe

[Marshall Islands.] 11T

jab, I naj iwij ñōn yuk, im I naj kamōkit jikin lamp eo am jen jikin, elañe kwo jab ukwelok.

Mat. 21. 41, 43.

6 Ijoke, men in ibōm bwe kwoj jōjōik jeral ko an ro dron Nikolas, men ko Ij bareinwōt jōjōiki.

7 Eo lojiliñin iben en roñjake men ko Jitōb ej ba ñōn eklisia ko. Eo ej bōk anjo, I naj lelok ñōn e bwe en mōña jen leen wijki in mour, eo ej ilo Paredais an Anij. Mat. 11. 15. jap. 3. 6, 13, 22. & 13. 9. & 22. 2, 14. Jen. 2. 9.

8 Im ñōn enjel an eklisia i Smōrna, kwon jeje; Eo ej moktata im eliktata, Eo e kar mij im E ar bar mour, Ej ba men kein:

jap. 1. 8, 17, 18.

9 I jela am jorran im jeramel (a kwoj mwele), im blaspiam eo an ro rej ba bwe rej dri Ju, ak e jab irro, a rej dri imōn kwelok an Setan.

Jem. 2. 5. Rom. 2. 17. jap. 3. 9.

10 Kwon jab leññoñ kin men ko kwo naj iñtan kaki: lo, devil e naj jolok jet iami na iloa prisōn bwe en melejoñ kom, im jorran e naj ibemi iomin joñoul ran. Kwon tiljek ñōn mij im I naj lewoj ñōn kwe belin eo belin mour.

Mat. 10. 22. & 24. 13. Jem. 1. 12. jap. 3. 11.

11 Eo lojiliñin iben en roñjake men ko Jitōb ej ba ñōn eklisia ko. Eo ej bōk anjo, mij ken ka ruo e jamin kokkure.

jap. 13. 9. jap. 20. 14. & 21. 8.

12 Im ñōn enjel an eklisia i Pergemōm, kwon jeje; Eo, jāji eo ruo mejen im ekōñ iben, Ej ba men kein:

jap. 1. 16.

13 I jela ijo kwoj jokwe ie, ijo ej ber tron an Setan, im kwoj drebij eta, im kw'ar jab karmijete tōmak Iō ilo ran ko an Antipas, Aō dri kenan etiljek eo emwij mōn e iolapemi ijo Setan ej jokwe ie.

14 Ijoke eiet men ko iba rej notam, bwe ibemi ro rej drebij katak an Beleōm, eo e ar katakin Belak bwe en likit lōkatip iman mejen ro nejin Israel, bwe ren mōña men in

katok ñõn ekjöp ko, im bwe ren lüñ.

Bwin. 25. 1. & 31. 16. 2 Pit. 2. 15. Jud 11. Jerb. 15. 29. 1 Kor. 10. 19, 20.

15 Ein drein bareinwöt ibemi ro rej drebij katak an ro dron Nikolas.

16 Inem kwon ukwelok ibõm; elañe jab, I naj iwij mōkōj ñõn kwe, im naj törinaek ir kin jäji eo an loñiõ.

Isa. 11. 4. 2 Tes. 2. 8. jap. 1. 16. & 19. 15, 21.

17 Eo lojiliñin iben en roñjake men ko Jitōb ej ba ñõn eklisia ko. Eo ej bōk anjo, I naj lelok ñõn e jen manna etino, im I naj lelok ñõn e dreka emouj, im ilo dreka eo emwij jeje āt ekal, eo ejelok en e jela a eo wöt ej bōk e.

18 Im ñõn enjel an eklisia i Thaletaira, kwon jeje; Nejin Anij, eo mejen rej einwöt urur in kijeek, im neen einwöt jinibor ejatōltil, Ej ba men kein;

jap. 1. 14, 15.

19 I jela jerbal ko am, im am yokwe, im tōmak im jerbal in jibōñ im kijenmij, im bwe jerbal ko am eliktata relōñ jen ko mokta.

20 A men in iba ej notam, bwe kwoj likit kōra eo, Jezebel, eo ej mōke naetan dri kanan, im ej katakin im moni ro dri korijera bwe ren lüñ im mōña men in katok ñõn ekjöp ko.

1 Kin 16. 31. & 21. 25. 2 Kin 9. 7. Eks. 34. 15.

21 Im I ar lelok ñõn e ien ukwelok, ak e jab kōnan ukwelok iben jen lüñ eo an.

Rom 2. 4. jap. 9. 20.

22 Lo, ij jolok e na iloan bed, im ro r'ar lüñ iben iloan iñtan elap elañe re jab ukwelok ibeir jen jerbal ko an.

23 Im I naj mōn ro nejin ilo mij, im eklisia otemjej re naj jela, bwe Ña eo ej kabukot buruen armij im lemnok ko air: im I naj lewoj ñõn kom kaju iami, ekar ñõn jerbal ko ami.

1 Samuel 16. 7. 1 Kron. 28. 9. Sam 7. 9. & 62. 12. Jer. 11. 20. Rom 14. 12. jap. 20. 12.

24 A ij ba ñõn kom, ñõn ro jet iami i Thaletaira, ro jabrewöt katak in e jab ibeir, im r'ar jab jela mülöl

ko an Setan, einwöt air ba, I jab jowoj ionl bar juõu men eo erro.

Jerb. 15. 28.

25 A men eo ibemi, komin drebije mae ien eo I naj iwij.

jap. 8. 11.

26 Im eo ej bōk anjo im kejbārok jerbal ko Aō ñõn jemlokōn, I naj lelok ñõn e kajur ion ailiñ ko:

Mat. 19. 28. Luk 22. 29, 30. 1 Kor. 6. 3. jap. 8. 21. & 20. 4.

27 Im e naj iroij ioir kin māl wāwen wöt alal, einwöt ñe e kanuij rup jäbi ko an dri pottér, einwöt I ar bareinwöt bōk jen Jema.

Sam 2. 9. jap. 12. 5. & 19. 15.

28 Im I naj lelok ñõn e iju ran.

2 Pit. 1. 19. jap. 22. 16.

29 Eo lojiliñin iben en roñjake men ko Jitōb ej ba ñõn eklisia ko.

### JAPTER 3.

**I**M ñõn enjel an eklisia i Sardis, I kwon jeje; Eo jiljilimjuõn Jitōb an Anij iben, im jiljilimjuõn iju ko, Ej ba men kein: I jela jerbal ko am, bwe ebuñbuñ bwe kwoj mour, im kwoj mij.

jap. 1. 4, 16. & 4. 5. & 5. 6. Ep. 2. 1. 1 Tim. 5. 6.

2 Kwon ekil im kabin men ko rej berwöt im ar nañin joko: bwe I ar lo ejelok am jerbal e wāppen iman mejen Aō Anij.

3 Inem kwon kememej ekijkan kw'ar bōk im roñjake; im kwon kejbārok im ukwelok ibõm. Inem elañe kwo jamin ekil, I naj iwij einwöt dri kwot, im kwo jamin jela jete auõ I naj iwij iom.

1 Tim. 6. 20. 2 Tim. 1. 13. Mat. 24. 43. & 25. 13. jap. 16. 15.

4 Ijoke eiet armij ibõm i Sardis r'ar jab kabrijrij nuknuk ko air, im re naj etetal iba ilo nuknuk remouj, bwe rej tellokōn.

Jerb. 1. 15. Jud 23. jap. 4. 4. & 6. 11. & 7. 9, 13.

5 Eo ej bōk anjo e naj kōnōk nuknuk ko remouj, im I jamin jeirilok etan jen buk in mour, im I naj kwalok etan iman mejen Jema, im iman mejen enjel ro An.

jap. 19. 8. 1 Eks. 32. 32. Pil. 4. 3. jap. 13. 8. & 17. 8. & 20. 12. & 21. 27. & 23. 19. Mat. 10. 32. Luk 12. 8.

6 Eo lojiliñin iben en roñjake men ko Jitöb ej ba ñön eklisia ko.

jap. 2. 7.

7 Im ñön enjel an eklisia i Philadelphia, kwon jeje; Eo ekwojarjar, Eo emol, Eo ki an Devid iben, Eo ej kebellok im ejelok en e naj kill, im ej kill, im ejelok en ej kebellok, Ej ba men kein:

Jerb. 3. 14. 1 Jon 5. 20. jap. 1. 5. & 6. 10. & 19. 11. Isa. 22. 22. Luk 1. 32. Mat. 6. 19. Job 12. 14.

8 I jela jermal ko am (lo, I ar lewoj ñön yuk aur ebellok im ejelok en ej maroñ in kili), bwe erik am maroñ, im kw'ar drebij Aö in nan, im kw'ar jab karnijete eta.

1 Kor. 16. 9. 2 Kor. 2. 12.

9 Lo, Ij lelok ro jen imöñ kwelok an Setan re ba bwe re dri Ju im e jab irro, a rej riöþ; lo, I naj kömöñ bwe ren iwij im kabuñ iman neöm, im bwe ren jela I ar yokwe yuk.

jap. 2. 9. Isa. 49. 23. & 60. 14.

10 Bwe kw'ar drebij nan in kijenmij eo Aö, inem I naj bareinwöt drebij yuk jen auö in kabo eo e naj itok ion aolepen löl, im naj melejoñ ro otemjej rej jokwe ion löl.

2 Pit. 2. 9. Luk 2. 1. Isa. 24. 17.

11 Ij iwij mököj: kwoñ drebij men eo iböm, bwe ejelok juön en bök belöm.

jap. 1. 3. & 2. 10, 25. & 22. 7, 12, 20.

12 Eo ej bök anjo I naj kömöñ e bwe en juön jur ilo tempel an Aö Anij, im ejamin drioiþlok jen e, im I naj jeje ion etan Aö Anij, im etan jikin kwelok eo an Aö Anij, Jerusalem ekäl, eo ej wönlöltak jen löñ jen Aö Anij, im eta ekäl.

1 Kin 7. 21. Gal. 2. 9. jap. 14. 1. & 22. 4. & 21. 2, 10. Gal. 4. 26.

13 Eo lojiliñin iben en roñjake men ko Jitöb ej ba ñön eklisia ko.

jap. 2. 7.

14 Im ñön enjel an eklisia i Leodisia, kwon jeje; Eo ej Amen, Dri kennan etiljek im emol, im Jinoin kömöñmön an Anij, Ej ba men kein:

Isa. 65. 16. jap. 1. 5. & 19. 11. & 22. 6. Kol. 1. 15.

15 I jela jermal ko am, bwe kwo

jab bio im jab bwil: I könan kwon bio ak bwil, juön iair.

16 Inem bwe kwoj mänän jirik, im jab bio ak bwil, I naj mwöjakelek yuk jen löñö.

17 Bwe kwoj ba, Ij mwele, im I ar koorlok mweiluk ko, im ejelok aö aikwij; im kwo jaje bwe kwoj nanatömmöm im dri ememlokjen, im jeramel, im bilo im kelwan:

Hos. 12. 8. 1 Kor. 4. 8.

18 Inem Ij bebe iböm bwe kwon wiaik iba gold emwij karreoik e ilo kijeek, bwe kwon mwele; im nuk-nuk ko remouj bwe kwon köñöki, im jok an am kelwan en jab walok, im uno in bilo, bwe kwon kabit mejöm kake in lolokjen.

Isa. 55. 1. Mat. 13. 44. & 25. 9. 2 Kor. 5. 3. jap. 16. 15.

19 Ro jabrewöt Ij yokwe ir Ij kowe im kajeik ir. Inem kwon kate yuk im ukwelok iböm.

Pro. 3. 11, 12.

20 Lo, Ij jutök iman aur im kalöl-löl. Elañe jabrewöt armij e naj roñ ainikiö im kebellok aur eo, I naj dreloflok ñön e, im naj kejota iben im e iba.

Sam 5. 2. Luk 12. 37. Jon 14. 23.

21 Eo ej bök anjo I naj lelok ñön e bwe en jijöt iba ion tron eo Aö, einwöt I ar bareinwöt bök anjo, im ar jijöt iben Jema ion tron eo An.

Mat. 19. 28. 2 Tim. 2. 12. jap. 2. 26, 27.

22 Eo lojiliñin iben, en roñjake men ko Jitöb ej ba ñön eklisia ko.

jap. 2. 7.

## JAPTER 4.

**E**LIKIN men kein I ar kalim-jeke, im lo aur ebellok ilo löñ, im ainiken eo mokta, I ar roñjake einwöt jilil ke ej konono iba, ej ba, Kwon wönlöñtok iji im I naj bakajen ñön yuk men ko re naj walok tokelik.

jap. 1. 10, 12, 19. & 22. 6.

2 Kiökiö I ar ilo Jitöb: im lo, tron emwij likit e ilo löñ, im ion tron eo Juön ej jijöt;

jap. 1. 10. Isa. 6. 1. Dan. 7. 9.

3 Im Eo ej jijöt Ej einwöt dreka

jasper im sardiös, im iia ej kabol tron eo, ilo nememen emerald.

Ezek. 1. 28.

4 Im iturin tron eo roñoul im emen tron: im ion tron kelu roñoul im emen elder rej jijöt, im nuknuk ko air remouj, im ion bõrair belin gold.

jap. 3. 4. & 6. 11. & 7. 9. & 11. 16. & 19. 14.

5 Im jen tron eo rej ilok jaröm ko, im ainiken ko, im jorur ko: im jiljilimjuön lamp in kijeek rej urur iman tron eo, ir jiljilimjuön Jitöb öñ Anij:

jap. 8. 5. & 16. 18. Eks. 37. 23. Ezek. 1. 13.

jap. 1. 4.

6 Im iman tron eo ej wāwen lometo in glass einwöt kristal. Im iolapin tron eo im iturin tron emen men in mour, rej obrök kin mej imair im ilikiir.

Eks. 38. 8. jap. 15. 2. Ezek. 1. 5.

7 Im men in mour juön ej einwöt laiön: im men in mour ken ka ruo einwöt kon kau; im men in mour ken ka jilu, turin mejen einwöt armij, im men in mour ken k'emen einwöt igöl ej käksi.

Ezek. 1. 10. & 10. 14.

8 Im men in mour ko emen ka jiljino peir, im ilikin im iloan rej obrök kin mej: im ejelok kakije ñön ir ran im bõn, im rej ba, Ekwojarjar, Ekwojarjar, Ekwojarjar, Iroi Anij, Dri Ekajur otemkajur, Eo ej mokta im Ej kiö im Ej itok.

Isa. 6. 2, 3. jap. 1. 4, 8.

9 Im jabrewöt ien men in mour ko re naj lelok aibujuij im nebar im kamolol ñön Eo ej jijöt ion tron eo, ñön Eo ej mour in drio im in drio,

jap. 1. 18. & 5. 14. & 15. 7.

10 Elder roñoul im emen re naj buñ iman mejen Eo ej jijöt ion tron eo, im naj kabuñ ñön Eo ej mour in drio im in drio, im naj jolok belir iman tron, im ba,

jap. 5. 8, 14.

11 Ekar ñön Kwe, O Iroi im am Anij, bwe kwon bök aibujuij im nebar im kajur; bwe kw'ar kōmōn-

mōn men ko otemjej, im kin ankil am r'ar ber im emwij kōmōn-mōni.

jap. 5. 12. & 10. 6. Jen. 1. 1.

## JAPTER 5.

**I**M I ar lo ilo pein anbijmaroñön Eo ej jijöt ion tron eo juön buk emwij jeje iloan im ilikin, im sil kin jiljilimjuön sil.

Ezek. 2. 9, 10. Isa. 29. 11. Dan. 12. 4.

2 Im I ar lo enjel ekajur im ej ba ilo ainiken elap, Wōn eo ej tellokōn bwe en kebellok buk eo im kōtlok jiljilimjuön sil ko an?

3 Im ejelok en ilo lõñ, ak ilo lõl, ak iomín lõl e ar maroñ in kebellok buk eo ak kalimjeke.

4 Im elap aö jōñ bwe ar lo ejelok juön ej tellokōn bwe en kebellok buk eo ak kalimjeke.

5 Im juön ian elder ro e ar ba ñön iö, Kwon jab jōñ: lo laiön eo jen bwijin Juda, Okran Devid, E ar bök anjo bwe En kebellok buk eo im jiljilimjuön sil ko an.

Jen. 49. 9, 10. Hib. 7. 14. Isa. 11. 10. Rom 15. 12. jap. 6. 1. & 22. 16.

6 Im I ar lo iolapin tron eo im men in mour ko emen, im iolapin elder rōn, Lam ej jutök im einwöt emwij kar mōn E, im iben jiljilimjuön drun, im jiljilimjuön mejen, rej jiljilimjuön Jitöb öñ Anij, jilkinlok ir iloan aolepen lõl.

Jon 1. 29. Zek. 3. 9. & 4. 10. jap. 1. 4. & 13. 8.

7 Im E ar itok, im Ej bök e jen pein anbijmaroñön Eo ej jijöt ion tron eo.

jap. 4. 2.

8 Im ke E ar bök buk eo, men in mour ko emen im elder ro roñoul im emen r'ar buñ iman mejen Lam eo, im ibeir kaju arp im jābi ko gold r'obrök kin kaijurjur, rej jar ko an ro remōn.

jap. 4. 8, 10. & 8. 3, 4. & 14. 2. & 15. 2. Sam 141. 2.

9 Im rej al kin al ekāl, im ba, Ekar ñön Kwe bwe kwon bök buk eo, im kebellok sil ko an, bwe emwij mōn Yuk, im Kw'ar wiaik ñön Anij ilo bōtōktōkōm armij jen bwij

otemjej, im konono otemjej, im dri-  
loabjen otemjej, im ailiñ otemjej,  
Sam 40. 3. jap. 4. 11. & 14. 3. 1 Jerb. 20. 28.  
1 Kor. 6. 20. jap. 7. 9. & 11. 9. & 14. 6.

10 Im Kw'ar kōmōn bwe ren kiñ  
im pris ro; im rej kiñ ion lōl.

jap. 1. 6. & 20. 6.

11 Im I ar lo, im I ar roñ ainiken  
elōñ enjel iturin tron eo, im men in  
mour ko im elder ro, im orair ej  
joñoul tausan alen joñoul tausan im  
tausan ko alen tausan ko:

jap. 4. 4, 6. Sam 68. 17. Dan. 7. 10.

12 Im rej ba im elap ainikeir, Ekar  
ñōn Lam eo, emwij mōn E, bwe  
En bōk kajur, im mweluk ko, im  
meletlet, im maroñ, im nebar, im  
aibujuij im wijtak.

jap. 4. 11.

13 Im men ko otemjej, men in kō-  
mōnmōn ko ilo lōñ, im ion lōl, im  
iomin lōl, im ion lometo, im men  
ko otemjej iloir, I ar roñjaki im rej  
ba, Ñōn Eo ej jijōt ion tron eo im  
ñōn Lam eo, en wijtak im nebar  
im albujuj im kajur in drio im in  
drio.

Pil. 2. 10. 1 Kron. 29. 11. jap. 1. 6. & 6. 16. &  
7. 10.

14 Im men in mour ko emen r'ar  
ba, Amen. Im elder ro r'ar buñ im  
kabuñ.

jap. 4. 9, 10.

## JAPTER 6.

**I**M I ar lale ke Lam eo E ar kebel-  
lok juōn ian sil ko jiljilimjuōn,  
im I ar roñ juōn ian men in mour  
ko emen, im ej ba ilo ainiken ein-  
wōt-jorur, Kwon itok.

jap. 4. 7. & 5. 5, 7.

2 Im I ar lale, im lo, ors emouj im  
iben Eo ej jijōt ion libon, im ar le-  
lok ñōn E belin im Ej bōk anjo  
im wōnmanlok bwe En bōk anjo.  
Zek. 6. 3, 11. Sam 45. 4, 5. jap. 14. 14. & 19. 11.

3 Im ke E ar kebellok sil ken ka  
ruo, I ar roñ men in mour ken ka  
ruo, im ej ba, Kwon itok.

jap. 4. 7.

4 Im bar juōn ors ekilmir ej wa-  
loktok: im ar lelok ñōn eo ej jijōt  
ion bwe en bōk ainemōn jen lōl, im

bwe ren mōn dron: im ar lelok ñōn  
e jāji elap.

Zek. 6. 2.

5 Im ke E ar kebellok sil ken ka  
jilu, I ar roñ men in mour ken ka  
jilu, im ej ba, Kwon itok. Im I ar  
lale, im lo ors ekilmiej, im ilo pein  
anbijmaroñōn eo ej jijōt ion, ken  
paun.

jap. 4. 7. Zek. 6. 2.

6 Im I ar roñ einwōt ainiken iola-  
pin men in mour ko emen, im ej  
ba, Juōn kwort wit kin juōn šilliñ,  
im jilu kwort barli kin juōn šilliñ,  
im kwon jab kokkure oil im wain.

jap. 9. 4.

7 Im ke E ar kebellok sil ken  
k'emen, I ar roñ ainiken men in  
mour ken k'emen, im ej ba, Kwon  
itok.

jap. 4. 7.

8 Im I ar lale, im lo ors jebārre im  
eo e ar jijōt ion, etan Mij; im Hedis  
ej lor e, im ar lelok ñōn ir kajur ion  
juōn mōtōn emen lōl, bwe ren mōn  
kin jāji, im kin šitta, im kin mij,  
im kin kiru ko r'awia an lōl.

9 Im ke E ar kebellok sil ken ka  
lallim, I ar lo iomin lokatok, jītōb  
an ro emwij mōn ir kin nan in  
Anij, im kin kennan eo r'ar ken-  
nan kake;

jap. 1. 9. & 14. 18. & 19. 10. & 20. 4.

10 Im r'ar lamij ilo ainiken elap,  
im ba, O Karo ekwojarjar im emol,  
ietoōn Kwo jab ekajet im iren-  
wōne kiu amuij bōtōktōk ion ro  
rej jokwe ilo lōl?

jap. 3. 7. & 11. 18. & 19. 2.

11 Im ar lelok ñōn ir otemjej nuk-  
nuk ko remouj; im ar ba ñōn ir  
bwe ren kakije bar jirik ien, ñōn  
ter eo ro korijer ibeir, im ro jeir im  
jātir, ro naj mōn ir einwōt rein, re  
naj kamwijlok air etal.

jap. 3. 4, 5. & 7. 9, 14. & 14. 13. Hib. 11. 40.

12 Im I ar lale ke E ar kebellok  
sil ken ka jiljino, im elap an lōl  
makōtkit, im al e ar erom ekilmiej  
einwōt nuknuk kol, im aliñ eyu  
erom einwōt bōtōktōk;

jap. 16. 18. Joel 2. 31. Mat. 24. 29.

13 Im iſu in lōñ r'ar wutlok ñōn lōl einwōt wijki fig ej jolok fig ko re jañin kalo, ke kōto elap ej irike.  
jap. 8. 10. & 9. 1.

14 Im ar bōklok lōñ einwōt men in jeje ke emwij limlime, im tol otemjej im ailiñ otemjej ar kamōkiti jen jikiir.

Sam 102. 26. Isa. 34. 4. Jer. 4. 24. jap. 16. 20.

15 Im kiñ ro an lōl, im iroiñ rōn, im kapen relap, im ro dri mwēle, im ro re kajur, im dri kamokoko otemjej, im dri anemkwōj otemjej r'ar tilekek iloan roñ ko im ilo dreka in tol ko;

Isa. 2. 19.

16 Im rej ba ñōn tol ko im ñōn dreka ko, komin buñ lom in noj kim jen mejen Eo ej jijōt ion tron eo, im jen illu an Lam eo:

Hos. 10. 8. Luk 23. 30. jap. 9. 6.

17 Bwe ran elap ran in illu eo An e mottok, im wōn ej maroñ in jutōk?  
Isa. 13. 6. Zep. 1. 14. jap. 16. 14. Sam 76. 7.

#### JAPTER 7.

**E**LIKIN men in I ar lo emen enjel im rej jutōk ion emen jabōn lōl, im rej drebij emen kōto ko an lōl, bwe kōto en jab ukwi ion ene ak ion lometo, ak ion jabrewōt wijki.

Dan. 7. 2. jap. 9. 4.

2 Im I ar lo bar juōn enjel im ej wōnlifitok jen tak al, im ken sil an Anij emour iben, im e ar lamij ilo ainiken elap ñōn enjel ro emen, ar lelok ñōn ir bwe ren kokkure ene im lometo,

3 Im ba, Komin jab kokkure ene, ak lometo, ak wijki ko, mokta jen am sil ro korijeran ar Anij ion dremair.

jap. 6. 6. & 9. 4. & 14. 1. & 22. 4. Ezek. 9. 4.

4 Im I ar roñ oran ro emwij sil ir, jibuki eñoul im emen tausan, ar sil ir jen bwij otemjej an ro nejnin Israel.

jap. 9. 16. & 14. 1.

5 Jen bwijin Juda ar sil joñoul im ruo tausan: jen bwijin Ruben joñoul im ruo tausan; jen bwijin Gad joñoul im ruo tausan:

6 Jen bwijin Ašer joñoul im ruo tausan: jen bwijin Naphtali joñoul im ruo tausan: jen bwijin Manassa joñoul im ruo tausan:

7 Jen bwijin Simeōn joñoul im ruo tausan: jen bwijin Lival joñoul im ruo tausan: jen bwijin Issekar joñoul im ruo tausan:

8 Jen bwijin Zebulōn joñoul im ruo tausan: jen bwijin Josep joñoul im ruo tausan: jen bwijin Benjamin ar sil joñoul im ruo tausan.

9 Elikin men kein I ar lale, im lo, jar elap, eo ejelok armij ej maroñ in bwiniñ, jen ailiñ otemjej, im ian bwij otemjej, im driloabjen otemjej, im konono otemjej, rej jutōk iman tron eo im iman mejen Lam, kōnōki kin nuknuk ko remouj, im pam ko ilo peir;

Rom 11. 26. jap. 5. 9. jap. 3. 5. 18. & 4. 4. & 6. 11.

10 Im rej lamij ilo ainiken elap, im ba, Lomor ñōn amuij Anij eo Ej jijōt ion tron, im ñōn Lam.

Sam 3. 8. jap. 5. 13. & 19. 1.

11 Im enjel otemjej r'ar jutōk iturin tron eo, im iturin elder ro, im men in mour ko emen, im rej buñbero iman tron im kañuñ ñōn Anij,

jap. 4. 6.

12 Im ba, Amen: Wijtak, im aibujuij, im meletlet, im kamolol, im nebar, im kajur, im maroñ, ñōn amuij Anij in drio im in drio. Amen.

jap. 5. 13. 14.

13 Im juōn ian elder ro e ar uak im ba ñōn iō, Ir rej kōnōk nuknuk ko remouj, Wōn ro? im rej itok jen ia?

14 Im ij ba ñōn e, Kwe, aō iroiñ, kwo jela. Im e ba ñōn iō, Rein ro r'ar itok jen iñtan eo elap, im r'ar kwoli im kamouj nuknuk ko air ilo bōtōktōkin Lam.

jap. 6. 9. & 17. 6. 1 Isa. 1. 18. Hib. 9. 14. 1 Jon 1. 7. jap. 1. 5. Zek. 3. 3-5.

15 Kin men in rej iman tron an Anij, im rej korijer ñōn E ran im boñ ilo tempel eo An; im Eo ej jijōt ion tron E naj kaimweim ir ilo mwēo imōn.

Isa. 4. 5, 6. jap. 21. 3.

16 Re jamin bar kwuli, re jamin bar maro, im al e jamin bar kejeek ir, jab, ak ejelok bwil:

Isa. 49. 10. Sam 121. 6. jap. 21. 4.

17 Bwe Lam eo Ej lolapin tron E naj air Šeperd, im E naj tel ir ñon unin dren ko dren in mour; im Anij e naj kōmōraik dren in kem-jālāl otemjej jen mejeir.

Sam 23. 1. & 36. 8. Jon 10. 11. 14. Isa. 25. 8. jap. 21. 4.

### JAPTER 8.

**I**M ke E ar kebellok sil ken ka jiljilimjuōn, lōñ ej ikōñ iomin einwōt jibilukwōn auō.

jap. 6. 1.

2 Im I ar lo jiljilimjuōn enjel ro rej jutōk iman tron eo, im ar lelok ñon ir jiljilimjuōn jilil.

Mat. 18. 10. 2 Kron. 29. 25-28.

3 Im bar juōn enjel e ar itok im jutōk ion lokatok eo, im iben jābi senser gold; im ar lelok ñon e elōñ kajjurjur, bwe en kobaik e iben jar ko an ro remōn otemjej ion lokatok gold eo ej iman tron eo.

jap. 5. 8. & 6. 9. Eks. 30. 1.

4 Im ej wōnliñlok bat in kajjurjur iben jar ko an ro remōn kin pein enjel eo iman mejen Anij.

Sam 141. 2. Luk 1. 10.

5 Im enjel eo e ar bōk senser eo, im e ar kobrōk e jen kijeek eo an lokatok, im e ar jolok e na ilo lōl; im e ar walok jorur ko, im ainiken kō, im jarom ko, im an lōl makōtkit.

jap. 16. 18. 1 Kin 19. 11. Jerb. 4. 81.

6 Im enjel ro jiljilimjuōn, ro jiljilimjuōn jilil ibeir, r'ar kapoj bwe ren jilil.

7 Im eo mokta e ar jilil, im e ar walok wut ebin im kijeek kāreiki kin bōtōktōk, im julok ñon lōl: im ar tili juōn mōtōn jilu lōl, im ar tili juōn mōtōn jilu wijki ko, im ar tili aoopen ujojij emaroro.

Ezek. 38. 22. Isa. 2. 13. jap. 9. 4. & 16. 2.

8 Im enjel ken ka ruo e ar jilil, im ar jolok na ilo lometo einwōt tol elap eurur kin kijeek, im juōn mōtōn jilu lometo ej erom bōtōktōk;

Jer. 51. 25. Amos 7. 4. jap. 16. 3. Ezek. 14. 19.

9 Im r'ar mij juōn mōtōn jilu men in kōmōnmōn ko ilo lometo rej mour, im kokkure juōn mōtōn jilu wa ko.

jap. 16. 3.

10 Im enjel ken ka jilu e ar jilil, im e ar wutlok jen lōñ iju elap, ej urur einwōt lamp, im e ar wutlok ion juōn mōtōn jilu river ko, im ion unin dren ko:

Isa. 14. 12. jap. 9. 1. & 16. 4.

11 Im naetan iju eo Kabwijiñlōñ, im juōn mōtōn jilu dren ko rej erom kabwijiñlōñ, im elōñ armij r'ar mij kin dren ko, bwe r'emeo.

Rut 1. 20. Eks. 15. 23. Jer. 9. 15. & 23. 15.

12 Im enjel ken k'emen e ar jilil, im ar tue juōn mōtōn jilu al, im juōn mōtōn jilu aliñ, im juōn mōtōn jilu iju ko, bwe juōn mōtōn jilu iair ren marok, im bwe ran en jab romak iomin juōn mōtōn jilu ian, im bareinwōt boñ.

Isa. 13. 10. Amos 8. 9.

13 Im I ar lalē, im ij roñ juōn igōl ej kākī i mejatoto, im ej ba ilo aini-ken elap, Wo, wo, wo, ñon ro rej jokwe ion lōl, jen matōn ainiken jilil ko an enjel ro, re nañin jilil.

jap. 9. 12. & 11. 14. & 14. 6. & 19. 17.

### JAPTER 9.

**I**M enjel ken ka lailim e ar jilil, im I ar lo iju e wutlok jen lōñ ñon lōl; im ar lelok ñon e ki an roñ in abys eo.

Luk 8. 1. 31. jap. 8. 10. & 10. 18. & 17. 8. & 20. 1.

2 Im e ar kebellok roñ in abys eo, im ej wōnliñlok jen roñ eo bat einwōt bat in ubaj elap, im ar kamarok al im mejatoto kin bat in roñ eo.

Joel 2. 2. 10.

3 Im jen bat eo lokōs rej itok ion lōl; im ar lelok ñon ir maroñ einwōt maroñ eo iben marebep ko an lōl.

Eks. 10. 4. Eka. 7. 12.

4 Im ar ba ñon ir bwe ren jab kokkure ujojij in lōl, ak jabrewōt men eo emaroro, ak jabrewōt wijki, a ar-



mij wōt ro otemjej sil an Anij e jab llo dremair.

jap. 6. 6. & 7. 3. & 8. 7. Eks. 12. 23. Ezek. 9. 4.

5 Im ar lelok nōn ir bwe ren jab mōn ir, a bwe ren kaiñtan ir iomin lailim aliñ: im air kaiñtan ej einwōt iñtan jen marebep ke ej wie armij.

jap. 11. 7.

6 Im ilo ran ko armij re naj kabukot mij, im re janin loe; im re naj kanuij kōnan bwe ren mij, im mij ej ko jen ir.

Job 3. 21. Isa. 2. 19. Jer. 8. 3. jap. 6. 16.

7 Im wāwen lokōs ko ej einwōt ors ko emwij kapoj ir nōn tōrinae, im ion bōrair einwōt belir gold, im turin mejeir einwōt turin mejen armij.

Joel 2. 4. Nah. 3. 17. Dan. 7. 8.

8 Im kolair ej einwōt kolan bōran kōra rōn, im ñi ko ñiir einwōt ñiir laiōn.

Joel 1. 6.

9 Im ibeir kōrrep in ubeir einwōt kōrrep mal, im ainiken peir ej einwōt ainiken elōñ jariōt im ors ke rej tōr nōn tōrinae.

Joel 2. 5.

10 Im lok ko lokair rej einwōt lokōn marebep, im ken iri ko air, im kin lokair rej maroñ in kokkure armij iomin lailim aliñ.

11 Ej kiñ ioir enjel an abys eo, im etan ilo Hibru, Abaddōn, ak ilo Grik etan Apollyōn.

Ep. 2. 2.

12 Wo eo mokta emotelok: lo, bar ruo wo rej itok tokelik.

jap. 8. 13.

13 Im enjel ken ka jiljiño e ar jilil, im I ar roñ juōn ainiken jen drun ko an lokatok gold, ej iman mejen armij,

14 Juōn ej ba ñōn enjel ken ka jiljiño, jilil iben, Kwon kōtlok enjel ro emen lukwoj ir iturin river elap etan Upretis.

jap. 16. 12.

15 Im ar kōtlok enjel ro emen re pojōk ñōn auō, im ran, im aliñ, im yiō, bwe ren mōn juōn mōtōn jilu armij rōn.

16 Im oran dri tōrinae rej ion ors ko roñoul tausand alen joñoul tausand: I ar roñ orair.

Sam 68. 17. Ezek. 38. 4. jap. 7. 4.

17 Im ein drein I ar lo ors ko ilo visiōn eo, im ro r'ar jijōt ioir, im ibeir kōrrep ben ubeir einwōt kijeek im haiesinth im brimston: im bōran ors ko einwōt bōran laiōn; im jen loñir ej ilok kijeek im bat im brimston.

1 Kron. 12. 8. Isa. 5. 28, 29.

18 Kin men in kaiñtan kein jilu ar mōn juōn mōtōn jilu armij rōn, kin kijeek im bat im brimston, rej ilok jen loñir.

19 Bwe maroñ an ors ko ej ilo loñir kab ilo lokair. Bwe lokair rej einwōt serpent ko im eor bōran lokair; im rej kokkure kaki.

Isa. 9. 15.

20 Im armij ro jet, men in kaiñtan ko r'ar jab mōn ir, r'ar jab ukwelok ibeir jen jermal ko an peir, bwe ren jab kabuñ ñōn dimōu rōn, im ekjōp ko gold, im silver, im jilnibor, im dreka, im wijki re ban lo ak roñ ak etetal.

Dut. 31. 29. Sam 106. 37. & 115. 4. & 135. 15. Dan. 5. 23.

21 Im r'ar jab ukwelok ibeir jen air urōt ko ak mamir ko, ak lūñ, ak kwot ko.

jap. 22. 15.

## JAPTER 10.

**I**M I ar lo bar juōn enjel ekajur ej wōnlōltak jen lōñ, im nuknuk ko an kōro, im ila ion bōran, im turin mejen einwōt al, im neen einwōt jurōn kijeek ko.

Ezek. 1. 28. Mat. 17. 2. jap. 1. 15, 16.

2 Im iben, ilo pein, buk erik im ebellok; im e ar likit neen anbij-marōñōn ion lometo, im neen anmiñin ion ene;

Mat. 28. 18.

3 Im e ar lamij ilo ainiken elap, einwōt ke laiōn ej rorrer: im ke emwij au lamij, jōruk ko jiljilimjuōn r'ar kwalok ainikeir.

jap. 8. 5.

4 Im ke jorur ko jiljilimjuōn r'ar

konono, I nañin jeji : im I ar roñ ainiken jen lōñ ej ba, Kwon sil men ko juror ko jiljilimjuōn r'ar ba im jab jeji.

Dan. 12. 4.

5 Im enjel eo I ar loē im ej jutōk ion lometo im ion ene, e ar kwotōke pein anbijmaroñōn ñōn lōñ,

Eks. 6. 8. Dan. 12. 7.

6 Im e ar kanōjnij kin Eoej mour in drio im in drio, Eo e ar kōmōn-mōn lōñ kab men ko iloan, im lōl kab men ko iloan, im lometo kab men ko iloan, bwe e jamin bar eor kōtar :

Neh. 9. 6. jap. 4. 11. & 16. 17.

7 A ilo ran ko an ainiken enjel ken ka jiljilimjuōu ñe e nañin jilil, men eo etino an Anij ej jejit, einwōt E ar kwalok nan emōn ñōn ro dri korijeran, ro dri kanan.

jap. 11. 15.

8 Im ainiken eo I kar roñ jen lōñ, ij bar roñjake ke ej konono iba, im ba, Kwon ilok, im bōk buk eo ebelok ej ilo pein enjel eo ej jutōk ion lometo im ion ene.

9 Im I ar ilok ñōn iben enjel eo, im ba ñōn e, Kwon letok buk ne erik. Im ej ba ñōn iō, Kwon bōk e im kōñe, im e naj kemeo lojiōm a ilo loñōm e naj tōñōl einwōt hōnni.

Jer. 15. 16. Ezek. 2. 8. & 3. 1-3.

10 Im I ar bōk buk eo erik jen pein enjel eo im kōñe, im e ar ilo loñiō etñōl einwōt hōnni, im ke I ar kōñe emwij kemeo lojiō.

11 Im ej ba ñōn iō, Emōn kwon bar drikanij kin elōñ driloabjen, im allifñ, im konono, im kiñ.

### JAPTER 11.

**I**M ar letok ñōn iō koba einwōt alal, im juōn ej ba, Kwon jutōk, im joñe tempel an Anij, im lokatok, im ro rej kabuñ ilo e.

Ezek. 40. 3. Zek. 2. 1. jap. 21. 15.

2 Im iloan worwor eo ej inabij in tempel, kwon likit e im jab joñe ; bwe emwij lelok ñōn ro dri allifñ, im re naj juri jikin kwelok ekwojarjar iomin eñoul im ruo alifñ.

Ezek. 40. 17, 20. Sam 79. 1. Luk 21. 24. jap. 13. 5.

3 Im I naj lelok ñōn Aō dri ken-nan ruō, im re naj drikanij iomin juōn tausand rubuki im jiljinoñoul ran, im nuknuk ko air nuknuk kol.

jap. 12. 6. & 19. 20. & 20. 4.

4 Rein rej ruo wijki oliv, im ruo jikin lamp rej jutōk iman mejen Iroj in lōl.

Sam 52. 8. Zek. 4. 3, 11, 14.

5 Im elañe jabrewōt armij e kōnan kokkure ir, kijeek ej ilok jen loñir, im kōñi ro dri kijirāte ir. Im elañe jabrewōt armij e kōnan kokkure ir, ein drein emōn mōn e.

2 Kin 1. 10, 12. Jer. 5. 14.

6 Ibeir maroñ in killi lōñ bwe en jab wut iomin ran ko an drikanij eo air, im maroñ ibeir ion dren ko, bwe ren kōmōn ir erom bōtōktōk, im bwe ren mōn lōl kiu jabrewōt men in kaññtan, emakijki einwōt air kōnan.

1 Kin 17. 1. Jem. 5. 17. Eks. 7. 19.

7 Im ñe re naj kamwijlok air ken-nan, kiru awia eo ej wōñliñtok jen abys eo, e naj tōrinaek ir, im naj mōn ir.

jap. 9. 2. & 13. 1. & 17. 8. Dan. 7. 21.

8 Im ubeir rej ber ilo ial in jikin kwelok elap, eo naetan ekar ñōn jītōb, Sodōm im Ijīpt, ijo emwij bareinwōt dreball air Iroj ie.

jap. 14. 8. Hib. 13. 12.

9 Im armij jen driloabjen ko, im bwij ko, im konono ko, im allifñ ko, rej aluij ubeir iomin jilu im jibilukwōn ran, im jab likit bwe ren kalibwīn ir ilo lūp.

Sam 79. 2, 3.

10 Im ro rej jokwe ion lōl rej lōñliñ ioir im mōnōnō ; im re naj jilkinlok men in lelok ko ñōn dron, bwe dri kanan reinro, re kar kaññtan ro rej jokwe ion lōl.

jap. 12. 12. Est. 9. 19.

11 Im elikin jilu im jibilukwōn ran, menonōn mour jen Anij ej dreloñtok ilo ir, im rej jutōk kin neir, im leññōñ elap e ar buñ ion ro r'ar lo ir.

Ezek. 37. 5, 9, 10, 14.

12 Im r'ar roñ ainiken elap jen

lōñ, im ej ba ñōn ir, Komin wōn-liñtok iji. Im r'ar wōnliñflok ñōn lōñ ilo kōro, im ro air dri kijirāt r'ar lo ir.

jap. 12. 5. Jerb. 1. 9. 2 Kin 2. 1, 5, 7.

13 Im ilo auō eo elap an lōl makōtkit, im juōn mōtōn joñoul jikin kwelok elap e ar buñ; im ilo an lōl makōtkit eo, remij armij jiljilimjuōn tausān: im rojet rej leñōñ, im lelok aibujulj ñōn Anij in lōñ.

jap. 3. 4. & 6. 12. & 16. 19. Jos. 7. 19. jap. 14. 7. & 15. 4.

14 Wo ken ka ruo emotelok: lo, wo ken ka jilu e mōkōjtok.

jap. 8. 13. & 9. 12. & 15. 1.

15 Im enjel ken ka jiljilimjuōn e ar jilil, im eor ainiken relap ilo lōñ rej ba, Ailiñ an lōl emwij an erom ailiñ an am Iroj, im an Kraist eo An, im E naj kiñ in drio im in drio.

Isa. 27. 13. jap. 12. 10. & 16. 17. & 19. 6. Dan. 2. 44. & 7. 14, 18, 27.

16 Im elder ro roñoul im emen rej jljōt ion tron ko air iman mejen Anij, r'ar buñbero im kabuñ ñōn Anij,

jap. 4. 4.

17 Im ba, Kim kamolol Yuk O Iroj Anij ekajur otem kajur, Kwoj kiō im ar mokta, bwe Kw'ar bōk ana kajur elap im kw'ar kiñ.

jap. 1. 4. & 4. 8. & 16. 5. & 19. 6.

18 Im dri ailiñ ko r'ar illu, im e ar itok Am illu, im ien ekajet ro remij, im ien lelok jenekij ko air ñōu ro dri korijerōm dri kanan, im ñōu ro remōn, im ñōn ro rej mijōk etōm, ro redrik im ro relap; im kōkkure ro rej kōkkure lōl.

Dan. 7. 10. jap. 6. 10. & 13. 10. & 18. 6. & 19. 5.

19 Im ar kebellok tempel in Anij ilo lōñ, im ar lo dipdip in bujen eo An ilo An tempel, im eor jarom ko, im ainiken ko, im jorur ko, im an lōl makōtkit, im wut rebin im relap.

jap. 8. 5. & 15. 5. & 16. 18, 21.

## JAPTER 12.

**I**M ar lo kakōle elap ilo lōñ; juōn kōra naballin kin al, im aliñ iomin neen, im ion bōran belin joñoul im ruo iju;

2 Im ej bōroro, im ej lamij ilo an iñtan im metōk bwe en keutak.

Isa. 66. 7. Gal. 4. 19.

3 Im ar lo bar juōn kakōle ilo lōñ; im lo, drakon ekilmir im elap, im iben jiljilimjuōn bōran im joñoul drun, im ion bōran ko jiljilimjuōn belin.

jap. 13. 1. & 17. 3, 9, 10.

4 Im lokōn ej lekake juōn mōtōn jilu iju in lōñ, im ar julok ñōn lōl. Im drakon eo ej jutōk iman kōra eo e nañin keutak, bwe fie emwij an keutak en kōñ nejin.

jap. 9. 10, 19. & 17. 18. Dan. 8. 10. Eka. 1. 16.

5 Im lio e ar keutak nejin eman, Eo e naj iroj ion ailiñ otemjej kin māl wāwen alal. Im ar bokliñlok nejin ñōn Anij im ñōn tron eo An.

Sam 2. 9. jap. 2. 27. & 19. 15.

6 Im kōra eo e ar ko ilujen ene jemaren, ijo emwij kapoj jikin te kin Anij, bwe ren najirik e ijo iomin juōn tausān rubuki im jiljinoñoul ran.

jap. 11. 3.

7 Im r'ar tōrinae ilo lōñ, Maikeel im enjel ro an r'ar tōrinaek drakon eo; im drakon e ar tōrinae im enjel ro iben:

Dan. 10. 18, 21. & 12. 1. jap. 20. 2.

8 Im r'ar jab anjo, im ar jab bar lo jikiir ilo lōñ.

9 Im ar jolok drakon eo elap, serpent e ridto, naetan devil im Setan, eo ej moni aolepen lōl, ar jolok e ñōn lōl, im ar jolok enjel ro an na iben.

Luk 10. 18. Jon 12. 31. Jen. 3. 1, 4. jap. 9. 1. & 20. 2, 3.

10 Im I ar tōñ ainiken elap ilo lōñ, im ej ba, Kiō emwij an itok lomor, im maroñ, im ailiñ an am Anij, im kajur an Kraist eo An, bwe emwij jolōllok dri kinaklok ro jeim im jätim, eo ej kinaklok ir iman am Anij ran im boñ.

jap. 11. 15. & 19. 1. Job 1. 9. & 2. 5. Zek. 3. 1.

11 Im r'ar bōk anjo ion kin bōtōk-tōkin Lam, im kin nan in air ken-nan: im r'ar jab yokwe air mour ñōn mij.

Rom 8. 33, 34. & 16. 20. Luk 14. 26.

12 Kin men in komiñ lōñliñ, O

lōñ ko, im komeo komij jokwe iloir. Wo ñōñ ene im lometo: bwe devil e ar wōñlōlwoj ñōñ kom, im elap an illu, bwe e jela jirik wōt ien iben.

Sam 96. 11. Isa. 49. 13. jap. 8. 13. & 10. 6. & 18. 20.

13 Im ke drakon e ar lo bwe jolōllok e ñōñ lōl, e ar matōrtōre kōra eo, e kar keutak nejin eman.

14 Im ar lelok ñōñ kōra ruo pein igōl elap, bwe en kākī ilujen ene jemaren, ijo najirik e ie iomīn ien, ien ko, im jibilukwōn ien, jen mejen serpent eo.

Eks. 19. 4. jap. 17. 3. Dan. 7. 25. & 12. 7.

15 Im serpent eo e ar jolok jen loñin alikin kōra dren einwōt river, bwe en kinōrlok e kin river eo.

Isa. 59. 19.

16 Im lōl ej jibōñ kōra eo, im lōl e ar walōñi loñin, im wōrōñlok river eo drakon e ar jolok jen loñin.

17 Im drakon eo e ar kalaplok illu ñōñ kōra, im e ar ilen tōrinaek bween inen, ro rej kejbārok kien ko an Anij, im kennan an Jisōs ibelr:

Jen. 3. 15. jap. 11. 7. & 14. 12. & 20. 4. 1 Jon 5. 10.

### JAPTER 13.

**I**M ej jutōk ion bok in lometo. Im I ar lo kiru awia ej walokliñlok jen lometo, im iben joñoul drun im jiljilimjuōn bōran, im ion drun ko joñoul kraun, im ion bōr ko āt nan in blaspim.

Dan. 7. 2, 7. jap. 12. 3. & 17. 3.

2 Im kiru eo I ar loe ej einwōt leopard, im neen einwōt neen bear, im loñin einwōt loñin laiōn. Im drakon eo ej lelok ñōñ e an kajur, an tron, im maroñ elap.

Dan. 7. 4-6. jap. 12. 4, 9. & 16. 10.

3 Im I ar lo juōn ian bōran ko einwōt emwij kakōnijij e bwe en kar mij. Im e ar mour jen kinij eo kinjen mij. Im aolepen lōl ej bwilōñ elikin kiru eo;

jap. 13. 12, 14. & 17. 8.

4 Im rej kabuñ ñōñ drakon eo, bwe e ar lelok maroñ ñōñ kiru eo; im r'ar kabuñ ñōñ kiru, im ba,

Wōn ej einwōt kiru eo? im wōn ej maroñ in tōrinaek e?

Jap. 18. 18.

5 Im ar lelok ñōñ e loñin ej ban ko relap im blaspim; im ar lelok ñōñ e maroñ bwe en berwōt iomīn eñoul im ruo aliñ.

Dan. 7. 8, 11, 25. & 11. 36. jap. 11. 2. & 12. 6.

6 Im e ar walōñi loñin bwe en blaspim Anij, im blaspim etan, im mweo imōn, aet ro rej jokwe ilo lōñ.

Jon 1. 14. Kol. 2. 9.

7 Im ar lelok ñōñ e bwe en tōrinaek ro remōn, im bōk anjo loir, im ar lelok ñōñ e maroñ ion bwij, im driloabjen, im konono im allīñ otemjelok.

Dan. 7. 21. jap. 11. 7, 18. & 12. 17. & 17. 15.

8 Im ro otemfej rej jokwe ion lōl re naj kabuñ ñōñ e, jabrewōt eo ar jab jeje etan ilo buk in mour an Lam eo, emwij mōn E, jen jinoin kōmōnmōn lōl.

Eks. 32. 32. Dan. 12. 1. jap. 3. 5. & 17. 8.

9 Elañe lojiliñin iben jabrewōt en roñjake.

jap. 2. 7.

10 Elañe jabrewōt armij ej ñōñ jebokwe, ej ilok ñōñ jebokwe: elañe jabrewōt armij e naj mōn kin jāji, ren mōn e kin jāji. Ijin kijenmij im tōmak an ro remōn.

Isa. 33. 1. Jen. 9. 6. Mat. 26. 52. jap. 14. 12.

11 Im I ar lo bar juōn kiru ej walokliñlok jen lōl; im iben ruo drun einwōt lam, im ej konono einwōt drakon.

jap. 11. 7.

12 Im ej kōmōn kin aolepen maroñ in kiru mokta iman mejen. Im ej kōmōn bwe lōl im ro rej jokwe ion ren kabuñ ñōñ kiru mokta, eo e kar mour jen kinij in mij eo aj.

13 Im ej kōmōn men in bwilōñ ko relap, im ej kōmōn bwe kijeek en wonlōtak jen lōñ ñōñ lōl iman mejen armij rōn.

Mat. 24. 24. jap. 16. 14. 1 Kin 18. 38. 2 Kin 1. 10, 12.

14 Im ej moni ro rej jokwe ion lōl kin men in bwilōñ ko, emwij lelok

ñõn e bwe en kõmõni iman mejen kiru eo, im ej ba ñõn ro rej jokwe ion lõl, bwe ren kõmõn men in e ñõn kiru eo emwij jebõke kin jãji im ej mour.

jap. 12. 9. & 19. 20. 2 Tes. 2. 9, 10. 2 Kın 20. 7.

15 Im ar lelok ñõn e bwe en lelok menono ñõn men in e in kiru eo, bwe men in e in kiru en konono, im kõmõn bwe ren mõn ro otemjej re jab kabuñ ñõn men in e in kiru eo.

jap. 16. 2. & 19. 20. & 20. 4.

16 Im ej kõmõn kin armij otemjej, ro redrik im ro relap, ro dri mweie im ro dri jeramel, ro anemkwojair im ro dri kamakoko, bwe ren lelok ñõn ir kakõlen ion pein anbijmaro-ñir ak ion dremair;

jap. 14. 9.

17 Im bwe ejelok armij en maroñ in wiaik ak wiakake, elañe e jab iben kakõlen, aet, etan kiru eo, ak oran etan.

jap. 14. 11. & 15. 2.

18 Ijin ej meletlet. Eo jelalokjen iben e bwini oran kiru eo; bwe ej oran armij: im oran ej jiljinobuki jiljinofoul im jiljino.

jap. 15. 2. & 17. 9. & 21. 17.

#### JAPTER 14.

**I**M I ar lale, im lo, Lam ej jutõk ion tol Zalõn, im iben jibuki eñoul im emen tausand, emwij jeje etan im etan Jemen ion dremair.

jap. 5. 6. & 7. 3. & 13. 16.

2 Im I ar roñ ainiken jen lõñ einwõt ainiken elõñ dren ko, im einwõt ainiken juror elap: im ainiken eo I ar roñjake ej einwõt ro dri harp rej harp kin harp ko air:

jap. 1. 15. & 5. 8. & 19. 6.

3 Im rej al einwõt kin al ekål iman tron eo, im iman men in mour ko emen, im elder ro: im ejelok armij ej maroñ in katak al eo, a jibuki eñoul im emen tausand wõt, ro emwij wiaik ir jen lõl.

jap. 5. 9. & 15. 3.

4 Rein ro r'ar jab etton iben kõra rõn bwe rej virjin. Rein ro rej lor Lam eo ijo jabrewõt Ej etal ie.

Rein emwij wiaik ir jen ian armij ro, einwõt jomõkõj ñõn Anij im ñõn Lam.

2 Kor. 11. 2. jap. 3. 4. & 7. 17. & 17. 14. Jem. 1. 18.

5 Im ilo loñir ar lo ejelok riõp, ak ejelok notair.

Sam 32. 2. Zep. 3. 13. Jud 24.

6 Im I ar lo bar juõn enjel ej kãki i mejatoto, im iben gospel ej in drio, bwe en kwalok e ñõn ro rej jokwe ion lõl, im ñõn ailifñ im bwij im konono im driloabjen otemje-  
lok;

jap. 8. 13. Ep. 3. 9-11. Tatt. 1. 2.

7 Im ej ba ilo ainiken elap, Komin mijõk Anij im lelok aibujuij ñõn E, bwe auõ in ekajet eo An e mottok: im komin kabuñ ñõn Eo e ar kõmõnmõn lõñ, im ene, im lo-meto, im un ko unin dren.

jap. 11. 18. Neh. 9. 6. Jerb. 14. 15.

8 Im bar juõn enjel ken ka ruo e ar lore im ba, Ebuñ, ebuñ Babilõn elap, eo e ar kairak ailifñ otemjej kin wain in illu in lõñ eo an.

Isa. 21. 9. Jer. 51. 8. jap. 11. 8. & 16. 19. & 17. 5. & 18. 2, 3, 10, 18, 21.

9 Im bar juõn enjel, ken ka jilu, e ar lor irro, im ba ilo ainiken elap, Elañe jabrewõt armij ej kabuñ ñõn kiru eo, im men in e an, im bõk kakõlen eo ion dremõn ak pein,

jap. 13. 14, 15, 16.

10 E naj irak wain in illu an Anij emwij kapoj im jab kãreike ilo kõp in illu eo An, im naj kaifñtan e kin kijeek im brimston iman mejen enjel ro, im iman mejen Lam.

Sam 75. 8. Isa. 51. 17. Jer. 25. 15. & 18. 6. jap. 16. 19. & 19. 20. & 20. 10.

11 Im bat in iñtan eo air ej wõn-liñlok in drio im in drio, im ejelok kakije ibeir ran ak boñ, ro rej kabuñ ñõn kiru eo, im men in e an, im ro jabrewõt rej bõk kakõlen etan.

Isa. 34. 10. jap. 19. 3.

12 Ijin kijenmij an ro remõn, ro rej kejbãrok kien ko an Anij im tõmak Jisõs.

jap. 3. 10. & 12. 17.

13 Im I ar roñ ainiken jen lõñ, im ej ba, Kwon jeje, Emõnõnõ ro re-

mij, ro rej mij ilo Iroi jen ien in, Aet, Jitōb ej ba, bwe ren kaki je jen jerbal ko air; bwe jerbal ko air rej lorlok ir.

Ekl. 4. 1. 2. jap. 20. 6. 1 Kor. 15. 18. 1 Tes. 4. 16. jap. 6. 11.

14 Im I ar lale, im lo, kōro emouj; im ion kōro eo juōn ej jijōt einwōt Nejin armij, im ion bōran belin gold, im ilo pein sikel ekōñ.

Ezek. 1. 26. Dan. 7. 13. jap. 1. 13. & 6. 2.

15 Im bar juōn enjel e ar drioijt tok jen tempel eo, im ej lamij ilo ainiken elap ñōn Eo ej jijōt ion kōro eo, Kwon jilkinlok sikel ne am im marmir, bwe auō in marmir e motok, im jonikōn lōl e mōnōknōk.

Joel 3. 13. Mat. 13. 39. Jer. 51. 33.

16 Im Eo ej jijōt ion kōro, e ar jolok sikel eo An na ion lōl, im ar marmir lōl.

17 Im bar juōn enjel e ar drioijt tok jen tempel eo ej ilo lōñ, im bareinwōt iben sikel ekōñ.

18 Im bar juōn enjel e ar drioijt tok jen lokatok eo, im iben maroñ ion kijeek, im e ar lamij ilo ainiken elap ñōn eo sikel ekōñ iben, im ba, Kwon jilkinlok sikel ne am ekōñ, im ain worwor in vain in lōl; bwe grep ko an re kalo.

jap. 16. 8. Joel 3. 13.

19 Im enjel eo e ar jolok an sikel na ion lōl, im ain vain in lōl im jolok e na ilo ken joniōk wain elap eo an Anij illu.

jap. 19. 15.

20 Im ar juri ken joniōk wain eo ilikin jikin kwelok, im bōtōktōk e ar torlok jen ken joniōk wain, ñōn ken drebij ors ko ilo juōn tausan im jiljino buki fōrloñ.

Isa. 63. 3. Jon. 1. 15. Hib. 13. 12. jap. 11. 8. & 19. 14.

### JAPTER 15.

**I**M I ar lo ilo lōñ bar juōn kakōle elap im men in bwilōñ, jiljilimjuōn enjel, im ibeir jiljilimjuōn men in kaññtan ko eliktata, bwe ilo ir kajemlok illu an Anij.

jap. 12. 1. 3. & 14. 10. & 16. 1. & 21. 9.

2 Im I ar lo einwōt lometo in glass käreike kin kijeek; im ro r'ar bōk

anjo ion kiru eo im ion men in e an, im ion oran etan, im rej jutōk ion lometo in glass, im ibeir harp ko an Anij.

Mat. 3. 11. jap. 4. 6. & 5. 8. & 13. 15-17. & 14. 2.

3 Im rej al kin al in Moses dri korijeran Anij, im kin al in Lam eo, im ba, Relap im men in bwilōñ ko, men in kōmōn ko Am, O Iroi, Anij ekajur otem kajur. Rewānik im remol ial ko Am, Kweo kiñ in ailñ ko.

Eks. 15. 1. Dut. 31. 30. & 32. 4. Hoq. 14. 9. jap. 16. 7.

4 Wōn e jamin mijōk, O Iroi, im kaibujuij etōm, bwe Kwe wōt kwo kwojarjar: bwe dri ailñ otemjej re naj itok im kabuñ iman mejōm, bwe emwij kalikar kōmōn ko Am rewānik.

Eks. 15. 14-16.

5 Im elikiu men kein I ar lo, im ar kebellok tempel in imōn kenan ilo lōñ:

Bwin. 1. 50. jap. 11. 19.

6 Im r'ar drioijt tok jen tempel eo jiljilimjuōn enjel ro im ibeir jiljilimjuōn men in kaññtan ko, im naballir kin linen erreō im rabōlbōl, im kaññōrñōr ir ion tiir kin kōñōr gold.

Ezek. 28. 6, 8. & 44. 17. jap. 1. 13.

7 Im juōn ian men in mour ko emen e ar lelōk ñōn enjel ro jiljilimjuōn jiljilimjuōn jābi gold, relōn kin illu an Anij ej mour in drio im in drio.

jap. 4. 6, 9. & 10. 6.

8 Im tempel eo e ar obrōk kin bat jen aibujuij an Anij, im jen An kajur; im ejelok en ej maroñ in dreloñ na iloan tempel mokta jen naj kajemlok men in kaññtan ko jiljilimjuōn an enjel ro jiljilimjuōn.

Eks. 40. 34. 1 Kin 8. 10. Isa. 6. 4.

### JAPTER 16.

**I**M I ar roñ ainiken elap jen tempel eo, im ej ba ñōn enjel ro jiljilimjuōn, Komin ilok im lutōk jābi kōn jiljilimjuōn in illu an Anij ion lōl.

jap. 14. 10. & 15. 1, 7.

2 Im eo mokta e ar ilok im lutōk

an jābi ion lōl: im kinij enana im men in kemtōk, e ar walok ion armij ro, kakōlen kiru eo ej ioir, im rej kabuñ ñōn men in e an.

jap. 8. 7. & 13. 14-17. Eks. 9. 9-11.

3 Im ken ka ruo e ar lutōk an jābi ion lometo, im e ar erom bōtōktōk, einwōt jen ubōn armij emij, im men in mour ko otemjej ilo lometo r'ar mij.

jap. 8. 8. Eks. 7. 17, 20.

4 Im ken ka jilu e ar lutōk an jābi ion river ko, im ion un ko uuin dren, im r'ar erom bōtōktōk.

jap. 8. 10. Eks. 7. 20.

5 Im I ar roñ enjel in dren ko, im ej ba, Kwo wānik, Kwe kwoj kiō im Kwoj mokta, Kweo ekwojarjar, bwe kw'ar ekajet ein drein:

jap. 1. 4. & 15. 3.

6 Bwe r'ar katorlok bōtōktōk in ro remōn im ro dri kanan, im Kw'ar lelok ñōn ir bōtōktōk bwe ren ilimi: eor rueir kake.

Mat. 23. 34, 35. jap. 11. 18. & 13. 15. & 18. 20. Isa. 49. 26.

7 Im I ar roñ lokatok eo ej ba, Aet, O Iroj Anij ekajur otem kajur, remol im rewānik ekajet ko Am.

jap. 15. 3. & 19. 2.

8 Im ken k'emen e ar lutōk an jābi ion al: im ar lelok ñōn e bwe en kabwil armij ilo kijeek.

jap. 8. 12. & 9. 17.

9 Im ar kabwil armij ro kin bwil elap, im r'ar blaspim etan Anij eo iben maroñ ion men in kaiñtan kein; im r'ar jab ukwelok ibeir bwe ren lelok albujujij ñōn E.

Dan. 5. 23. jap. 11. 13.

10 Im ken ka lailim e ar lutōk an jābi ion tron in kiru eo; im ailiñ eo an e ar marok, im r'ar me loir kin air metōk,

jap. 9. 2. & 11. 10. & 13. 2.

11 Im r'ar blaspim Anij in lōn kin iñtan ko air, im kin air kinij, im r'ar jab ukwelok ibeir jen kōmōn ko air.

12 Im ken ka jiljino e ar lutōk an jābi ion river elap, etan Eupretis; im dren eo an e ar roj, bwe en pōk ial in kiñ ro rej itok jen tak al.

jap. 9. 14. Isa. 41. 2.

13 Im I ar lo jen loñin drakon eo, im jen loñin kiru eo, im jen loñin dri kanan riōp, jilu jītōb r'ōtton einwōt frog:

1 Jon 4. 1. jap. 12. 3. & 19. 20. & 20. 10.

14 Bwe rej jītōb an dimōn ro rej kōmōn men in bwilōñ ko, im rej ilok ñōn iben kiñ ro an aolepen lōl, bwe ren kokweloklok ir ñōn tōrinae in ran elap, ran in Anij ekajur otem kajur.

1 Tim. 4. 1. jap. 13. 14. & 19. 20. & 17. 14. & 19. 19. & 20. 8.

15 (Lo Ij iwiw einwōt dri kwot. Emōnōñ eo ej ekil im drebij nuk-nuk ko an, bwe en jab etetal im kelwan, im rej lo an jok.)

Mat. 24. 48. 1 Tes. 5. 2. jap. 3. 3, 18. 2 Kor. 5. 3.

16 Im r'ar kokweloklok ir ñōn jikin eo naetan ilo Hibru, Armagedōn.

jap. 19. 19.

17 Im ken ka jiljilimjuōn e ar lutōk an jābi ion mejatoto, im ainiken elap e ar waloktok jen tempel, im jen tron eo, im ej ba, Emwij:

jap. 21. 6.

18 Im eor jarom, im ainiken, im jorur, im elap an lōl makōtkit, bwe jen ke armij r'ar ber ion lōl ejelok an lōl makōtkit elap einwōt im rer drein.

jap. 4. 5. Dan. 12. 1.

19 Im jikin kwelok eo elap e ar jibil ilo jilu mōtōn, im jikin kwelok ko an alliñ ko r'ar buñ: im ar kememej Babilōn elap iman mejen Anij, bwe en lelok ñōn e kōp in wain in illu e bwil eo An.

jap. 14. 8, 10. & 17. 18. & 18. 5.

20 Im ailiñ otemjej r'ar ko, im ar jab lo tol ko.

jap. 6. 14.

21 Im wut ebin, elap einwōt talent, e ar wutlok jen lōñ ion armij rōn: im armij r'ar blaspim Anij kin men in kaiñtan an wut ebin, bwe men in kaiñtan eo an e kanuij lap.

jap. 11. 19. Eks. 9. 23-25.

## JAPTER 17.

IM juōn ian enjel ro jiljilimjuōn, ibeir jiljilimjuōn jābi ko, e ar

itok im konono iba, im ba, Kwon  
itok iji im I naj kwalok ñon yuk  
ekajet kōra ekijoñ elap eo ej jijōt  
ion elōñ dren ko:

jap. 16. 19. & 19. 2. & 21. 9. Nah. 3. 4. Jer.  
51. 13.

2 Eo kiñ ro an lōl r'ar lūñ iben,  
im ro rej jokwe ion lōl r'ar karek  
kin wain in lūñ eo an.

jap. 18. 3. Jer. 51. 7. jap. 14. 8. & 18. 3.

3 Im e ar bōklok iō ilo Jitōb ñon  
ene jemaren: im I ar lo juōn kōra  
ej jijōt ion kiru ejurjur eobrōk kin  
āt ko āt in blaspm, im iben jiljil-  
imjuōn bōran im joñoul drun.

jap. 12. 3, 6, 14. & 13. 1.

4 Im kōra eo ej kōñōk nuknuk ko  
eōij im ejurjur, im e litlit kin gold,  
im dreka aurōk, im bōr ko, im ilo  
pein kōp gold elōñ kin men in jō-  
jōik ko, im men ko r'ōtton in lūñ  
eo an,

Dan. 11. 38. Jer. 51. 7. jap. 14. 8. & 18. 6,  
12, 16.

5 Im ion dremōn emwij jeje etan,  
**MEN EO ETINO, BABILON**  
**ELAP, JINEN KōRA REKI-**  
**JOÑ IM MEN IN JōJōIK KO**  
**AN LōL.**

2 Tes. 2. 7. jap. 18. 9. & 19. 2.

6 Im I ar lo kōra eo ekarek kin  
bōtōktōkin ro remōn, im kin bōtōk-  
tōkin ro dri kennan an Jisōs. Im  
ke I ar lo e I ar kanuij bwilōñ  
kake.

jap. 16. 6. & 18. 24.

7 Im enjel eo e ar ba ñon iō, Etke  
kw'ar bwilōñ? I naj kennanek  
yuk men eo etino an kōra eo, im  
kiru eo ej jijōt ion, iben jiljilimjuōn  
bōran ko im joñoul drun ko.

8 Kiru eo kw'ar loe e ar ber, im ej  
jab kiō, im e nañin wōnlōñtok jen  
abys eo, im ej ilok ñon kokkure e.  
Im ro rej jokwe ion lōl re naj bwi-  
lōñ, ro ar jab jeje etair ilo buk in  
mour jen jinoin kōmōnmōn lōl, ñe  
rej lo kiru eo bwe e ar ber, im ej jab  
kiō, im e naj itok.

jap. 11. 7. & 13. 3, 8, 10.

9 Ijin lolātāt eo meletlet iben.  
Jiljilimjuōn bōran ko rej jiljilim-  
juōn tol kōra eo ej jijōt iō.

jap. 13. 1, 18.

10 Im rej jiljilimjuōn kiñ. Lai-  
lim r'ar buñ, juōn ej ber, eo juōn e  
jañin itok, im ñe ej itok e naj ber  
jirik ien.

11 Im kiru eo, e ar ber, im ej jab  
kiō, e in ken ka drualitōk, im ej  
jen jiljilimjuōn ko, im ej ilok ñon  
kokkure e.

12 Im joñoul drun ko kw'ar loi,  
rej joñoul kiñ re jañin bōk air ailiñ,  
a rej bōk maroñ einwōt kiñ iben  
kiru eo, iomin juōn auō.

Dan. 7. 20. Zek. 1. 18-21. jap. 13. 1.

13 Rein juōn wōt bebe ibeir, im  
rej lelok air maroñ im kajur ñon  
kiru eo.

14 Rein re naj tōrinaek Lam eo,  
im Lam e naj bōk anjo ioir, bwe Ej  
Iroiñ in iroiñ ro, im Kiñ an kiñ ro,  
im ro iben re naj barelnwōt bōk  
anjo, ro dri kir, ro ar kålet ir, im  
retiljek.

jap. 16. 14. & 19. 16. Dut. 10. 17. 1 Tim. 6. 15.

15 Im ej ba ñon iō, Dren ko kw'ar  
loi ijo kōra ekijoñ ej jijōt ie, rej dri-  
loabjen ko, im jar ko relap, im ailiñ  
ko, im konono ko.

Isa. 8. 7. jap. 13. 7.

16 Im drun ko joñoul kw'ar loi,  
im kiru eo, re naj kijirāte kōra eki-  
joñ eo, im re naj kōmōn bwe en  
mōke ian im kelwan, im re naj  
kōñ kōniekin, im naj kanuij tile  
ilo kijeek.

Jer. 50. 41, 42. Ezek. 16. 37-44. jap. 18. 8, 16.

17 Bwe Anij e ar likit ilo burueir  
bwe ren kōmōnmōn ankil an, im  
bwe en juōn bebe ibeir, im bwe ren  
lelok air ailiñ ñon kiru eo mae ien  
naj jejit nan ko an Anij.

2 Tes. 2. 11. jap. 10. 7.

18 Im kōra eo kw'ar loe ej jikin  
kwelok elap eo, ej kiñ ion kiñ ro  
an lōl.

## JAPTER 18.

**E**LIKIN men kein, I ar lo bar  
juōn enjel ej wōnlōltak jen  
lōn, im maroñ elap iben, im lōl e ar  
maramlok kin an aibujuij.

jap. 17. 1. Ezek. 43. 2.

2 Im e ar lamij ilo ainiken ekajur,  
Ebuñ, ebuñ, Babilōn elap, im ej



imōn dimōn ro, im jikin jabrewōt  
bao etton im kakitōtō.

jap. 14. 8. Isa. 13. 21. & 34. 14. Jer. 50. 39. &  
51. 37. Mark 5. 2.

3 Bwe dri ailiñ otemjej r'ar buñ  
kin air irak jen wain in illu an lūñ  
eo an, im kiñ ro an lōl r'ar lūñ  
iben, im ro dru wia in lōl r'ar  
mweielok kin an draepe elap im  
enana.

jap. 14. 8. & 17. 2. Isa. 47. 15.

4 Im I ar roñ bar juōn alniken  
jen lōñ ej ba, Komin drioiytok jen  
e, armij ro Aō, bwe komin jab bōk  
mōtōn jerawiwi ko an, im bwe ko-  
min jab bōk jen men in kaiñtan ko  
an :

Isa. 48. 20. 2 Kor. 6. 17.

5 Bwe jerawiwi ko an r'ar tōbar-  
tok lōñ, im Anij e ar kememej  
nana ko an.

Jen. 18. 20, 21. Jer. 51. 9. Jona 1. 2. jap.  
18. 19.

6 Komin kōrrā ñōn e einwōt e ar  
kōrrā, im karuolok ñōn e ruo alen,  
ekar ñōn jerbal ko an. Ilo kōp eo  
e ar käreike, komin käreike ñōn e  
ruo alen.

Sam 137. 8. Jer. 50. 15, 29. & 51. 24, 49. 2 Tim.  
4. 14. jap. 13. 10. & 14. 10. & 18. 19.

7 Einwōt e ar kalbujuij e mōke im  
tūbloktōk e mōke, ein drein komin  
lelok ñōn e iñtan im buromōj, bwe  
ej ba ilo buruen, Ij jiyōt liroiñ im  
jab lio ejoko belen, im I jamin lo  
men in buromōj.

Ezek. 28. 2-3. Isa. 47. 7, 8. Zep. 2. 15.

8 Kin men in, ilo juōn ran, men  
ko men in kaiñtan e, mij, buromōj,  
im fiitta re naj itok, im naj kanuij  
tile kin kljeek. Bwe ekajur Iroiñ  
Anij eo E ar ekajete.

Isa. 47. 9. Jer. 50. 34. jap. 11. 17.

9 Im kiñ ro an lōl, r'ar lūñ im  
tūbloktōk ir mōke iben, re naj jōñ  
im liājloł kake, ñe rej lo bat in  
ururin,

Ezek. 28. 16, 17. jap. 17. 2. & 19. 3. Jer. 50. 46.

10 Im re jutōk etolok jen e kin air  
lelñōñ kin men in kaiñtan e, im ba,  
Wo, wo, jikin kwelok eo elap, Ba-  
bilōn, jikin kwelok eo ekajur, bwe  
ilo juōn auō ekajet yuk e ar itok.

jap. 14. 8.

11 Im ro dru wia in lōl rej jōñ im  
liājloł kake, bwe ejelok armij ej bar  
wiaik mweeluk ko air ;  
Ezek. 27. 36.

12 Mweeluk gold, im silver, im  
dreka aurōk, im bōr ko, im linen  
kworairik, im nuknuk eōij, im silk,  
im ejurjur, im wijki taiin otemjej,  
im jābi otemjej in aivori, im jābi  
otemjej in wijki e kanuij aurōk, im  
jinibor, im mal, im ajaj,

13 Im sinnemōn im spais, im kai-  
jurjur, im men in kabit, im frank-  
insens, im wain, im oil, im flauō  
kwerik, im wit, im kiru ko r'awie,  
im šip ko, im mweeluk ors ko, im  
jariōt ko, im ro dri kamokoko, im  
an armij rōn.

Ezek. 27. 13.

14 Im leen ko, am ej mōmkaki,  
remotelok jen kwe, im men ko am  
otemjej remātōk im rewōleo, re joko  
jen kwe, im armij re jamin bar loi.

15 Ro dru wia kin men kein, r'ar  
mweielok jen e, re naj jutōk etolok,  
bwe rej lelñōñ kin men in kaiñtan  
e, im naj jōñ im liājloł ;

16 Im ba, Wo, wo, jikin kwelok  
eo elap, e ar kōnōk nuknuk ko  
linen kworairik im eōij, im ejurjur,  
im litlit kin inōk gold, im dreka  
aurōk, im bōr ! bwe ilo juōn auō  
emwij kokkure aolepen mweeluk  
ko relap.

jap. 17. 4.

17 Im kapen otemjej kapen wa,  
im armij otemjej rej jerōk ijo ko ja-  
brewōt, im ro dri jerbal ion wa ko,  
im ro otemjej rej bōk air mour ion  
lometo, r'ar jutōk etolok jen e,

Ezek. 27. 29.

18 Im lamij ke r'ar lo bat in  
ururin, im rej ba, Jikin kwelok ot  
ej einwōt jikin kwelok eo elap ?

Ezek. 27. 30, 31.

19 Im r'ar jolok briñ ion bōrair,  
im lamij im jōñ im liājloł im ba,  
Wo, wo, jikin kwelok eo elap, ilo  
eo, ro otemjej eor wa ko lbeir ion  
lometo, r'ar mweielok kin mweeluk  
r'aurōk mweien ! Bwe ilo juōn  
auō emwij kejeebeplok e.

Jos. 7. 6. 1 Samuel 4. 12. Job 2. 12. Ezek.  
27. 30.

20 Komin lõñlifi ion, kwe lõñ im kom ro remõn, im kom ro dri kanan; bwe Anij e ar ekajete kin ami ekajet.

Jer. 51. 48. Luk 11. 49, 50.

21 Im juõn enjel ekajur e ar kwo-tõke dreka elap einwõt dreka in irir, im jolok e na ilo lometo, im ba, Ein drein kin buñ elap, Babilõn, jikin kwelok eo elap e naj jeebeplok, im re jamin bar lo e.

Jer. 51. 64.

22 Im re jamin bar roñ ilo kwe ainiken ro dri harp, ak ro rej al, ak ro rej kajõñjõñ flut, ak ro dri jilil; im re naj bar lo ilo kwe ejelok dri mejerik ilo jabrewõt jerbal; im re jamin bar roñ ilo kwe ainiken dreka in irir;

Isa. 24. 8. Jer. 25. 10. Ezek. 26. 13.

23 Im maram in lamp e jamin bar romak ilo kwe, im re jamin bar roñ ilo kwe ainiken ro rej belele; bwe ro dru wia am re kin irolj in lõl; bwe kin am marmir emwij mon dri ailifi ko otemjej.

Jer. 7. 34. & 16. 9. & 33. 11. Isa. 23. 8. 2 Kin 9. 22. Nah. 3. 4.

24 Im ilo e ar lo bõtõktõkin ro dri kanan, im ro remõn, im ro otemjej kar mõn ir ion lõl.

Jer. 51. 49.

## JAPTER 19.

**E**LIKIN men kein I ar roñ einwõt ainiken elap an jar elap ilo lõñ, rej ba, Alleluya; Lomor, im aibujulj, im kajur rej an amuij Anij;

Jap. 4. 11. & 7. 10. & 11. 15. & 12. 10.

2 Bwe remol im rewānik ekajet ko An, bwe E ar ekajet kõra ekijõñ eo elap, eo e ar kakõt lõl kin an lūñ, im E ar kajitõk bõtõktõkin ro dri korijeran jen pein kin irenwõne.

Dut. 32. 43. Jap. 6. 10. & 16. 7. & 18. 20.

3 Im rej bar ba, Alleluya. Im bat in an ej wõnlifilok in drio im in drio.

Isa. 34. 10. Jap. 14. 11. & 18. 9, 18.

4 Im elder ro roñoul im emen, im men in mour ko emen, r'ar buñ im

[Marshall Islands.] 12T

kabufi ñõn Anij eo Ej jijõt ion tron eo, im ba, Amen; Alleluya.

Jap. 4. 4, 6, 10. & 5. 14.

5 Im ainiken ej walok jen tron eo, im ba, Komin wijtake aruij Anij, kom ro dri korijeran, im ro rej mijõk E, ro redrik, im ro relap.

Sam 134. 1. & 135. 1. Jap. 11. 18.

6 Im I ar roñ einwõt ainiken jar elap, im einwõt ainiken elõñ dren ko, im einwõt ainiken jorur ko rekajur, im rej ba, Alleluya: bwe Troij amuij Anij, Dri ekajur otem kajur Ej kiñ.

Ezek. 1. 24. & 43. 2. Jap. 11. 15.

7 Jen lõñlifi im kanulj mõnõnõ, im lelok aibujulj ñõn E, bwe belele in Lam e ar itok, im lio belen e ar mõke kapoj e.

Mat. 22. 2. & 25. 10. 2 Kor. 11. 2.

8 Im ar lelok ñõn e bwe en kõnõk nuknuk ko linen kworairik rabõl-bõl im erreco, bwe linen kworairik ej kwojarjar ko an ro remõn.

Ezek. 16. 10. Jap. 3. 18.

9 Im e ar ba ñõn iõ, Kwon jeje, Emõnõnõ ro jiroñ ir kin kwojkwõj in belele an Lam. Im ej ba ñõn iõ, Nan kein nan ko remol an Anij.

Luk 14. 15. Jap. 21. 5. & 22. 6.

10 Im I ar buñ iman neen bwe in kabufi ñõn e. Im ej ba ñõn iõ, Jab. Ña ij dri korijer ibõm im iben ro jeõm im jätõm, ro kennan kin Jisõs ibeir. Kwon kabufi ñõn Anij: bwe kennan kin Jisõs ej jitõb in drikanij.

Jap. 22. 8, 9.

11 Im I ar lo lõñ ebellok, im lo, ors emouj, im Eo ej jijõt ion, naetan Etiljek im Emol, im ilo wānik Ej ekajet im tõrinae.

Jap. 3. 14. & 6. 2. & 15. 5.

12 Im mejen rej urur in kijeek, im ion bõran elõñ kraun, im iben etan emwij jeje, eo ejelok en e jela, a E wõt.

Jap. 1. 14. & 2. 17, 18. & 6. 2.

13 Im naballin kin nuknuk ko ar katutu e ilo bõtõktõk, im naetan Nan in Anij.

Isa. 63. 2, 3. Jon 1. 1.

14 Im jaran tõrinae rej ilo lõñ r'ar

lor E ion ors ko remouj, naballir kin nuknuk linen kworairik, emouj im erreo.

jap. 14. 20.

15 Im jen loñin ej ilok jăji eköñ, bwe En mōn dri aillñ kake, im E naj iroi j ioir kin māl wāwen alal, im Ej juri ken joniök wain in illu ebwil, eo an Anij ekajur otem kajur.

Isa. 11. 4. 2 Tes. 2. 8. jap. 1. 16. & 2. 27.

16 Im iben ion nuknuk ko An, im ion kejan neen emwij jeje ät, KIÑ IN KIÑ RO, IM IROIJ IN IROIJ RO.

Dan. 3. 47. 1 Tim. 6. 15.

17 Im I ar lo juōn enjel ej jutök ilo al, im ej lamij ilo ainiken elap ñōn bao otemjej rej kăkĭ l mejatoto, Komin itok im kweloktok ñōn ke-jota elap an Anij:

Ezek. 39. 17.

18 Bwe komin mōña kōniek in kiñ ro, im kōniek in kapen ro, im kōniek in armij rekajur, im kōniek in ors ko im ro rej jĭjōt ioir, im kōniek in armij otemjelok, ro dri anemkwojair im ro dri kamakoko, ro redrik im ro relap.

Ezek. 39. 18, 20.

19 Im I ar lo kiru eo, im kiñ ro an löl, im jar in törinae ko air, emwij kokweloktok i bwe ren törinaek Eo ej jĭjōt ion ors eo, im jar in törinae eo An.

jap. 16. 16.

20 Im ar jibwe kiru eo, im iben dri kanan riöp eo e ar kōmōn men in bwilōñ ko iman mejen im kin ir e ar moni ro re kar bök kakōlen kiru eo, im ro r'ar kabuñ ñōn men in e an, im ar jolok irro remour na ilo lomalo in kijeek ej urur kin brimston:

jap. 13. 12, 15. & 14. 10. & 16. 13. & 20. 10. & 21. 8.

21 Im ar mōn rojet kin jăji an Eo ej jĭjōt ion ors eo, eo ej ilok jen lo-ñin: im bao otemjej r'ar mat kin kōniekir.

#### JAPTER 20.

**I**M I ar lo juōn enjel ej wōnlōltak jen lōñ, im iben ki in abys eo, im ilo pein tomere elap.

jap. 1. 18. & 9. 1.

2 Im e ar jibwe drakon eo, serpent eridto, eo ej devil im Setan, im llabe iomin juōn tausand yiō,

jap. 12. 9. 2 Pit. 2. 4.

3 Im ar jolok e na ilo abys eo, im kili, im sil ion, bwe en jab bar mon dri aillñ ko ñōn ter eo naj jejit juōn tausand yiō ko. Ellikin yiō ko emōn kōtlok e jirik ien.

Dan. 6. 17.

4 Im I ar lo tron ko, im rej jĭjōt ioir, im ar lelok ekajet ñōn ir: im I ar lo jĭtōb an ro emwij jobbāre ir kin air kennan kin Jisōs, im kin nan in Anij, im ro jabrewōt r'ar jab kabuñ ñōn kiru eo ak men in e an, im r'ar jab bök kakōlen ion dremair, ak ion pein anbijmaroñir; im r'ar mour im kiñ iben Kraist iomin juōn tausand yiō.

Dan. 7. 9, 22, 27. Mat. 19. 28. 1 Kor. 6. 2, 3. jap. 6. 9. & 15. 16.

5 Ro jet lan ro remij r'ar jab mour mokta jen kejemlok juōn tausand yiō ko. Eñin jerkakbiji eo mokta.

6 Emōnōñō in ekwojarjar eo ej bök mōtōn jerkakbiji in mokta. Mij ken ka ruo e jamin maroñ ioir; a re naj pris an Anij im an Kraist, im re naj kiñ iben iomin juōn tausand yiō.

jap. 2. 11. & 21. 8. Isa. 61. 6. 1 Pit. 2. 9.

7 Im ñe kejemlok juōn tausand yiō, naj kōtlok Setan jen prisōn eo an,

8 Im e naj drioiytok bwe en moni dri aillñ ko rej ber ilo emen jabōn löl, Gog im Megog, bwe en kokweloklok i ñōn törinae eo; im orair einwōt bok in lometo.

Ezek. 38. 2. & 39. 1. jap. 16. 14.

9 Im r'ar wonliñlok ion drilpen löl im kabol jar an ro remōn, im jikin kwelok e jitenburu: im kijeek e ar wōnlōltak jen lōñ im kōñ ir.

Isa. 8. 8. Ezek. 38. 9, 16.

10 Im devil eo e ar moni ir ar jolok e na ilo lomalo in kijeek im brimston, ijo bareinwōt kiru eo, im dri kanan riöp rej ber ie; im naj kañtan ir ran im boñ in drio im in drio.

jap. 14. 10, 11. & 19. 20.

11 Im I ar lo tron elap im mouj,

im Eo ej jijöt ion, jen turin mejen r'ar ko löi im löñ, im jab bar lo jikiir.

jap. 21. 1. Dan. 2. 35.

12 Im I ar lo ro remij, ro relap im ro redrik rej jutök iman tron eo; im ar kebellok buk ko: im ar kebellok bar juön buk, eo ej buk in mour: im ar ekajet ro remij jen men ko emwij jeje ilo buk ko, ekar ñön jermal ko air.

Dan. 7. 10. & 12. 1. Jap. 3. 5. 1 Jer. 17. 10. Mat. 16. 27. Rom 2. 6. jap. 2. 23.

13 Im lometo e ar lelok ro remij ro ilo e, im Mij im Hedis r'ar lelok ro remij ro ilo ir, im ar ekajet ir, kaju lair, ekar ñön jermal ko air.

jap. 6. 8.

14 Im ar jolok Mij im Hedis na ilo lomalo in kijeek. Eñin mij ken ka ruo, lomalo in kijeek.

1 Kor. 15. 26, 54, 55.

15 Im elañe ar lo jabrewöt im kar jab jeje etan ilo buk in mour, ar jolok e na ilo lomalo in kijeek.

jap. 19. 20.

## JAPTER 21.

**I**M I ar lo löñ ekäl im löi ekäl; bwe löñ eo mokta im löi eo mokta re joko; im lometo ejelok.

Isa. 65. 17. & 66. 22. 2 Pit. 3. 13. jap. 20. 11.

2 Im I ar lo jikin kwelok eo ekwojarjar, Jerusalem ekäl, ej wönlöltak jen lön jen iben Anij, emwij pojök einwöt köra ej litlit ñön leo an.

Isa. 52. 1. Hib. 11. 10. jap. 3. 12. Isa. 61. 10.

3 Im I ar roñ ainiken elap jen tron eo, im ej ba, Lo, imön Anij ej iben armij rön, im E naj jokwe ibeir, im re naj driloabjen, im Anij e naj ber ibeir, im naj air Anij:

Levai 26. 11, 12.

4 Im E naj kömöraik jen mejeir dren in kemjäläl otemjej, im e naj ejelok bar mij, im re jamin bar liäj-lol, ak jöñ, ak iñtan; bwe men ko mokta re joko.

jap. 7. 17. & 20. 14. Isa. 35. 10. & 65. 19.

5 Im Eo ej jijöt ion tron eo Ej ba, Lo, Ij kömöñ men otemjej bwe ren ekäl. Im Ej ba, Kwon jeje: bwe nan kein retiljek im remol.

jap. 4. 2, 9. & 5. 1. & 20. 11. 2 Kor. 5. 17.

6 Im E ar ba ñön iö, Rejejit. Ña Ij Alpa im Omega, Jinoin im Jemlokön. I naj lelok ñön eo ej maro jen unin dren in mour ejij wöñan.

jap. 1. 8. & 16. 17. & 22. 13. Isa. 55. 1. Jon 4. 10, 14. & 7. 37.

7 Eo ej böc anjo e naj jolit men kein, im I naj an Anij, im e naj nejio.

Zek. 8. 8. Hib. 8. 10.

8 A ñön ro dri biköt, im ro dri jab tömak, im ro jöjöik ir, im ro dri uror, im ro dri löñ, im ro dri mar-mir, im ro dri kabuñ ñön ekjöp, im ro dri riöp otemjej, air ajenkij e naj ilo lomalo eo ej urur kin kijeek im brimston; eñin mij ken ka ruo.

Gal. 5. 20. Ep. 5. 5. 1 Tim. 1. 9. jap. 20. 14, 15. & 22. 15.

9 Im juön ian enjel ro jiljilimjuön kar ibeir jiljilimjuön jäbi relöñ kin men in kaiñtan ko jiljilimjuön reliktata, e ar itok ñön io im konono iba, im ba, Kwon itok iji. im I naj bakajen ñön yuk köra lio belen Lam eo.

jap. 15. 1.

10 Im e ar böcklok iö ilo Jitöb ñön tol elap im eutie, im bakajen ñön iö jikin kwelok eo ekwojarjar, Jerusalem, ej wönlöltak jen löñ, jen iben Anij,

jap. 17. 3. Ezek. 48. 31-34.

11 Im iben aibujulj an Anij: maram eo an ej einwöt dreka e kanuij aurök, einwöt dreka jasper alikar einwöt kristal.

jap. 22. 5.

12 Im worwor eo an ej elap im eutie, im iben joñoul im ruo aur, im joñoul im ruo enjel iturin aur ko, im jeje ät ko ioir, etan bwij ko joñoul im ruo, bwijin ro nejin Israel:

13 Jen tak al jilu aur; jen eañ jilu aur; jen rök jilu aur: jen tulok al jilu aur.

14 Im joñoul im ruo dreka, foun-dešön worwor in jikin kwelok eo, im ioir joñoul im ruo ät, etan joñoul im ruo dri jilik an Lam eo.

Ep. 2. 20.

15 Im iben eo ej konono iba koba gold, ken joñe, bwe en joñe jikin

kwelok eo, im aur ko an, im worwor eo an.

Ezek. 40. 3. Zek. 2. 1. jap. 11. 1.

16 Im jikin kwelok eo ej drilpen wōt juōn. Im e ar joñe jikin kwelok kin koba eo, im ej joñoul im ruo tausān fōrloñ. Aitokōn, drilpen, im utiejen rej einwōt juōn.

17 Im e ar joñe worwor eo an, im ej jlbuki eñoul im emen mokwōj, ekar ñōn joñōn armij, eñin joñōn enjel.

18 Im kōmōn worwor eo an jen jasper. Im jikin kwelok eo ej gold erreō einwōt glass erreō.

19 Im foundešōn worwor in jikin kwelok rej litlit kin dreka otemjej r'aurōk. Foundešōn mokta ej jasper; ken ka ruo saffair; ken ka jilu kalsidoni, ken k'emen emerald;

Isa. 54. 11.

20 Ken ka lailim sardonix; ken ka jiljino sardiōs; ken ka jiljilimjuōn krisolalt; ken ka drualitōk beril; ken ka druatimjuōn topaz; ken ka joñoul krisopresōs; ken ka joñoul im juōn jesint; ken ka joñoul im ruo ametist.

21 Im aur ko joñoul im ruo rej joñoul im ruo bōr. Kaju ian aur ko ej jen juōn bōr. Im ial in jikin kwelok eo ej gold erreō, einwōt glass e alikar.

jap. 22. 3.

22 Im I ar lo ejelok tempel iloan: bwe Iroj Anij ekajur otem kajur, im Lam rej tempel eo an.

Jon 4. 23.

23 Im jikin kwelok eo e jab aikwij al ak aliñ bwe ren romak ion: bwe aibijuij an Anij ej kamramlok e, im lamp eo an, Lam.

Isa. 24. 23. & 60. 19, 20. jap. 22. 5.

24 Im ro dri ailin ko re naj etetal ilo maram eo an, im kin ro an lōl, re naj bōktok air aibujuij ñōn loan.

Isa. 60. 3. & 66. 12.

25 Im re jamin kili aur ko an ilo ran (bwe e naj jelok boñ ijo):

Isa. 60. 11, 20. Zek. 14. 7. jap. 22. 5.

26 Im re naj bōktok aibujuij im nebar an ailin ko na iloan.

27 Im e jamin dreloñ ilo e men ko

r'ōtton, ak eo ej kōmōn men in jōjōik, ak riōp; a ro wōt emwij jeje ir ilo buk im mour an Lam.

Isa. 35. 8. & 52. 1. & 60. 21. Joel 3. 17. jap. 22. 14, 15. Pil. 4. 3. jap. 3. 5.

## JAPTER 22.

**I**M e ar bakajen ñōn iō river in dren in mour, ejatōtil einwōt kristal, ej torlok jen tron an Anij im Lam iolapin ial eo an.

Ezek. 47. 1. Zek. 14. 8.

2 Im i toreren river eo wijki in mour rej kajōb e, im ej jebar leen joñoul im ruo wāwen, im ej kalle aliñ otemjej: im bwilikōn wijki eo ken kemour ro dri ailin ko.

Ezek. 47. 12. jap. 21. 21, 24. Jen. 2. 9.

3 Im e naj jelok bar kol: im tron an Anij im Lam e naj ilo e, im ro dri korijeran re naj korijer ñōn E.

Zek. 14. 11. Ezek. 48. 35.

4 Im re naj lo turin mejen, im etan e naj lon dremair.

Mat. 5. 8. 1 Kor. 13. 12. 1 Jon 3. 2. jap. 14. 1.

5 Im e jamin bar boñ, im re jamin aikwij maram in lamp ak maram in al, bwe Iroj Anij e naj rome ir: im re naj kin in drio im in drio.

jap. 21. 23, 25. Sam. 36. 9. & 84. 11. Dan. 7. 27. Rom 5. 17. 2 Tim. 2. 12.

6 Im ej ba ñōn iō, Nan kein retilek im remol: im Iroj Anij an jītōb ro an ro dri kanan E ar jilkin-tok enjel eo An bwe en kwalok ñōn ro dri korijeran men ko re naj waloktok mōkōj.

jap. 1. 1. & 19. 9. & 21. 5.

7 Im lo, Ij iwij mōkōj. Emōnōnō eo ej kejbārok nan ko an kūr in buk in.

jap. 1. 3. & 3. 11.

8 Im ña Jon I ar roñ im lo men kein. Im ke I ar roñjaki im loi, I ar buñ bwe in kabuñ iman neen enjel eo e ar kwalok ñōn iō men kein.

jap. 19. 10.

9 Im e ar ba ñōn iō, Jab. Bwe ña ij dri korijer ibōm im iben ro jeōm im jātōm ro dri kanan, im iben ro rej kejbārok nan ko an buk in. Kwon kabuñ ñōn Anij.

10 Im ej ba ñōn iō, 'Kwon jab sil

nan ko an kūr in buk in, bwe ebak ien eo.

Dan. 8. 28. & 12. 4, 9. jap. 1. 8. & 10. 4.

11 Eo e jab wānik, en bar kōmōn jab wānik: im eo ej etten en berwōt im etton: im eo ej wānik en bar kōmōn wānik: im eo ekwojarjar en berwōt im kwojarjar.

Ezek. 3. 27. Dan. 12. 10. 2 Tim. 3. 13.

12 Lo, Ij iwij mōkōj; im aō jinekij iba, bwe in lelok nōn armij, kaju iair, ekar nōn jermal ko an.

Isa. 40. 10. & 62. 11. jap. 20. 12.

13 Ņa ij Alpa im Omega, Eo mokta, im Eo eliktata, Jinoin im Jemlokōn.

Isa. 41. 4. & 48. 12. jap. 1. 8, 11.

14 Emōnōnō ro rej kwolkwol nuk-nuk ko air, bwe en ibeir maroñ in itok nōn wijki in mour, im bwe ren dreloñ ilo kejem ko iloan jikin kwelok eo.

Dan. 12. 12. 1 Jon 3. 24. jap. 21. 27.

15 Ilikin rej kiru rorrer ko, im ro dri marmir, im ro dri lūñ, im ro dr'uror, im ro rej kabuñ nōn ekjōp, im ro otemjej rej yokwe im kōmōn riōp.

1 Kor. 6. 9. Gal. 5. 21. Kol. 3. 6. jap. 21. 8. Pil. 3. 2.

16 Ņa Jisōs I ar jilkinlok aō enjel

bwe en kennanwoj men kein nōn eklisia ko. Ņa Ij okran im nejn Devid, iju ran erabōlbōl.

jap. 1. 1. & 2. 28. & 5. 5. Bwin. 24. 17. Zek. 6. 12. 2 Pit. 1. 19.

17 Im Jitōb kab lio rej ba, Kwon itok. Im eo ej roñjake, en ba, Kwon itok. Im eo ej maro, en itok: eo e kōnan, en bōk dren in mour ejij wōnan.

jap. 21. 2. 6. Isa. 55. 1. Jon 7. 37.

18 Ij kennan nōn armij otemjej rej roñjake nan ko an kūr in buk in, Elañe jabrewōt armij e naj kobaik nōn ir, Anij e naj kobaik nōn e men in kaiñtan ko emwij jeji ilo buk in:

Dut. 4. 2. & 12. 32.

19 Im elañe jabrewōt armij e naj ikir jen toñu nan ko an kūr in buk in, Anij e naj ikirlok ajenkij eo an jen wijki in mour, im jen jikin kwelok ekwojarjar, men ko emwij jeji ilo buk in.

Eks. 32. 33. jap. 8. 5. & 18. 8. & 21. 2.

20 Eo ej kennan men kein, Ej ba, Aet: Ij iwij mōkōj. Amen: Kwon itok, Iroj Jisōs.

2 Tim. 4. 8.

21 Joij an Iroj Jisōs en iben ro remōn. Amen.

Rom 16. 20, 24. 2 Tes. 3. 18.



BUK  
IN  
SAM KO.

---

NEW YORK:  
AMERICAN BIBLE SOCIETY,  
INSTITUTED IN THE YEAR MDCCCXVI.

---

1899.

[*Marshall Islands Psalms*, 12mo.]





# SAM KO.

## SAM 1.

**E**MÖNÖNÖ armij eo e jab etal ilo bebe an ro dri jerawiwi, im e jab jutök ilo ial eo an ro dri nana, im e jab jijöt ilo jikin jijöt an ro dri kajirere.

2 A ej löñliñ ilo kien Jeova; im ej lemnok kin kien eo ran im boñ.

3 E naj einwöt wijki eo emwij kallipe iturin river in dren, eo ej jebar leen ilo len eo an; im bwilikön e jamin mörar; im e naj jeramön kin men otemjej ej kömöni.

4 Ro dri jerawiwi re jab einwöt, a rej einwöt kilin wit eo köto ej bökklok.

5 Kin men in ro dri jerawiwi re jamin jutök ilo ekajet eo, ak dri nana ilo jar an ro dru wänik.

6 Bwe Jeova e jela ial eo an dru wänik; a ial eo an ro dri jerawiwi e naj joko.

## SAM 2.

**E**TKE dri ailiñ ko rej aol, im armij rön rej lemnok kin men eo ejelok kobön?

2 Kiñ ro i löl rej möke kajutök ir; iroiñ ro rej jimor bebe nae Jeova, im nae Dri kabit eo An, im ba,

3 Emön jen mijköki lokjeir, im jolok to ko air jen kij.

4 Eo ej jijöt iöñ E naj tön: Iroiñ e naj kajirekake ir.

5 Inem E naj konono ñön ir ilo An illu, im naj kaleññon ir ilo An libö pne.

6 Ak ña ij kairoiñ aö Iroiñ ion Zaiön, aö tol ekwojarjar.

7 I naj kwalok kien eo: Jeova e

[Marshall Islands.]

ar ba ñön iö, Kwe nejio man, ranin I ar keutak Yuk.

8 Kwon kajitök iba, im I naj lewoj dri ailiñ ko ñön Yuk bwe ren Am jolit, im ijo ko retoloktata i löl bwe ren Am wato.

9 Kwo naj loja ir kin mal wäwen alal, Kwo naj kokkure ir im joko einwöt jäbi dreka.

10 Im kiö, O kiñ ro, komin melet; iroiñ in ekajet in löl, komin katak.

11 Komin jerbal ñön Jeova ilo mijök, im löñliñ kin wurrir.

12 Komin mejenmaik Nejin eo, bwe en jab illu, im komin joko jen ial eo, bwe An illu e naj mököj an urur. Emönönö ro otemjej rej liki E.

## SAM 3.

Sam an David, ke e ar ko jen Absalom nejin.

**O** JEOVA, eorlok ro rej matörtör iö; elöñ rej jutök nae iö.

2 Elöñ re ba kin aö, Ejelok lomor kin e iben Anij. Sela.

3 A Kwe, O Jeova, kwe aö likepijñök, aö aibujuij, im Eo ej leliñlok böra.

4 Ij lamij ñön Jeova kin ainikiö, im Ej uak iö jen tol eo An ekwojarjar. Sela.

5 I ar babu im kiki; I ar ruj, bwe Jeova ej kejbärok iö.

6 I jamin lelñon kin eloññoul tausar armij, ro rej ber im jumae iö ituriö.

7 Kwon jutök O Jeova, Kwon lomor iö, O aö Anij; bwe Kw'ar dreñlok roñön ro otemjej rej kijirät iö. Kw'ar ruji ñiin ro dri jerawiwi.

8 Lomor ej ber iben Jeova: am ainemön en ber ion ro drom. Sela.

## SAM 4.

Nõn eo ej lalē al : ilo ken kajõñjõñ ko eor toair.  
Sam an Devid.

**I**LO aõ kir, Kwon roñjake iõ, O aõ Anij ewañik; ilo aõ jorran Kw'ar kötlok iõ; Kwon joij ñõn iõ, im roñjake aõ jar.

2 O kom nejin armij, ietoõn ami ukot aõ aibujuij ñõn jok? Ietoõn ami yokwe men eo ejelok tokjen, im kabukot riõp? Sela.

3 A komin jela bwe Jeova e ar kãlet eo emõn bwe en An: Jeova e naj roñjake iõ ñe ij kir ñõn E.

4 Komin wurirrir im jab jera-wiwi; komin konono ilo buruemi ion kiniami im kejeklokjen. Sela.

5 Komin katok men in katok ko remõn, im liki Jeova.

6 Elõñ re ba, Wõn e naj kwalok emõn ñõn kim? O Jeova, kwon kamramlok kim kin maram in mejõm.

7 Kw'ar letok lõñliñ ilo buruõ, elap jen air lõñliñ ñe elõñlok air korn im wain.

8 Ilo ainemõn I naj babu im kiki, bwe Kwe mõke, O Jeova, kwoj kõmõn bwe in ber ilo mour.

## SAM 5.

Nõn eo ej lalē al ion Nehilot. Sam an Devid.

**K**WON roñjake nan ko aõ, O Jeova; kwon kili aõ kalomõnlokjen.

2 Kwon karoñjake ainiken aõ jõñ, O Jeova aõ Kiñ, im aõ Anij; bwe I naj jar ñõn Yuk.

3 Kwo naj roñ ainikiõ ñe erantak, O Jeova; ilo rantak I naj kajime aõ jar ñõn Yuk, im I naj ekil.

4 Bwe Kwo jab juõn Anij ej lõñliñ ilo jerawiwi, im nana e jamin jokwe ibõm.

5 Ro dri jua re jamin jutõk iman mejõm: Kwoj drike ro otemjej rej kõmõnmõn nana.

6 Kwo naj kokkure ro rej konono riõp; Jeova e naj kijirãte armij e bõtõktõk im jela mon.

7 A ña, I naj dreloñ iloan mweo imõm ilo joij ko Am relõñ; im ilo

aõ mijõk Yuk I naj kabuñ iman Am tempel ekwojarjar.

8 O Jeova, kwon tel iõ ilo Am wãnik kin ro rej kijirãt iõ; Kwon kajime Am ial iman meja.

9 Bwe ejelok mol ilo loñir; nana wõt iloir; burueir rej einwõt lüp e walõñi; rej etaoik kin loir.

10 O Anij, kwon liakelok ir; ren buñ kin bebe ko air; Kwon ubakelok ir ilo nana ko air relõñ; bwe r'ar kabata nae Yuk.

11 A ro otemjej rej liki Yuk ren lõñliñ; ren kelok kin lõñliñ in driõ, bwe Kwoj kouk ir: ro rej yokwe etõm re naj lõñliñ ilo Yuk.

12 Bwe Kwe, O Jeova, kwo naj kainemõn dru wãnik; kin joij Kwo naj kabol e einwõt kin juõn like-pijõk.

## SAM 6.

Nõn eo ej lalē men in kajõñjõñ ion ken ka dualitok. Sam an Devid.

**O** JEOVA, kwon jab enoik iõ ilo Am illu, im ilo am illu ebwil Kwon jab kajeik iõ.

2 O Jeova, kwon tiriamokake iõ, bwe I mõralok: O Jeova, kwon kaejmour iõ; bwe dri ko driõ re wurirrir.

3 Bareinwõt aõ elap an wurirrir: a Kwe O Jeova, ietoõn?

4 O Jeova, kwon jeblaktok, Kwon kötlok aõ: O Kwon lomor iõ kin Am tiriamokake.

5 Bwe ilo mij ejelok ememej Kwe; ilo lüp wõn e naj kamolol Yuk?

6 Ij mõk kin aõ ñir; boñ otemjej I naj kabebe kiniõ; I naj kalu kiniõ kin aõ dren in kemjalal.

7 Meja etõp kin buromõj; e ridtolok kin ro qtemjej rej kijirãt iõ.

8 Komin ilok jen ña, kom otemjej dri kõmõnmõn nana, bwe Jeova e ar roñjake ainiken aõ jõñ.

9 Jeova e ar roñjake aõ akwelap; Jeova e naj bõk aõ jar.

10 Ro otemjej rej kijirãt iõ re naj jok im wurirrir: re naj jeblaklok im jok kiõkiõ.

SAM 7.

Sam in jebwäbwe an Devid, eo ej al ñön Jeova kin nan ko an Kuš dri Benjamin.

**O** JEOVA aō Anij, I ar liki Yuk; Kwon lomor iō jen ro otemjej rej matörtör iō, im Kwon kötlok iō.

2 Bwe en jab kekel aō mour ein-wöt juōn laiōn, kekele im ejelok dri lomor.

3 O Jeova aō Anij, elañe I ar kōmōn men in; elañe eor nana ilo peiō;

4 Elañe I ar nawōnan nana ñön eo e joij ñön iō; elañe I ar rakimi eo ej kijirāt iō im ejelok unin;

5 Eo ej kijirāt iō en matörtör aō im bōke: aet en juri aō mour ion iōl, im likit aō wōj ilo brij. Sela.

6 O Jeova, kwon jutōk ilo Am illu: Kwon mōke koutiej Yuk nae illu an ro rej kijirāt iō. Kwon ruj ñön iō; Kw'ar kwalok ekajet.

7 Im jar an dri aliñ ko ren kabol Yuk; kin ir Kwon jeblak ñön ijo eutie.

8 Jeova e naj ekajet dri aliñ ko: O Jeova kwon ekajet iō kin aō wānik, im kin aō jime ilo ña.

9 O kōmōn bwe nana an ro dri nana en joko, im kabin eo e wānik: bwe Anij ewānik Ej melejoñ buru ko im lemnok ko.

10 Aō likepiññōk iben Anij, eo Ej lomor eo ejime ilo buruen.

11 Anij ej ekajet dru wānik, im Anij ej illu ran otemjej.

12 Elañe E jab oktōk E naj jeme An jāji; emwij An kiele libon im kapoje.

13 Im E ar alej ken iri ko ñön e: E naj kōmōn mōri kijeek ko An.

14 Lo e naj iñtan kin nana, im ej etaik nana, im keutak riōp.

15 E ar kōmōn roñ im kōbiye, im ej buñ na ilo roñ eo e ar kōbiye.

16 An nana e naj itok ilo bōran, im an lej e naj buñ ion mōñen.

17 I naj kamolol Jeova kin An emōn; im kin al I naj nebar etan Jeova eutiejtata.

SAM 8.

Ñön eo ej lale al ilo Gittit. Sam an Devid.

**O** JEOVA am Iroi, e nañin aibujuij etōm i aoepen iōl: Kw'ar likit Am aibujuij ilōñin iōñ ko.

2 Jen loñin ajiri im niñniñ ro Kw'ar kapoj kajur, kin ro rej kijirāt Yuk; bwe Kwon kajeklokjen dri kijirāt eo im dru kwi.

3 Ke ij lale iōñ ko Am, jermal an arriim; aliñ im iju ko Kw'ar kōmōnmōni;

4 Ta armij bwe Kwon kememej e? Im nejin armij bwe Kwon itok ñön iben?

5 Bwe Kw'ar kōtaik e jirik jen enjel rōn, im kabelbil e kin aibujuij im wuj.

6 Kw'ar kairoi e ion jermal ko an peiōm! Kw'ar likit men otemjej iomin neen.

7 Šip otemjej, im kau ko, kab kiru ko rawia i ene jemaren;

8 Bao ko i mejatoto, im iik ko i lojtt, im jabrewōt men eo ej itoitōk ilo ial ko in lojtt.

9 O Jeova aō Iroi, e nañin aibujuij etōm i aoepen iōl.

SAM 9.

Ñön eo ej lale al ion Mutlaben. Sam an Devid.

**I** NAJ kamolol Jeova kin aoepen buruō; I naj kwalok jermal in bwilōñ ko Am otemjej.

2 I naj iōñiñ im bunburuō kin Yuk; I naj wiktak etōm ilo al, O Kwo utiejtata.

3 Ke ro rej kijirāt iō rej oktōk-lik, re naj buñ im joko iman me-jōm.

4 Bwe Kw'ar kajime aō ekajet im men eo ruō; Kw'ar jijōt ion tron im Kw'ar ekajet emol.

5 Kw'ar kowe dri aliñ ko, Kw'ar mōn eo enana, Kw'ar jeorlok etair in drio im in drio.

6 Kin dri kijirāt, kokkure ko an rejemlok ñön in drio: im Kw'ar kokkure jikin kwelok ko air; air ememej ejoko ibeir.

7 A Jeova e naj jijōt im Kiñ ñön

in drio: E ar kapojök An tron kin ekajet.

8 Im E naj ekajet löl ilo wänik, E naj kömöñ ekajet ñön dri ailiñ ko ilo jime.

9 Bareinwöt Jeova e naj jikin eutieñ an ro dri kamakoko, jikin eutieñ ilo ien ko ien iñtan.

10 Im ro re jela etöm re naj liki Yuk; bwe Kwe O Jeova, kw'ar jab illok jen ro rej bukot Yuk.

11 Komin wijtak ilo al ñön Jeova, eo Ej jokwe i Zaiön: komin kwalok ñön dri ailiñ ko jerbal ko An.

12 Ke Ej kajitök kin bötöktök, Ej kememeñ ir; E jab meloklok an dri iñtan jöñ.

13 O Jeova, kwon tiriamokake iö; lale aö iñtan kin ro rej kijirät iö, Kweo kwoj kwotöke jen kejem ko an mij.

14 Bwe in kwalok wijtak eo Am otemmej ilo kejem ko an köra nejin Zaiön: I naj löñliñ ilo lomor eo Am.

15 Ro dri ailiñ rej ruñulok ilo roñ eo r'ar köbije; ilo jen rej uoje emwij bo neir.

16 Jeova e ar kömöñ bwe ren jela E; e ar kömöñ ekajet. Dri jerawiwi e bo ilo jerbal an pein. Higaiön. Sela.

17 Dri jerawiwi re naj oktöklük ñön jikin nana, im dri ailiñ ko otemmej rej meloklok Anij.

18 E jamin meloklok dri jeramel ñön in drio: kejatrikrik an dri etä e jamin joko in drio.

19 O Jeova kwon jutök; armij en jab kajur; Kwon ekajet ro dri ailiñ ko iman mejöm.

20 O Jeova kwon likit lelñoñ ioir: bwe ro dri ailiñ ko ren jela ir armij wöt. Sela.

#### SAM 10.

**O** JEOVA, etke Kwoj jutök etolok? Etke Kwoj tilekek ilo ien iñtan ko?

2 Ilo jua an dri jerawiwi ej matör-tör dri jeramel: ren bo ilo bebe ko r'ar lemnok kaki.

3 Bwe dri nana ej jualöñlön kin könan ilo buruen, im dri aukwonak ej nebar im kajirere kin Jeova.

4 Dri jerawiwi kin an mejen jua ej ba, E jamin bukot: ilo an lemnok otemmej ejelok Anij.

5 Ial ko an rebin ien otemmej: ekajet ko Am reutieñ jen iman mejen: kin an ro dri kijirät otemmej, ej ukwilok ir.

6 E ar ba ilo buruen, I jamin makötkit; bwe I jamin jorran ñön ebeben im ebeben.

7 Loñin eobrök kin jinjin'im mon ko im kaiñtan; jorran im nana iomin loen.

8 E jijöt ilo jikin tilekek ko an jikin kwelok ko redrik; ilo jikin tilekek ej uröte eo ejelok ruön; mejen rej tilekek im jumae dri jorran.

9 Ej ber ilo jikin tilekek einwöt laiön ilo roñ: ej tilekek bwe en jibwe dri jorran: ej jibwe dri jorran ke ej ane ilo an jen.

10 Ej kumwil, ej barikrik, im dri jorran rej buñ kin ro an dri kajur.

11 E ar ba ilo buruen, Anij e ar meloklok: E ar bineñ mejen; E jamin lo in drio.

12 O Jeova kwon jutök; O Anij kwon kwotöke peiöm; Kwon jab meloklok ro dri jorran.

13 Etke dri jerawiwi e ar kejekron Anij im ba ilo buruen, Kwo jamin kajitök kake?

14 Kw'ar loe; bwe Kwoj lo nana im bale in nawönan kin peiöm; dri jorran ej möke likiteñön Kwe; Kw'ar jiböñ dri atajinemjen.

15 Kwon ruje peñ dri jerawiwi im dri nana: Kwon kabukot an nana ñön ien Kwoj lo ejelok.

16 Jeova ej Kiñ in drio im in drio; ejoko dri ailiñ ko jen eneo An.

17 O Jeova kw'ar roñ an dri jorran köna: Kwo naj kabin burueir, Kwo naj karöñlokjen;

18 Bwe Kwon ekajet ro ratajinemjen im dri jorran, bwe armij jen brij en jab bar ke jorran.

SAM 11.

Nõn eo ej lale al. An Devid.

**I** AR liki Jeova: ekijkan ami ba nõn iõ, Kwon kãlok nõn am tol einwõt bao?

2 Bwe, lo ro dri jerawiwi rej kiele libon, r'ar likit air mõri ilo kwol, bwe ren libon ilo marok nõn ro ejime burueir.

3 Elañe loñtak ko re joko, ro remõn ren it?

4 Jeova ej ber ilo tempel eo An ekwojarjar; tron an Jeova ilo lõñ: mejen ej lale, kilin mejen ej melejoñ ro nejin armij.

5 Jeova ej melejoñ eo ej wãnik; im An ej kijirãte dri jerawiwi im eo ej yokwe lej.

6 Ej kowut ion dri jerawiwi jen ko, kijeek im brimston, aire kijeek, men kein ilon air kõp.

7 Bwe ewãnik Jeova; ej yokwe wãnik; ro rejime re naj lo mejen.

SAM 12.

Nõn eo ej lale al ion ken ka drualitok. Sam an Devid.

**O** JEOVA kwon lomor, bwe dru wãnik rejenlok, bwe dri tiljek re joko jen ro nejin armij.

2 Rej konono nan in riõp, armij iben dri turin; tieir etaõ, im burueir romeõñe ke rej konono.

3 Jeova e naj kokkure tieir etaõ otemjej, im lo eo ej konono men ko relap.

4 Ro r'ar ba, Kin loem kim naj bõk anjo; tiem ibem wõt: wõn e naj iroi j iom?

5 Jeova e ba, Kiõ I naj jutõk kin iñtan an dri jorran, kin jõñ an dri jeramel; I naj likit e ijo ejelok uõta jen eo ej birlokwe e.

6 Nan ko an Jeova rokwojarjar, einwõt silver emwij karreo e ilo ubaj bri j, karreo ealen jiljilimjuõn.

7 O Jeova, kwo naj lale ir, Kwo naj kejbãrok ir jen ebeben in nõn in drio.

8 Ro dri jerawiwi rej etetal ijo jabrewõt, kin koutiej nana iben ro nejin armij.

SAM 13.

Nõn eo ej lale al. Sam an Devid.

**O** JEOVA ietoõn? Kwo naj meloklok iõ nõn in drio ke? Ietoõn Kwo naj binej mejõm jen ña?

2 Ietoõn I naj likit bebe ko ilo aõ im buromõj ilo buruõ ran otemjej? Ietoõn eo ej kijirãt iõ e naj utiej jen ña?

3 O Jeova aõ Anij, Kwon lale, Kwon karoñjake iõ, Kwon kama-ramlok meja, elañe jab ein drein I naj kiki ilo mij.

4 Ñe ab eo ej kijirãt iõ ej ba, Ña I ar bõk anjo jen e, im ro dri jumae iõ rej lõñliñ kake bwe ij makõt-kit.

5 A ña, I ar liki Am joi j; buruõ e naj lõñliñ ilo Am lomor.

6 I naj al nõn Jeova, bwe E ar wujleptok emõn nõn iõ.

SAM 14.

Nõn eo ej lale al. Sam an Devid.

**D**RI bwebwe e ar ba ilo buruen, Ejelok Anij. Re nana, r'ar kõmõumõn jerbal ko renana otem uana; ejelok juõn iair ej kõmõu emõn.

2 Jeova e ar reitok jen lõñ ko nõn ro nejin armij, bwe En lo elañe jabrewõt eo e meletlet, im bukot Anij.

3 Ir otemjej re bwir, rej jimor im buõl; ejelok juõn ej kõmõu emõn, ejelok juõn.

4 Ta, re jaje kake, ro otemjej rej jerbal ilo nana ke? Rej mõña ro droõ einwõt rej mõña bred, im jab kir nõn Jeova.

5 Ijo elap air mijõk; bwe Anij ej ber ilo ebeben an ro remõn.

6 Kom ar kajok bebe an ro dri jeramel; a Jeova e likepijñõk eo air.

7 Wõn e naj lelok lomor nõn Is-rael jen Zaiõn? Ñe Jeova ej ke-jeblaktok dri jebokwe lan ro dron, Jekõb e naj lõñliñ, im Israel e naj buñburuen.

SAM 15.

Sam an Devid.

**O** JEOVA, wōn e naj ber ilo imōn kabēr eo Am? Wōn e naj jokwe ilo Am tol ekwojarjar?

2 Eo ejime an etetal, ej kōmōn wānik, im e konono mol ilo bu-ruen.

3 Eo e jab rurue kin loen; im e jab kōmōn nana nōn jeran, im e ar jab kwotōke nan in kinakelok dri turin.

4 Ilo mejen ej kejekron eo armij in jolok, a ej koutiej ro rej mijōk Jeova. Eo e ar kanōjni in kok-kure e mōke, a e jab ukwelok kake.

5 Eo e jab bōk jimair elap kin mōnni e ar lelok; im e jab bōk mōnni im jumae eo ejelok ruōn. Eo ej kōmōnmōn men kein e jamin makōtkit.

SAM 16.

Miktam an Devid.

**K** WON kejbārok iō, O Anij, bwe I ar liki Kwe.

2 I ar ba nōn Jeova, Kwe aō Anij, aō emōn e jab nōn Kwe.

3 Kin ro remōn rej ber ilo lōl, ir re wāppen im ij mōnōnō kake ir.

4 Ro rej kaiur ir nōn bar juōn anij, iſtan ko air re naj orlok. I jamin lutōklok men in lelok limeir in bōtōktōk; I jamin konono etair kin tiō.

5 Jeova e aō jolit im aō ken irak. Kwo naj koorlok aō men in jolit.

6 Joſnok ko r'ar wutlok nōn iō ilo jikin mōnōnō ko. Aet e kanuij emōn aō men in jolit.

7 I naj kamōnōnōik Jeova eo E ar bebelk iō. Aet aō ej katakin iō ilo boſ ko.

8 I ar likit Jeova imaō ien otem-jej; kin An ber i anbijmaroſiō I jamin makōtkit.

9 Kin men in buruō e mōnōnō, im aō albuij ej lōſliſ, kōniekiō barein-wōt e naj ber im jab uōta.

10 Bwe Kwo jamin likit aō ilo Hedis; im Kwo jamin likit Eo Am bwe En lo kōt.

11 Kwo naj bakajen nōn iō ial in mour. Ibōm lōſliſ elaptata; i anbijmaroſiōm men ko men in mō-nōnō nōn in drio.

SAM 17.

Jar an Devid.

**O** JEOVA kwon roſjake wānik, Kwon lale aō lamij; Kwon eoroſi aō jar e jab ilok jen tiō etao.

2 Aō ekajet en walok jen imam. Mejōm ren lo men ko rejime.

3 Kw'ar melejoſi buruō. Kw'ar lotok iō ilo boſi; Kw'ar melejoſi iō im Kwoj lo ejelok. Emwij aō bebe bwe loſiō en jamin bwir.

4 Kin jermal ko an armij rōn, ilo nan in tiōm, I ar kejbārok iō jen ial ko an ro relej.

5 Buſten neiō r'ar drebij ial ko Am. Neiō re jaſin jir.

6 I ar kir nōn Kwe, bwe Kwo naj uak iō, O Anij. Kwon ukot lojili-nōm nōn iō, im karoſjake aō konono.

7 Kwon kalaplok jolj ko Am, O Kwe, kwoj lomoren ro rej liki Yuk jen ro rej jutōk jumae iō kin anbijmaroſiōm.

8 Kwon kejbārok iō einwōt iju in mejōm; Kw'ar noj iō ilo lurin peiōm:

9 Jen ro renana rej rakimi iō, jen ro re kanuij kijirāt aō im kabol iō.

10 Air keolo e ar kabol ir; kin loſir rej konono im jua.

11 R'ar kabol kim kiō ilo buſten neem. Rej likit mejeir bwe ren jo-lōllok kim nōn brij.

12 Ej einwōt juōn laiōn, e kanuij kōnan kekel; im einwōt juōn laiōn emōn ridtōn eo ej ber ilo jikin tile-kek ko.

13 Kwon jutōk, O Jeova, kwon ilok iman mejen, Kwon jolōllok e; Kwon lomoren aō jen ro renana kin jāji ne Am;

14 Jen armij rōn kin peiōm, O Jeova, jen armij in lōl in, ro air jolit ilo mour in, im lojliir Kwoj kobrōk kin air men in aurōk. Re

mat kin nejlir, im rej likit matön mweleir nön nifnifi ro air.

15 Ak fia, I naj lo mejöm ilo kwojarjar, I naj joköne fie ij ruj ilo wäwöm.

# SAM 18.

Nön dri lal al. Sam an David, korijeran Jeova, e ar konono nön Jeova nan ko an al in, ilo ran eo ke Jeova e ar lomoren jen pein ro otemfej dri kijirät e, im kab jen pein Saul; im e ar ba,

**I**J yokwe yuk, O Jeova, aö kajur.

2 Jeova aö dreka, im aö me, im aö dri lomor; aö Anij, aö dreka ekajur. I naj liki E; aö likepijñök im drun aö lomor, aö imön bar eutlej.

3 I naj kir nön Jeova, eo ej telokön bwe ren nebar E. Ein drein naj lomor iö jen ro rej kijirät iö.

4 To ko to in mij r'ar kabol iö, im ibij ko in nana r'ar kemjök iö.

5 To ko in Hedis r'ar lorök iö; jen ko jen in mij r'ar itok iö.

6 Ilo aö jorran I ar kir nön Jeova, im I ar lamij nön aö Anij. E ar roñjake ainikiö jen tempel eo An, im aö kir e ar dreloñ ilo lojillñin.

7 Inem e irik löl in im e wurirrir, loñtak in tol ko re makötkit, im irik ir, bwe Ej illu.

8 E ar wönlñlok bat jen ilo baulin im kijeek jen loñin e ar kokkure; melle ko r'ar urur kake.

9 E ar kabarikrik löñ ko, im wönlötkok, im kabin marok lomin neen.

10 Im E ar uwe ion kerub im E ar kiki; aet E ar kiki mököj kin pä ko pein köto.

11 E ar likit marok jikin tilekek eo An, juön imön kabir iturin marok in dren ko, köro ko remjil in löñ ko.

12 Kin romak iman köro ko remjil re elalok, wut rebin im melle in kijeek.

13 Im Jeova e ar jorur ilo löñ ko, im Eo eutiejtata E ar kwalok ainiken; wut rebin im melle in kijeek.

14 Im E ar jilkinlok möri ko An, im kijiiliklok ir, aet, jaröm ko relöñ im kokkure ir.

15 Inem r'ar walok river ko, river

in dren im kalikar loñtak ko in löñ in, kin Am enoik ir, kin menono in köto jen baudöm.

16 E ar jilkintok jen löñ, E ar bökö; E ar kekake iö jen dren ko relöñ.

17 E ar lomoriö jen dri jumae iö ekajur, im jen ro r'ar kijirät iö, bwe r'ar kajur wöt jen fia.

18 R'ar wönmae iö ilo ran in aö jorran: a Jeova e ar aö jokwön.

19 E ar tel iö ilon jikiö erabök-bök; E ar lomoriö bwe E ar mönönökake iö.

20 Jeova e ar nawönaö ekar nön aö wänik, ekar nön peiö rerreo E ar nawönaö.

21 Bwe I ar kejbärok lal eo an Jeova, im I ar jab bwir im illok jen aö Anij.

22 Bwe ekajet ko otemfej An r'ar imaö, im I ar jab jolok kien ko An jen fia.

23 Bareinwöt I ar wäppen iben, im I ar kejbärok iö jen aö bwir.

24 Inem Jeova e ar nawönaö ekar nön aö wänik, im ekar nön peiö erreio iman mejen.

25 Kwo naj kwalok Yuk im jolj nön ro rejolj, Kwo naj kwalok Yuk im wäppen nön ro re wäppen.

26 Kwo naj kwalok Yuk im kwojarjar nön ro dri kwojarjar, im Kwo naj kwalok Yuk im makoko nön ro r'ankeke.

27 Bwe Kwo naj lomoren armij ro re jorran; a mejen ro re jua Kwo naj jolöllok.

28 Bwe Kwo naj tili lamp eo aö: Jeova aö Anij e naj kamramlok aö marok.

29 Kin Kwe ij etör ion juön jar an armij; im kin aö Anij ij uwe iloñin juön worwor.

30 Kin Anij, lal eo An ewäppen; nan in Jeova emwij melejoñ e; E juön likepijñök nön ro otemfej rej liki E.

31 Bwe wön Anij, a Jeova wöt? Im wön e dreka elañe jab am Anij?

32 Anij ej kanuknuk iö kin kajur, im Ej kowäppen aö lal.



33 Ej kōmōn neið einwōt neen kiru hind; im Ej likit ið ilo jikiō reutiej.

34 Ej katakin peið bwe ren iri, inem peið re kiele juōn libon jini-bor.

35 Kw'ar bareinwōt letok likepij-ñōk eo an Am lomor, im pein an-bijmaroñōm e ar drebij ið: Am joiļ e ar koutiej ið.

36 Kw'ar kalaplok buñten neið iomið, im neið r'ar jab jir.

37 I naj lukworkwor ro dri kijirāt ið, im tōbrōk ir; im I jamin oktōk mae ien naj kokkure ir.

38 I naj jebōk ir, im re jamin maroñ in jerkak; re naj buñ iomin neið.

39 Bwe Kw'ar kanuknuk ið kin kajur ñōn keltak; Kw'ar kōtaik iomið ro r'ar jerkak jumae ið.

40 Kw'ar bareinwōt kejeblaklok ro dri kijirāt jen ña, bwe in mōn ro rej kijirāt ið.

41 R'ar lamij a ejelok air dri lomor; aet ñōn Jeova a E ar jab uak ir.

42 Inem I ar kokkure ir einwōt bōñōlñōl iman kōto; I ar kadrloij-lor i einwōt birikōt in ial ko.

43 Kw'ar lomor ið jen kabata ko au armij rōn; Kw'ar koutiej ið bwe in bōran dri ailiñ ko; juōn ailiñ I ar jab jela e naj jerbal ñōn ið.

44 Ñe emwij air roñ kiu ña, re naj bokake ña; ro drua maijet re naj mōke kōtaik ir ñōn ña.

45 Ro drua maijet re naj weaklok jen ña, im re naj itok im wurirrir jen air jikin tilekek.

46 Jeova ej mour wōt; im e mō-nōnō að dreka, im en utiej Anij an að lomor.

47 Aet Anij ej irenwōne kin ña, im kōtaik armij iomið.

48 Ej lomorið jen ro dri kijirāt ið; aet, Kwoj koutiej ið jen ro rej jer-kak im jumae ið: Kwoj lomorið jen armij eo elej.

49 Inem I naj kamolol Yuk, O Jeova, i bwiljin dri ailiñ ko; im I naj al im nebar etōm.

50 Ej letok lomor elap ñōn Kiñ eo

An; im Ej kwalok joiļ ñōn dri ka-bit An, ñōu Devid im ro nejn ñōn in drlo.

# SAM 19.

Ñōn dri lala al. Sam an Devid.

**L**ŌÑ ko rej kennan kin aibujuiļ an Anij, im mejatoto ej kwalok jerbal an pein.

2 Ran ñōn ran e naj katorlok nan, im boñ ñōn boñ e naj kwalok jela-lokjen.

3 Ejelok air ba, im ejelok nan; je jab roñ ainikeir.

4 A air ken joñok e ar ilok ilo aolepen lōl, im nan ko air ilo mō-tōn lōl eliktata. Ilo ir E ar kalek imōn kabēr ñōn al.

5 Eo einwōt juōn leo belen ej drioljtok jen bo eo an; ej lōñliñ einwōt juōn dri kajur ej etōr ilo iaikwļ.

6 An drioljlok jen jabōn lōñ ko, im an itok ñōñ jemlokōn ko air, im ejelok ej tilekek jen bwil eo an.

7 Kien Jeova e wāppen im ej ka-rok an; nan in katak an Jeova e bin im ej kameletlet ro re jaje.

8 Nan ko nan in kaiñi an Jeova re jime im re kalōñliñ buruer: kien ko an Jeova rerreo im rej kamram-lok mejer.

9 Mijōk Jeova e kwojarjar, im ej bēr ñōn in drlo: ekajet ko an Jeova re mol wōt, im ir otemjej rejime otem jime.

10 Re men in yokwe emōn jen gold, im jen elōñ gold e kanuij aurōk; im re tōñel jen hōnni im bōliñliñ re wutlok jen nien hōnni.

11 Bareinwōt rej kamramlok kori-jerōm; ro rej bokake ir elap wōnair.

12 Wōn e maroñ in jela bwir ko an? Kwon karreoik ið jen bwir ko re jab alikar.

13 Bareinwōt Kwon kejbārok kori-jerōm jen jerawiwi ko re mōkar-kar; inem I naj wāppen im ejelok ruð kin bwir ko relap.

14 Nan ko jen loð, im lemuok ko ilo buruð, ren emōn iman mejōm, O Jeova að dreka im að Dri lomor..

## SAM 20.

Nõn eo ej lalē al. Sam an Devid.

**J**EOVA en eoroñ yuk ilo ran in jorran; etan Anij an Jekōb en koutiej yuk.

2 En jilkinwoj men in jibōñ jen mweo imōn, im kakajur yuk jen Zaiōn.

3 En kememej men in lelok ko am otemej, im bōk jurtak ko am men in urur. Sela.

4 En lewoj einwōt ilo buruōm, im kamol bebe ko am otemej.

5 Jen lōñliñ ilo Am lomor, im ilo etan Anij jen leliñlok flag ko am. Jeova en kamol jar ko ar otemej.

6 Inem I jela bwe Jeova ej lomoren Dri kabit eo An: E naj eoroñ E jen lōñ ko An rokwojarjar kin kajur in lomor an anbijmaroñōm.

7 Jet armij rej liki jariōt ko, im jet rej liki ors ko; a kij je naj kabuñbuñ etan Jeova ar Anij.

8 R'ar jirlok im buñ; ak kij jar jerkak im jej jutōk jime.

9 O Jeova, kwon lomor. Kiñ eo en roñjake kij ñe jej kir.

## SAM 21.

Nõn eo ej lalē al. Sam'an Devid.

**K**IÑ eo e naj lōñliñ ilo Am kajur, O Jeova; im ilo Am lomor e nañin lap an lōñliñ.

2 Kw'ar lelok ñōn e an buruen kōnan, im Kw'ar jab drebij jen e men in kajitōk an loen. Sela.

3 Bwe Kwoj wōnmae e kin men in mōnōnō ko an emōn: Kwoj likit ilo bōran kraun in gold emōn.

4 E ar kajitōk ibōm kin mour, Kw'ar lelok ñōn e: aitokōn ran ko ñōn in drio im in drio.

5 Aibujuij eo an elap ilo Am lomor; nebar im wōj Kwoj likit ion.

6 Bwe Kwoj likit e mōnōnō otem mōnōnō ñōn in drio; Kwoj kamōnōnōik e kin lōñliñ iman me-jōm.

7 Bwe kiñ eo ej liki Jeova, im kin joij an Eo eutiejtata re jamin kamōkite.

8 Peiōm e naj kabukot ir otemej

rej am dri kijirāt: anbijmaroñōm e naj kabukot ro rej drike yuk.

9 Kwo naj likit ir einwōt juōn ubaj ej urur ilo ien am illu, Jeova e naj wōrōñōlok ir ilo An illu, im kijeek e naj tili ir.

10 Kwo naj kokkure leir jen lōl, im ineir jen iben ro nejn armij.

11 Bwe r'ar bebe kin nana nae Yuk; r'ar lemnok kin meu ko renana re jab maroñ kake.

12 Bwe Kwo naj kōmōn bwe ren oktoḱlik; Kwo naj kapojōk to in libon ko Am nae mejeir.

13 Kwon utiejtata O Jeova, ilo Am kajur; ein drein kim naj al im nebar Am kajur.

## SAM 22.

Nõn dri lalē al. Ilo Aljelet has-Shahar. Sam an Devid.

**A**Ō Anij, aō Anij, etke Kw'ar ilok jen ña? Etke Kwoj etolok jen lomoriō, im jen ainiken aō lamij?

2 O aō Anij, ij kir ilo ran, im Kwo jab kōnan uak, im ilo boñ, im jab kejeklokjen.

3 A Kwe kwo kwojarjar, O Kwe kwoj jokwe ilo wijtak ko an Israel.

4 Ro jemem r'ar liki Yuk, r'ar liki Yuk im Kw'ar lomori.

5 R'ar lamij ñōn Kwe, im ar lomori. R'ar liki Yuk im r'ar jab jok.

6 A ña juōn likakrōk im jab eman; armij rōn rej kitōtōkake iō, im ro dri ailiñ rej drike iō.

7 Ro otemej rej lo iō rej kajirere kake iō; rej kamerrelok tieir, rej jibolul bōrair im ba;

8 Kwon lelok yuk ñōn Jeova: En lomoren, En lomoren, bwe e ar lōñliñ kin e.

9 A Kwe eo E ar bōk iō jen lojien: Kw'ar kōmōn bwe in liki ke I ar ber ion etin jinō.

10 Emwij jolok iō na lom jen lojien; Kwe aō Anij jen lojien jinō.

11 Kwon jab etolok jen ña, bwe ebak jorran; bwe ejelok dri jibōñ iō.

12 Elōñ kau koman r'ar ber itu-

rið; kau koman re kajur jen Besan r'ar kabol ið.

13 R'ar kabellek loñir nae ið, einwöt juðn lafoñ ej kekel im fiñfiñ.

14 Rej katorlok ið einwöt dren; dri ko drið rej ir; buruð einwöt bwil ej unlok ilo enbwinið.

15 Að kajur ej almerlok einwöt mōtōu jābi dreka; loð ej edrep ñōn fiatte, im Kw'ar bōk ið ñōn bōñōl-ñōl in mij.

16 Bwe kiru rorrer r'ar ber iturið; jar an dri nana r'ar kabol ið; rej wakāre neið im peið.

17 I maroñ in bwini drið otemjej; rej lo ið im kalimjeklō.

18 Rej ajej nuknuk ko að ñōn dron, im r'ar kōmōn kakōle ko kin að kobe.

19 Kwon jab etolok jen ña, O Jeova; að Dri jibōñ, kwon kijorur im jibōñ ið.

20 Kwon lomor að jen jāji, mij- loku jen pein kiru rorrer.

21 Kwon lomor ið jen loñin laiðn; aet, jen drun kau ko rawia, Kw'ar uak ið.

22 I naj kwalok etōm ñōn ro jeið im jatið; ilo bwiljin jar an armij I naj nebar Yuk.

23 Komeo kom mijōk Jeova, kom- in nebar E: aolepen inen Jekōb komin kaibujuij E: aolepen inen Israel komin mijōk E.

24 Bwe E ar jab kejekron ak drike iñtan an ro rej iñtan, im E ar jab noje mejen jen e, a ke e ar kir ñōn E, e ar roñjake.

25 Jen Kwe að men in nebar iloan jar eo elap: I naj kōlla að nan in kalimur iman mejen ro rej mijōk E.

26 Ro etā burueir re naj mōña im mat, re naj nebar Jeova, ro rej ka- bukot E. Buruemi en mour ñōn in drio.

27 Jabōn lōl otemjej re naj keme- mej im oktōk ñōn Jeova, im ro nu- kin ailiñ ko otemjej re naj kabuñ iman mejōm.

28 Bwe ailiñ eo an Jeova; im E iroiñ ion ro dri ailiñ ko.

29 Ro otemjej re mātōk ion lōl re

naj mōña im kabuñ. Ro otemjej rej wōnlōllok ñōn bōñōlñōl re naj barikrik iman mejen, aet, eo e ban kejbārok an ilo mour.

30 Juðn inen e naj korijer ñōn E. Re naj kennan kin Jeova ñōn ebe- ben eo e naj lore.

31 Re naj ilok im kwalok wānik eo An ñōn juðn bwiljin armij e naj lotak, bwe emwij an kōmōn e.

### SAM 23.

Sam an Devld.

**J**EOVA að Šepherd, I jamin aik- wij.

2 Ej kababu ið ilo melaj in ujoij e maroro. Ej tel ið iturin dren ko relae.

3 Ej karok að. Ej tel ið ilo ial ko rejime kin etan.

4 Aet, meñe ij etal ilo komlōl in anōñin mij, I jamin mijōk jabre- wōt nana, bwe Kwoj ber iba; Am alal im jokwōnōm, rej kainemōn ið.

5 Kwoj kapoj juðn tebel imað iman mejen ro rej kijirāt ið. Kw'ar kabit bōra kin oil; að kōp ej elōñ- mejirjir.

6 Emōn wōt im joiñ re naj lor ið ran ko otemjej ij mour, im I naj jokwe ilo imōn Jeova ñōn in drio.

### SAM 24.

Sam an Devld.

**A**N Jeova lōl im kobōn, ene im ro rej jokwe iloan.

2 Bwe E ar kajure iloñin lometo, im kabine ion ibij ko.

3 Wōn e naj wōnliñlok ilo tol in Jeova? Wōn e naj jutōk ilo jikin kwojarjar eo An?

4 Eo erreō pein, im buruen ekwo- jarjar: eo e ar jab koutiej an ñōn riðp, ak kanōjniñ im e jab mol.

5 E naj bōk men in mōnōnōn jen Jeova, im wānik jen Anij an lomor eo an.

6 Eñin ebeben eo ej kabukot E, ro rej bukot mejōm, O Anij an Jekōb.

7 Komin lelñlok bōrōmi, O komeo aur ko; im komin liñlok komeo aur

ko jen in drlo, im Kiñ in albujuj e naj dreloñ iloam.

8 Wõn eo Kiñ in albujuj? Jeova ekajur im e monmon. Jeova ekajur in törinae.

9 Komin leliñlok bõrõmi, O komeo aur ko, aet, komin leliñlok ir, komeo aur ko jen in drlo; im Kiñ in albujuj E naj dreloñ iloam.

10 Wõn eo Kiñ in albujuj? Jeova an jar in törinae, E Kiñ in albujuj. Sela.

SAM 25.

Sam an Devid.

**N**ÕN Kwe O Jeova, ij leliñwoj aõ.

2 O aõ Anij, I ar liki Yuk, Kwon jab likit iõ bwe in jok; ro rej kijirät iõ Kwon jab likit bwe ren kimjaje kin ña.

3 Yokwe, ejelok juõn ian ro rej kõtar Yuk e naj jok. Re naj jok ro rej kõmõn men in mon im ejelok unin.

4 Kwon kwalok ñõn iõ ial ko Am, O Jeova, kwon katakin iõ kin ial ko Am.

5 Kwon tel iõ ilo Am mol, im katakin iõ; bwe Kwe Anij ej lomor iõ. Ij kõtar Yuk iomin aolepen ran.

6 O Jeova kwon kenfemej Am men in tirlamokake, im Am joij im mol ko, bwe men kein jen in drlo.

7 Kwon jab kememej bwir ko aõ ke I ar ajiri, ak jerawiwi ko aõ. Ilo Am joij im mol Kwon kememej iõ, kin Am emõn, O Jeova.

8 Jeova ej emõn im wānik, inem E naj katakin ro dri jerawiwi ilo ial eo.

9 Ro etā burueir E naj tel ir ilo wānik, im dri etā burueir E naj katakin ir ilo ial eo An.

10 Ial ko otenfej an Jeova re joij im mol, ñõn ro rej kejbārok bujen eo im kien ko An.

11 Kin etõm, O Jeova, kwon jolok aõ bwir bwe elap.

12 Wõn armij eo ej mijõk Jeova? E naj katakin e ilo ial eo E naj kalete.

13 An e naj ber ilo emõn, im inen e naj bõk ene an jolit.

14 Bebe etino an Jeova iben ro rej mijõk E, im E naj kwalok ñõn ir bujen eo An.

15 Meja ñõn Jeova ien otemfej, bwe E naj kõtlok neiõ jen aujir eo.

16 Kwoj oktõk ñõn iõ im tirlamokake iõ, bwe ña ij mõke iaõ, im jorran.

17 Jorran ko an buruõ relaplok: O Kwon bõktok iõ jen iñtan ko aõ.

18 Kwon kalomõnlokjen kin aõ jorran im aõ iñtan, im jolok jera-wiwi ko aõ otemfej.

19 Kwon lo ro rej jumae iõ, bwe rëlõñ, im rej kijirät iõ kin kijirät elej.

20 O Kwon kejbārok aõ im lomor-iõ; Kwon jab likit iõ ñõn jok, bwe ij liki Yuk.

21 Wānik im jimwe ren kejbārok iõ, bwe ij kõtar Yuk.

22 O Anij, kwon lomoren Israel jen jorran ko an otemfej.

SAM 26.

Sam an Devid.

**K**WON ekajet iõ, O Jeova, bwe I ar etal ilo aõ wānik: I ar bar-einwõt liki Jeova, im jab makõtkit.

2 Kwon kalimjek iõ, O Jeova, im kamol iõ; Kwon melejoñ lemnok ko aõ im buruõ.

3 Bwe Am yokwe ejolj iman meja; im I ar etal ilo mol eo Am.

4 I ar jab jijõt iben armij dri riõp; im I jamin etal iben ro dri jela mon.

5 Ij drike jar an ro rej kõmõn nana, im I jamin jijõt iben ro dri jerawiwi.

6 I naj amini peiõ ilo erreõ, ein drein I naj kabol lokatok eo Am, O Jeova.

7 Bwe in kwalok kin ainiken kamolol im kenannek jermal ko Am otemfej re men in bwilõñ.

8 O Jeova, ij yokwe mweo imõm, im jikin ijo Am aibujuij ej beriwõt.

9 Kwon jab bõklok aõ iben ro dri

jerawiwi, ak aō mour iben armij re bōtōktōk.

10 Ilo peir kejjorran, im anbijma-roñir re obrōk kin wōnan nana.

11 A kin ña, I naj etal ilo aō wānik; Kwon lomoriō im tiriamokake iō.

12 Neiō ej jutōk ilo jikin jabōn wōt juōn; ilo jar ko I naj nebar Jeova.

### SAM 27.

Sam an Devid.

**J**EOVA aō maram im aō lomor, wōn eo in mijōk e? Jeova kajur an aō mour, wōn eo in lelñōñ kake?

2 Ke ro dri kōmōn nana r'ar itok nae iō bwe ren kāñl kōniekiō, aet ro dri kijirāt iō, im ro dri jumae iō, r'ar tibñil im buñ.

3 Meñe juōn jar elap e naj ber im jumae iō, buruō e jamin lelñōñ; meñe tōrinae e naj walok nae iō, im ein drein I naj beran kake.

4 Juōn aō kar kajitōk iben Jeova, men in I naj kabukot; bwe in jokwe ilo imōn Jeova ran ko otem-jej ñe ij mour; bwe in lo wōleo an Jeova, im bwe in kajitōk ilo tempel eo An.

5 Bwe ilo ran in jorran E naj kejjarok iō ilo etino i mweo imōn: ilo jikin ko rekab an imōn kabere eo An E naj noj iō, E naj lelñlok iō ion juōn dreka elap.

6 Im kiō naj koutiej bōra jen ro rej jumae im kabol iō; im I naj katok ilōan imōn kabere eo An men in katok in lōñliñ: I naj al, aet, I naj al im nebar Jeova.

7 O Jeova, kwon roñ ñe ij lamij kin ainikiō; Kwon tiriamokake iō im uak iō.

8 Ke kw'ar ba, Kwon bukot meja, buruō e ar ba ñōn Yuk, O Jeova I naj kabukot mejōm.

9 Kwon jab noj mejōm jen ña; Kwon jab ubakelok korijerōm kin illu. Kw'ar aō Dri jibōñ; Kwon jab jolok iō, ak jab illok jen ña, O Anij an aō lomor.

10 Bwe jema im jinō r'ar illok jen ña, a Jeova e naj bōk iō.

11 Kwon katakin iō kin ial eo Am, O Jeova, im tel iō ilo ial e alikar kin ro rej kijirāt iō.

12 Kwon jab ketōk iō ñōn ankil an ro rej kijirāt iō, bwe ro dri kenan riōp r'ar jutōk nae iō, im ro rej buññōn lej.

13 I naj kar karutōk menwa, elañe I ar jab tōmak in lo mol an Jeova ilo ene an ro dri mour.

14 Kwon kōtar Jeova, kwon kajur, im buruōm en beran wōt, aet, kwon kōtar Jeova.

### SAM 28.

Sam an Devid.

**Ñ**ŌN Kwe O Jeova, I naj kir: aō dreka, Kwon jab roñjamñōn ñōn iō, bwe elañe Kwoj ikōñ ñōn iō, I naj einwōt ro rej wōnlōllok ñōn ilōan roñ eo.

2 Kwon roñjake ainiken jar ko aō, ñe ij lamij ñōn Yuk, ñe ij kwotōke peiō ñōn jikōm ekwojarjar qtem kwojarjar.

3 Kwon jab kekake iō iben ro dri jerawiwi; ak iben ro rej kōmōn nana, ro rej konono ainemōn iben ro dri turir, a nana ilo burueir.

4 Kwon lelok ñōn ir ekar ñōn air jerbal, im ekar ñōn nana an kōmōn ko air. Kwon lelok ñōn ir einwōt jerbal in peir; Kwon nawōnair kin wōnan ekar.

5 Bwe re jab kalomñulokjen kin jerbal ko an Jeova, ak men ko E ar kōmōn kin pein; E naj kokkure ir im jab kalek ir.

6 Emōññōñ wōt Jeova, bwe E ar roñjake ainiken jar ko aō.

7 Jeova aō kajur, im aō likepij-ñōk, buruō e ar liki E, im emwij jibōñ iō: kin men in buruō elap an lōñliñ, im kin aō al I naj nebar E.

8 Jeova air kajur, im E juōn me ebin in lomor ñōn ro An dri kabit.

9 Kwon lomoren ro dri ailñ eo Am, im kejeramñōn au jolit. Bareinwōt Kwon najirik ir im baur ir ñōn in drio.

## SAM 29.

Sam an Devid.

**K**OMIN lelok ñôn Jeova, O kom ro nejn dri kajur, komin lelok ñôn Jeova wuj im kajur.

2 Komin lelok ñôn Jeova wijtak etan e tellokön kake; komin kabuñ ñôn E ilo wöllo in kwojarjar.

3 Ainiken Jeova lou dren ko; Anij in albujujij ej jorur, Jeova ej ion dren ko relöñ.

4 Ainiken Jeova ekajur; ainiken Jeova eobrök kin wuj.

5 Ainiken Jeova e bwilök sidar ko, aet, Jeova e bwilök ñôn mötön ko wijki sidar ko an Lebanön.

6 Ej kömöu bwe ren kiki einwöt kon in kau; Lebanön im Siriön einwöt juön kau koman awia.

7 Ainiken Jeova ej kijbil urur in kijeek.

8 Ainiken Jeova ej kamökit ene jemaren; Jeova ej kamökkitkit ene jemaren in Keshel.

9 Ainiken Jeova ej kömöu bwe dir koköraren kentak, ej jolok bwilikön wijki ko; im ilo tempel eo An men ko otemjej re ba, Komin wijtak.

10 Jeova e ar jijöt einwöt Kiñ ke ibij liplip eo; aet, Jeova ej jijöt im Kiñ ñôn in drlo.

11 Jeova e naj letok kajur ñôn ro dri aillñ An; Jeova e naj kejeram-möu ro dron kin ainemön.

## SAM 30.

Juön sam. Al in lelok im mwöe. An Devid.

**I**NAJ koutiej Yuk, O Jeova, bwe Kw'ar kejerkak iö, im Kw'ar jab likit ro dri kijirät iö bwe ren löñlin iö.

2 O Jeova, kw'ar bökliñtok aö jen Hedis; Kw'ar kejbärok aö mour bwe in jab wönlölok ñôn ilöan roñ eo.

3 O Jeova aö Anij, I ar kir ñôn Kwe im Kw'ar käejmour iö. O Jeova kw'ar bökliñtok aö jen Hedis; Kw'ar kejbärok aö mour bwe in jab wönlölok ñôn ilöan roñ eo.

4 Komin al im nebar Jeova, O

komeo kom ro remön, im kamolol etan ekwojarjar.

5 Bwe An illu e jirik wöt ien; ilo An joij mour; bwelen jöñ e naj ber-wöt ilo boñ, a löñliñ e naj itok ñe ejlböñ.

6 Kin ña, ilo aö jerammön I ar ba, I jamin makötkit in drlo.

7 Kwe O Jeova, kin Am joij Kw'ar likit aö tol bwe en jutök in bin. Kw'ar noj mejöm, inem I ar abnön.

8 I ar kir ñôn Kwe, O Jeova, im ñôn Jeova I naj akwelap.

9 Ewi tokjen draö, O Jeova, ñe ij wönlölok ñôn roñ eo? Böñlöñöl en nebar Yuk ke? En kwalok Am mol ke?

10 O Jeova, kwon roñjake im tiriamokake iö; Jeova kwon aö Dri jiböñ.

11 Ñön ña Kw'ar ukot aö jöñ ñön eep; Kw'ar jelate aö nukuk in buromöj, im Kw'ar kañör iö kin löñliñ.

12 Bwe aö albujujij en al im nebar Yuk, im jab kejeklokjen, O Jeova, aö Anij, I naj kamolol Yuk ñôn in drlo.

## SAM 31.

Ñön dri lile al. Sam an Devid.

**O** JEOVA ij liki Yuk; kwon kömöu bwe in jamin jok. Kwon kötlök iö ilo Am wänik.

2 Kwon lööltok lojiliñöm ñôn iö; Kwon kötlök iö kiökiö; Kwon einwöt dreka ekajur ñôn iö; juön inön kouk in lomor iö.

3 Bwe Kwe aö dreka, in aö me; inem kin etöm Kwon tel iö im bakajen aö ial.

4 Kwon kötlök iö jen aluk eo r'ar kapojök ñôn iö ilo etino, bwe Kwe aö me ekajur.

5 Ñön peiöm ij lewoj aö jitoö; Kw'ar wiaik iö, O Jeova, kwo Anij in mol.

6 Ij drike ro rej lemnok kin men in jekron ko an riöp, a ña ij liki Jeova.

7 I naj löñliñ im mönönö ilo Am

tiriamokake; bwe Kw'ar lo aō jorran: Kw'ar jela iñtan ko aō.

8 Im Kw'ar jab ketōk iō ilo pein eo ej kijirāt iō, Kw'ar likit neiō ijo erabōkbōk.

9 Kwon tiriamokake iō, O Jeova, ij jorran. Meja etōp kin buromōj, aet aō im enbwiniō.

10 Bwe aō mour ejokolok kin buromōj, im yiō ko aō kin jabjenmenōan: aō kajur ejokolok kin aō nana, im dri ko driō re morlok.

11 Kin ro otemjej rej kijirāte iō, I ar men in kinak, aet, ñōn ro dri turu e kanulj laplok im men in lelñōñ ñōn ro re jela iō. Ro r'ar lo iō inabij r'ar ko jen iō.

12 R'ar meloklok iō elnwōt juōn dri mij, re jab lemnok kake. Ña einwōt jābi erup.

13 Bwe I ar roñ ke'elōñ r'ar riōp nae iō; lelñōñtata e ar kabol iō, ke r'ar bebe iben dron nae iō, r'ar kalomōnlokjen bwe ren bōklok aō mour.

14 A I ar liki Yuk, O Jeova, I ar ba, Kwe aō Anij.

15 Ien ko aō ilo peiōm. Kwon kōtlok iō jen pein ro rej kijirāt iō, im jen ro rej matōrtōr iō.

16 Turin mejōm en romak ion korijerōm; Kwon lomor iō ilo Am joij.

17 Kwon likit iō bwe in jab jok, O Jeova, bwe I ar kir ñōn Yuk. Ro dri nana ren jok, ren kejeklokjen ilo Hedis.

18 Tieir rej riōp, ren ban konono, ro rej jualōñlōñ im konono nae ro remōn, kin jua im kakitōtō.

19 O eñanin lap Am emōn eo Kw'ar kejbārok ñōn ro rej mijōk Yuk, eo Kw'ar kōmōnmōn ñōn ro rej liki Yuk, iman ro nejin armij!

20 Ilo likepijñōk an mejōm Kwo naj noj ir jen bebe ko an armij. Kwo naj kejbārok ir ilo etino ilo juōn imōn kabere jen iri an lo ko.

21 E mōnōnō Jeova, bwe E ar kwalok ñōn iō An joij e men in bwilōñ, i jikin kwelok ekajur.

22 Kin ña, I ar ba ilo aō kijorur,

Emwij bukwelok iō jen iman mejōm: mekarta Kw'ar roñjake ainiken aō akwelap ke I ar kir ñōn Yuk.

23 O komin yokwe Jeova, komeo dri'mōn otemjej An; Jeova ej kejbārok ro re tiljek, im elap An nawōnan eo ej jerbale jua.

24 Komin bin im buruemi ren berau, kom otemjej komij kejatirik kom ilo Jeova.

# SAM 32.

Sam an Devīd. Maskil.

**E**MŌNŌNŌ eo emwij jolok bwir eo an, im kalibubu an kōmōn nana.

2 Emōnōnō armij eo Jeova e jab watōk jerawiwi ñōn e, im ilo bu-ruen ejelok mon.

3 Ke I ar ikōñ, dri ko driō remorlok kin aō ñijñij lomin aolepen ran.

4 Bwe ran im boñ peiōm e ar erro iō, enbwiniō emōralok einwōt kiu dret ilo ien manan. Sela.

5 I ar kwalok ñōn Yuk aō bwir, im aō jerawiwi I ar jab noje; I ar ba, I naj kwalok aō jebwābwe ñōn Jeova, im Kw'ar jolok nana an aō bwir. Sela.

6 Kin men in ro drom otemjej reu jar ñōn Kwe ilo ien eo ñe re maroñ in lo Yuk. Emol, ñe dren ko relap relōñlok re jamin tōbar e.

7 Kwe aō likepijñōk; Kwo naj kejbārok iō jen jorran; Kwo naj kabol iō kin al ko al in lomor. Sela.

8 I naj kajelaik yuk im katakin yuk ilo ial eo kwo naj etal ie: I naj bebeik yuk ke meja ej lo yuk.

9 Kwon jab einwōt ors, ak einwōt mul, ejelok meletlet ibeir; im men ko men in kalitlit ir ken drebij, im to ko ken drebij ir, elañe ein juōn re jamin kebakwōj yuk.

10 Elōñ iñtan re naj iben ro renana, a eo ej liki Jeova, tiriamo e naj kabol e.

11 Komin mōnōnō ilo Jeova, im lōñliñ, komeo dri'mōn im lamij kin lōñliñ, kom otemjej im ejime buruemi.

## SAM 33.

**K**OMIN lõñliñ ilo Jeova, kom dru wānik: lõñliñ ekar ñõn ro remõn.

2 Komin kamolol Jeova kin arp, komin al im nebar E kin salteri joñoul toan.

3 Komin al ñõn E kin juõn al ekal, komin kabel im kajõñjõñ kin ainiken elap.

4 Bwe nan an Jeova ejime wõt, im aolepen jermal eo An emwij kõmõne ilo tiljek.

5 Ej yokwe wānik im ekajet; lõl eobrõk kin joij an Jeova.

6 Kin nan in Jeova, ar kõmõnmõn lõñ ko, im ir otemjej relõñ kin atloñ loñiu.

7 Ej kokweloktok dren ko otemjej in lometo einwõt juõn be; Ej likit dren ko imlõl ilo mo ko einwõt imõn mweiu.

8 Aolepen lõl in en mijõk Jeova. Ro dri lõl otemjej ren lelñõñ kin E.

9 Bwe E ar ba, inem emwij kõmõne: E ar jiroñ inem e ar jutõk im bin.

10 Jeova ej kokkure bebe ko an ro dri ailñ ko, Ej kõmõn bwe lemnok ko an armij en ejelok tokjeir.

11 Bebe an Jeova ebin ñõn in drio. Lemnok ko an buruen ñõn ebeben otemjej.

12 Emõnõnõ ailñ eo elañe an Anij Jeova: armij ro E ar kalet ir bwe ren jolit eo An.

13 Jeova ej reilõltok jen lõñ, ej lo ro nejin armij otemjej.

14 Jen jikin eo ej ber ie, Ej reilõltok ñõn armij otemjej rej ber i lõl.

15 Eo ej kõmõnmõn burueir otemjej, Ej lale jermal ko air otemjelok.

16 Ejelok lomoren kiñ kin jar an elõñ armij; jab lomoren juõn armij ekajur kin kajur an elap.

17 Juõn ors men in jekron kin lomoren, im e jamin lomoren jabrewõt armij kin kajur eo an elap.

18 Lo mejen Jeova ion ro rej mijõk E, im ro rej kõtar An tiriamokake ir.

19 Bwe En lomoren air jen mij, im kejbārok ir ilo mour iomin ien ñitta.

20 Am e ar kõtar Jeova: E am Dri jibõñ im am likepijñõk.

21 Bwe buruem re naj lõñliñ ilo E, bwe kim ar liki etan ekwojar-jar.

22 Am tiriamokake, O Jeova, en ber iom, einwõt kim ar kõtar Yuk.

## SAM 34.

Sam an Devid ke e ar ukõt an meletlet iman Abimelek, eo e ar ubakelok e, inem e ar flok.

**I**NAJ wijtak Jeova ien otemjej; An nebar e naj ber i loñiõ ien otemjelok.

2 Aõ e naj kimjāje ilo Jeova; ro etā burueir re naj roñjake im re naj lõñliñ.

3 O komin koutiej Jeova, im jen jimor leliñlok etan.

4 I ar kabukot Jeova, im E ar uak iõ, im E ar lomor iõ jen aõ mijõk otemjej.

5 R'ar reiliñ ñõn E, im emwij kamramlok ir, im turin mejeir re jamin jok.

6 Dri jeramel in e ar kir, im Jeova e ar roñjake, im lomoren jen jorran ko an otemjej.

7 Enjel an Jeova ej ber iturin ro re mijõk E, im lomorir.

8 O kwon erjoñ im lo bwe Jeova e jój; emõnõnõ eo ej liki E.

9 O komin mijõk Jeova, komeo dri'mõn ro An; bwe ejelok aikwij iben ro remjõk E.

10 Kon in laiõn rej aikwij im kwüli, a ro rej bukot Jeova re jamin aikwij jabrewõt men emõn.

11 Kom ro nejiõ, komin item roñjake iõ; I naj katakin kom mijõk Jeova.

12 Wõn armij eo ej yokwe mour, im e kõnan elõñ ran bwe en lo emõn?

13 Kwon drebij loõm jen nana, im tiõm jen konono etaõ.

14 Kwon illok jen nana im kõmõn emõn, kwon kabukot ainemõn im lukwõrkwõre.



15 Mejen Jeova ñôn ro remôn, im lojiliñin rebellok ñôn air kir.

16 Turin mejen Jeova e nae ro rej kômôn nana, bwe en kokkure eme-mej ir jen löl.

17 Ro dri'môn r'ar kir im Jeova e ar roñjake, im lomorir jen jorran ko air otemjej.

18 Jeova ej ebak ñôn ro eruj burueir, im Ej lomoren ro retä wöt ilo air.

19 Elöñ ifitan an ro remôn, a Jeova ej lomorir jen ir otemjej.

20 Ej kejbärok drin otemjej, ejelok iair im e moruj.

21 Nana e naj kokkure ro dri jera-wiwi, im ro rej kijirät ro remôn naj liakelok ir.

22 Jeova ej lomoren an ro dri kori-jeran, im ejelok ian ro rej liki E naj liakelok ir.

# SAM 35.

Sam an David.

**O** JEOVA kwon jumae ro rej jumae iö; Kwon torinaek ro rej torinaek iö.

2 Kwon bök likepijñök im ken törak, im jutök im jiböñ iö.

3 Kwon nuri möri, im ber ilo ial nae ro rej lukwörkwör iö; Kwon ba ñôn aö, Ña am Dri lomor.

4 Ren jok im kananaik ir rej kabukot aö; ren jeblaklok im kairer ir ro rej bebe nana nae iö.

5 Ren einwöt kilin wit iman köto, im enjel an Jeova en jebök ir wöt.

6 Air ial en ilo marok im jirlok, im enjel an Jeova en lukwörkwör ir.

7 Bwe ke ejelok unin r'ar noj air jen nae iö ilo juön roñ; ke ejelok unin r'ar köbij roñ nae aö.

8 Kokkure en walok nae e ñe e jaje kake; jen eo e ar noje en jibwe e möke, kin kokkure en buñ na iloan.

9 Im aö e naj mönönö ilo Jeova, e naj löñliñ ilo An lomor.

10 Driö otemjej re naj ba, Jeova, wön ej einwöt Kwe, kwoj lomoren dri jeramel im dri alkwij jen eo ej rakimi?

11 Ro dri kennan im re jab jime rej jutök; rej kajitök iba kin men ko I jaje kake.

12 Rej nawönaö nana kin einön ñôn air kaliajlo aö.

13 A ña, ke r'ar nañinmij, nuk-nuk ko aö renana, I ar kejjorran aö kin jitlok, im aö jar e ar jeblaktok ñôn ubö.

14 I ar kômôn einwöt elañe e ar jera ak jatiö, I ar kumliklik im jöñ einwöt eo ej jöñot jinen.

15 A ke I ar ajkupkup r'ar mö-nönö, im kweloklok; ro dri nana r'ar kweloktok nae iö im I ar jaje kake; e ar jab jokwör air kekel iö.

16 Einwöt ro dri kajirere ilo kwoj-kwoj ko, r'ar kijdrekein ñi nae iö.

17 Iroi, ietoön Am reitok? Kwon lomoren aö jen kokkure ko air, eo e jitenburu iba jen laiön ko.

18 I naj kamolol Yuk ilo jar eo elap, i bwiljin elöñ armij I naj ne-bar Yuk.

19 Ro rej jumae iö ilo riöp ren jab löñliñ iö; ro rej kijirät iö im ejelok unin, ren jab rumrum kin mej.

20 Bwe re jab konono ainemön; a rej kine nan ko nan in etaö nae ro rej ber i ene im töt wöt.

21 Aet, r'ar kanuij walöñi löñir nae iö: r'ar ba, Aha, Aha, mejem r'ar loe.

22 Kw'ar loe, O Jeova; kwon jab iköñ. O Jeova kwon jab etolok jen ña.

23 Kwon ruj, Kwon ruj ñôn aö ekajet; aet ñôn men ko aö, aö Anij im aö Iroi.

24 Kwon ekajet iö, O Jeova, aö Anij, ilo Am wänik, im jab likit bwe ren löñliñ iö.

25 Ren jab ba ilo burueir, Aha, ein drein am könan; ren jab ba, Kim ar wöröñölok e.

26 Ren jok im kairer ir iben dron, ro rej löñliñ kin aö jorran. Ren köñök jok im kananaik ir, ro rej koutiej ir möke nae iö.

27 Ren lamij kin löñliñ, im ren möñönö wöt, ro rej yokwe men kö aö remön, aet, ren ba ien otemjej.

Ren koutiej Jeova eo E mōnōnō kin jerammōn an korijeran.

28 Inem loē e naj konono kin Am wānik, im kin Am nebar iomin aolepen ran.

SAM 36.

Nōn eo ej lalē al. Sam an Devid korijeran Jeova.

**B**WIR an dri nana e ba ilo buruō, Ejelok mijōk Jeova iman mejen.

2 Bwe ej etaōk e mōke iman mejen, bwe ren jab lo nana eo an im kijirāte.

3 Nan ko an loñin renana im mon : e jokwōr an meletlet im kōmōn emōn.

4 Ej kine nana ilo kinien ; ej likit e mōke ilo ial e jab emōn ; e jab drike nana.

5 Am joij im yokwe, O Jeova ej ber i lōñ ko : Am tiljek ej tōbar mejatoto.

6 Am emōn ej einwōt tol ko an Anij ; ekajet ko Am einwōt lometo elap. O Jeova kwoj kejbārok armij im kiru.

7 E nañin aurōk Am joij im yokwe, O Anij ! im ro nejn armij rōn re naj ko ñōn lurin peiōm.

8 Re naj kanuij jokōne kin mweien mweo imōm relōñlok ; im Kwo naj kairak ir kin river eo river in mōnōnō ko Am.

9 Bwe ibōm unin dren in mour ; ilo maram eo Am kim naj lo maram.

10 O kwalok wōt Am joij elap ñōn ro re jela Kwe, im Am wānik ñōn ro ejime burueir.

11 Neen jua en jab iten jumae iō, im pein dri nana en jab ubaklok iō.

12 Ijo ro re kōmōn nana r'ar buñ, emwij jolōllok ir, im re jamin maroñ in jerkak.

SAM 37.

Sam an Devid.

**K**WON jab aliñōrñōr kin ro rej kōmōn nana, im kwon jab junmare nae ro rej jerbal ilo jab wānik.

[Marshall Islands.] \*2

2 E naj mōkōj in bukwe ir einwōt ujoi ; im re naj aimerlok einwōt mar e maroro.

3 Kwon liki Jeova im kōmōn emōn ; kwon jokwe ilo ene im lore tiljek.

4 Kwon bareinwōt lōñliñ ilo Jeova, im E naj lewoj men in kajitōk ko an buruōm.

5 Kwon karebillok am ial ion Jeova, kwon bareinwōt liki E, im E naj kōmōue.

6 Im E naj kwaloktok am wānik einwōt maram, im am ekajet einwōt ke loliñ al.

7 Kwon kakiyek yuk ilo Jeova, im kōtare im jab kijorur. Kwon jab aliñōrñōr kin eo e jerammōn an ial, kin eo ej kōmōnmōn bebe ko renana.

8 En jokwōr am illu, im kwon illok jen e ; im kwon jab aliñōrñōr in kōmōn nana wōt.

9 Bwe ro rej kōmōn nana re naj joko ; a ro re kōtar Jeova re naj jolit enē eo.

10 Bwe jirik wōt ien, im eo enana e naj joko ; aet, kwo naj kalimjeke jikin im e naj ejelok.

11 A ro etā burueir re naj jolit ene eo, im re naj kalōñliñ ir mōke kin ainemōn elōñlok.

12 Eo dri nana ej bebe nae dru wānik, im ej kijdrekein nae e.

13 Jeova e naj tōñ kake, bwe Ej lo an itok wōt ran eo an.

14 Ro dri nana r'ar nuri jāji eo, im r'ar kiele libon eo air, bwe ren jolōllok ro dri jeramel im ro re aikwij, bwe ren mōn ro dri jime ilo air ial.

15 Jāji eo air e naj wākāri burueir wōt, im e naj bwilōk libon eo air.

16 Emōnlok mōtōn jirik wōt iben ro remōn jen mweiuk elap an elōñ dri nana.

17 Bwe naj ruje pein ro dri nana, ak Jeova ej kejbārok ro remōn.

18 Jeova e jela ran ko an ro rewāppen, im air jolit e naj ñōn in drio.

19 Re jamin jok ilo ien eo enana, im ilo ran ko ran in ñitta re naj mat.

20 A ro renana re naj joko, im ro

rej kijirāte Jeova re naj einwōt ma-  
tōk in lam ko. Re naj monlok, im  
ilo batat re naj etor wōt.

21 Ro renana rej karoñ im jab bar  
lelok, a eo ewānik e joiſ. in kōmōn  
im ej lelok.

22 Bwe ro rej mōnōnō ilo E re naj  
jolit ene eo, im ro rejerata kin E  
naj bukwe lok ir.

23 Jeova ej kabin etāl ko an juōn  
eman, im E mōnōnō kake an ial.

24 Meñe e buñ, jamin jolōllok e  
wōt, bwe Jeova ej drebij e kin pein.

25 I kar ajiri im kiō I lōlap, a I  
jañin lo dri'mōn ke r'ar illok jen e,  
ak inen ke r'ar oor kijeir.

26 Iomin aolepen ran ej kōmōn  
joiſ im lelok; im inen emōnōnō wōt.

27 Kwon illok jen nana im kō-  
mōn emōn, im ber ñōn in driō.

28 Bwe Jeova ej yokwe ekajet, im  
E jab illok jen ro remōn An: naj  
kejbārok ir ñōn in driō, a naj buk-  
we lok inen ro renana.

29 Ro remōn re naj jolit ene eo,  
im jokwe iloan ñōn in driō.

30 Loñin dri'mōn ej konono kin  
meletlet, im loin ej konono kin  
ekajet.

31 Kien Anij ej ilo buruen; ejelok  
buñten neen e naj jir.

32 Dri nana ej kefare dri'mōn, im  
ej bukot bwe en mōn e.

33 Jeova e jamin likit e ilo pein,  
im E jamin liakelok ñe ekajet e.

34 Kwon kōtar Jeova im kejbārok  
ial eo An, im E naj koutiej yuk in  
jolit ene eo. Ñe bukwe lok ro dri  
nana kwo naj loe.

35 I ar lo dri nana ilo kajur elap,  
im e ar edrete einwōt juōn wijki e  
maroro im jañin kōtepe.

36 A ejoko, im lo e jab ber; yokwe  
I ar kabukot e, im I ban lo e.

37 Kwon kakōle armij ewāppen,  
im kalimjek eo ejime, bwe mour in  
driō ñōn armij in alnemōn.

38 A kin ro dri bwir, naj kokkure  
ir jimor; ilo jemlokōn ro dri nana  
naj bukwe lok ir.

39 A lomor an ro remōn jen Jeova,  
E air me ekajur ilo ien jorran.

40 Im Jeova ej jibōñ ir, im lomor  
ir. Ej kōtlok ir jen ro renana im  
lomor ir, bwe r'ar ko im ber ilo E.

# SAM 38.

Sam an Devid in kakememej.

**O** JEOVA kwon jab kowe iō ilo  
Am illu, im Kwon jab kajeik  
iō ñe ebwil Am illu.

2 Bwe mōri ko Am r'ar wākāri iō,  
im peiōm e kanuij kabij iō.

3 Ejelok kōniekiō ebin kin Am  
illu: ak ejelok mour ilo dri ko driō  
kin aō bwir.

4 Bwe bwir ko aō r'ar kijone bōra.  
Einwōt inek erro rerrolok jen ña.

5 Kinij ko aō re buōl im re kōt  
kin aō anapāp.

6 Ij metōk im I kanuij kumlik-  
lik, ij etetal im jōñ iomin aolepen  
ran.

7 Bwe ibiō re obrōk kin bwil, im  
ejelok keie ilo kōniekiō.

8 Ij barōk im kanuij eobōp; I ar  
rorror kin abnōnō in buruō.

9 Iroiſ, aolepen aō kōnan iman  
mejōm; im aō ñirñir I ar jab noj  
jen Kwe.

10 Buruō e kūmkūm wōt, aō ka-  
jur ejokolok, kin maram in meja, e  
bareinwōt joko jen ña.

11 Ro r'ar yokwe im jeraik iō re  
jutōk im jibil jen aō iñtan, im ro  
nuku re jutōk etolok.

12 Bareinwōt ro rej kabukot aō  
mij rej kōmōn jen ko nae iō, im  
ro re kabukot aō jorran re konono  
men in kokkure iō, im kine etaō  
ko iomin aolepen ran.

13 A ña einwōt armij e roñjam-  
mōn, I ar jab roñjake, im ij einwōt  
armij e ban konono, eo e jab wa-  
lōñi loñin.

14 Aet ña einwōt juōn armij e jab  
roñ, im ilo loñin ejelok nan in  
kowe.

15 Bwe ilo Kwe O Jeova, ij keja-  
trikrik iō; kwo naj uak, O Iroiſ aō  
Anij.

16 Bwe I ar ba, Ñe ab ren lōñliñ  
kin ña; ke neiō ej jirlok, re koutiej  
ir mōke nae iō.

17 Bwe I nañin ajkupkup, im aō buromōj ej ien otemjej imaō.

18 Bwe I naj kwalok aō bwir, I naj buromōj kin aō jerawiwi.

19 A ro rej kijirāt iō re mour wōt, im rekajur: im ro rej drike iō ilo jab wānik, relōñlok.

20 Bareinwōt ro rej nawōnan nana kin emōn, re dri jumae iō, bwe I lore men eo emōn.

21 Kwon jab illok jen ña; O Jeova; O aō Anij, kwon jab etelok jen ña.

22 Kwon kijorur im jibōñ iō, O Jeova aō Dri lomor.

### SAM 39.

Ñon eo ej lāle al, ñon Jedutun. Sam an Devid.

**I** AR ba, I naj lāle ial ko aō, bwe in jab bwir kin loō; I naj kej-bārok loñiō kin ken drebij ke dri nana e iman meja.

2 I ar einwōt I ban konono, I ar jab ba men eo emōn, im aō buromōj elaplok.

3 Buruō ebwil ilo ña; ke I ar kalomōnlokjen urur e jo, inem I ar konono kin loō.

4 Jeova kwon kajelaik iō kin jemlokōn aō mour, im kin joñioñ ran ko aō ta eo. Kwon kajelaik iō ekij-kan I mōjino.

5 Lo, Kw'ar kōmōn ran ko aō einwōt drilpen pā ko. Im aō mour einwōt ejelok imam. Emol armij otemjej ñe remōntata, rewan wōt. Sela.

6 Emol jabrewōt armij ej etal einwōt ilo men in ewan. Emol re makōtkit im ejelok tokjen; ej koorlok mweiuk ko im e jaje wōn eo e naj alni.

7 Im kiō, Iroi, ta eo ij kōtare? Aō kejatrikrik ilo Kwe.

8 Kwon lomor iō jen bwir ko aō otemjej: Kwon jab kōmōn iō bwe in men in kajok an dri bwebwe.

9 I ar einwōt I ban konono, I ar jab walōñi loñiō, bwe Kwe Kw'ar kōmōne.

10 Kwon kadruaklok Am kaiñtan iō jen ña; ij etōr kin an peiōm dreñlok iō.

11 Ke Kwoj kajelaik juōn armij kin enoik ko bwe e dri jerawiwi, Kwoj kōmōn bwe an wōleo en joko einwōt kin drile: emol armij otemjej einwōt men in wan.

12 Kwon roñjake aō jar O Jeova, im eorōñ aō kir; Kwon jab ikōñ ñe ij jōñ, bwe ña drua maijet ibōm, dri itoitōk einwōt ro jima otemjej.

13 O Kwon rellok jen ña bwe in mōnōnōlok mokta jen aō ilok jen ijin im joko wōt.

### SAM 40.

Ñon eo dri lāle al. Sam an Devid.

**I** AR kōtar Jeova im jab kijorur, im E ar mōllok ñōn iō, im roñjake aō jar.

2 E ar kwotōke iō jen juōn roñ e kanuij nana, jen birkōt in kle ebiruru, im E ar likit neiō ilo juōn dreka, im kabin etal ko aō.

3 Im E ar likit juōn al ekal ilo loñiō, yokwe, nebar ñōn aō Anij. Elōñ re naj loe im mijōk, im naj liki Jeova.

4 Emōnōnō armij eo ej liki Jeova wōt, im e jab lāle ro dri jua, ak ro rej jebwabwe ñōn riōp ko.

5 O Jeova aō Anij, elōñ men in bwilōñ, jermal ko Kw'ar kōmōne, kab lemnok ko Am ñōn kim: re ban kilajrōk ir ñōn Kwe; elañe I naj kōnan kwalok im konono kaki, relōñ jen maroñ in bwini.

6 Jurtak im men in katok, Kwo jab lōñliñ kaki: lojiliñiō Kw'ar kebellok. Men in katok ko rej tili, im men in katok kin jerawiwi, Kw'ar jab kajitōk.

7 Inem I ar ba, Lo ij itok; ilo Buk eo elimlim emwij jeje kin ña.

8 I lōñliñ in kōmōnmōn ankil Am, O aō Anij, aet kiōm ej ber iloan buruō.

9 I ar kwalok wānik ilo jar eo elap: lo I jamin bor tiō: O Jeova kwo jela.

10 I ar jab noj Am wānik ilo buruō; I ar kwalok Am tiljek im Am lomor; I ar jab noj Am joi, im Am mol jen jar eo elap.

11 Kwon jab drebij Am tiriamokake ko jen ña, O Jeova. Am joij im Am mol ren kejbärok ið ien otemjej.

12 Bwe men ko renana relöñ jen maröñ in bwini, r'ar kabol ið. Bwir ko að r'ar lukwörkwör ið im bök ið, inem I ban reiliñlok. Relöñ jen kwöl ko kolan böra, im buruð e ar kijelok.

13 Kwon joij O Jeova, im lomorið; Kwon kijorur in jiböñ ið O Jeova.

14 Ren jok im kairer ir, ro rej kabukot að bwe ren mön e. Ren jenliklik im kananaik ir, ro rej mönöñ in kokkure ið.

15 Ren men in jeebeplok kin air jok, ro re ba ñön ið, Aha! Aha!

16 Ro otemjej rej kabukot Yuk, ren löñliñ im mönöñ ilo Kwe; ro rej yokwe Am lomor, ren ba ien otemjej, En utlej Jeova!

17 A ña I jeramel im aikwij, a Jeova ej lemnok kin ið. Kwe að Dri jiböñ im að Dri lomor: Kwon jab rumij, O að Anij.

# SAM 41.

Ñön eo ej lale al. Sam an Devld.

**E**MÖNÖNÖ eo ej lale ro dri jeramel; Jeova e naj lomoren ilo ran in jorran.

2 Jeova e naj kejbärok e im kaitoklok an mour, im e naj jerammön ilo lö, im E jamin ketök e ñön ankil an ro rej kijiräte.

3 Jeova e naj lale e ilo kinien ñe e mojino: Kwoj kömön aölepen bed eo an ilo an nañinmij.

4 I ar ba, O Jeova kwon tiriamokake ið; Kwon käejmour ið, bwe I ar jerawiwi nae Yuk.

5 Ro rej kijirät ið, rej konono nana nae ið, im ba, Ñat e naj mij im etan en joko wöt?

6 Im elañe ej iten lolok ið, ej konono riðp; buruen ej aini nana ñön e möke. Ñe ej inabijlok ej kwalok e.

7 Ro otemjej dri kijirät ið rej unojrikrik iben dron nae ið; nae ið rej kine men ko men in kokkure ið.

8 Juön nañinmij enana, re ba, ej

edrep ñön e, im kið ej babu inem e jamin bar jerkak.

9 Aet, jera eo e jitenburu iba, eo I ar liki, im e ar möña jimötön kijio, e ar bibilok jimwin neen nae ið.

10 A Kwe O Jeova, kwon tiriamokake ið, im kejerkak ið, bwe in nawönair.

11 Kin men in I jela Kwoj löñliñ ilo ña, bwe eo ej kijirät ið e jab jua-löñliñ loð.

12 Ak kin ña, Kwoj baur ið ilo að wänik, im likit ið iman mejöm ñön in drio.

13 Emönöñ wöt Jeova, Anij in Israel jen in drio im ñön in drio. Amen im Amen.

# SAM 42.

Ñön eo ej lale al. Maakil an ro nejin Kora.

**E**INWÖT kiru hart e kanuij könan river ko in dren, ein drein að e kanuij könake Yuk, O Anij.

2 Að emaro kin Anij, kin Anij eo dri mour; ñat I naj iwij im walok iman mejen Anij.

3 Að dren in kemjalal e ar kijið ran im boñ, ke re ba ñön ið ien otemjej, Ewi am Anij?

4 Men kein ij kememej im lutöklök að iloð, ekijkan að kar ilok iben jar eo im tellok ir ñön imön Anij.

5 Etke jolöllok yuk O að? Etke kwoj abnönö ilo ña? Kwon kejarikrik yuk ilo Anij, bwe I naj nebar E juön ien kin lomor an mejen.

6 O að Anij, emwij jolöllok að ilo ña; kin men in I kememej Yuk jen ene'n Jordan, im jen Hermön ko im tol Maizar.

7 Imlöl ej kir ñön imlöl kin aini-ken aire ko Am; no ko otemjej Am, im ibij ko Am r'ar uweliñlok ilöñið.

8 A Jeova e naj jiroñ joij eo An ilo ran, im ilo boñ al eo An e naj iba: aet juön jar ñön Anij in að mour.

9 I naj ba ñön Anij að dreka, Etke Kw'ar meloklok ið? Etke ij etal im jöñ kin an dri kijirät kama-kokoik ið?

10 Einwöt juön jäji ilo drið, ro dri

jumae ið re kinaklok ið, ke re ba ien otemnej ñòn ið, Ewi am Anij?

11 Etke jolöllok yuk, O að, im etke kwoj abunðo ilo ña? Kwon kejat-rikrik yuk ilo Anij, bwe juðn ien I naj nebar E; Eo ej mour an turin nieja im að Anij.

SAM 43.

**K**WON ekajet ið O Anij, im akwaile að akwail nae ro dri ailiñ eo re dri jerawiwi: O Kwon lomorið jen armij eo dri mon im e jab wānik.

2 Bwe Kwe Anij an að kajur; etke Kw'ar jolok ið? Etke ij etal im liaj-  
lol kin an dri kijirāt matörtör ið?

3 O Kwon jilkintok Am maram im mol, ren tel ið; ren kötöbar ið ñòn am tol in kwojarjar, im imðn kabēr ko Am.

4 Iuem I naj itok ñòn imðn lokat-  
tok in Anij, ñòn að löñliñ e kanuij  
lap: im kin arp I naj nebar Yuk, O  
Anij, að Anij.

5 Etke jolöllok yuk O að, im etke kwoj abunðo ilo ña? Kwon kejat-rikrik yuk kin Anij, bwe juðn ien I naj nebar E, eo mour in turin meja im að Anij.

SAM 44.

Ñòn eo ej lale al. Sam an ro nejñu Kora. Maskil.

**K**IM ar roñ kin lojiliñim, O Anij; ro jimam r'ar kennanek kim, ta jerbal eo Kw'ar kōmōni ilo ran ko air, ilo ran ko remotelok.

2 Kw'ar kadrioijslok ro dri ailiñ ko kin peiðm, im Kw'ar kallip ir ie; Kw'ar kokkure ro dri ailiñ ko, im Kw'ar kejbliklok ir.

3 Bwe r'ar jab bōk ene eo kin jāji eo air, im peir e ar jab lomorið: a anbijmaroñom im peiðm, im maram in turin mejom, bwe Kw'ar kōñiajoik ir.

4 Kwe að Kiñ, O Anij, kwon kaiñi men in lomorið ñòn Jekōb.

5 Kin Kwe kim naj jibellok ro rej jumae kim: kin etom kim naj juri ro rej jerkak nae kim.

6 Bwe I jamin liki að libon, im jāji eo að e jamin lomorið.

7 A Kw'ar lomorem jen ro rej jumae kim: Kw'ar kajok ro rej kijirāt kim.

8 Ilo Anij kim ar jualöñlōñ iomin aolepen ran; im kim naj kamolol etom ñòn in drio. Sela.

9 A kið Kw'ar jolok kim, im kana-  
naik kim, im Kw'ar jab ilok iben  
jar in torinae ko am.

10 Kwo kejeblaktok kim jen eo dri jumae; im ro rej kijirāte kim rej rakimi kim ñòn ir möke.

11 Kwo lelok kim eiwōt šip ko kijen armij; im Kw'ar kejbliklok kim iben ro dri ailiñ ko.

12 Kwo wiakake ro drom kin ejel-  
lok, im Kw'ar jab mweielok kin  
wōnair.

13 Kwoj kōmōn bwe kimin men in kinak iben ro dri turum; men in kejekron im kitōtōkake ñòn ro rej kabol kim.

14 Kwoj kōmōn bwe kimin nan in kinak iben ro dri ailiñ ko; juðn men in jibolul bōrair iben jar in armij rōn.

15 Iomin aolepen ran air kananaik ið ej imað; im jok e ar kalibubu turin meja:

16 Kin ainiken eo ej kinaklok im kitōtōkake, kin eo ej dri kijirāt im dri irenwōne.

17 Aolepen men in e ar itok iom, a kim ar jab meloklok Yuk; im kim ar jab kōmōn men in riðp ilo bujen eo Am.

18 Buruem e jab oktōklik, im buñ-  
ten neem r'ar jab jirlok jen Am  
ial;

19 Bwe Kwon kokkure kim ilo ji-  
kin kiru rawia, im kalibubu kim  
kin lurin mij.

20 Elañe kim ar meloklok etan am Anij, ak erlokwe peem ñòn juðn anij e drua maijet.

21 Anij e jamin kabukot men in ke? Bwe E jela men ko retino in buru.

22 Aet kin Kwe rej mōn kim iomin aolepen ran, rej bwiui kim einwōt šip ko drien mij.

23 Kwon ruj, etke Kwoj kiki, O

Jeova? Kwon jerkak, Kwon jab jolok kim ñôn in drio.

24 Etke Kwoj noj turin mejôm, im meloklok am jorran im matôr-tôr kim?

25 Bwe am ej kumlkliklîk ñôn bô-ñôlñôl, lojiem ej edrep ñôn lâl.

26 Kwon jerkak ñôn jibôñ kim, im lomorem kin Am tiriamokake.

SAM 45.

Ñôn dri lalê al lon Sosannim. Ñôn ro nejin Kora. Maskil. Al kin yokwe ko.

**B**URUÔ elôñmejjirjir kin men eo emôn. I konono men ko I ar kômôni kin Kiñ eo: loô ej einwôt pen an juôn armij e minene in jeje.

2 Kwe kwoj wôlio jen ro nejin armij; emwij lutôklok joiy emôn ilo tiôm, inem Anij e ar kamônônôik Yuk ñôn in drio.

3 Kwon kânôram jâji lon ibim, O Kwe eutiejtata; Am wuj im Am utiej.

4 Im ilo Am utiej Kwon uwemanlok im jeban, kin Am mol im inemôn im wânik: im anbijmarôñôm e naj katakin Yuk men ko reiet wôt.

5 Môri ko Am rekôñ, ro dri ailiñ ko re buñ iomin Yuk; rej ilo bu-ruen ro rej kijirât Kiñ eo.

6 Am tron O Anij, e in drio im in drio; septer in wânik septer in ailiñ eo Am.

7 Kw'ar yokwe wânik im drike jerawiwi, inem Anij, Am Anij e ar kabit Yuk kin oil in lôñlîñ eutiey jen ro rej ber ibôm.

8 Nuknuk ko Am otemjej rewôj kin môrr im aloes im kassia, jen imôn iroiñ in aivôri, ken kajôñjôñ ko eor toair r'ar kamônônôik Yuk.

9 Kôra ro nejin kiñ rej ian kôra ro Am reutiey; i anbijmarôñôm ej jutôk liroiñ ilo gold in Ofir.

10 Kwon roñjake, O Nejin kôra, im kalomônlokjen im eoroñ; kwon meloklok dri ailiñ ro am im imôn jemôm.

11 Ein drein Kiñ eo e naj kônake

am dreo, bwe E am Iroiñ; im kwon kabuñ ñôn E.

12 Im nejin kôra dri Tair e naj ijo im jurtak iben: ro dri mwele wôt ian ro dri ailiñ re naj bukot am joiy.

13 Kôra eo nejin kiñ iloan mweo imôn iroiñ e aibujuui wôt: nuknuk ko an e litlit kin gold.

14 Naj tellok e ñôn Kiñ eo im kônôk nuknuk ko retiltîl: virjin ro jiroñ rej lore; naj telwoy ir ñôn kwe.

15 Kin mônônô im lôñlîñ naj tel ir; re naj dreloñ ñôn iloan mweo imôn iroiñ an kiñ eo.

16 Ro nejom man re naj biney jenkwôn ro jemôm, ro kwo naj likit ir iroiñ i aolepen lâl.

17 I naj kakememej etôm ilo ebeben otemjej; kin men in ro dri ailiñ ko re naj kamolol Yuk ñôn in drio im in drio.

SAM 46.

Ñôn eo ej lalê al. An ro nejin Kora. Ilo Alamôt. Juôn al.

**A**NIJ amuij likepijñôk im kajur; Dri jibôñ e kanuij ebak ilo iñtan ko.

2 Inem kim jamin mijôk meñe lâl ej ein juôn, ak meñe kamôkit tol ko ñôn iloan lometo;

3 Meñe dren ko an re ñîrñîr im lijemôrmôr, meñe tol ko re makôt-kit kin an ibijlok. Sela.

4 Juôn river im ai ko an re naj kalôñlîñ jikin kwelok an Anij; jikin kwojarjar an imôn kabere ko an Eo eutiejtata.

5 Anij e iloan, e jamin makôtkit; Anij e naj jibôñ e, im men in ñe erantak.

6 Ro dri ailiñ ko r'ar aol, ailiñ in kiñ ro re makôtkit: E ar konono im lâl e unlok.

7 Jeova an jar in tôrinae ko ibem; Anij an Jekôb amuij likepijñôk. Sela.

8 Komin iten lojerbal ko an Jeova; ta kokkure ko E ar kômôni ilo lâl.

9 Ej kejemlok tôrinae ko ñôn jemlokôn lâl; Ej kabwîlok libon

eo, im bukwe mōri, E till jariōt ko kin kijeek.

10 Komin beriwōt im jela bwe Ņa Anij; I naj utiej i bwiljin dri ailiñ ko, I naj utiej ilo lōl.

11 Jeova au jar in tōrinae ko ibem; Anij an Jekōb aō likepijñōk. Sela.

SAM 47.

Ņōn eo ej lale al. Sam an ro nejin Kora.

**O** KOMIN kaitak peōml, kom dri ailiñ ko otemjej: komin lamij ñōn Anij kin ainiken anjo.

2 Bwe Jeova eutiejtata Ej alet wōt: E kiñ elap ion aolepen lōl in.

3 E naj kamakokoik ro dri ailiñ ko iomin kim; im jar kē air iomin neem.

4 E naj kalet amuij jolit ñōn kim; men eo emōnpotata an Jekōb, eo E ar yokwe. Sela.

5 Anij e ar wōnliñlok kin lamij; Jeova kin ainiken jilil.

6 Komin al im nebar Anij, komin al im nebar; komin nebar amuij Kiñ, komin al im nebar.

7 Bwe Anij e Kiñ in aolepen lōl; komin al im nebar kin jelalokjen.

8 Anij e Kiñ ion ro dri ailiñ ko; Anij ej jijōt ilo tron eo An ekwojarjar.

9 Iroj an ro dri ailiñ ko r'ar kweloktok bwe ren dri ailiñ an Anij in Ebream. Bwe likepijñōk ko ilo lōl in an Anij: E kanuij utiej.

SAM 48.

Juōn al. Sam an ro nejin Kora.

**E**LAP Jeova, im ren kanuij nebar E, ilo jikin kwelok an amuij Anij, ilo tol eo An ekwojarjar.

2 E wōlio kin An utiej, men in lōñliñ in aolepen lōl, tol Zaiōn ilo katin ko eāñ, jikin kwelok an Kiñ eo elap.

3 Anij e ar mōke kwalok E ilo imōn iroj ko an bwe en likepijñōk.

4 Bwe lo, kiñ ro r'ar kweloktok; r'ar jimor jokolok.

5 R'ar loe, inem r'ar bwilōñ kake; r'ar kanuij mijōk; r'ar kijorur in ilok.

6 Wurirrir e ar jibwe ir ijo, im iñtan einwōt an juōn kōra ej iñtan kin an bōroro.

7 Kwoj rupe wa ko an Taršiš kin kōto jen rear.

8 Einwōt kim ar roñjake, ein drein kim ar loe; ilo jikin kwelok an Jeova in jar in tōrinae ko, ilo jikin kwelok an am Anij: Anij e naj kabin e ñōn in drio. Sela.

9 Kim ar lemnok kin Am joij, O Anij, i bwiljin tempel eo Am.

10 Einwōt etōm O Anij, ein drein air nebar Yuk ñōn jemlokōn ko jemlokōn lōl. Anbijmaroñōm e obrōk kin wānik.

11 Tol Zaiōn en mōnōnō, kōra ro nejin Juda, ren lōñliñ kin ekajet ko Am.

12 Komin etal iturin Zaiōn, im kabol e, bwini imōn bar ko an.

13 Komin kalimjek worwor ko an; komin lale imōn iroj ko an, bwe komin kenaunek ebeben eo tokelik.

14 Bwe Anij in E amuij Anij ñōn in drio: E naj amuij dri tel ñōn ien mij.

SAM 49.

Ņōn eo ej lale al. Sam an ro nejin Kora.

**K**OMIN roñjake men in, kom ro dri ailiñ ko otemjej; komin eoroñ, kom otemjej kom dri jokwe ilo lōl.

2 Ro retā im ro reutiej, dri mwele im dri jeramel jimor.

3 Loñiō e naj konono meletlet; im kalomōnlokjen in buruō e naj kin jelalokjen.

4 I naj eoroñ juōn wan jōñok, im kwalok aō nan etino kin arp.

5 Etke in mijōk ilo ran ko renana, ñe jab wānik an ro rej matōrtōr iō ej kabol iō?

6 Ro rej liki air kajur, im jualōñlōñ kin elōñ mweuk ko mweleir:

7 Ejelok juōn iair e maroñ in wialk jātin man, im e ban lelok ñōn Anij binmour kin e.

8 Bwe e aurōk binmour eo an, im ren likit e ñōn in drio.



9 Bwe en mour wõt ñõn in drio, im bwe en jamin lo köt.

10 Bwe ej lo an ro dri meletlet mij, dri bwebwe im dri jelalokjen re jimor joko, im likit mweluk ko mweieir ñõn bar jet.

11 Ilo burueir eor air lemnok, mo ko imweir re naj ber ñõn in drio, im jikir ñõn ebeben otemjej; rej naetan ene ko air kin etair wõt.

12 A armij e jab beriwõt ilo nebar, e einwõt kiru ko remij.

13 Eñin, air ial, e men iu bwebwe ibeir: ak elikir armij rej nebar air in nan. Sela.

14 Emwij likit ir juõn bwij ñõn Hedis; mij e naj air dri lale, im ñe e jiboñ ro dru wānik re na iroij loir im air wōllo e naj etōp kin Hedis, bwe en ejelok jikin.

15 A Anij e naj binmour aõ jen kajur an Hedis, bwe E naj bōk iõ. Sela.

16 Kwon jab mijōk ñe juõn armij e mweielok, ñe wuj au mweo imõn elōñlok.

17 Bwe e naj mij, e jamin bōklok jabrewõt; an aibujujij e jamin wōn-lōllok iben.

18 Meñe ke e ar mour, e ar nebar an; im armij rej nebar yuk ñe kwoj kōmõn emõn ñõn kwe mōke.

19 E naj ilok ñõn ebeben an ro jiman; re jamin lo maram ñõn in drio.

20 Armij eo eutiey im dri jajelokjen, ej einwõt kiru re joko.

# SAM 50.

Sam an Esap.

**A**NIJ, aet Anij Jeova e ar konono, im kir lōl in jen tak al ñõn tulok al.

2 Jen Zaiõn, men e wāppen an wōlio, Anij e ar romaktok.

3 Amuij Anij e naj itok im E jamin kejeklokjen; kijeek e naj kãñi iman, im e naj kanuij einwõt lañ iturin.

4 E naj kir ñõn lōñ ko im ñõn lōl, bwe En ekajet ro dri ailiñ An.

5 Komin kokweloktok ñõn iba

ro remõn Am, ro r'ar kōmõn bujen iba kin katok.

6 Im lōñ ko re naj kwalok An wānik, bwe Anij e mōke dri ekajet eo. Sela.

7 Komin roñjake, O aõ dri ailiñ, im I naj konono, O Israel im I naj kennan ñõn yuk: Ña Anij, aet am Anij.

8 I jamin kowe yuk kin katok ko ami; im men in katok ko ami re tili, rej imaõ ien otemjej.

9 I jamin bōk kau koman jeu mweo imõm, ak goat koman ko jen worwor ko ami.

10 Bwe kiru otemjej i bwiljin wijki ko rej aõ, im kau ko ilo juõn tausan tol ko.

11 I jela bao ko otemjej ilo tol ko reutiey, im kiru ko rawia ilo ene ko rej aõ.

12 Elañe I kwūli, I jamin kenanek yuk, bwe lōl ej aõ kab men ko e obrōk kaki.

13 Ña in mōña kōnieken kau koman ko ke? ak irak bōtōktōkin goat ko?

14 Komin lelok ñõn Anij jurtak in kamolol, im kōlla ñõn Eo eutiey-tata men ko kw'ar kauõjujij kaki.

15 Im kwon kir ñõn iõ ilo ran in jorran; I naj lomoren yuk im kwo naj nebar iõ.

16 A ñõn ro dri nana, Anij ej ba; Ta ibõm bwe kwon kwalok kien ko Aõ, im bōk ñõn loan loñõm bujen eo Aõ?

17 Bwe kwoj drike katak, im kwoj jolok ilikõm nan ko Aõ.

18 Ke kw'ar io juõn dri kwot, kw'ar bōk ñõn buruen, im kw'ar komaõ iben ro dri lūñ.

19 Kw'ar lelok loñõm ñõn nana, im loõm ej kōmõnmõn etao.

20 Kwoj jijõt im konono nae jeõm, kwoj ba nan in riõp kin nejin jinõm.

21 Kw'ar kōmõn men kein im I ar kejeklokjen; kw'ar lemnok Ña kauuij einwõt yuk; a Ña I naj enoik yuk, im kilajrōk bwir ko am iman mejõm.

22 Inem komin kalomönlokjen kin men in, komeo komij meloklok Anij, ñe ab in kekel kom, im ejelok dri lomor.

23 Jabrewöt eo ej katok kin kamolol ej kaibujuij Ið, im ñön eo ej kajime an konono, I naj kwalok an Anij lomor.

# SAM 51.

Ñöndri lale al. Sam an Devtd, ke Netán dri kanan e dreloñlok ñön Iben. elikín an babu Iben Batseba.

**K**WON tiriamokake ið, O Anij, ilo Am joij elap: ilo Am tiriamo in yokwe relöñ, Kwon jolok bwir ko að.

2 Kwon kanuij kwolkwol ið jen að nana, im karreoik ið jen að jerawiwi.

3 Bwe ij kwalok bwir ko að, im jerawiwi eo að ej imño ien otemjej.

4 Nae Yuk, nae Yuk wöt I ar bwir; im I ar kömön men in enana iman mejöm: bwe ren kowānik Yuk ne Kwoj konono, im enjelok ruöm ne Kwoj ekajet.

5 Lo emwij kömönmöñ ið ilo jab wānik; im ilo jerawiwi jinö e ar etaik ið.

6 Lo, Kwoj könan mol iloan armij, im ilo mötön etino Kwo naj kajelaik ið meletlet.

7 Kwon kokwojarjar ið kin hisöp, im I naj erreö; Kwon kwolkwol ið im I naj mouj jen sno.

8 Kwon karoñolok ið kin möñöñ im löñliñ, bwe dri ko Kw'ar ruji ren lioeo.

9 Kwon noj mejöm jen bwir ko að; im Kwon jeor að jerawiwi otemjej.

10 Kwon kömöumön buruö erreö ilo ña, O Anij; im kökal að ejime iloan.

11 Kwon jab jolok ið jen iman mejöm; im Kwon jab bök jen ña Am Jitöb Kwojarjar.

12 Kwon kejeblaktok ñön ið löñliñ in Am lomor; im baur ið ilo buru anemkwöj.

13 Inem I naj katakin ro dri bwir

ial ko Am; im ro dri jerawiwi re naj ukwelok ñön Yuk.

14 Kwon lomorið jen ruön bötkök, O Anij kwe Anij an að lomor, inem loð e naj al im lamij kiu Am wānik.

15 O Jeova kwon kebellok tið, im loð e naj kwaloklok Am nebar.

16 Bwe Kwo jab bunburuöm kin katok, ak I naj kar lewoj: Kwo jab möñöñ kin men in katok rej tili.

17 Jurtak ko an Anij buru erup; buru erup im etä O Anij, Kwo jamin kejekron.

18 Kwon kömöñmöñ emön ilo Am joij ñön Zaiön; Kwon kalek worwor ko an Jerusalem.

19 Inem Kwo naj möñöñ kin men in katok ko rewānik; kin men in katok ko re tili, ko re tili im jab bukwi. Inem re naj katok kin kau koman ko ilo lokatok eo Am.

# SAM 52.

Ñön eo ej lale al. Maskil an Devtd ke Doeg dri Idöm e ar item kenannek Saul, im ba ñön e, Devtd e ar Itok ñön imön Ahimelek.

**E**TKE kwoj jualöñlöñ ilo kömöñ nana, O armij ekajur? An Anij tiriamo ej ber ien otemjej.

2 Loöm ej kine nana wöt, einwöt juön naip eköñ, e jermal kin mon.

3 Kwoj yokwe nana jen emön, im riöp jen konono wānik. Sela.

4 Kwoj yokwe nan ko nan in woröñolok, O kwe loen mon.

5 E naj ein drein an Anij kökkure yuk ñön in drio; E naj kwotöke yuk, im kekake yuk jen im nuknuk am, im kötepe yuk jen enen mour. Sela.

6 Ro dru wānik e naj loe, im mijö, im re naj töñkake e im ba,

7 Lo eñin armij eo e ar jab likit Anij an kajur, a e ar liki mweien elöñlok, im kakajur e möke ilo an nana.

8 A kin ña, I einwöt wijki oliv e maroro, ilo imön Anij; ij liki an Anij tiriamokake ñön in drio im in drio.

9 I naj kamolol Yuk ñön in drio, bwe Kw'ar kömöñe, im I naj kejat-

rikrik ið ilo etõm; bwe e emõn  
iman ro remõn Am.

## SAM 53.

Nõn eo ej lale al: ion Mahalat. Maskil an Devid.

**D**Ri bwebwe e ar ba ilo buruen,  
Ejelok Anij. Re kõt, r'ar kõ-  
mõn nana men in jõiõik. Ejelok  
juõu ej kõmõn emõn.

2 Anij e ar reilõltok jen lõñ ion ro  
nejin armij bwe En lo elañe jabre-  
wõt eo e jelalokjen, im kabukot  
Anij.

3 Ir otemjej r'ar jeblaklok, ir otem-  
jej rej jimor brijrij; ejelok juõn ej  
kõmõn emõn, e jab juõn wõt.

4 Ejelok jelalokjen iben ro rej kõ-  
mõn nana ke? Ro rej kãñi ro droõ  
einwõt air mõña bred, im re jab kir  
ñõn Anij.

5 Ijo r'ar kanuij lelñõñ im ejelok  
uniu lelñõñ ie: bwe Anij e ar ke-  
jibliklok dri ko drin eo ej nitbwili  
yuk; Kw'ar kajok ir, bwe Anij e ar  
jolak ir.

6 O emõn elañe lomor an Israel e  
ar itok jen Zaiõn! Ñe Anij e naj  
kejeblaktok matõn iri ian ro dron,  
inem Jekõb e naj iõñliñ, im Israel  
e naj mõnõnõ.

## SAM 54.

Nõn eo ej lale al, ion ken kajõñjõñ eor toair.  
Maskil an Devid, ke dri Zip r'ar item ba ñõn Saul,  
Devid e jab tilekek ibem ke?

**K**WON lomorið O Anij kin etõm,  
im ekajet ið kin Am kajur.

2 Kwon roñjake að jar, O Anij;  
Kwon eoroñ nan ko jen loñið.

3 Bwe ro drua maijet r'ar jerkak  
nae ið, im ro dri lej r'ar kabukot að;  
r'ar jab likit Anij imair. Sela.

4 Lo Anij að Dri jibõñ; Iroj e ian  
ro rej baur ið.

5 E naj nawõnair ro rej kikirāt ið  
kin nana; Kwon kokkure ir ilo  
Am mol.

6 Kin jurtak men in yokwe, I naj  
katok ñõn Kwe; I naj kamolol  
etõm, O Jeova, bwe e emõn.

7 Bwe E ar lomorið jen jorran  
otemjej; im meja r'ar lo að kõnan  
kin ro rej kikirāt ið.

## SAM 55.

Nõn eo ej lale al, ilo ken kajõñjõñ eor toair.  
Maskil an Devid.

**K**WON eoroñ að jar, O Anij, im  
Kwon jab tilekek jen að akwe-  
lap.

2 Kwon lale ið im uak ið. Ij ab-  
nõnõ ilo að lotan, im ij ñõrñõr;

3 Kin aíniken ro dri kikirāt, kin  
matõrtõr an ro dri nana: bwe rej  
jotok iðõ jab wānik, im kin illu rej  
matõrtõr ið.

4 Buruõ ej lñtan ilo ña, im lelñõñ  
ko in mij r'ar buñ iðõ.

5 Mijõk im wuririr r'ar itok iðõ,  
im lelñõñ elap e ar kamaloñ ið.

6 Im I ar ba, O emõn iba elañe  
peið einwõt pein mull, inem I naj  
kãlok im kakije.

7 Lo I naj jebwãbwe etolok; I naj  
jokwe ilo enejemaren. Sela.

8 I naj kaiur ið im ko jen kõtõ  
elap, im jen lañ ko.

9 O Iroj, kwon kokkure im kijbil  
loair, bwe I ar lo jab wānik elej im  
akwail ilo jikin kwelok eo.

10 Ran im boñ rej etal iturin ion  
worwor ko an; nana im kejjorran  
rej iloan.

11 Jerawiwi ej ber iloan, matõrtõr  
im mon re jab ilok jen ial ko an.

12 Bwe e ar jab juõn dri jumae, e  
ar kinaklok ið, elañe ein drein I  
naj kar maroñ in kijennij kake:  
im e ar jab juõn e ar drike ið ej  
koutiej e mõke nae ið: elañe ein  
drein I naj kar tilekek jen e.

13 A kwe, juõn armij einwõt ña,  
jera im jitenburu iba.

14 Emõn wõt amro kar bebe iben  
dron, im kim ar etal ñõn imõn Anij  
iben jar eo.

15 Kokkure ko ren iloir: ren  
wõnlõllok ñõn iloan roñ eo: bwe  
jerawiwi ilo mweo imweir, ilo  
bwiljir.

16 Kin ña, I naj kir ñõu Anij, im  
E naj lomorið.

17 Jota, ke ejiboñ, im ke e loliñ al,  
I naj lotan im ñõrñõr, im E naj  
roñjake ainikið.

18 E ar lomorið ilo ainemõn jen

ketak eo e ar jumae ið, bwe elðñ ro r'ar tðrinaek ið.

19 Anij e naj roñjake, im naj ke-jorran ir, aet Eo ej ber jen ien ko remotelok. Sela. Armij ro ejelok ukot ibeir, im re jab mijðk Anij.

20 E ar erlokwe pein nae ro r'ar iben ilo ainemðu; e ar kananaik bujen eo an.

21 Loen e ar meoeo jen butter, a buruen tðrinae wõt: nan ko an ebi-ruru jen oil, a re jãji ko emwij nuri.

22 Kwon jolok inek eo am ion Jeova, im E naj baur yuk: E jamin likit ro remðn bwe ren makðtkit.

23 A Kwe, O Anij, kwo naj dror-lðlok ir ñðn iloan roñ in kokkure; armij ro rej yokwe bðtðktðk im mou re jamin mour jimðtðn ran ko ran in armij, a ña I naj liki Yuk.

#### SAM 56.

Ñon eo ej lale al; ilo Jonat-elem rehokim. Sam an Devid: Miktam. Ke dri Pillatja r'ar bøk e i Gath.

**K**WON tiriamokake ið, O Anij, bwe armij eo e kðnan wðrðñð-løk ið; lomin aolepen ran ej iri im matðrtðr ið.

2 Ro rej kijirät ið re kðnan wðrð-ñðlok ið aolepen ran; bwe relðñ rej jua im iri nae ið.

3 Ien ko ñe ij lelñon I naj liki Yuk.

4 Ilo Anij I naj nebar An in nan. I ar liki Anij, I jamin mijðk, ta eo kðniek e maroñ in kðmðn nae ið?

5 Iomin aolepen ran rej kankeke nan ko að, lemnok ko air otemjej re nae ið kin nana.

6 Re kweloklok, re tilekek, re kili buñten neið, im ein drein air kðtar nae að.

7 Re naj ko kin air jab wänik ke? Ilo illu Kwon jolðllok ro dri ailiñ ko, O Anij.

8 Kwoj bwini jebwäbwe ko að, Kwoj likit dren in kemjalal ko að ilo boto eo Am; re jab ilo buk ne Am ke?

9 Ien eo rodri kijirät ið re naj jen-liklik ilo ran ñe I naj kir: men in I jela bwe Anij e ñðn ið.

10 Ilo Anij I naj nebar An in nan; ilo Jeova I naj nebar An in nan.

11 I ar liki Anij, I jamin mijðk; ta eo armij re maroñ in kðmðn ñðu ið?

12 Kanðjuij ko Am ioð O Anij, I naj lewoj men in katok ko, im kamolol Kwe.

13 Bwe Kw'ar lomoren að jen mij: Kwo jamin lomoren neið jen buñ ke? bwe in etal iman Anij ilo mara-m in mour.

#### SAM 57.

Ñon eo ej lale al: ilo Al-tasheth. An Devid; miktam; ke e ar ko jen Saul iloan roñ eo.

**K**WON tiriamokake ið, O Anij, Kwon tiriamokake ið; bwe að ej ko ñðn Kwe; aet ilo lurin peiðm I naj tilekek, mae ien iñtan kein ren joko.

2 I naj kir ñðn Anij eutiejtata, ñðn Anij eo Ej kðmðnmðn men otemjej ñðn ið.

3 E naj jilkintok jen lðñ ko, im lomorið, ke eo e kðnan wðrðñðlok ið ej kajirere. Sela. Anij e naj jilkintok An tiriamo im mol.

4 Að ej iben laiðu ko; ij babu i bwiljin ro emwij tili ir, aet ro ne-jin armij, ñi ko ñiir rej mðri ko, im loir juðn jãji ekðñ.

5 Kwon utiejlok jen lðñ ko, O Anij, Am aibuuij en ilðñin aolepen löl in.

6 R'ar kapoj juðn jen ñðn buñten neið, að e kumliklik, r'ar kðbij roñ imað, emwij air mðke buñ na iloan. Sela.

7 Buruð ebin O Anij, buruð ebin; I naj al, aet I naj al im nebar.

8 Kwon ruj, að aibuuij, kwon ruj salteri im arp: ña mðke I naj ruj ñe e rantak.

9 I naj kamolol Yuk, O Jeova, ilo jar ko an armij: I naj al im nebar Yuk iben ro dri ailiñ ko.

10 Bwe Am tiriamo elap ñðn lðñ ko, im Am mol ñðn mejatoto.

11 Kwo utlej O Anij ilõñiu lõñ ko; Am aibujuij en ilõñ jen aolepen lõl in.

SAM 58.

Nõn dri lala al. Al-Taashbeth. An Devid: Miktam.

**E**MOL ami kononõ wänik ilo kejeklokjen ke? Kom ekajet ilo wänik ke, O komeo ro nejn armij?

2 Jab, ilo buruemi kom jerbale jerbale ko renana: kom paun ilo lõl kokkure in peõmi.

3 Ro renana re druwa majet jen loji; re jebwäbwe jen ien air lotak, im re konono riõp ko.

4 Air uno ekarek einwõt eo an juõn serpent; rej einwõt kiru adder ej binej lojiliñin.

5 Eo e jab eoroñ ainiken ro dri karel, ñe re meletlet im karel wõt.

6 Kwon ruje ñi ko ilo loñir, O Anij: kwon ruji im jolok ñi ko relap an laiõn ko emõu ridtair.

7 Ren, monlok einwõt dren eo etorlok mõkõj: ñe ej kajime mõri ko an, ren einwõt ke emwij bukwe-lolok ir.

8 Ren einwõt kiru snel, eo ej unlok im joko; einwõt ko an juõn kõra eo e jab lo al eo.

9 Mokta jen pot ko ami re maroñ in iñjake kaliklik ko, E naj bõklok ir kin aire ko, ro rej ikõr im ro remat einwõt juõn.

10 Dru wänik e naj lõñliñ ñe ej lo irenwõne eo; e naj katutu neen ilo bõtõktõkin dri nana.

11 Ein drein armij re naj ba, Emol eor wõnan ñõn ro remõu: emol e juõn Anij ej ekajet ilo lõl.

SAM 59.

Nõn dri lala al. An Devid Miktam, ke Saul e ar jilkinlok, im r'ar kill mweo imõn bwe ren mõn e.

**O**AÕ Anij kwon lomoriõ jen ro dri kijirät iõ; Kwon leliñlok iõ jen ro rej jerkak nae iõ.

2 Kwon kõtlok iõ jen ro rej jerbale nana, im lomoriõ jen armij ro re kõnake bõtõktõk.

3 Bwe lo rej kejar aõ; ro reka-jur rej kweloklok nae iõ: jab kin aõ bwir, jab kin aõ jerawiwi, O Jeova.

4 Rej etõr im kapoj ir mõke, im ejelok ruõ: Kwon ruj im jibõñ iõ im lo.

5 Aet, Kwe O Jeova Anij in jar in torinae ko, Anij in Israel, Kwon jerkak in lolok ro dri ailiñ otemjej: Kwon jab tiriamokake jabrewõt dri ketõk enana. Sela.

6 Rej jeblaktok ke ejota, rej keroro einwõt kiru rorrer: rej etetal iturin jikin kwelok in.

7 Lo rej katorlok jen loñir; jäji ko ilo tieir; bwe re ba, Wõn eo ej roñjake?

8 A Kwe O Jeova kwo naj tõñkake ir; Kwo naj kajirere kake ro dri ailiñ ko otemjej.

9 O aõ Kajur, I naj kõtar Yuk; bwe Anij e aõ imõn bar eutie.

10 Anij in aõ tiriamo E naj wõnmae iõ; Anij e naj likit bwe in lo aõ kõnau ion ro dri kijirät iõ.

11 Kwon jab mõn ir ñe ab ro droõ ren meloklok; Kwon kejbliklok ir kin Am kajur, im jolõllok ir, O Jeova amuij likepijñõk.

12 Kin bwir an loñir, im nan ko an tieir ren jibwe ir ilo air jua, im kin air kanõjni in riõp eo re ba kaki.

13 Kwon kokkure ir ilo Am illu, kokkure bwe ren joko wõt: im ren jela bwe Anij ej Iroi jilo Jekõb ñõn jemlokõn lõl in. Sela.

14 Im ke ejota ren jeblak, im ren keroro einwõt kiru rorrer im etetal iturin jikin kwelok eo.

15 Re naj jebwäbwe bõjik kin ki-jeir, im berwõt iomin aolepen boñ elañe re jab mat.

16 A I naj al kin Am kajur, yokwe, I naj kalaplok al kin Am tiriamo ñe ejiboñ bwe Kw'ar aõ imõn bar eutie, im juõn likepijñõk ilo ran eo ran in aõ jorran.

17 Nõn Kwe O aõ Kajur, I naj al im nebar; bwe Anij e aõ imõn bar eutie, Anij in tiriamokake iõ.

## SAM 60.

Nõn dri lala al. Ion Shushan Eduth: Miktam an David. Kin katakin, ke e ar torinaek Aram-Naharaim im Aram-Zoba, im Joab e ar jebalak im mõn ilo komlöl in salt joñoul im ruo tausan.

**O** ANIJ kw'ar jolok kim, Kw'ar rupe kim, Kw'ar illu, O Kwon bar karok kim.

2 Kw'ar kamökit ene eo, Kw'ar nat e: Kwon karbin e ijo erup bwe e makötkit.

3 Kw'ar kwalok ñõn ro drom men ko rebin; Kw'ar kairak kim wain in jebwal.

4 Kw'ar lelok juõn flag ñõn ro rej mijök Yuk, bwe ren kwalok e kin Am mol. Sela.

5 Bwe kötlok ro rej jltenburu ibõm, Kwon lomorem kin anbij-marõõm im uak kim.

6 Anij e ar konono ilo An kwo-jarjar, I naj jualõñliñ; I naj kij-bl Sikem, im joñe komlöl in Sukkot.

7 Gilead e Aõ, im Menassa ej Aõ; Ipraim bareinwõt ej ken tõrak in böra: Juda ej Aõ septer.

8 Moab ej Aõ jäbi in kwolkwol; ilo Idõm I naj jolok juj eo Aõ: Pilistia, kwon lamij kin Ña.

9 Wõn e naj añinlok iõ ñia iloan jikin kwelok ekajur? Wõn e naj añinlok iõ ñõn Idõm?

10 Kw'ar jab jolok kim ke, O Anij? Im Kwo jab ilok iben jar in tõrinae ko am.

11 Kwon letok jibõñ nae eo dri jumae, bwe ejelok tokjen an armij jibõñ.

12 Kin Anij kim naj beran in kõ-mõn: bwe E eo e naj juri ro rej kijiräte kim.

## SAM 61.

Nõn dri lala al, ilo ken kajõñjõñ eor toair. Sam an David.

**K**WON roñjake aõ kir, O Anij, Kwon eoroñ aõ jar.

2 Jen jemlokõn löl I naj kir ñõn Kwe, ñe buruõ e kijelok: Kwon añinlok iõ ñõn dreka eutie jen ña.

3 Bwe Kw'ar juõn jikin tilekek ñõn iõ, juõn imõn bar ekajur jen ro dri kijirät.

4 I naj jokwe ilo imõn kabere eo Am ñõn in dri, I naj ko ñõn ken tõrak in peiõm ko. Sela.

5 Bwe Kwe O Anij, kw'ar roñjake aõ kanõjnij ko: Kwo naj letok ñõn iõ jolit an ro rej mijök etõm.

6 Kwo naj kaitoklok mour an kiñ eo: yiõ ko an re naj einwõt ebeben im ebeben.

7 E naj beriman Anij ñõn in dri: O Kwon kapoj tiriamo im mol bwe ren kejbärok e.

8 Ein drein I naj al im nebar etõm ñõn in dri, bwe in kamol aõ nan in kalimur ran im ran.

## SAM 62.

Nõn dri lala al. Ion Jedutun. Sam an David.

**A**õ ej kõtar Anij wõt: jen E ej itok lomoriõ.

2 E wõt aõ dreka im aõ lomor: E aõ imõn bar eutie; I jamin kanuij makötkit.

3 Ietoõn ami naj teltiltok juõn armij, bwe komin mõn e, aolepemi einwõt worwor in dreka emõllok, ak worwor in alal enanin ubel?

4 Ir rej bebe wõt bwe ren jolõllok e jen an utiej; rej mõnõnõ kin riõp ko, rej kamõnõnõik kin loir a rej kokol ilo burueir. Sela.

5 Aõ kwon kõtar Anij wõt, bwe aõ kötõmene e jen E.

6 E wõt aõ dreka, im aõ lomor: E aõ imõn bar eutie, I jamin makötkit.

7 Iben Jeova aõ lomor im aõ.aibu-juij: dreka an aõ kajur im aõ like-pijñõk ilo Anij.

8 Komin liki E ien otemjej, O armij rön; komin kwalok buruemi iman: Anij e likepijñõk ñõn kim. Sela.

9 Armij retä re men in jekron, im armij reutie men in riõp: ilo ken paun re naj wõuliñlok; re jimor emera jen wan.

10 Komin jab liki matõrtõr, im en jab utiej buruemi kin rakimi: elañe mweiuk elõñlok komin jab kanuij yokwi.

11 Anij e ar konono juõn alen, ruo

alen I ar roñjake men in; bwe kajur iben Anij.

12 Bareinwõt ibõm O Jeova e tiriamo; bwe Kwoj lelok ñõn armij otemjej ekar ñõn kõmõn ko air.

### SAM 63.

Sam an Devid, ke e ar ber i ene jemaren an Juda.

**O** ANIJ kwe aõ Anij; I naj kanuij kabukot Yuk: aõ ej maro kin Kwe, kõniekiõ ej oñkake Yuk ilo ene emera im kamõk, ijo ejelok dren ie.

2 Einwõt I ar lo Yuk ilo jikin kwojarjar eo, in lo Am kajur im aibujuij.

3 Bwe Am joij emõn jen mour, tiõ re naj nebar Yuk.

4 Ein drein I naj kamolol Yuk ke ij mour; I naj kwotõke peiõ ilo etõm.

5 Aõ e naj mat einwõt kin marro im matõk, im loõ e naj nebar Yuk kin tien lõñliñ.

6 Ke ij kememej Yuk ilo kiniõ, im kalomõnlokjen kin Kwe ilo mmij ko ke eboñ.

7 Bwe Kwe aõ dri jibõñ, im ilo lurin peiõm I naj mõnõnõ.

8 Aõ e kanuij lore Yuk, aubijmaroñõm ej baur iõ.

9 A ro rej bukot aõ bwe ren kokkure, re naj ilok ñõn mõtõn lõl retåtata.

10 Naj lelok ir ñõn kajur in jãji; re naj kijen jakol ko.

11 A kiñ eo e naj lõñliñ ilo Anij; ro otemjej rej kanõjnij kin Ere naj jualõñlõñ, naj binej loñin jabrewõt eo ej konono riõp.

### SAM 64.

Ñõn dri lalẽ al. Sam an Devid.

**K**WON roñjake ainikiõ ilo aõ lotan; Kwon kejbarok aõ mour jen mijõk dri kijiråt eo.

2 Kwon noj iõ jen bebe etino an ro rej kõmõn nana, jen iruij an ro enana air jermal.

3 Ro r'ar jeme loir einwõt jãji, im r'ar alej mõri ko air, nau ko remeo.

4 Bwe ren libon, ilo jikin ko re-

tino, ñõn ro rewãppen: emõkõj air libon e im jab mijõk.

5 Rej kaberanlok ir mõke ilo juõn bebe enana; rej komao kin kapojõk jen ko ilo etino; re ba, Wõn e naj loi?

6 Rej kabukot jerawiwi ko; re ba, Kim ar kamwijlok bukot e kanuij emõn, im lemuok iloan jabrewõt, im burueir r'imlõl.

7 A Anij e naj libon ir, kin juõn mõri re naj lil mõkõj.

8 Ein drein naj lõkatipe ir, loir re naj jumae ir: ro otemjej rej lo ir re naj jibolul bõrair.

9 Armij otemjej re naj mijõk; im re naj kwalok jermal an Anij: im re naj kalomõnlokjen ilo meletlet kin kõmõn ko An.

10 Ro remõn re naj mõnõnõ ilo Jeova, im naj liki E; im ro otemjej ejime burueir re naj jualõñlõñ.

### SAM 65.

Ñõn dri lalẽ al. Juõn Sam. Al an Devid.

**N**EBAR ej kõtãr Yuk O Anij, i Zaiõn; im ñõn Kwe re naj kamol kalimur eo.

2 O Kwe kwoj roñjake jar, ñõn Kwe kõniek otemjej e naj itok.

3 Jerawiwi ko rej bõk anjo jen ñã, kin bwir ko am, Kwo naj karreolok ir.

4 Emõnõnõ armij eo Kwoj kalet e, im kebakwoj e, bwe en jokwe iloan worwor ko Am; kim naj jokõne kin an mwẽo imõm emõn, kin jikin kwojarjar in tempel eo Am.

5 Kin men ko men in lelõõñ Kwo naj uak kim ilo wãnik, O Anij in am lomor: Kwo men in liki an jemlokõn lõl in otemjej, im ro otemjej etolok i lometo.

6 Eo kin An kajur Ej kabin tol ko; emwij kãñõr E kin maroñ:

7 Eo ej kakejeklokjen ñirñir in lomalo ko, ñirñir in no ko air, im iruij an bwijin armij rõn.

8 Bareinwõt ro rej ber ijo etoloktata remjõk kin kakõle ko Am; Kwoj kalõñliñ etallok ko an jibõñ im jota.

9 Kwoj lotok löl in im kaimlolo e, Kwo kanuij kamorur e: river an Anij elöñ kin dren: Kwoj lelok ñön ir korn, ñe ein drein Am kapojök ene.

10 Kwo kanuij kaimlolo jukur ko an, Kwo kōtalk mōtōn ko reutiej, Kwo kabirurui kin wut ko, Kwo kejerammōn men ko rej edrek.

11 Kwoj kabelbil yiö eo kin Am joij, im ial ko Am re kabeliñliñ matök.

12 Re buñ ion melaj ko an ene jemaren, im. tol ko redrik re kãñör kin löñliñ.

13 Melaj ko re libubu kin bwij ko bwijin šip: komlöl ko re libubu kin korn; rej lamij kin löñliñ, re bareinwöt al.

# SAM 66.

Ñön dri lala al. Juön al. Juön Sam.

**K**OMIN lamij ñön Anij kin löñliñ, aolepen löl.

2 Komin al im kwalok an etan aibujuij: kaibujuij im nebar E.

3 Komin ba ñön Anij, e nañin men in lelñöñ jermal ko Am! Kin Am kajur elap ro rej kijiräte Yuk re naj möke kōtalk ir ñön Kwe.

4 Aolepen löl e naj kabuñ ñön Kwe, im naj al ñön Yuk: re naj al ñön etōm. Sela.

5 Komin item lo jermal ko an Anij, E men in lelñöñ ilo An kōmōn ñön ro nejn armij.

6 E ar ukot lometo bwe en ene emera: r'ar ela im etetal ilujen river eo; ijo kim ar löñliñ ilo E.

7 E kiñ in drio kin An kajur: mejen rej lala ro dri ailiñ ko: ro dri kabata ren jab koutiejlok ir möke. Sela.

8 O komin kamōnōnōik am Anij, komeo ro dri ailiñ ko, im kōmōn bwe ren roñjake ainiken nebar E.

9 Eo ej drebij am ilo mour, im E jab likit bwe ren kamōkit neem.

10 Bwe Kwe O Anij, kw'ar melejoñ kim: Kw'ar melejoñ kim einwöt air melejoñ silver.

11 Kw'ar kadrelōñlok kim ñön

iloan jen eo: Kw'ar likit inek erro ion ibim.

12 Kw'ar kōmōn bwe armij ren uwe ion bōrōm: kim ar ilok ilo kijeek im dren: a Kw'ar kadrioijtök kim ñön ilo mweluk elōñlok.

13 I naj iwiñ ñön mweo imōm kin men in katok re tili: I naj kōlaik kalimur ko aō.

14 Kalimur ko tiö r'ar ba, im loö e ar konono ke I ar jorran.

15 I naj katok ñön Kwe kin jurtak ko rej tili, men ko remattok kin ñöj in šip koman ko, I naj katok kin kau koman ko im goat ko. Sela.

16 Komin iten roñjake, kom otemjej komij mijök Anij, im I naj kwalok ta eo E ar kōmōn ñön aō.

17 I ar lamij ñön E kin loñiö, im loö e ar nebar E.

18 Elañe ij lala jerawiwi ilo buruö, Jeova e jamin eoroñ iö.

19 A emol Anij e ar roñjake iö; E ar lala ainiken aō jar.

20 Emōnōnō Anij eo E ar jab kejeor aō jar, ak An tiriamo jen ña.

# SAM 67.

Ñön dri lala al. Ilo ken kajōñjōñ eor toatr. Juön Sam. Juön al.

**A**NIJ en tiriamokake kim, im kejerammōn kim, im kōmōn bwe mejen en romak iom. Sela.

2 Bwe ren jela Am ial ilo löl, Am lomor ilo ailiñ ko otemjej.

3 Bwijin armij rōn ren nebar Yuk O Anij, bwijin armij otemjej ren nebar Yuk.

4 O ro dri ailiñ ko, ren mōnōnō im al kin löñliñ: bwe Kwo naj eka-jet bwijin armij rōn kin wānik, im iroij ion ro dri ailiñ ko ilo löl. Sela.

5 Bwijin armij rōn ren nebar Yuk O Anij; bwijin armij otemjej ren nebar Yuk.

6 Löl e ar letok an löñlok, aet am Anij wöt, E naj kejerammōn kim.

7 Anij e naj kejerammōn kim, im jemlokōn löl otemjej re naj mijök E.



## SAM 68.

Ñön dri lalē al. Sam an Devīd. Juōn al.

**A**NIJ en jerkak: ro dri kijirāte ren jibliklok; ro rej drike E ren ko jen iman.

2 Einwōt ubakelok bat, ein drein Kwon ubakelok ir. Einwōt bwil ej unlok ilo kiĵeek, ein drein ro renana ren joko iman Anij.

3 Ro remōu ren mōnōnō, ren lōñliñ iman Anij; aet ren lōñliñ im mōnōnō.

4 Komin al ññon Anij, komin al im nebar etan; komin kōmōu ial eutĵe ññon Eo ej uwelok ilo ene jemaren ko, kin etan JAH, im jua-lōñlōñ iman.

5 Jemen ro ejelok jemeir, Dri ekaĵet an ro ejelok leo beleir, E Anij ilo imōn kwojarjar.

6 Anij ej likit ro rej mōke iair ilo nukir ko; Ej kadriolĵtok ro dri prisōn ññon ilo jeban; a ro dri kabata rej jokwe ilo ene jemaren ijo ejelok dren.

7 O Anij, ke Kw'ar ilok iman armij ro drom, ke Kw'ar etal im driblok ene jemaren eo. Sela.

8 Lōl e ar wurirrir; lōñ ko r'ar wut iman mejen Anij, aet Sainai eo e ar wurirrir iman mejen Anij, Anij in Israel.

9 Kwe O Anij, kw'ar jilkintok elōñ wut, Kw'ar kabin jolit eo Am ke e mōk.

10 Bwij eo Am e ar jokwe ilōan: Kwe O Anij kw'ar kapoj Am joij ññon ro dri jeramel.

11 Iroiĵ ej letok nan eo; limara rej kwalok e, juōn jar elap.

12 Kiñ ro an jar in tōrinae ko re ko, re ko, im lio ej ber ilo jikin ej aĵe men in rakimi.

13 Meñe kōm babu iturin worwor in šip, kom naj einwōt pein muli re libubu kin silver, im kolan bau ko kin gold emar.

14 Ke Eo eutĵetata E ar keĵibliklok kiñ ro ilōan, e ar einwōt ke sno e wutlok i Zalmōn.

15 Juōn tol an Anij, tol Bešan; juōn tol im jabōn eutĵe, tol Bešan.

16 Komeo tol ko reutĵe, etke komij kili tol eo Anij e ar kōnan bwe En jokwe ijo? Aet Jeova e naj jokwe ie ññon in drio.

17 Jariōt ko an Anij roñoul tausān, aet tausān ko in tausān ko. Iroiĵ ej ibeir, einwōt i Sainai, ilo jikin kwojarjar.

18 Kwon wōñliñlok ññon jikin eutĵe, Kw'ar jebokwe ro dri jebokwe: Kw'ar bōk ĵurtak ko iben armij, aet iben ro re bareinwōt kabata, bwe Jeova Anij en jokwe ibeir.

19 Emōnōnō Iroiĵ eo Ej ineke inek eo am, ran im ran. Aet Anij eo Ej am lomor.

20 Anij e ññon kim juōn Anij in lomor; im ial ko ĵeu mij an Jeova, Iroiĵ.

21 Emol Anij e naj kakinijniĵ bōran ro dri kijirāte, kilin bōran eo ej etal wōt ilo ruōn.

22 Iroiĵ e ar ba, I naj bar bōktok ĵen Bešan, I naj bar bōktok ir ĵen imlōl ko in loĵit:

23 Bwe Kwon likit neōm ilo bōtōktōk; bwe loen kiru rorrōr ko en bōk an kij ĵen ro dri kijirāte Yuk.

24 Re kar lo Am ial ko O Anij, yokwe, ial ko an aō Anij ilo jikin kwojarjar.

25 Ro dri al r'ar ilok imanlok, ro dri kajōñjōñ r'ar lori, i bwiljin kōra rōn rej pā ilo timbrel ko.

26 Komin kamōnōnōik Anij ilo ĵar an armij rōn, aet Iroiĵ eo, komeo ĵen unin dren ko an Israel.

27 Ijo Benjamin erik, air iroiĵ; im bwirōk ro an Juda im dri bebe ro air; bwirōk ro an Zebulōn; bwirōk ro an Naptelai.

28 Amuiĵ Anij e ar kaifi am kajur; Kwon kakajur, O Anij, men eo emwiĵ Am kōmōnmōne ññon kim.

29 Kin tempel eo Am i Jerusalem, kin ro re bōktok owōĵ ko ññon Kwe.

30 Kwon kowe kiru rawia in koba ko, kau koman relōñ im kon in

kau ko an dri ailiñ ko rej lõñliñ ilo tõrinae ko.

31 Bwirõk rõn re naj itok jen Ijipt; Itiopia e naj kalur e im erlokwe pein ñõn Anij.

32 Komin al ñõn Anij, komeo ailiñ ko ailiñ in kiñ in lõl; O komin al im nebar Iroj. Sela.

33 Ñõn Eo ej uwe ion lõñ ko in lõñ ko, re jen emotelok, lo Ej kwalok ainiken, ainiken ekajur.

34 Komin lelok kajur ñõn Anij: an utiejtata ej ion Israel, im kajur eo An ilo mejatoto.

35 O Anij kwoj alet jen jikin kwojarjar ko Am: Anij in Israel ej letok kajur im bin ñõn ro dron. Emõnõnõ Anij.

SAM 69.

Ñõn dri lale al. Ion Shoshannim. Sam an David.

**K**WON lomoriõ O Anij, bwe dren ko r'ar dreloñtok ñõn aõ.

2 Ña ij maloñ ilo birikõt ijo imlõl im ejelok jikin jutõk. I ar itok ñõn iloan dren ko rimlõl, ijo ibij ko re kamaloñ iõ.

3 Ij mõk kin aõ jõñ, buruõ emeralok; meja re mõjiuolok ke ij kõtar aõ Anij.

4 Ro rej kijirät iõ im ejelok unin, relõñlok jen kol ko kolan bõra: ro re kõnan kokkure iõ, dri kijirät iõ im dri wan, re kajur wõt: inem I ar lelok men ko I ar jab bõktok.

5 O Anij kwojela aõ bwebwe, im bwir ko aõ I ar jab noj jen Kwe.

6 Ro rej kõtar Yuk ren jab jok kin ña, O Anij Jeova in jar in tõrinae ko: ro rej kabukot Yuk jab kana-naik ir ilo ña, O Anij in Israel.

7 Bwe kin Kwe r'ar kinaklok iõ; jok e ar binej turin meja.

8 I ar drua maijet ñõn ro jeiõ im jatiõ; juõn dri belli ñõn ro nej in jinõ.

9 Bwe aõ kijejeto kin mweo imõm e ar kãñiõ: im kinaklok ko an ro rej kinaklok Yuk r'ar buñ iõ.

10 Ke I ar jõñ im kajeik aõ kin jittlok, eñin e men in kinak ñõn iõ.

11 Ke I ar kõnõk nuknuk ko eklep

iren, I ar juõn nan in kajirere ñõn lr.

12 Ro rej jijõt ilo kejem-re konono kin ña; ro dri karek rej alkake iõ.

13 A kin ña, aõ jar ñõn Yuk O Jeova, ilo ien kabuñburuõm O Anij, ilo Am tiriamokake relõñ.

14 Kwon lomoriõ jen birikõt, Kwon jab likit iõ in maloñ; ren lomoriõ jen ro dri kijirät iõ, im jen dren ko r'imlõl.

15 Ibij en jab kamaloñ iõ; ijo imlõl en jab wõrõñõlok iõ, im roñ eo en jab killi loñin iõ.

16 Kwon uak iõ O Jeova, bwe Am jolj e emõn; kin Am tiriamokake relõñ Kwon kujeltok ñõn iõ.

17 Im kwon jab binej mejõm jen korijerõm, bwe ña I jorran; Kwon uak iõ mõkõj.

18 Kwon kebaktok ñõn aõ im lomoren. Kwon wiaik iõ kin aõ dri kijirät.

19 Kwojela aõ kinak im aõ jok, im air kananaik iõ; ro rej kijirät iõ, ir otemjej re imam.

20 Kinak eo e ar rupe buruõ, I obrõk kin erro, im I ar lale elañe jabrewõt eo en tiriamokake, a ejelok; im elañe eor dri kainemõn, a I ar lo ejelok.

21 R'ar letok ñõn iõ at kijiõ, im ilo aõ maro r'ar letok dren emũñ limõ.

22 Air tebel imair en juõn jen; im ñe re ainemõn men in en nokajir.

23 Mejeir ren tõp, bwe ren jab lo; im Kwon kõmõn bwe ibir ren wurrirr ien otemjej.

24 Kwon lutõklok Am illu ioir; im Am illu ebwil en lukwõrkwõr ir.

25 Moko imweir ren jeebeplik, im ejelok en jokwe ilo im nuknuk ko air.

26 Bwe rej matõrtõre eo Kw'ar dreñlokwe; im rej kenannek buromõj an ro Kw'ar kakiniñij ir.

27 Kwon kobaik nana ñõn air nana; im ren jab dreloñ ñõn iloan Am wānik.

28 Kwon jeorlok ir jen buk in mour; im jab jeje ir iben ro dru wānik.

29 A ña I jeramel im buromōj; Am lomor O Anij en likit iō ijo eutie.

30 I naj nebar etan Anij kin juōn al; im I naj kalaplok E kin kamolol.

31 Im men in e naj kabuñburuen Jeova elap jen kau, ak jen kau koman eor an drun im aki.

32 Ro r'nimōn r'ar loe im mōnōnō, komeo komij bukot Anij, buruemi ren mour.

33 Bwe Jeova ej roñjake ro dri aikwij; im E jab kejekron dri prisōn ro An.

34 Lōñ im lōl ren nebar E, lometo ko im jabrewōt ej tobōllok iloir.

35 Bwe Anij e naj lomoren Zaiōn, im kalek jikin kwelok ko an Juda, im re naj jokwe ie, im e naj air wōt.

36 Inen ro dri korijeran re naj bōke air jolit; im ro rej yokwe etan re naj jokwe ilonan.

#### SAM 70.

Ñon dri lalc al. Sam an Devid; men in kakemej.

**O** ANIJ, kwon kaiur Yuk in lomorīō; Kwon kaiur Yuk in jibōñ iō, O Jeova.

2 Ro rej kabukot aō, ren jok im kairer ir; kejeblilikok ir im kanaanik ir, ro rej mōuōuō in kejjorran iō.

3 Ren jeblaklok kin alr jok, ro re ba, Aha! Aha!

4 Ro otemjej rej kabukot Yuk, ren lōñliñ im mōnōnō ilo Kwe: im ro rej yokwe Am lomor ren ba ien otemjej, Anij en laplok.

5 A ña I jeramel im aikwij; Kwon jarōptok ñōn iba, O Anij, Kwe aō dri jibōñ im aō dri lomor. O Jeova kwon jabrumijtok.

#### SAM 71.

**O** JEOVA ij liki Yuk; in jamin jok ñōn in drio.

2 Kwon kōtlok iō ilo Am wānik, im likit bwe in ko: Kwon kajirtok lojiliñōm ñōn iō im lomorīō.

3 Kwon einwōt dreka in jokwe ñōn iō; eo in maroñ in ilok ñōn e ien otemjej: Kw'ar kaiñi in lomorīō, bwe Kwe aō dreka, im aō me.

4 O aō Anij, kwon kōmōn bwe in ko jen pein dri nana eo, jen pein armij eo e jab wānik im elej.

5 Bwe Kwe aō kejjatrikrik, O Iroi Anij, im aō men in liki jen ke I ar ajiri.

6 Kw'ar kwotōkiō jen lojien; Kw'ar bōk iō jen lojien jinō; aō nebar e naj kin Kwe ien otemjej.

7 Ña men in bwilōñ ñōn elōñ: a Kwe aō likepijōōk ekajur.

8 Loñiō e naj obrōk kin nebar Yuk, im kin Am aibujuij iomin aolepen ran.

9 Kwon jab jolok iō ñe I naj kanuij ridto; Kwon jab illok jen ña ñe I mōjinolok.

10 Bwe ro dri kijirāt iō rej konono kin iō; im ro rej kill aō re bebe iben dron.

11 Im ba, Anij e ar likit e, komin lukwōrkwōr e im bōke, bwe ejelok in lomor.

12 O Anij kwon jab etolok jen ña; O aō Anij kwon kaiur Yuk in jibōñ iō.

13 Ren jok im etōp, ro rej kijirāt aō; ren libubu kin kinak, im kanaanik ir rej kabukot in kokkure iō.

14 A ña I naj kejjatrikrik iō ien otemjej, im I naj nebar Yuk im kalaplok aō nebar.

15 Loñiō e naj kennau kin Am wānik, im kin Am lomor aolepen ran; bwe I jaje bwinbwin ko an.

16 I naj itok im iba kōmōn ko rekajur an Iroi Jeova: I naj konono kin Am wānik; Am wōt.

17 O Anij kw'ar katakin iō ien aō ajiri, im ñōn ien in I ar kwalok kōmōn ko Am, re men in bwilōñ.

18 Yokwe, ñe I naj ridto im uōn kolan bōra O Anij, kwon jab illok jen ña, mae ien emwij aō kwalok Am kajur ñōn bar juōn ebeben; Am maroñ potata ñōn ir otemjej re naj itok.

19 Am wānik bareinwōt O Anij, e kanuij utiej: Kw'ar kōmōn men ko relap, O Anij, wōu eo ej einwōt Kwe?

20 Bwe Kw'ar kwalok ñōn kim jorran ko relōñ im reuana; Kwo naj bar kǎejmour kim, im naj bōk-liñlok kim jen imlōl ko in ene.

21 Kwon kalaplok aō lapen, im oktōk im kainemōn iō.

22 I naj bareinwōt nebar Yuk kin ken kajōñjōñ salteri, aet Am mol, O aō Anij: ñōn Kwe I naj al im nebar kin arp, O Kwe dri kwojar-jar in Israel.

23 Tiō re naj kanuij lōñliñ ñe I naj al ñōn Kwe kin nebar ko, im aō eo Kw'ar lomoren.

24 Loō bareinwōt e naj konono kin Am wānik iomin aolepen ran; bwe re jok im kairer ir, ro rej bukot in kokkure iō.

#### SAM 72.

Sam an Solomōn.

**O** ANIJ kwon lelok ekajet ko Am ñōn kiñ eo, im wānik ñōn eo nejn kiñ.

2 E naj ekajet ro dri ailiñ eo Am ilo wānik, im dri jeramel ro Am kin ekajet.

3 Tol ko re naj bōktok ainemōn ñōn ro dri ailiñ eo, im tol ko redrik, ilo wānik.

4 E naj ekajet ro dri jeramel an ailiñ eo, E naj lomoren ro nejn dri aikwij rōn, im E naj ruprupe dri matōrtōr.

5 Re naj mijōk yuk ke al ej berwōt, im iman aliñ, iomin ebeben otemjej.

6 E naj wōnlōltok einwōt wut ion ujoij emwij bukwelok, einwōt wut-rikrik ko re kaimlolo ene.

7 Ilo ran ko an ro remōn re naj jerammōn, im e naj lōñ ainemōn mae ien joko aliñ.

8 E naj bareinwōt iroiñ jen lomalo ñōn lomalo, im jen river eo ñōn jemlokōn ko jemlokōn lōl.

9 Ro dri ene jemaren re naj barik-rik jen e, im ro dri kijirāte re naj drōmij bōñlōñlōl.

10 Kiñ ro an Tarsis, im an ailiñ ko, re naj bōktok men in lelok ko, kiñ roan Siba im Shiba re naj lelok jurtak ko.

11 Yokwe kiñ ro otemjej re naj buñbero iman; ro dri ailiñ ko otem-jej re naj koriñer ñōn e.

12 Bwe e naj kōtlōk ro dri aikwij ke rej lamij, im ro dri jeramel, ro ejelok'air dri jibōñ.

13 E naj tiriamokake ro dri jera-mel im ro dri aikwij, im e naj lo-moren niour an ro dri aikwij.

14 E naj wiaik air jen matōrtōr im kokkure, im e naj aurōk botōk-tōkir iman mejen.

15 Im re naj mour, im ñōu e re naj lelok gold in Siba: im armij re naj jar kin e ien otemjej; re naj kamōnōnōik e iomin aolepen ran.

16 E naj'lōñ korn ilo ene ion ja-bōn tol ko; leir e makōtkit einwōt Lebanōn: im ro dri jikiu kwelok eo re naj edreklok einwōt ujoij in ene.

17 Etan e naj berwōt ñōn in drio; etan e naj ber einwōt al, im armij re naj jerammōn ilo e: ro dri ailiñ otemjej re naj naetan dri mōnōnō.

18 Emōnōnō Jeova Anij, Anij in Israel, eo wōt Ej kōmōn men in bwilōñ ko.

19 Im emōnōnō etan e aibujuij ñōn in drio; im aolepen lōl in en obrōk kin an wuj. Amen, im Amen.

20 Emwij jar ko an Devid, nejn Jesse.

#### SAM 73.

Sam an Esaf.

**E**MOL Anij e joij ñōn Israel, ñōn ro erreō burueir.

2 A kin ña, neiō re kar nañin joko; buñten neiō r'ar nañin jir.

3 Bwe I kar junmar ro re jua, ke I ar lo an ro dri nana jerammōn.

4 Bwe ejelok iñtan ilo air mij; ak kajur eo air ebin.

5 Re jab jorran einwōt armij ro jet, im jab kokkure ir einwōt ro jet.

6 Inem jua ej kabol burueir ein-

wõt tomere, matörtör ej kalibubu ir einwõt kobe.

7 Mejeir reböj kin mattök, ibeir elöñ jen burueir re maroñ in könan.

8 Re kajirere, im ilo nana rej konono kake matörtör, re burollap wõt.

9 Rej likit loñir nae löñ ko, im loir rej etetal ilo löl.

10 Inem armij ro An re jeblaktok ñön ijin, im dren ko in köp elöñ emwij uñtake ñön ir.

11 Im re ba, Ekijkan Anij e jela? Eorke jelalokjen iben Eo eutiejtata?

12 Lo rein ro dri nana, im ilo air ainemön ien otemjej re koorlok mweiuk ko.

13 Emol ejelok tokjen aö karreo buruö, im amini peiö ilo jab ruö.

14 Bwe iomin aolepen ran ar kaiñtan iö, im ilo jiböñ otemjej emwij kajeik iö.

15 Elañe I ar ba, E naj ein drein aö konono, lo I naj kar kömön men in mon ñön ebeben in ro nejöm.

16 Ke I ar lemnok, ekijkan I naj maroñ in jelakake men in, e ar men in jorran ilo meja.

17 Mae ieu aö ilok ñön jikin kwojarjar an Anij, im kalomönlökjen kin jemlok air.

18 Emol Kw'ar likit ir ilo jikin jirlok ko; Kwoj jolöllok ir ñön kokkure.

19 Etke rej einwõt jeebeplok mököj? Re joko otem joko kin men ko men in kalelñöñ ir.

20 Einwõt tönak ke juön eruj, ein drein O Iroi, ñe emwij Am ruj Kwo naj kejekron wäweir.

21 Bwe buruö e ar buromöj, im e kar lil ubö.

22 Ein drein I ar nañin einwõt juön kiru, im jab jelalokjen; I ar einwõt kiru awia iman mejöm.

23 Mekarta ña ij iböm ien otemjej; Kw'ar drebij anbijmaroñiö.

24 Kwo naj bakajen aö ial kin Am bebe, im tokelik bökö iö ñön aibujuj.

25 Wön eo aö ilo löñ ko elañe jab

Kwe? Im ejelok iou löl ij oñkake, a Kwe wõt.

26 Köñekiö im buruö re kijelok; a Anij e kajur in buruö, im aö men in jolit ñön in drio.

27 Bwe lo, ro retelok jen Kwe re naj joko; Kw'ar kokkure ir otemjej rej illok jen Kwe ilo löñ ko.

28 A emön iba bwe in kebakwoj ñön Anij; I ar kömöñ Anij Jeova aö likepijñök bwe in kennan kake jerbale ko Am otemjej.

# SAM 74.

Maskil an Esaif.

**O** ANIJ etke Kw'ar jolok kim ñön in drio? Etke Am illu ej batat nae sip ko ilo melaj eo Am.

2 Kwon kememej jar eo Am, kw'ar wiaik e jen ien ko retelok; eo Kw'ar lomoren bwe en bwijin eo Am jolit; im tol Zaiön Kw'ar jokwe illoan.

3 Kwon leliñlok neöm ñön men ko men in jeebeplok ñön in drio, aolepen nana dri kijirät eo e ar kömöñ ilo jikin kwojarjar.

4 Ro dri kijiräte Yuk r'ar rorrer ilo bwiljin jar eo Am; r'ar leliñlok flag ko air einwõt kaköle ko.

5 R'ar einwõt armij rej kwotöke mal ko nae wijki ko re kut.

6 Im kiö men ko otemjej r'ar tiltil kin naip rej jimor kokkure kin mal ko im kin ammer ko.

7 R'ar tili kin kijeek imön kwojarjar eo Am: r'ar kananaik mwewo, ijo etöm ej jokwe, ñön brij wõt.

8 R'ar ba ilo burueir, Jen kokkure ir jimor: r'ar tili imön kwelok ko otemjej an Anij ilo ene eo.

9 Kim jab lo kaköle ko Am; ejelok bar juön dri kanan, in ejelok juön ibem eo e jela ietoön.

10 Ietoön O Anij, dri kijirät eo e naj kitötökake? Dri kijirät eo e naj blaspim etöm ñön in drio ke?

11 Etke Kwoj kekake peiöm, aet anbijmaroñöm? Kwon böke jen uböm im kokkure ir.

12 A Anij aö Kiñ jen ien ko remotelok, E jerbale lomor ilo bwiljin löl.

13 Kw'ar kijbil lomalo eo kin Am kajur, Kw'ar ruji bōran drakōn ko ilo dren ko.

14 Kw'ar ruji ilo mōtōn ko bōran Livalatan, Kw'ar lelok e nōn ro rej jokwe ilo ene jemaren eo bwe en kijeir.

15 Kw'ar belaj unin dren, im ibij; Kw'ar karoj river ko relap.

16 Ran eo Am, boñ bareinwōt Am; Kw'ar kapojōk maram im al.

17 Kw'ar likit toreren ko iu lōl; Kw'ar kōmōn ien mānān im ien ebio.

18 Kwon kememej men in, ro dri kijirāt r'ar kitōtōkake, O Jeova, im jar an dri bwebwe r'ar kejekron etōm.

19 Kwon jab lelok nōn kiru awia mour an tōrtel dōv eo Am: Kwon jab meloklok kin mour an dri jeramel ro Am nōn in drio.

20 Kwon lale bujen eo, bwe jikin ko remarok an lōl robrōk kin mo ko imōn kokkure.

21 O Kwon jab likit bwe ro emwij matōrtōr ir ren jok im jeblak, ro dri jeramel im ro dri aikwij ren nebar etōm.

22 Kwon jerkak O Anij, kwon aituerōk kin men ko Am; kwon kememej ekijkan dri bwebwe eo ej kitōtōkake Yuk iomin aolepen ran.

23 Kwon jab meloklok ainiken ro dri jumae Yuk; iruij an ro rej jerkak nae Yuk eliflōk ien otemjej.

### SAM 75.

Nōn dri lale al. Al-tasheth. Sam an Esaf. Juōn al.

**K**IM kamolol Yuk O Anij, kim kamolol, bwe ebak etōm; armij rej kennan kin jerbal ko Am, men in bwilōñ.

2 Ñe I naj lo ien emwij bebe kake, I naj ekajet jime.

3 Lōl im ro dri lōl otemjej re unlok; I ar kajutōk jur ko an. Sela.

4 I ar ba nōn ro dri jua, Komin jab jualōñlōñ; im nōn ro dri nana, Komin jab leliflōk drun.

5 Komin jab kanulj koutiej drun

eo ami: komin jab konono im ebin kenwami.

6 Bwe leliflōk e jab itok jen rear, ak jen kabilōñ, im jab jen rōk.

7 A Anij e dri ekajet, Ej kōtalk juōn im koutiej bar juōn.

8 Bwe ilo pein Jeova juōn kōp im wain eo ej lijemōrmōr; ej elōñ kin men in karek, im E katorlok jen e; emol ro dri nana otemjej in lōl re naj uñtake, im irak men re jo.

9 A ña I naj kwalok nōn in drio, I naj nebar im al nōn Anij in Jekōb.

10 Drun ko otemjej an ro dri nana I naj bukwe, a drun ko an ro remōn naj koutiej ir.

### SAM 76.

Nōn dri lale al, ion ken kajōñjōñ eor toatr. Sam an Esaf. Juōn al.

**I**LO Juda re jela Anij, elap etan ilo Israel.

2 I Selem bareinwōt imōn kabere eo An, im mweo imōn ilo Zaiōn.

3 Ijo E ar kabwilok mōri ko im libon; likepijñōk eo im jāji im ketak. Sela.

4 Kwe aibujiuj im emōntata jen tol ko in rakimi.

5 Emwij rakimi ro ekajur burueir; r'ar kiki mitōñ, im armij rekajur otemjej r'ar jab lo peir.

6 Kin Am kowe ir O Anij in Jekōb, jariōt im ors r'ar kiki mitōñ.

7 R'ar lelfñōñ kin Yuk, kwe wōt, im wōn e naj jutōk iman mejōm ñe emwij Am illu?

8 Kw'ar kōmōn bwe ren roñjake ekajet jen lōñ; lōl e ar mijōk im kakije.

9 Ke Anij e ar jerkak nōn ekajet, in lomoren ro otemjej an lōl ro etā burueir. Sela.

10 Emol illu an armij rōn e naj nebar Yuk; matōn illu Kwo naj kāñōr Yuk kake.

11 Komin kalimur im kamol e nōn Jeova ami Anij: ro otemjej rej ber iturin ren bōktok men in lelok nōn eo emōn ren lelfñōñ kake.

12 E naj bukweelok mour an iroi

rõn; E men in lelfioñ ñõn kiñ ro an lõl.

# SAM 77.

Ñõn dri lal al. Ilo wāwen Jeduthun. Sam an Esaf.

**I** NAJ lamij ñõn Anij kin aini-kiõ, aet ñõn Anij kin ainikiõ, im E naj eoroñ iõ.

2 Ilo ran in jorran eo aõ I ar bukot Iroi; I ar erlokwe peiõ ke eboñ im e jab kaki; aõ e ar abwin bwe ren kainemõn e.

3 Ij kememej Anij im abwin-mõke; I lotan im aõ ej kijelok. Sela.

4 Kwoj drebij meja jen kiki; I lil im ban konono.

5 I ar kalomõnlokjen kin ran ko remotelok, yiõ ko an ien ko mokta.

6 I kememej aõ al ilo boñ, I kalomõnlokjen ilo buruõ im aõ e kanuij kabukot.

7 Iroi en jolok ñõn in drio ke? Im E jamin bar jeraik ke?

8 An tiriamo e joko otem joko ñõn in drio ke? An kalimur e mōjino-  
lok in drio ke?

9 Anij e ar meloklok kin joi; ke? Ilo An illu E ar kili an tiriamokake ke? Sela.

10 Im I ar ba, Eñin aõ mōjino, a I naj kememej yiõ ko an anbiymar-  
ñõn Eo eutiejtata.

11 I naj konono kin jerbal ko an Jeova, I naj kememej men in bwi-  
lõñ ko Am jen ien ko remotelok.

12 I naj kalomõnlokjen kin aole-  
pen Am jerbal, im lemnok kin kō-  
mõn ko Am.

13 Am ial O Anij ilo jikin kwo-  
jar;ar: wõn eo anij elap einwõt  
Anij?

14 Kwe Anij eo Ej kōmõn men in  
bwilõñ ko; Kw'ar kwalok Am ka-  
jur iben ro dri ailiñ ko.

15 Kw'ar lomoren ro dri ailiñ eo  
Am kin anbiymarõñõm, ro nejn  
Jekõb im Josep. Sela.

16 Dren ko r'ar lo Yuk, O Anij,  
dren ko r'ar lo Yuk im mijõk; imlõl  
ko re bareinwõt wuririr.

17 Kõro ko r'ar katorlok dren;  
mejatoto e ar kwalok ainiken; mōri  
ko Am re bareinwõt kãki.

18 Ainiken Am jorur ilo aire ko;  
jarõm ko r'ar kamramlok lõl: ene  
e ar wuririr im makõtkit.

19 Ial eo Am e ar ilo lometo, im  
etal ko Am ilo dren ko relap, im  
buñten ko buñten neõm r'ar jaje  
kaki.

20 Kw'ar tellok ro dri ailiñ eo Am  
einwõt bwijin šip kin pein Moses  
im Aarõn.

# SAM 78.

Maskil an Esaf.

**O** DRI ailiñ eo aõ, komin eoroñ  
Aõ kien; komin kajirtok lo-  
jiliñemi ñõn nan ko nan in loñiõ.

2 I naj walõñi loñiõ ilo wan jō-  
ñok; I naj konono kake nan ko  
retino jen ien mokta.

3 Nan ko kim ar roñjake im jela-  
kake; im ro jimam r'ar kenannek  
kim.

4 Kim jamin noji jen ro nejiir,  
im naj kennanek ñõn ebeben e naj  
itok nebar ko an Jeova, im An ka-  
jur, im men in bwilõñ ko E ar  
kōmõnmõni.

5 Bwe E ar kajur men in kennan  
ilo Jekõb, im likit kien ñõn Israel,  
eo E ar kaifi ñõn ro jimam, bwe  
ren kajelaik ro nejiir kaki.

6 Bwe ebeben eo enaj itok en jela  
kajeir, im ro nejiir re naj lotak; ro  
re naj jerkak im kenannek kaki ro  
nejiir.

7 Bwe ren likit air kōtōmene ilo  
Anij, im jab meloklok jerbal ko an  
Anij, a ren bokake kien ko An.

8 Im ren jab einwõt ro j'imair,  
ebeben e bõt im e kabata; ebeben  
eo e ar jab likit burueir bwe ren  
jimwe, im air jitõb e ar jab rim  
iben Anij.

9 Ronejin Ipraim, eor ken tōrinae  
ibeir, im libon ko, r'ar oktõklik ilo  
ran in tōrinae.

10 R'ar jab kejbãrok bujen eo an  
Anij, im abwin in etal ilo kien eo  
An.

11 Im r'ar meloklok kōmōn ko An, im jerbal ko men in bwilōñ E ar kwalok ñōn ir.

12 E ar kōmōn men in bwilōñ ko iman mejen ro jimair, ilo ene Ijpt, ilo melaj eo an Zoan.

13 E ar kijbil lomalo eo, im kōmōn bwe ren etallok ilōan: im E ar kajutōk dren ko einwōt ejoi.

14 Ilo ran E ar tel ir kin kōro, im iomin aolepen boñ kin maram in kijeek.

15 E ar ruje dreka ko ilo ene jemaren, im lelok ñōn ir limeir elōñ jen imlōl ko.

16 E ar bareinwōt bōktok kata-rakt ko jen dreka, im katorlok dren ko einwōt river.

17 Mekarta, r'ar etal wōt im jera-wiwi nae E, im kabata nae Eo eutiejtata ilo ene jemaren eo.

18 Im r'ar melejoñ Anij ilo burueir kin air kajitok kijeir ñōn air dōr.

19 Aet, r'ar konono nae Anij, im r'ar ba, Anij e maroñ in kapojōk tebel i ene jemaren ke?

20 Lo E ar jebōk dreka, inem dren ko r'ar torlok, im river elōñmejir-jir; E bareinwōt maroñ in letok bred ke?

21 Kin men in Jeova e ar illu, kejo kijeek nae Jekōb, im illu e ar wōñliñlok nae Israel.

22 Bwe r'ar jab tōmak Anij, im jab liki An lomor.

23 Mekarta, E ar jiroñ mejatoto ilōñ, im kebellok aur ko in lōñ.

24 Im E ar kowutlok manna loir bwe ren mōña, im E ar lelok ñōn ir korn in lōñ.

25 Armij r'ar mōña bred an ro rekajur; E ar jilkinlok ñōn ir kijeir bwe ren mat.

26 E ar kōmōn bwe kōto in rear en ukwe i mejatoto; im kin kajur eo An E ar kajimetok kōto jen rōk.

27 E ar kowut kōniek bareinwōt loir einwōt bōñōlñōl, im bao ko eor peir einwōt bok in lometo.

28 Im E ar kowutlok e ilo bwiljin

imōu kabēr ko air, im iturin mo ko imweir;

29 Ein drein r'ar mōña im remat, im E ar lelok ñōn ir men ko r'ar kanuij oñkaki.

30 R'ar jañin jolok air dōr, kijeir e ar berwōt ilo loñir;

31 Inem illu an Anij e ar wōnliñlok nae ir, im E ar mōn jet ian ro remattok ibeir, im jebōk ñōn lōl ro likao, ro dri kalet in Israel.

32 A jekron men kein otemjej, re jerawiwi wōt, im jab tōmak men in bwilōñ ko An.

33 Kin men in E ar jeroane ran ko air ilo wan, im yiō ko air ilo leñōñ.

34 Ke E ar mōn ir, ien eo r'ar kabukot E, im r'ar jeblak im kajitok mōkōj kin Anij.

35 R'ar kememej bwe Anij e air dreka, im Anij eo eutiejtata air Dri lomor.

36 A r'ar etaō ñōn E kin loñir, im r'ar riōp ñōn E kin loir.

37 Bwe burueir r'ar jab jime iben, im r'ar jab tiljek ñōn bujen eo An.

38 A Eo, eobrōk kin tiriamo, E ar jolok air nana, im E ar jab mōn ir; aet elōñ alen E ar kajeōr An illu, im E ar jab biuktok aolepen illu eo An.

39 Im E ar kememej bwe r'ar kōniek wōt, juōn kōto ej ilok im jab jeblaktok.

40 Elōñ alen air kabata nae E ilo ene jemaren, im kaburomōj E ilo ene rārōk eo.

41 Im r'ar bar oktōk im melejoñ Anij; im kakitōtōik Eo ekwojar-jar an Israel.

42 R'ar jab kememej pein, ak ran eo ke E ar lomorir jen dri kijeir eo.

43 Ekijkan E ar likit kakōle ko An ilo Ijpt, im men in bwilōñ ko An ilo ene Zoan.

44 Im E ar kōmōn river ko air erōm bōtōktōk, river ko redrik bwe ren ban irak ie.

45 E ar jilkinlok ñōn ibeir bwijin lōñ ko r'ar kāñi ir, im frog ko r'ar kokkure ir.

46 E ar lelok air jonikōn ñōn lika-



krök eo, im alr jerbal ñön lokös ko.

47 E ar kokkure valn ko alr kin wut ebin, im alr wijki sikamor kin bio.

48 E ar bareinwöt lelok kiru kau ko air ñön wut ebin, im alr bwijin šip ñön jaröm ko rebwil.

49 E ar jilkinlok ñön ibeir bwil in illu eo An, liböpne, illu, im jorran, juön jar an enjel ro renana.

50 E ar kōmōn ial ñön illu eo An, E ar jab kejbārok air jen mij, a E ar lelok air mour ñōu nañinmij enana.

51 Im E ar mōn manji rōn otem-  
jej i Ijipt, lukuwōn air kajur ilo  
mo ko imōn Ham.

52 A E ar tellok ro dron einwöt  
šip ko, im E ar tel ir ilo ene jema-  
ren einwöt bwijin šip.

53 Im E ar tellok ir ilo ainemōn,  
inem r'ar jab lelñōñ; a lomalo eo e  
ar kamaloñ ro dri kijirāt ir.

54 Im E ar tel ir ñön tōreren jikin  
kwojarjar eo An, im ñön tol in, eo  
anbijmaroññ e ar wiaik e.

55 E ar ubakelok ro dri ailiñ ko  
jen imair, im E ar ajej ñön ir air  
jolit kin to iu joñok, im E ar kō-  
mōn bwe bwijin Israel ren jokwe  
ilo im nuknuk ko air.

56 Mekarta r'ar mefejoñ im kabata  
nae Anij eo eutiejata, im r'ar jab  
kejbārok kien ko An.

57 A r'ar oktōklik im kōmōn ilo  
mon einwöt ro jimair; r'ar jeōr ein-  
wöt libon eo etaōik.

58 Bwe r'ar añōtñōte E kin air ji-  
kin kabuñ reutiej, im r'ar kamoik  
E kin air men in e, r'ar jekjek.

59 Ke Anij e ar roñjake men in,  
E ar illu, im E ar kanuij jōjōik  
Israel.

60 Inem E ar illok jen imōn kabēr  
in Šailo, im nuknuk eo E ar likit  
iben armij rōn.

61 Im E ar ketōk an kajur ñön  
jebokwe, im aibujuij eo an ñön pein  
dri kijrāt.

62 E ar bareinwöt lelok ro dron  
ñön jāji, im E ar illu nae jolit eo An.

63 Kijeek e ar kãñi likao ro air,  
im jiroñ ro air ejelok air al iu be-  
lele.

64 Pris ro air r'ar buñ kin jāji,  
kōra ejoko beleir r'ar jab joñōt ir.

65 Inem Iroi e ar ruj einwöt juön  
armij jen kiki, einwöt juön armij  
ekajur eo ej lamij kin wain.

66 Im E ar jebokliklok ro dri kiji-  
rāt ir, im E ar kajok ir ñön in drio.

67 Bareinwöt E ar abwin im nuk-  
nuk ko an Josep, im E ar jab kalet  
bwijin Ipraim.

68 E ar kalet bwijin Juda, tol  
Zaiōn eo E ar yokwe.

69 Im E ar kalek imōn kwojarjar  
eo An einwöt tol ko reutiej, einwöt  
lōl eo E ar kabin e ñön in drio.

70 E ar bareinwöt kalet Devid  
korijeran, im bōk e jen worwor in  
šip.

71 Jen an lore šip kokōra rōn rej  
kaninnin, E ar bōke, bwe en naji-  
rik Jekōb, ailiñ eo An, im Israel  
An jolit.

72 Ein drein e ar najirik ir ekar  
ñön wānik in buruen, im e ar tel ir  
kin mejerik iu pein.

## SAM 79.

Sam an Esaf.

**O** ANIJ ro dri ailiñ ko r'ar dre-  
loñlok ilo Am jolit: tempel  
ekwojarjar Am r'ar kananaik e;  
r'ar ukot Jerusalem ñön be ko.

2 R'ar lelok ubeir ubōn ro dri kori-  
jerōm ñön bau ko in mejatoto bwe  
ren kijeir, kōniekin ro remōn Am  
ñön kiru ko in lōl.

3 R'ar katorlok bōtōktōkir einwöt  
dren iturin Jerusalem, im ejelok en  
kalibwin ir.

4 Kim ar erōm men in kinaklok  
ñön ro dri turum; men in kajok  
im kitōtōkake ñön ro rej ber itu-  
rum.

5 Ietoñ O Jeova, kwo naj illu  
ñön in drio ke? Ekamo Am e naj  
urur einwöt kijeek ke?

6 Kwon katorlok Am illu ion ro  
dri ailiñ ko re jaje Kwe, im ion dri  
ailiñ ko re jab kir ilo etōm.

# SAM KO, 81.

7 Bwe r'ar kãñi Jekôb, im kejee-  
beplok mweo imôm.

8 Kwon jab kememej nae kim  
jerawiwi ko an ro jimam, Kwon  
kaiur Yuk, im tiriamo ko Am ren  
wônmae kim, bwe r'ar kanuij kô-  
taik kim.

9 Kwon jibôñ kim, O Anij in  
amuij lomor, kin aibujulj in etôm,  
im Kwon lomorem, im karreelok  
jerawiwi ko am kin etôm.

10 Etke ro dri ailiñ ko ren ba,  
Ewi Anij eo air? Irenwône kin  
bôtôktôkin ro dri korijerôm, e ar  
torlok, ren jelakake iben ro dri  
ailiñ ko iman mejem.

11 Jabjenmeuoan au dri jebokwe  
en itok imam, ekar ñôn kajur eo  
Am elap, Kwon kejbãrok ir ro drien  
nij.

12 Im Kwon nawônan ñôn ro dri  
turum ilo ubeir, jiljilimjuôn alen  
air kinaklok Yuk kake, O Iroi.

13 Ein drein kim ro drom, šip ko  
an melaj eo Am, kim naj kamolol  
Yuk ñôn in drio; kim naj kwalok  
Am nebar ñôn ebeben ro otemjej.

## SAM 80.

Ñôn dri lale al; Shoshannim Eduth. Sam an Esaf.

**K**WON eoroñ, O Seperd in Israel,  
Kwe kwoj tel Josep einwôt  
bwijin šip, Kwo jijôt ion kerub ko,  
Kwon romaktok.

2 Iman Ipreim im Benjamin im  
Menassa, Kwon kworuj Am kajur,  
im iten lomorem.

3 Kwon bar kaukot kim, O Auij,  
im kômôn bwe turin mejôm en ro-  
mak, im naj lomorem.

4 O Jeova, Anij in jar in tôrinae  
ko, ietoôn Am naj illu nae jar an  
dri ailiñ eo Am?

5 Kw'ar najirik ir kin bred in  
kenjalal, im Kw'ar lelok ñôn ir  
limeir elôñ dren in kemjalal.

6 Kwoj kômôn bwe kimin men  
in akwall iben ro dri turum; im ro  
dri kijirâte kim rej tôñkake iben  
dron.

7 Kwon bar kaukot kim, O Auij  
in jar in torinae ko, im kômôn bwe

turin mejôm en romak, im naj lo-  
morem.

8 Kw'ar bôktok juôn vain jen  
Ijipt; Kw'ar ubakelok ro dri ailiñ  
ko im kalibwin e.

9 Kw'ar karreo ene iman, im e ar  
kômôn okrair imlôl, im e ar kobrôk  
ene eo.

10 Tol ko r'ar libubu kin lurin, ra  
ko ran r'ar einwôt sidar ko an Anij.

11 E ar bukwelip ra ko an ñôn lo-  
malo, im ro nejin ñôn river eo elap.

12 Etke Kw'ar kabwilôk worwor  
ko an, im ein drein ro otemjej rej  
elalok rej lote?

13 Pig koman jen wijki ko ej kok-  
kure, im kuru ko rawia jen melaj re  
môña e.

14 Kwon bar jujeltok, kim akwe-  
lap ñôn Yuk, O Anij in jar in tôr-  
inae ko, Kwon reilôltok jen lôñ im  
lale im lotok vain in.

15 Im Kwon lale men eo anbij-  
maroñôm e ar kalibwin e, im ra eo  
Kw'ar kakajur ñôn Kwe môke.

16 Emwij an urur ilo kijeek, emwij  
bukwe; re joko kin an turin me-  
jôm enoik ir.

17 Peiôm en ion armij in anbij-  
maroñôm, ion nejin armij eo Kwoj  
kakajure ñôn Kwe môke.

18 Ein drein kim jamin jeblaklok  
jen Kwe: Kwon kemour kim im  
kim naj kirtok etôm.

19 Kwon bar kaukot kim O Jeova,  
Anij in jar in tôrinae ko; Kwon  
kômôn bwe turin mejôm en romak,  
im naj lomorem.

## SAM 81.

Ñôn dri lale al ilo Gittit. An Esaf.

**K**OMIN kalaplok al ñôn Anij,  
amuij kajur: komin kwalok  
ainiken lôñliñ ñôn Anij in Jekôb.

2 Komin kwotôke Sam ko, im  
bôktok timbrel, im arp emôn, im  
salteri.

3 Komin jilil ñe ekal aliñ, ñe ero-  
lul aliñ, ilo ran in kwojkwoj eo am.

4 Bwe e juôn kien ñôn Israel, nan  
in kañi an Anij an Jekôb.

5 E ar likit e ilo Josep bwe en nan

in kalimur, ke e ar drioiytok ion ene Ijpt, ijo I ar roñjake konono I ar jajekake.

6 I ar bök aieran jen ine eo; em-wij kötlok pä ko pein jen kilok eo.

7 Kw'ar kir ilo jorran im I ar kokok yuk; I ar uak yuk ilo jikiu etino an jorur; I ar melejön yuk i dren ko in Meriba. Sela.

8 Komin eoroñ, O dri ailiñ eo Að, im I naj kennan ññon yuk; O Israel elañie komin kõnan roñjake ið!

9 E naj ejelok anij drua ibemi, im komin jamin kabuñ ññon juðñ anij drua.

10 Ña Jeova ami Anij, eo E ar kadrioiytok yuk jen iloan ene Ijpt: kwon walõñi loññom im I naj kobrök e.

11 A ro droð, r'ar jab eoroñ ainikið, im Israel e ar jab kõnake Ið.

12 Inem I ar likit ir ññon benawia in burueir, bwe ren etal wõt ilo bebe ko air.

13 O I kõnan bwe ro droð ren eoroñ Ið, im Israel eu etal ilo ial ko Að!

14 Inem I naj kar kõtaik ro dri jumae ir, im ukot peið nae ro rej kikirät ir.

15 Ro rej drike Jeova re naj kar kõtaik ir mōke ññon ir, a air ien e naj kar ber ññon in drio.

16 E naj kar najirik ir kin wit emõnpotata, im kamat ir kin hõnni jen dreka.

# SAM 82.

Sam an Esaf.

**A**NIJ ej jutök ilo jar an Anij; ej ekajet i bwljin anij rñn.

2 Ietoñ kom naj ekajet im jab jime, im kabwiloklok mejen ro dri nana? Sela.

3 Komin ekajet ro dri jeramel im ro ejelok jimair, komin kõmññon wānik ññon ro dri jorran im ro ejelok ibeir.

4 Komin lomoren ro dri jeramel im ro dri aikwij; komin kötlok ir jen pein dri nana.

5 Re jab jela im re jab melele, rej etal ilo marok; loñtak otemjej in löl re makõtkit.

6 I ar ba, Kom anij rñn, im kom otemjej ro nejin eo Eutiejtata.

7 Mekarta kom naj mij einwõt armij, im einwõt juðñ ian bwirök rñn kom naj buñ.

8 Kwon jutök O Anij, kwon ekajet löl in, bwe kwo naj jolit ailiñ ko otemjej.

# SAM 83.

Juðñ al. Sam an Esaf.

**O** ANIJ kwon jab ikññ; Kwon jab kejeklokjen im jab kakije, O Anij.

2 Bwe lo ro dri jumae Yuk rej iruij; im ro dri kikirät Yuk r'ar leliñlok bñrair.

3 Rej bebe kake mon nae ro drom, im bebe iben dron nae ro Kw'ar noj ir.

4 R'ar ba, Komin itok, im jen bukwelok ir bwe ren jab juðñ ailiñ, bwe armij ren jab bar kememej etan Israel.

5 Bwe r'ar bebe iben dron im burueir wõt juðñ; rej kõmññon bujeir nae Yuk.

6 Mo ko im nuknuk an Idñm, im ro dri Ismael, Moab im ro dri Hegar;

7 Gibal, im Ammññon, im Amalek; Pilistia iben ro dri Tair:

8 Assiria bareinwõt ej koba ibeir, r'ar jibññ ro nejin Lot. Sela.

9 Kwon kõmññon ññon ir einwõt ññon Midian, einwõt ññon Sisera, im Jebin i river Kaiðññ:

10 Ro r'ar joko i Endor; r'ar erom einwõt kubwe ññon ene.

11 Kwon kõmññon leatõktök ro air einwõt Ziba im Zalmunna.

12 Ro r'ar ba, Jen bök mo ko imññon Anij ññon kim mōke bwe ren am.

13 O að Anij kwon kõmññon ir einwõt monõknök ilo aire, einwõt kilin wit iman kõto.

14 Einwõt kijeek ej tili wijki ko, einwõt urur ej kejo kijeek ilo tol ko.

15 Ein drein Kwon lukwörkwör ir kin lafi eo Am, im kaleññoñ ir kin ñõt eo Am.

16 Kwon kobrök turin mejeir kin jok, bwe ren bukot etöm, O Jeova.

17 Ren jok im lelññoñ ñöu in drlo, aet ren kaiur ir im ren joko.

18 Bwe ren jela bwe Kwe wöt, im etöm Jeova, Kwo eo eutiejtata lon aolepen lölin.

SAM 84.

Ñön eo ej lale al. Ilo Gittit. Sam an ro nejñ Kora.

**E**NAÑIN men in yokwe imön kabrer ko Am, O Jeova in jar in törinae ko.

2 Að ej ofikake, aet ej kijelok wöt kin worwor ko an Jeova. Buruð im kñiekið re lamij ñoñ Anij emour.

3 Yokwe bao sparro e ar lo mweo imön; im bao swallo e ar lo juñ il eo an ijo en likit niñniñ ro nejñ, lokatok ko Am, O Jeova in jar ko jar in törinae, að Kiñ im að Anij.

4 Emönönð ro rej jokwe ilo mweo imöm, re naj etal wöt ilo nebar Yuk. Sela.

5 Emönönð armij eo an kajur ilo Kwe; eo ilo buruen ial ko ñön Zaiön.

6 Ke rej driblok komlöl in jöñ, rej kömön e jikiu unin dren ko, aet wut eo mokta ej kalibubu e kin jerammön ko.

7 Rej ilok jen kajur ñön kajur, ir otemjej re naj walok iman Anij i Zaiön.

8 O Jeova Anij in jar in törinae ko, Kwon roñjake að jar, Kwon eoroñ iö, O Anij in Jeköb.

9 Kwon lo, O Anij amuij likepij-ñök, im reilok ñön mejen Am dri kabit.

10 Bwe juñ ran ilolan worwor ko Am emönlok jen juñ tausar ran; ña emön iba bwe in dri lale aur ilo imön að Anij, jen að jokwe ilo im nuknuk ko an jerawiwi.

11 Bwe Jeova Anij juñ al im likepijñök; Jeova e naj letok joij im

aibujuij; E naj drebij ejelok men eo emön jen ro rej etal ilo wänik.

12 O Jeova in jar in törinae ko, emönönð armij eo ej liki Yuk.

SAM 85.

Ñön dri lale al. Sam an ro nejñ Kora.

**K**W'AR joij ñön ene eo Am, O Jeova, kw'ar kejeblaktok jebokwe an Jeköb.

2 Kw'ar jolok nana an ro drom, Kw'ar kalibubu aolepen air jera-wiwi. Sela.

3 Kw'ar bökklok aolepen libö pne eo Am; Kw'ar öktök jen bwil in illu eo Am.

4 Kw'ar ukot kim, O Anij in amuij lomor, im kejemlok Am libö pne ñön kim.

5 Kwo naj illu ñön kim ñön in dri ke? Kwo naj kaitoklok Am illu ñön ebeben ko otemjej ke?

6 Kwo jamin käejmour kim bwe ro drom ren löñliñ ilo Kwe ke?

7 O Jeova kwon kwalok Am tirlamo ñön kim, im letok ñön kim Am lomor.

8 I naj roñjake ta eo Jeova Anij e naj ba; bwe E naj konono kin ainemön ñön ro drom, im ñön ro remön Am, a ren jab bar öktök ñön men in bwebwe.

9 Emol An lomor e ebak ñön ro re'mjök E, bwe aibujuij en berwöt ilo ene am.

10 Tiriamo im mol r'ar wönmae drom, wänik im ainemön r'ar menjemalk drom.

11 Mol ej edrek jen löl, im wänik e ar reitok jen löñ.

12 Aet, Jeova e naj letok men eo emön, im ene in am e naj letok an orlok.

13 Wänik e naj ilok manlok e; im naj kömön juñ ial ñön buñten neen.

SAM 86.

Jar an Devid.

**K**WON kajirtok lojiliñöm im uak iö, O Jeova, bwe ña I jeramel im aikwji.

2 Kwon kejbärok ađ bwe ña dru wäuk; O Kwe ađ Anij, kwon lomore korijeröm in ij liki Kwe.

3 Kwon tiriamokake iđ, O Iroi, bwe ij kir ñön Kwe iomin aolepen ran.

4 Kwon kalöñliñ an korijeröm, bwe ñön Kwe, O Iroi, ij leliñwoj ađ.

5 Bwe Kwe Iroi, kwoj emön, im könan jeđrlok, im Kwoj kalöñlok tiriamo ñön ro otemjej rej kir ñön Kwe.

6 Kwon eoroñ ađ jar, O Jeova, im roñjake ainiken ađ akwelap ko.

7 Ilo ran in ađ jorran I naj kir ñön Kwe, bwe Kwo naj uak iđ.

8 Ejelok ian anij rön einwöt Kwe O Iroi, im ejelok jermal einwöt jermal ko Am.

9 Ro dri ailiñ ko otemjej, Kw'ar kömönmön ir, re naj itok im kabuñ imam, O Iroi, im re naj kaibuñij etöm.

10 Bwe Kwe kwo laplap, im Kwoj kömöñ men in bwilöñ ko: Kwe wöt kwo Anij.

11 Kwon tel iđ, O Jeova ilo Am ial; I naj etal ilo mol eo Am: Kwon kadrebijik buruđ bwe en mi-jök etöm.

12 I naj nebar Yuk, O Iroi, ađ Anij, kin aolepen buruđ; I naj kaibuñij etöm ñön in drio.

13 Bwe elap Am tiriamokake iđ; Kw'ar kötlok iđ jen roñ eo imlöl-tata.

14 O Anij ro dri jua r'ar jutök nae iđ; im jar an armij relej r'ar kabukot ađ, im r'ar jab likit Yuk imair.

15 A Kwe O Iroi, kwo Anij e kanuij keni im joi, erumij Am illu, im Kwo obrök kin tiriamo im mol.

16 O Kwon oktök ñön iđ im tiriamokake iđ; Kwon letok Am kajur ñön korijeröm, im lomore nejn köra korijeröm.

17 Kwon kwalok ñön iđ kakölen in emön, inem ro rej kijirät iđ ren loe, im jok kake, bwe Kwe Jeova kw'ar jiböñ iđ im kainemöu iđ.

## SAM 87.

Sam an ro nejñ Kora. Juñ al.

**L**ONTAK ko An ilo tol ko rokwo-  
jarjar.

2 Jeova ej yokwe aur ko in Zaiön jen mo ko otemjej an Jeköb.

3 Re konono kake men ko men in aibuñij kin Kwe, O jikin kwelok an Anij. Sela.

4 I naj ba kin Reab im Babulön einwöt ian ro re jela ña: Lo Pilistia im Tair im Itiopia, armij in e ar lotak ie.

5 Yokwe re naj ba kin Zaiön, Eñin ak eñeo e ar lotak ilo e; im Eo eutiejtata E möke naj kabuñ e.

6 Jeova e naj bwini, ñe E naj je ro dri ailiñ ko, eñin e ar lotak ie. Sela.

7 Ro rej al im ro dri kajöñjöñ re naj ba, Unin dren ko otemjej ađ iböm.

## SAM 88.

Juñ al. Sam an ro nejñ Kora: ñön eo dri lale al: ilo Mahalat Liannot. Maskil an Himan dri Ezra.

**O** JEOVA Anij an ađ lomor, I ar lamij ran im boñ imam.

2 Ađ jar en dreloñwoj iman me-jöm, Kwon eoroñ ađ kir.

3 Bwe ađ elöñ kin jorran ko, im ađ mour ej kebaklok ñön Hedis.

4 Emwij bwini iđ iben ro rej wön-löllok ñön ilon roñ eo; ña einwöt juñ armij im ejelok dri jiböñ e.

5 Emwij jolok iđ ña ibeu ro remij, einwöt dri mön re babu ilo lüp, ro Kw'ar jab bar kememej ir, im bukwelok ir jen peiöm.

6 Kw'ar likit iđ ilo roñ eo etätata, ilo jikin marok ko, ilo imlöl ko.

7 Am illu ej erro iöđ, im Kw'ar kejjorran iđ kin no ko Am otemjej. Sela.

8 Kw'ar likit ro re jela ña bwe ren etolak, Kw'ar kömöñ iđ men in jöjök ibeir: emwij kili iđ: I ban drioielok.

9 Meja rejokolok kin ađ jorran: I ar kir ñön Kwe ran otemjej. O Jeova I ar erlokwe pä ko peiö ñön Kwe.

10 Kwo naj kwalok men in bwi-  
lõñ ko ñõn ro remij ke? Ro re  
joko re naj jerkak im nebar Yuk  
ke?

11 Ren jelakake Am joij ilo lüp  
ke? Ak Am tiljek ilo kokkure  
ke?

12 Men in bwilõñ ko Am re naj  
jela ilo marok ke? Im Am wānik  
ilo ene in meloklok ke?

13 A I ar lamij ñõn Kwe O Jeova,  
im ñe ejiboñ aḏ jar e naj iwiḡ imam.

14 O Jeova etke Kwoj jolok wõt  
aḏ? Etke Kwoj binej mejõm jen  
ña?

15 Ña I jorran im enañin joko jen  
ke ij ajiri ñõn len in; ke ij iñtan  
kin Am kalelñõñ iḏ I jebaruḡruḡ.

16 Am illu ebwil e ar itok ioḏ:  
Am kalelñõñ ko r'ar bukwelok iḏ.

17 R'ar kabol iḏ einwõt dren ko  
iomin aolepeh ran: r'ar jimor ka-  
bol iḏ wõt.

18 Dri yokwe im jera Kw'ar likit  
etolok jen ña, im ro I jela ir ilo  
marok.

# SAM 89.

Maskil an Itan dri Ezra.

**I** NAJ al kin tiriāmo ko an Jeova  
ñõn in drio: kin loñiḏ I naj  
kwalok Am tiljek ñõn ebeben ko  
otemjej.

2 Bwe emwiḡ aḏ ba, Naj kalek joij  
ñõn in drio. Kwo naj kabin Am  
tiljek ilo lõñ ko.

3 I ar kõmõn bujen iben aḏ Dri  
kalet, I ar kanõḡniḡ ñõn Devid kori-  
jera.

4 Ineõm I naj kabin ñõn in drio,  
im kalek tron eo am ñõn ebeben ko  
otemjej. Sela.

5 Im lõñ ko re naj nebar men in  
bwilõñ ko Am, O Jeova, bareinwõt  
Am tiljek ilo jar ko an ro remõn.

6 Bwe wõn eo ilo mejatoto re ma-  
roñ in keiri ñõn Jeova? Wõn ian  
ro nejin dri kajur roñ ej einwõt  
Jeova?

7 Anij eo E kanuiḡ aiet ilo bebe  
an ro remõn, im emõn ren mijõk E  
jen ir otemjej rej ber iturin!

8 O Jeova Anij in jar in tõiinae  
ko, wõn e dri kajur potata einwõt  
Kwe, O JAH? im Am tiljek ej itu-  
rõm.

9 Kwo iroiḡ ion lometo ñe eju: ke  
no ko an relõñlok, Kwoj kõkajek-  
loḡjen ir.

10 Kw'ar ruje Reab ñõn mõtõn  
ko, einwõt eo emwiḡ air mõn e.  
Kw'ar keḡibliklok ro dri kijiḡrāt  
Yuk kin pein Am kajur.

11 Lõñ ko Am, ene bareinwõt Am:  
lõl im men ko e obrõk kaki, Kw'ar  
likit loñtak ko air.

12 Eañ im irõk Kw'ar kõmõnmõn  
ir, Tebor im Hermõu re lõñliñ ilo  
etõm.

13 Pā e monmon ibõm, ekajur  
peiõm, im eutieḡ anbiḡmaroñõm.

14 Wānik im ekajet loñtak ko an  
tron eo Am; joij im mol re ilok  
iman mejõm.

15 Emõnõnõ dri ailiñ eo re jela  
ainiken in lõñliñ eo; rej etal, O  
Jeova, ilo maram in turin mejõm.

16 Ilo etõm re lõñliñ iomin aolepen  
ran, im ilo Am wānik naj koutiej ir.

17 Bwe Kwe albuḡuiḡ in kajur eo  
air; im ilo Am mol drun eo am e  
naj liñlok.

18 Bwe amuiḡ likepiḡñõk iben  
Jeova, im amuiḡ kiñ an Dri kwo-  
jarjar in Israel.

19 Inem Kw'ar konono ilo višõn  
ñõn ro remõn Am, im ba, I ar likit  
jibõñ ion juõn ekajur potata; I ar  
koutiej juõn dri kalet jen armij rõn.

20 I ar lo Devid korijera; I ar ka-  
bit e kin aḏ oil ekwojarjar.

21 Im peiḏ e naj bin iben; barein-  
wõt peiḏ e naj kakajur e.

22 Dri kijiḡrāt eo e jamin matõr-  
tõr e, im eo nejin nana e jamin  
kañtan e.

23 Im I naj jolõllok ro dri kijiḡrāte  
iman, im mõn ro rej kitõtõkake e.

24 A Aḏ tiljek im aḏ joij e naj iben;  
im ilo etā e naj liñlok drun eo an.

25 I naj likit pein ion lomalo eo,  
im anbiḡmaroñõn ion river ko.

26 E naj kir ñõn Iḏ, Kwe jema, aḏ  
Anij im dreka in aḏ lomor.

27 I naj bareinwõt likit e manjið, eo eutiejtata ian kiñ ro an lõl.

28 Að joij I naj kejbārok ññn e in drio, im bujen eo Að e naj bin iben.

29 I naj kõmõn bwe inen en ber ññn in drio, im tron eo an einwõt ran ko in lõñ.

30 Elañe ro nejn rej illok jen kið, im jab etal ilo ekajet ko Að;

31 Elañe re kejekron nan ko Að, im jab bokake Að men in kaiñi;

32 Inem I naj kajeik air jerawiwi kin alal, im air nana kin dreñlok:

33 Ak Að joij I jamin bõk jen e ññn in drio, im I jamin likit Að tiljek bwe en joko.

34 I jamin rupe bujen eo Að, im I jamin ukot men eo e ar ilok jen tið.

35 Juðn Að kanõjniñ kin Að kwo-jarjar, I jamin riðp ññn Devid.

36 Inen e naj ber ññn in drio, im tron eo an einwõt al imað.

37 Naj kabin e ññn in drio einwõt aliñ, im einwõt dri kennau eo etiljek ilo mejatoto. Sela.

38 A Kw'ar abwin im jolok, Kw'ar illu ññn dri kabit eo Am.

39 Kw'ar jõjõik bujeu in kori-jeñm; Kw'ar kananaik kraun eo an ññn brij.

40 Kw'ar jolõllok worwor ko an otemjej; Kw'ar kokkure me ko an.

41 Ro otemjej rej ela re rakimi e; e ar erom men in kejekron ññn ro dri turin.

42 Kw'ar leliñlok anbijmaroññn ro dri kijirāt; Kw'ar kõmõn bwe ro otemjej rej jumae ren lõñliñ.

43 Aet Kwo ukõtliklok mejen jāji eo an, im Kw'ar jab kõmõn bwe en jutðk ilo ketak.

44 Kw'ar kejemlok an jatõltil, Kw'ar jolõllok ññn brij tron eo an.

45 Ran ko ran in likao eo an Kw'ar kakarulok: Kw'ar kalibubu e kin jok. Sela.

46 Ietoñ O Jeova, kwon tilekek ññn in drio? Ietoñ Am illu en urur einwõt kijeek?

47 O Kwon kememej ie karu að ien ber? Ññn men in jekron õt

Kw'ar kõmõnmõn ro nejn armij otemjej?

48 Armij õt e naj mour im jamin lo mij, im kõtllok an jen kajur in Hedis? Sela.

49 Iroiñ, ewi Am tiriamokake mokta, Kw'ar kanõjniñ kaki ññn Devid ilo Am tiljek?

50 Kwon kememej O Iroiñ nan in kejekron ro dri korijeñm; ekijkan ij inek ilo ubð nan in kinak an ro dri ailñ ko rekajur otemjej:

51 Ro dri kijirāt r'ar kinaklok Yuk kake O Jeova, r'ar kinaklok kake jenkwõn neen Am dri kabit.

52 Emõnõnõ Jeova ññn in drio. Amen im Amen.

### SAM 90.

Juðn jar an Moses armij in Anij.

**I**ROIJ, kw'ar amuij jikin jokwe lomin ebeben ko otemjej.

2 Mokta jen an tol ko walok, ak Kw'ar kõmõnmõn lõl im ene, jen in drio ññn in drio, Kwe Anij lap-lap.

3 Kwoj kaukot armij ññn bõñõl-ñõl im ba, Komin jeblaktok, kom ro nejn armij.

4 Bwe juðn tausand yið iman me-jeñm rej einwõt inne ke ejoko, im einwõt juðn mmij ilo boñ.

5 Kwoj bõkllok ir einwõt kin ibij liplip, re einwõt juðn kiki, ke ejiboñ re einwõt ujoj ej edreklok.

6 Ke ejiboñ ej edrek im laplok; ke ejota rej bukwe inem ej almerlok.

7 Bwe kim etõp ilo Am illu, im kim lokjenam kin Am libõpne.

8 Kw'ar likit bwir ko am imam, im jerawiwi ko am retino ilo maram in mejeñm.

9 Bwe ran ko am otemjej re jokolok ilo Am libõpne: kim kejemlok yið ko am einwõt juðn bwebwenato ñe emwij konono kake.

10 Ran ko in yið ko am jiljilim-ñoul yið, ak kin kajur re drualitok-ñoul yið, a air jua ej jerbal wõt im burumõj, bwe emõkõj bukweloke, inem kim kälök.

11 Wõn ejela kajur an Am illu,

im Am libõpue ekar ñõn leñõñ emõn mijõk Yuk kake?

12 Ein drein Kwon katakin kim in bwini yĩõ koam, bwe kimin bõk ñõn kin buruen meletlet.

13 O Jeova kwon jeblaktok, ietoõn? Im Kwon ukwelok ibõm kin ro dri korijerõm.

14 O Kwon kamat kim ke ejiboñ kin Am tiriamo; bwe kimiu lõñliñ im mõnõnõ ran ko am otemjelok.

15 Kwon kalõñliñ kim ekar ñõn ran ko ke Kw'ar kaiftan kim, im yĩõ ko kim ar lo nana iloilo.

16 Am jerbal en walok ñõn ro dri korijerõm, im Am aibujulj ion ro neñir.

17 Im wõlio an Jeova am Anij en ber iom, im Kwon kabin jerbal in peim iom; aet jerbal in peim Kwe kwon kabin e.

#### SAM 91.

**E**O ej jokwe ilo jikin etino an Eo eutiejtata, e naj berwõt iomin lurin Eo dri kajur otem kajur.

2 I naj ba kin Jeova e aõ likepij-ñõk im aõ me; aõ Anij, I naj liki E.

3 Bwe E naj kõtlok yuk jen aluk an dri ane, im jen mij eo enana.

4 E naj kalibubu yuk kin kolõn bau ko An, im iomin pein kwo naj lo ainemõn; mol eo An e naj am likepijñõk im ken tõrak.

5 Kwo jamin mijõk kin men in kalelñõñ ilo boñ, ak kin mõri ej kãki ilo ran.

6 Ak kin mij eo ej etetal ilo marok, ak kakkure ej jerbal ke e loñi al.

7 Juõn tausan re naj buñ iturõm, im joñoul tausan i anbijmarõñõm, a e jamin kebak ñõn kwe.

8 Kin mejõm wõt kwo naj lale im jo nawõnan eo dri nana.

9 Bwe Kwe O Jeova aõ likepijñõk. Kw'ar kõmõn Eo eutiejtata bwe En mweo imõm.

10 Ejelok nana e naj iwij iom, ak ejelok men in kakkure naj kebak ñõn mweo imõm.

11 Bwe E naj jiroñ enjel ro An kin kwe, bwe ren kejbãrok yuk ilo ial ko am otemjej.

12 Re naj baur yuk ilo peir bwe kwon jab itak neõm ilo dreka.

13 Kwo naj juri laõn in adder, laõn emõn ridtõn im serpent kwo naj juri iomin neõm.

14 Bwe e ar likit an yokwe Ioõ, inem I naj kõtlok e; I naj koutiej e bwe e ar jela etã.

15 E naj kir ñõn iõ im I naj uak e, I naj ber lben ilo jorran: I naj kõtlok im koutiej e.

16 I naj kamat e kin mour e aitok, im kwalok ñõn e Aõ lomor.

#### SAM 92.

Juõn Sam; juõn al ñõn ran in Sabat.

**M**EN eo emõn in lelok kamolol ñõn Jeova, im al im nebar etõm, O Kwe kwo utiejtata.

2 In kwalok Am joij ne ejiboñ, im Am tiljek ilo boñ otemjej.

3 Kiu ken kajõñjõñ toen joñoul, im kin salteri; kin ainiken ekwojarjar ilo arp.

4 Bwe Kwe Jeova, kw'ar kalõñliñ iõ kin Am jerbal; I naj lamij kin lõñliñ ilo jerbal ko in peiõm.

5 Re nañin lap jerbal ko Am, O Jeova; lemnok ko Am re kanuij imlõl.

6 Armij awia e jab jela, im dri bwebwe e jab melele men in.

7 Ke ro dri jerawiwi rej edrek einwõt ujoi, im ke ro otemjej rej kõmõn nana re jeban, men in bwe ren joko ilo kakkure ñõn in drio.

8 A Kwe O Jeova, kwoj liñtata ñõn in drio.

9 Bwe lo, ro dri kijirãt Yuk O Jeova, bwe lo ro dri kijirãt Yuk re naj joko: ro otemjej dri kõmõn nana re naj jibliklok.

10 A aõ drun Kw'ar koutiej einwõt drun kau koman awia: emwij kabit iõ kin oil ekal.

11 Bareinwõt meja r'ar lo einwõt aõ kõnan ion ro dri kijirãt iõ, lojil-iñiõ r'ar roñjake einwõt air kõnan



ion ro dri kōmōn nana rej jerkak jumae iō.

12 Ro dru wānik re naj edrek emōn einwōt wijki pain; re naj edrek einwōt wijki sidar in Lebanōn.

13 Ro emwij kallip ir ilo imōn Jeova, re naj edrek im laplok ilo worwor ko an Anij.

14 Re naj jebat leir nē re ridtolok, re naj mattok im maroro:

15 In kwalok bwe Jeova ewānik; E aō dreka im ejelok jab wānik iben.

### SAM 93.

**J**EOVA e Kiñ: ej Ranuknuk E kin utiej; Jeova ej kanuknuke, E ar kāñōr E kin kajur: bareinwōt lōl ebin bwe ban kamōkit e.

2 Tron eo Am emwij kabin e jen ien etolok; jen ien ko moktata Kwe.

3 Ibij kor'ar koutiej, O Jeova; ibij ko r'ar koutiej ainikeir: ibij ko re koutiej no ko air.

4 Ilōñin ainiken dren ko relōñ, no ko rekilip an lometo, Jeova ilōñ ekajurpotata.

5 Kennan ko Am re kanuij mol; kwojarjar ekar nōn mweo imōm, O Jeova nōn in drio.

### SAM 94.

**O** JEOVA, kwe Anij in irenwōne ko, Kwe Anij in irenwōne ko, Kwon romaktok.

2 Kwon jutōk, Kwe dri ekajet in lōl; Kwon nawōnan ro dri jua.

3 Jeova ietoñ ro dri nana, ietoñ ro dri nana ren jualōñlōñ?

4 Re bakake wān, re konono burollap; ro dri kōmōn nana otemjej re jualōñlōñ kin ir mōke.

5 Rej kōprakilkil ro dri ailīñ eo Am, O Jeova, im kaiñtan Am jolit.

6 Rej mōn kōra ejoko belen im druā maijet, im urōte eo ejelok jemen.

7 Im re ba, Jeova e jamin loe, im Anij in Jekōb e jamin lale.

8 Komīn lale mōk, kom dri einwōt kiru iben dri ailīñ rōn, kom dri bwebwe, kom naj meletlet fiat?

9 Eo e ar karōk lojiliñin, E jamin roñ ke? Eo e ar kōmōnmōn mej E jamin lo ke?

10 Eo e ar enoik ro dri ailīñ ko, E jamin kajeik ke? Aet, Eo ej katakin armij jelalokjen.

11 Jeova e jela lemnok ko an armij rōn bwe rewan.

12 Emōnōnō armij eo Kwoj kajeik e, O Jeova, im katakin e jela kiōm.

13 Bwe Kwon maroñ in kakijeik e jen rau ko renana mae ien emwij kōbij roñ nōn ro dri jerawiwi.

14 Bwe Jeova e jamin jolok dri ailīñ ro An, im E jamin illok jen An men in jolit.

15 Bwe ekajet e naj jeblak nōn wānik; im ro otemjej ejime buruej re naj lore.

16 Wōn e naj jerkak kin nā mae ro dri kōmōn nana? Wōn e naj jutōk kin nā mae ro rej jerbale jab wānik?

17 Elañe Jeova e ar jab aō jibōñ, aō e naj kar mōkōj in ber ilo jikin ikōñ.

18 Ke I ar ba, Neiō ej jirlok, Am tiriamo O Jeova e ar baur iō.

19 Ke elōñ lemnok ilo buruō, Am nan in kainemōn ej kalōñlīñ aō.

20 Tron in jerawiwi e naj komao ibōm ke, eo ej kōmōn men in kejorran kin kien?

21 Re kweloklok nae air an ro remōn, im re liakelok bōtōktōk im ejelok ruōn.

22 A Jeova e ar aō imōn bar utiej; im aō Anij, dreka eo ij ko nōn e.

23 Im E ar kejeblaklok ioir air jab wānik, im E naj bukwelok ir ilo air nana; Jeova amuij Anij e naj kokkure ir.

### SAM 95.

**K**OMIN itok, jen al nōn Jeova, jen kwalok ainiken lōñlīñ nōn dreka in lomoro eo am.

2 Jen itok iman mejen kin kamo-  
lol; jen lamij ññn E kin Sam ko.

3 Bwe Jeova e Anij laplap; im  
juñ Kifi elap, eutiejen anij otem-  
jelok.

4 Ilo pein imlöl ko in löl; barein-  
wöt jabñn tol ko re An.

5 Lometo An, im E ar kōmōnmōn  
e; im pein r'ar kōmōnmōn ene  
emōra.

6 O komin itok, jen kabuñ im  
barikrik; jen bukwelölō iman Jeova  
amuij Dri kōmōnmōn.

7 Bwe E amuij Anij, im kim ro  
dri allin an melaj eo An, im šip ko  
an pein. Ranin, O emōn kqmin  
roñjake ainiken.

8 Komin jab kabin buruemi, ein-  
wöt i Meriba; einwöt ran in Massa  
i ene jemaren eo.

9 Ke ro jimam r'ar kabo Iō, r'ar  
melejoñ Iō im lo jermal eo Aō.

10 Iomin eñoul yiō I ar illu iben  
ebeben eo, im ba, E allin ej jebwā-  
bwe ilo burueir, im r'ar jaje ial ko  
Aō.

11 Kin men I ar kanōjnij ilo Aō  
libōpne, Re jamin dreloñ iloan Aō  
kakije.

- SAM 96.

**O** KOMIN al ññn Jeova juñn al  
ekāl; komin al ññn Jeova,  
kom dri löl otemjej.

2 Komin al ññn Jeova, komin  
nebar etan: komin kwalok lomor  
eo An jen ran ññn ran.

3 Komin ba kin An aibujuij iben  
ro dri allin ko, jermal ko An, men in  
bwilōñ iben ro dri allin ko otemjej.

4 Bwe elap Jeova, im ren kanuij  
nebar E; ren mijōk E jen anij  
otemjej.

5 Bwe anij ro otemjej an ro dri  
allin ko re ekjōp wöt; a Jeova e ar  
kōmōnmōn lōñ ko.

6 Mūtōktok im utiejen rej iman;  
kajur im wōlio rej ilo jikin kwojar-  
jar eo An.

7 Komin lelok ññn Jeova, kom ro  
nukin ian ro dri allin ko, komin  
lelok ññn Jeova aibujuij im kajur.

[Marshall Islands.] \*4

8 Komin lelok ññn Jeova aibujuij  
ekar ññn etan; bōktok jurtak, im  
dreloñtok ññn iloan worwor ko An.  
9 O komin kabuñ ññn Jeova ilo  
wōlio in kwojarjar, komin wurirrir  
iman, aolepen löl.

10 Komin ba iben ro dri allin ko,  
Jeova e Kifi; löl emwij kabin e  
bwe ren ban kamōkit e; E naj  
ekajet ro dri allin ko kin wānik.

11 Lōñ ko ren mōuññ, im löl en  
lōñliñ; lometo en ñirñir im an  
obrōk.

12 Melaj eo en jualōñlōñ im men  
otemjej iloan; inem wijki otemjej  
in jikin wijki ren al ilo lōñliñ.

13 Iman Jeova, bwe Ej itok; bwe  
Ej iten ekajet löl. E naj ekajet löl  
kin wānik, im ro dri allin ko kin  
mol.

SAM 97.

**J**EOVA e Kifi; löl en lōñliñ, allin  
ko relōñ ren mōñññ.

2 Kōro ko im marok rej iturin;  
wānik im ekajet re loñtak ko in  
tron eo An.

3 Kijeek ej ilok imanlok, im tili  
ro dri kijirāt iturin.

4 Jarōm ko An r'ar kamaramlok  
löl; ene e ar loe im wurirrir.

5 Tol ko r'ar unlok einwöt bwil  
jen iman Jeova, jen iman Iroiñ in  
aolepen löl.

6 Lōñ ko re kwalok An wānik,  
im ro dri allin otemjej r'ar lo An  
aibujuij.

7 Ren jok, ro otemjej rej korijer  
ññn men in e ko rej jekjek, re  
mōke jualōñlōñ kin ekjōp ko: ko-  
min kabuñ ññn E, kom ro anij  
otemjej.

8 Zaiñn e ar roñjake im mōñññ,  
im kōra ro nejñ Juda r'ar lōñliñ  
kin ekajet ko Am, O Jeova.

9 Bwe Kwe Jeova, kwo utiejtata  
ilōñin aolepen löl: Kwo kanuij  
liñlok ilōñ jen anij otemjelok.

10 O kom dri yokwe Jeova, komin  
kitōtōkake nana: Ej kejbārok air  
in ro remōn An, Ej kōtlok ir jen  
pein ro dri jerawiwi.

11 Emwij jeor maram ñõn ro dru wānik, im mōnōnō ñõn ro ejime burueir.

12 Komin lõñliñ ilo Jeova, kom dru wānik, im kamolol etan ekwojarjar.

SAM 98.

Juõn Sam.

**O** KOMIN al ñõn Jeova juõn al ekal : bwe E ar kōmōn men in bwilōñ ko : anbijmaroñõn in pein ekwojarjar, e ar kōmōnmōn lomor ñõn E.

2 Jeova e ar kajelaik kin An lomor ; E ar kwalok alikar an wānik iman mejen ro dri ailiñ ko.

3 E ar kememej An tiriamo im An tiljek ñõn imōn Israel : jemlokōn lõl otemjej r'ar lo lomor eo an amuij Anij.

4 Komin lelok ñõn Jeova, aolepen lõl ; en ruplok ainikiōm im komin al ilo lõñliñ, aet komin al im nebar.

5 Komin al ilo nebar ko ñõn Jeova kin arp, kin arp im ainiken alal.

6 Kin jilil ko, im kin ainiken kor-net, komin kōmōn ainiken lõñliñ iman Kiñ eo, Jeova.

7 Lometo en ñirñir, im an obrök ; lõl im ro re jokwe ion.

8 Ibij ko ren itak peir ; tol ko ren jimor al im lõñliñ.

9 Iman Jeova, bwe Fj iten ekajet ene eo : E naj ekajet lõl kin wānik, im ro dri ailiñ ko kin jimwe.

SAM 99.

**J**EOVA e Kiñ ; ro dri ailiñ ko ren wurirrir : Ej jijōt ion kerub ko ; lõl en makōtkit.

2 Jeova elaplap ilo Zaiõn ; E utiej lõñin ailiñ ko otemjej.

3 Ren nebar etōm elap im men in lelfoñ : E kwojarjar.

4 Bareinwōt kajur an kiñ eo ej yokwe ekajet ; Kwoj kabin wānik. Kwoj kōmōnmōn ekajet im wānik ilo Jekōb.

5 Komin koutiej Jeova amuij Anij,

im kabuñ i eran neen : E kwojarjar.

6 Moses im Aaron ian pris ro An, im Samuel ian ro rej kir ñõn etan : r'ar kir ñõn Jeova, im E ar uak ir.

7 E ar konono ñõn ir ilo juron kōro ; r'ar kejbārok kien eo An, im nan in kaiñi E ar lelok ñõn ir.

8 Kw'ar uak ir O Jeova amuij Anij, Kw'ar juõn Anij e ar jeorlok jen ir, meñe Kw'ar kwi kin kōmōn ko air.

9 Komin koutiej Jeova aruij Anij, im kabuñ ñõn E ilo tol eo ekwojarjar ; bwe Jeova aruij Anij ekwojarjar.

SAM 100.

Sam in kamolol.

**K**OMIN lamij ñõn Jeova, kom ene ko otemjej.

2 Komin korijer ñõn E ilo lõñliñ : komin itok iman kin al.

3 Komin jela bwe Jeova Anij : E ar kōmōnmōn kij, kij An : kij dri ailiñ ro An ; im šip ko jen melaj eo An.

4 Komin dreloñ ñõn loan aur ko An kin kamolol, im iloan worwor ko An kin nebar ; komin kamolol E im nebar etan.

5 Bwe Jeova emōn ; An tiriamo e ñõn in drio, im tiljek eo An ñõn ebeben ko otemjej.

SAM 101.

Sam an Devid.

**I**NAJ al kin tiriamo im ekajet : ñõn Kwe O Jeova I naj al ilo nebar ko.

2 I naj kōmōn meletlet ilo ial e wāppen : O Kwo naj itok ñõn iba ñat ? I naj etal iloan mweo imō kin buruō e wāppen.

3 I jamin likit iman meja jabrewōt men in drike : I kitōtōkake jermal an ro rej jeorlok ; e jamin edrep ñõn iō.

4 Buru ankeke e naj ilok jen ña : I jamin jela eo enana.

5 Jabrewōt eo ej'riōp nae dri turin ilo etino, I naj kokkure. I jamin

kaberber eo eutiej mejen im e jua buruen.

6 Meja re naj lale ro re tiljek ilo enin, bwe ren jokwe iba. Eo ej etal ilo ial e wäppen e naj korijer ññon iö.

7 Eo ej jeor etað e jamin jokwe ilo mw eo imö; eo ej konono riðp jamin kabin e iman meja.

8 Ilo jiboñ ko I naj kokkure ro dri nana otemjej in ene, im bukwelok ro dri kõmön jab wänik jen jikin kwelok an Jeova.

### SAM 102.

Jar an eo e jorran, ke e maloñ kake, im kwalok lotan iman Jeova.

**K**WON roñjake að jar O Jeova, im Kwon likit að kir bwe en iwiñ ññon Kwe.

2 Kwon jab ðinej mejöm jen ña ilo ran in að jorran. Kwon eoroñ iö; ilo ran eo ke ij kir, Kwon uak iö mðkøj.

3 Bwe ran ko að re töp ilo bat, im dri ko drið emwij tili einwöt ubaj.

4 Buruð emwij jeboke einwöt ujoij, im e almerlok, bwe ij meloklok in mðña bred eo að.

5 Kin alniken að ñirñir dri ko drið rej edrep ññon kõniekið.

6 Ña ij einwöt bau pelikan ilo ene jemaren: I erom einwöt bau owl in jikin jeebeplok ko.

7 Ij ekil, im I ar erom einwöt bao sparrow e mðke ñan ion ðörwøj in juön im.

8 Ro dri kijirät iö re kinak iö iomin aolepen ran; ro rej uriekak nae iö re kanðjniñ kin nã.

9 Bwe I ar mðña brij in ubaj einwöt bred, im kareik ilmð kin dreu in kemjalal.

10 Kin Am illu im liböpne: bwe Kw'ar kwotðke iö im jolok iö.

11 Ran ko að re einwöt lur ejokolok: im ij almerlok einwöt ujoij.

12 A Kwe O Jeova kwo naj ber ññon in drio, im Am men in keme-mej ññon ebeben ko otemjej.

13 Kwo naj jerkak, im joij ññon Zaiön: bwe kið ien in tiriamokake

e, aet len emwij bebe kake e motok.

14 Bwe ro dri korijeröm rej mññonñ kin dreka ko an, im re tiriamokake an bññöññöñ.

15 Ein drein ro dri alliñ ko re naj mijök etan Jeova, im kiñ ro otemjej in löñ, Am albujuñj.

16 Bwe Jeova e ar kalek Zaiön, E ar weaktok ilo albujuñj eo An.

17 E ar oktök ññon jar an ro ejelok ibeir, im E ar jab kejekron air jar.

18 Naj je men in ññon ebeben eo ej itok; im ro dri alliñ, naj kõmön-möne, re naj nebar Jeova.

19 Bwe E ar reilöltok jen utlejen jikin kwojarjar eo An; jen löñ Jeova e ar lale löñ in.

20 Bwe En roñjake jabjenmenoan dri prisön; bwe En kötlök ro emwij likit ir ññon mij.

21 Bwe armij ren kwalok etan Jeova i Zaiön, im An nebar ilo Jerusalem.

22 Ke ro dri alliñ ko rej kweloktok, im alliñ ko alliñ in kiñ, bwe ren korijer ññon Jeova.

23 E ar kamöjñinolok að kajur ilo ial, E ar kakarulok ran ko að.

24 I ar ba, O að Anij kwon jab böklök iö ilukwön ran ko að; yiö ko Am ilujen ebeben ko otemjelok.

25 Moktata Kw'ar likit loñtak ko an löñ: im löñ ko jerbal in peiöm.

26 Re naj joko, a Kwo naj berwöt; aet ir otemjej re naj morlok einwöt nuknuk ko; einwöt kobe Kwo naj ukot ir, im naj mwij ukot ir wöt.

27 A Kwe kwoj einwöt juön, im yiö ko Am re jamin jemlok.

28 Ro nejin dri korijeröm rön re naj berwöt, im ineir re naj bin imam.

### SAM 103.

Sam an Devld.

**K**WON kamññonñöñk Jeova, O að, im men otemjej iloð ren nebar etan ekwojarjar.

2 Kwon kamññonñöñk Jeova O að, im jab meloklok kin men in kejerammön ko An otemjej.

3 Eo ej jeorlok jerawiwi ko am otemjej, Eo ej kâejmour yuk jen nañinmij ko am otemjej.

4 Eo ej wiaik am mour jen lûp eo; Eo ej kabelbil yuk kin joiŋ im tiriamokake ko.

5 Eo ej kamat loññm kin men ko remññ; inem kôkal am inono einwôt igöl eo.

6 Jeova ej kômññmññ men ko rewânik; im ekajeŋ ko ñññ ir otemjej re matörtör ir.

7 E ar bakajen ial ko An ñññ Moses, im kômññ ko An ñññ ro nejin Israel.

8 Jeova e kanuij tiriamo im joiŋ wôt; erumij An illu im E nweie kin tiriamo kake.

9 E jamin enoik ten otemjej, im E jamin drebij An illu ñññ in drio.

10 E ar jab kômññ ñññ kim einwôt jerawiwi ko am, ak nawñuam ekar ñññ bwir ko am.

11 Bwe einwôt löñ ko reutiej jen löñ, ein drein e killip An tiriamokake ro remjök E.

12 Einwôt rear etolok jen kabilññ, ein drein E ar likit bwir ko am etolok jen kim.

13 Einwôt jemeir ej tiriamokake ro nejin, ein drein Jeova ej tiriamokake ro remjök E.

14 Bwe Ejela wâwen kômññmññ kim; E kememej bwe kim böññöl-ñññ.

15 Kin armij, ran ko an einwôt ujoij: einwôt ebul ilo melaj, ein drein ebul.

16 Bwe kôto ej ukwi ion inem ejoko, im jikin e jamin bar jelakajen.

17 A tiriamo an Jeova e jen in drio ñññ in drio ion ro remjök E, im An wânik ñññ ro nejin nejiir.

18 Ñññ ro rej lale bujen eo An, im ñññ ro re kememej kien ko An bwe ren bokaki.

19 Jeova e ar likit tron eo An ilo löñ ko; im ailiñ in kiñ eo An e iroiŋ ion aoep.

20 Komin nebar Jeova, komeo enjel ro An; ro remonmon ilo kajur,

re kamol An in nan, rej roñjake ainiken nan ko An.

21 Komin nebar Jeova, kom otemjej ilo jar ko An, ro dri korijeran rej kômññmññ ankil An.

22 Komin nebar Jeova, men in kômññmññ ko An otemjej ilo jikin ko otemjej, Ej iroiŋ ioir; kwon nebar Jeova, O aö.

# SAM 104.

**K**WON nebar Jeova O aö. O Jeova aö Anij, kwo kanuij lap; Kw'ar kakunuk Yuk kin nebar im utiejen.

2 Kwoj kalibubu Yuk kin marani einwôt kobe; Kwoj erlokwe mejatoto einwôt nuknuk in binej.

3 Kwoj likit alal ko in mojabeo ko Am kin dren ko; Ej likit kôro ko jariöt eo An; Ej etallok ion pein kôto.

4 Ej kômññ kôto ko enjel ro An: kijeek rej urur ro dri korijeran.

5 E ar likit loñtak ko an löñ, bwe en jab makötkit ñññ in drio.

6 Kw'ar kalibubu e kin imlöñ ko einwôt kin nuknuk ko; dren ko r'ar jutök ilöññ in tol ko.

7 Kin Am kowe r'ar ko; kin aini-ken Am jorur r'ar jaröplök.

8 R'ar wöñññlök ion tol ko, r'ar wöñññlök ilo komlöñ ko; ñññ jikiir Kw'ar kajur ñññ ir.

9 Kw'ar likit kôtan bwe ren ban elä jen e; bwe ren jab ötköklok im kalibubu löñ.

10 E jilkinlok unin dren ko ñññ komlöñ ko; re torlok ikôtan tol ko.

11 Re lelok limeir ñññ kiru otemjej i melaj ko; ass ko rawia rejolok air maro.

12 Iturir bau ko in mejatoto re jokwe; rej al ilo ran ko ran wijki.

13 Ej kaimlolo tol ko jen mojabeo An; löñ e mat kin leen jerbal ko Am.

14 Ej kadreklok ujoij ñññ kiru ko, im mar ko in jiböñ armij, bwe en böktok kijen jen löñ.

15 Im wain ej kamöñññ buruen armij, im oil in kejatöltil turin me-

jen, im bred ej kakajur buruen armij.

16 Wijki ko an Jeova remat; sidar ko in Lebanon, E ar kallipi.

17 Ijo bau ko rej kōmōnmōn il ko ileir: kin bau stork, mweo imōn wijki ko, wijki fōr.

18 Tol ko reutiej re fōn goat ko rawia: dreka ko jikin tilekek an kiru koni ko.

19 E ar likit aliñ fōn ien ko; al e jela an tulok.

20 Kwoj kōmōn marok inem e boñ, ke kiru otemjej in wijki ko re tōbōllok.

21 Laiōn ko emōn ridtair re rorror kin air men in jibwe, im bukot kijeir jen Anij.

22 E tak al, rej kweloklok im re babu iloa roñ ko air.

23 Armij ej ilok fōn jerbal eo an, im fōn kōmōn ko an mae ien ejota.

24 O Jeova, e nañin lōñ jerbal ko Am: ilo meletlet Kw'ar kōmōnmōn aolepeir; lōl e obrōk kin mweiuk ko mweiōm.

25 Ijueo lometo elap im erabōkbōk, im iloa elōñ men ko retōbōl-bōl, je ban bwinir, kiru ko redrik im relap.

26 Ijo rej ilok wa ko; ijo kiru livaatan, eo Kw'ar kōmōne bwe en kuri iloa.

27 Ir otemjej rej kōtōmene Yuk, bwe Kwon lelok fōn ir kijeir ilo ien ekar.

28 Men ko Kwoj lelok fōn ir rej aini; Kwoj erlokwe peiōm, re mat kin emōn.

29 Kwo binej turin mejōm, re jorran; Kwoj bōk menono jen ir, rej jeblak fōn bōñōlñōl eo air.

30 Kwoj jilkinlok jitōb eo Am, inem emwij kōmōnmōn ir; im Kwoj kōkal erabōkbōk in lōl.

31 An Jeova aibujuij en berwōt fōn in drio: Jeova en lōñliñ kin kōmōn ko An.

32 Eo ej reilok fōn lōl, inem e makōtkit; Ej uñir tol ko inem re batat.

33 I naj al fōn Jeova lomin ien aō

mour; I naj al im nebar aō Anij ke ij berwot im mour.

34 Aō kalomonlokjen en tōñel iben, I naj lōñliñ kin Jeova.

35 Ro dri jerawiwi emōn kokkure ir jen lōl, ro dri nana ren joko wōt: O aō kwon nebar Jeova. Komin nebar Jeova.

# SAM 105.

**O** KOMIN kamolol Jeova, kir fōn etan, kwalok iben ro dri aliñ ko jerbal ko An.

2 Komin al fōn E, komin al kin nebar ko fōn E; komin konono kin jerbal in bwilōñ ko An otemjej.

3 Komin jualōñliñ ilo etan ekwojarjar: buruen ro rej bukot Jeova ren lōñliñ.

4 Komin bukot Jeova im An kajur; komin bukot mejen ien otemjej.

5 Komin kememej jerbal in bwilōñ ko An, E ar kōmōni; men in bwilōñ ko An im ekajet ko an loñin;

6 O kom ro nejin Ebream korijeran; kom ro nejin Jekōb, ro dri kalet An.

7 O Jeova amuij Anij; ekajet ko Am rej ilo aolepen lōl.

8 E ar kememej fōn in drio bujen eo An, nan eo E ar kaiñi fōn juōn tausan ebeben ko.

9 Bujen eo E ar kōmōne iben Ebream, im An kanōjnij fōn Aisak.

10 Im E ar kabin e fōn Jekōb bwe en klen; fōn Israel bwe en bujen fōn in drio.

11 Im ba, fōn kwe I naj lewoj ene Kenan, bukōn ami jolit.

12 Ke reit wōt armij in bwinbwin; aet kanuij eiet im re drua maijet iloa.

13 Im r'ar etetal jen aliñ fōn aliñ, jen aliñ in kiñ fōn bar juōn aliñ.

14 E ar likit ejelok armij in kokkure ir; aet E ar enoik kiñ ro kin ir.

15 Im ba, Komin jab uñire dri

kabit ro Að, im jab kōmōn nana  
ñōn dri kanau ro Að.

16 E ar kirtok ñitta ion ene eo, E  
ar bwilok aolepen jokwōnōn bred.

17 E ar jilkinlok juōn eman imair;  
r'ar wiakake Josep bwe en dri ka-  
makoko.

18 R'ar kejjorran neen kin feter  
ko, r'ar likit e ilo tomere ko.

19 Mae ien ar kamol an in nan;  
nan in Jeova e ar melejoñ e.

20 Kiñ eo e ar jilkinlok im kōtlok  
e; aet iroiñ in ro dri ailiñ ko, im  
likit e anemkwōjan.

21 E ar kairoiñ e ion mweo imōn,  
im likit e lukuwōn mweluk otem-  
mej mweien.

22 Bwe en lukwōj iroiñ ro an ein-  
wōt e kōnan, im katakin ridto rōn  
iben ilo meletlet.

23 Bareinwōt Israel e ar itok ñōn  
Ijpt; im Jekōb e ar itoitōk ilo ene'n  
Ham.

24 Im E ar kanuij kalōñlok ro dri  
ailiñ An, im likit ir rekajur jen air  
dri kjiñrāt.

25 E ar ukot burueir bwe ren drike  
ro dri ailiñ An; im kōmōn mon  
ñōn ro dri korijeran.

26 E ar jilkinlok Moses korijeran,  
im Aarōn eo E ar kalet e.

27 Irro r'ar kōmōn ibeir kakōle ko  
An, im men in bwilōñ ko ilo ene'n  
Ham.

28 E ar jilkinlok marok, im kō-  
mōn bwe en marok wōt, im r'ar jab  
kabata nae nan ko An.

29 E ar kōmōn dren ko air in erom  
bōtōktōk, im mōni ik ko air otemjej.

30 Ene eo air e ar keutak elōñ frog,  
ilo mojabeo ko an kiñ ro air.

31 E ar konono im r'ar itok elōñ  
lōñ, im kij ko iloan aolepen air  
tōreren.

32 E ar lelok dren ebin kin wut,  
im kijeek eurur ilo eneir.

33 E ar mōn vain ko air barein-  
wōt, im wijki fig ko air; im bwilōk  
wijki ko in torenen ko air.

34 E ar konono im lokōs r'ar itok,  
im 'likakrok in kanker, im ejelok  
orair.

35 Im r'ar kāñi mar otemjej ilo  
eneir, im r'ar mōña leen brij otemjej.

36 Bareinwōt E ar mōn manji  
otemjej ilo eneir, bōran aolepen air  
kajur.

37 Im E ar kadrilōjtok ir eor silver  
im gold ibeir, im ejelok dri mōjino  
ilo bwij ko air.

38 Ijpt e ar mōnōnō ke r'ar ilok;  
bwe mijōk e ar buñ ion rojet.

39 E ar erlokwe kōro einwōt ken  
kalur ir, im kijeek in kamramlok  
ir ilo boñ.

40 R'ar kajitok iben im E ar bōk-  
tok bao kwel ko, im kamat ir kin  
bred in lōñ.

41 E ar kebellok dreka, inem dren  
ko r'ar torlok; r'ar torlok ilo jikin  
remōra einwōt juōn river.

42 Bwe E ar kememej An in nan  
ekwojarjar, im Ebream korijeran.

43 Im E ar kadrilōjtok ro dri ailiñ  
eo An kin lōñliñ, im ro dri kalet ro  
An kin al.

44 Im E ar lelok ñōn ir ene an ro  
dri ailiñ ko, im r'ar bōk jerbal an  
armij rōn bwe en air.

45 Bwe ren bokake nan in kaiñi  
ko An, im lale kien ko An. Kō-  
min nebar Jeova.

# SAM 106.

**K**OMIN nebar Jeova! O komin  
kamolol Jeova, bwe E joij wōt,  
bwe An tiriamo ej berwōt ñōn in  
drio.

2 Wōn e maroñ in konono kake  
jerbal ko rekajur an Jeova, ak kwa-  
lok aolepen An nebar?

3 Re mōnōnō ro rej kejbārok eka-  
jet, im eo ej kōmōn wānik ien otem-  
jej.

4 Kwon kememej iō O Jeova, kin  
joij eo Kwoj kwalok ñōn ro drom;  
O Kwon lotok iō kin Am lomor.

5 Bwe in lo jerammōn an ro dri  
kalet Am, bwe in lōñliñ ilo mōnōnō  
an ailiñ eo Am; bwe in jualōñlōñ  
iben jolit eo Am.

6 Kimuij im ro jimam r'ar jera-  
wiwi, kim ar kōmōn nua, kim ar  
jab wānik.

7 Ro jimam r'ar jab melele men in bwilōñ ko Am i Ijipt; r'ar jab kememej men in tiriamo ko Am relōñ; a r'ar ankeke i lomalo, aet lomalo ekilmir.

8 Mekarta E ar lomorir kin etan wōt, bwe En kwalok kajur eo An potata.

9 E ar kowe lomalo ekilmir bar-einwōt, inem emōralok: eu drein E ar tel ir ilujen imlōl ko einwōt • ilo ene e melaj.

10 Im E ar lomorir jen pein eo e kitōtōkake ir, im wiaik ir jen pein ro dri kijirāt.

11 Im dren ko r'ar kamaloñ ro dri kijirāt ir; ejelok juōn iair e ar berwōt.

12 Inem r'ar tōmak An in nan; r'ar al im nebar E.

13 Emōkōj air meloklok jermal ko An, r'ar jab kōtar An bebe.

14 A r'ar kanulj kijoñ ilo ene jemaren, im melejoñ Anij ilo enen bok eo.

15 Im E ar lelok ñōn ir men eo r'ar kajitok iben kaki, a E ar jil-kinlok ñōn ibeir mō ilo air.

16 R'ar juumare Moses bareinwōt ilo jikin air ber, im Aarōn dri'mōn an Jeova.

17 Lōl e ar bellok im wōrōñōlok Detan, im kalibubu jaran Ebairam.

18 Im kejo kijeek ilo jar eo air, im urur e ar tili ro dri nana.

19 R'ar kōmōnmōn kon in kau i Horeb, im kabuñ ñōn men in e, men in unlok.

20 Ein drein r'ar ukot air aibujuij ñōn wāwen kau eo ej mōña ujoij.

21 R'ar meloklok Anij air Dri lomor, eo E ar kōmōn men ko relap i Ijipt.

22 Men in bwilōñ ko ilo ene'n Ham, men ko ralet iturin lomalo ekilmir.

23 Kin men in E ar ba E naj kokkure ir, elañe Moses e ar jab jutōk iman ijo re uōta, im kejeōr An illu bwe En jab kokkure ir.

24 Aet r'ar kejekron ene eo ene'n yokwe, r'ar jab tōmak An in nan.

25 A r'ar lotan ilo mo ko imweir, im jab eoroñ ainiken Jeova.

26 Inem E ar kwotōke pein ñōn ir bwe En kokkure ir ilo ene jemaren eo.

27 Im kokkure ineir ilo ailiñ ko im kejbliklok ir ilo ene ko.

28 R'ar kobaik ir ñōn Beel Peor, im mōña men in katok ko an ro remij.

29 Ein drein r'ar kakitōtōik E ñōn illu kin kōmōn ko air, im nañiumij eo etan pleg e ar walok i bwiljir.

30 Inem Pineas e ar jutōk im kōmōnmōn ekajet, im ein drein nañiumij eo ejokolok.

31 Inem ar watok men in ñōn e kin wānik ñōn ebeben otemjej ñōn in drio.

32 Bareinwōt r'ar kaillu E i dren ko in Meriba, inem enana iben Moses kin ir.

33 Bwe r'ar kōtōrei an, im e ar konono einwōt dri jualōñlōñ kin tien.

34 R'ar jab kokkure ro dri ailiñ ko einwōt Jeova e ar jiroñ ir:

35 A r'ar koba iben ro dri ailiñ, im katak jermal ko air.

36 Im r'ar korijer ñōn ekjōp ko air; men ko r'ar einwōt jeu ñōn ir.

37 Aet r'ar katok ñōn ñimōn rōn kin ro nejiir, man im kōra.

38 Im r'ar katorlok bōtōktōk, ejelok ruōn, aet bōtōktōkin ro nejiir man im kōra, ro r'ar katok kaki ñōn ekjōp ko in Kenan; inem emwij kananaik ene eo kin bōtōktōk.

39 Ein drein r'ar kananaik ir mōke kin jermal ko air, im r'ar dri mijkaye kin kōmōn ko air.

40 Kin men in kejo illu an Jeova nae dri ailiñ eo An, im E ar jōjōik jolit eo An.

41 Im E ar ketōk ir ñōn pein ro dri ailiñ ko, im ro r'ar kitōtōkake ir r'ar iroij ioir.

42 Ro dri kijirāt ir r'ar bareinwōt kokkure ir, im r'ar kumliklik iomin peir.

43 Elōñ alen E ar kōtlok ir, a r'ar



ankeke ilo bebe eo air, im emwij  
kōtaik ir ilo air nana.

44 Mekarta E ar lale air jorran ke  
E ar roñjake air jōñ.

45 Im E ar kememej kin ir bujen  
eo An, im ukwelok ekar ñōn men  
in tiriamo ko An relōñ.

46 E ar kōmōn bwe ren men in  
tiriamokake iben ir otemjelok r'ar  
jebokwe ir.

47 O Jeova amuij Anij, kwon lo-  
moren kim im kokweloktok kim  
jen iben ro dri ailiñ ko, bwe kimin  
kamolol etōm ekwojarjar, im kwa-  
lok anjo ilo nebar ko An.

48 Ren kamōnōñōik Jeova Anij  
in Israel, jen in drio ñōn in drio.  
Im ro dri ailiñ otemjej ren ba,  
Amen. Komin nebar Jeova.

# SAM 107.

**O** KOMIN kamolol Jeova, bwe  
Emōn, bwe An tiriamo ej ber  
ñōn in drio.

2 Ro Jeova e ar wiaik ir, en ein  
drein air ba; ro E ar wiaik ir jen  
pein dri jumae eo.

3 Im E ar kokweloktok ir jen ene  
otemjej; jen rear im jen kabilūñ,  
jen eāñ im jen irōk.

4 R'ar jebwābwe ilo ene jemaren  
ilo ial ijo ejelok edrek: r'ar lo eje-  
lok jikin kwelok in jokwe.

5 R'ar kwūli im maro, air r'ar ki-  
jelok iloir.

6 Inem r'ar kir ñōn Jeova ilo air  
jorran, im E ar kōtlok ir jen iñtan  
ko air.

7 E ar tel ir ilo ial ejimwe, bwe  
ren ilok ñōn jikin kwelok in jokwe.

8 O armij ren nebar Jeova kin An  
joi, im kin jermal in bwilōñ ko An  
ñōn ro nejin armij.

9 Bwe Ej kamat eo ej oñkake, im  
eo e kwūli Ej kobrōk kin emōn.

10 Ro rej ber ilo marok im ilo  
anōñin mij, im lukwoj ir kin jorran  
im mere:

11 Kin air kabata nae nan ko an  
Anij, im kōtōrei bebe an Eo eutie-  
tata.

12 Kin men in E ar kōtaik burueir

kin jermal; r'ar buñ im ejelok air  
dri jibōñ.

13 Inem r'ar kir ñōn Jeova ilo air  
jorran, im E ar lomoris jen iñtan  
ko air.

14 E ar bōktok ir jen marok im  
anōñin mij, im mijkōk kworōk ko  
air.

15 O armij ren nebar Jeova kin An  
joi, im kin jermal in bwilōñ ko An  
ñōn ro nejin armij.

16 Bwe E ar ruje aur ko jinibor,  
im bukwe alal in mere ko.

17 Ro dri bwebwe, kin air etal ilo  
jerawiwi, im kin bwir ko air, re  
jorran:

18 Air re drike mōña ko otemjej,  
im re kebaklok ñōn aur ko in mij.

19 Inem rej kir ñōn Jeova ilo air  
jorran, im E lomoris jen iñtan ko  
air.

20 Ej jilkinlok An in nan, im  
kāejmour ir, im kōtlok ir jen men  
ko re kōkkure ir.

21 O armij ren nebar Jeova kin  
An joi, im kin An jermal in bwilōñ  
ko ñōn ro nejin armij!

22 Im ren katok kin men in katok  
ko in kamolol, im kwalok jermal ko  
An kin al ko.

23 Ro rej wōnlōllok im uwe ilo  
wa ko i lometo, ro rej jermal ilo dreu  
ko relap.

24 Rein rej lo jermal ko an Jeova,  
im men in bwilōñ ko An ilo imlōl  
ko.

25 Bwe Ej jiroñ, im kejerkak kōto  
in lañ, eo ej koutiej no ko an.

26 Rej wōnliñlok ñōn lōñ, rej wōn-  
lōllok ñōn imlōl ko, air rej unlōk  
kin air jorran.

27 Rej eep im jebwal einwōt dri  
karek, im ejoko aolepen air melet-  
let.

28 Inem rej kir ñōn Jeova ilo air  
jorran, im Ej kōtlok ir jen iñtan ko  
air.

29 Ej kōmōn bwe lañ eo en lur,  
im ein drein eriklok no ko air.

30 Inem re mōnōnō kin air aine-  
mōn: ein drein Ej kōtōbrōk ir ñōn  
ja eo re kōnan ber ie.

31 O armij ren nebar Jeova kin An joi, im kin jerbal in bwilōñ ko An ñōn ro nejin armij!

32 Ren bareinwōt koutiej E kin jar ko an armij rōn, im ren nebar E ilo jikin jijōt an ridto rōn.

33 Ej ukot river im erom ene jemaren, im unin dren ko bwe ijo en ene rārōk.

34 Ailiñ e wamorur, bwe en ene jemaren ejatōk; kin nana an ro rej jokwe ilōan.

35 Ej ukot ene jemaren ñōn lwe in dren, im ene emōra ñōn unin dren ko.

36 Im ijo Ej kōmōn bwe ro re kwūli ren jokwe ijo, bwe ren kapoj jikin kwelok in berwōt.

37 Im jeor ilo jikin kallip ko, im kalibwin bwil in grep, im bōk leen r'ar edreklok.

38 Ej kejerammōn ir bareinwōt, inem re kanuij lōñlok im E jab likit bwe kiru ko air ren eitlok.

39 Bar juōn, rej eitlok im kōtaik ir kin matōrtōr, jorran, im buromōj.

40 Ej katōglok drike ion iroi rōn, im kōmōn bwe ren jebwābwe ilo ene jemaren ijo ejelok ial.

41 Mekarta, Ej koutiej ro dri jera-mel jen air jorran, im kōmōn ñōn e ro nukin einwōt bwijin šip.

42 Ro dru wānik re naj loe, im mōnōnō; in aolepen nana e naj binej loñin.

43 Jabrewōt eo e meletlet e naj lale men kein, im naj kalomōnlokjen kin tiriamo ko an Jeova.

### SAM 108.

Juōn al. Sam an Devid.

**B**URUŌ ebin O Anij, I naj al, aet I naj al im nebar kin men in aibujuij eo aō.

2 Komin ruj, salteri im arp, ña I naj ruj e kanuij mōkōj.

3 I naj kamolol Yuk, O Jeova, iben ro dri ailiñ ko; I naj al im nebar Yuk i bwiljin ro dri ailiñ ko.

4 Bwe Am tiriamo elap eutie jen lōñ ko, im Am mol ej tōbar wōt mejatoto.

5 O Anij kwon utlej jen lōñ ko, im Am aibujuij ilōñin aolepen lōl.

6 Bwe eo e jitenburu ibōm en men in kōtlok, Kwon lomor kin anbij-marofōm im uak kim.

7 Anij e ar ba ilo An kwojarjar; I naj jualōñlōñ, I naj kijbil Sikein im joñe komlōl Sukkot.

8 Gilead e Aō: Menassa e Aō; Ipreim e ken tōrak bōra; Juda e Aō septer.

9 Moab e Aō jābi in kwolkwol; ion Idōm I naj jolok Aō ju; ion Pilistia I naj lamij.

10 Wōn e naj bōktok iō ñōn ilōan jikin kwelok eor an worwor? Wōn e ar tel iō ñōn ilōan Idōm?

11 Kw'ar jab jolok kim O Anij? Im Kwo jab ilok iman jar in tōrinae ko am.

12 Kwon letok ñōn kim jibōñ nae dri kijirāt eo, bwe ejelok tokjen an armij jibōñ kim.

13 Kin Anij kim naj beran im kō-mōn, bwe E eo e naj juri ro dri kijirāte kim.

### SAM 109.

Ñōn dri lāle al. Sam an Devid.

**K**WON jab ikōñ, O Anij in aō nebar.

2 Bwe loñin dri nana, im loñin mou, r'ar walōñi nae iō: r'ar kono-ño ñōn iō kin lo in riōp.

3 R'ar kabol iō kin nan ko nan in kijirāt, im iri nae iō ke ejelok unin.

4 Kin aō yokwe rej dri kijirāt iō, a ij lelok iō mōke ñōn jar.

5 Im r'ar nawōnaō nana kin emōn, im kijirāt kin Aō yokwe.

6 Kwon likit juōn armij enana ion; im juōn dri jumae en jutōk i anbijmarofōn.

7 Ñe ekajet e, en walok im ruōn; im jar eo an en erom bwir.

8 Ran ko an ren elet, im bar juōn en bōk kwōnan.

9 Ro nejin en ejelok jemeir, im llo belen en joko leo an.

10 Ro nejin man ren jebwābwe wōt im oor; im ren bukot kijeir jen jikin kokkure ko air.

11 Juōn dri muri iben en jibwe men otemjej an, im ro drua maijet ren rakimi tokjen jermal ko an.

12 Ejelok en tiriamokake e, im ejelok en tiriamokake ro nejn ñe ejelok jemeir.

13 Ren bukwelok ro nejn, im ilo ebeben eo ken ka ruo ren jeorlok etan.

14 Jeova en kememej bwir an ro jiman, im En jab jeorlok jerawiwi an jinen.

15 Ren ber iman Jeova ien otemjej, bwe En maroñ in böprae an armij kememej ir ilo löl.

16 Bwe e ar jab kememej in tiriamokake, a e ar matörtör armij dri aikwij, im dri jeramel, im eo erup buruen, bwe en mön e.

17 Aet e ar yokwe kol im e ar itok ñōn e, im e ar jab möuōnō in kejerammōn, inem men in etolok jen e.

18 E ar kanuknuk e kin kol einwöt kin kobe eo an, im e ar dreloñlok ñōn iloan einwöt dren, im einwöt oil ñōn iloan dri ko drin.

19 En iben einwöt juōn kobe ej kalibubu e kake, im einwöt kãñor eo ej kōnōk e ien otemjej.

20 Men in en wōnan ro dri kijirāt iō, jen Jeova, im wōnan ro re konono nana nae iō.

21 A Kwe O Jeova Iroi, kwon kōmōn iba kin etōm; bwe Am tiriamokake emōn, inem Kwon kōtlok iō.

22 Bwe ña dri jeramel im dri aikwij, im buruō elil iloō.

23 Ña I joko einwöt anōñin ke eriklok, I jibliklok einwöt lokōs ko.

24 Bukiō re mōjino kin jitlok, im kōñekiō ejelok an mattok.

25 I bareinwöt men in kinak ibeir; ke rej lo iō rej jibolul bōrair.

26 Kwon jibōñ iō O Jeova aō Anij, O Kwon lomoriō kin Am tiriamokake.

27 Bwe ren jela bwe men in peiōm wöt; bwe Kwe Jeova kw'ar kōmōne.

28 Ren kakol, a Kwon kamōnōnōik; ñe rej jerkak re naj jok, a korijerōm I naj löñliñ.

29 Ro rej kijirāt iō ren kōnōk men in kananaik, im ren kalibubu ir mōke kin jok einwöt kin kobe.

30 Ña I naj kanuij kamolol Jeova kin löñiō; aet I naj nebar E i bwiljin jar eo elap.

31 Bwe I naj jutōk i anbijmaroñōn dri aikwij eo in lomoren jen ro rej ekajet an.

# SAM 110.

Sam an Devid.

**J**EOVA e ar ba ñōn aō Iroi, Kwon jijōt i anbijmaroñiō mae ien ij kōmōn bwe ro rej kijirāt Yuk ren eran neōm.

2 Jeova e naj jilkinlok alal in kajur eo Am jen Zaiōn; Kwon iroi ilo bwiljin ro dri kijirāt Yuk.

3 Ro drom rej möuōnō im lewoj ir mōke ilo ran in Am kajur: ilo wōlio ko in kwojarjar, jen lojien ejiboñ: ibōm molawi an ien emōn drer.

4 Jeova e ar kanōjni in E jamin ukwelok: Kwe juōn pris ñōn in drio ekar ñōu wāwen Melkise-dek.

5 Iroi eo i anbijmaroñōm E naj wakāri kiñ ro ilo ran in An illu.

6 E naj ekajet iben ro dri ailiñ ko: E naj kobrōk jikin ko kin ubeir, E naj wie bōrair ilo elōñ ailiñ.

7 E naj irak jen river erik eo; kin men in E naj koutiej bōran.

# SAM 111.

**K**OMIN nebar Jeova. I naj kamolol Jeova kin aolepen buruō, ilo jar an dri bebe re wānik, im ilo jar eo elap.

2 Jermal ko an Jeova relaplap; emwij kabukot ir kin ro otemjej rej mönōnō kake.

3 Jermal eo An men in wijtak im utiej: im An wānik ej ber ñōn in drio.

4 E ar kōmōn bwe armij ren ke-

memej jermal in bwilōñ ko An; Jeova e joij im eobrōk kin tiriamo.

5 E ar lelok kijeir ñōn ro remjōk E; E naj kememej bujen eo An ien otemej.

6 E ar kwalok ñōn ro dron kajur an jermal ko An, ke E ar lelok ñōn ir jolit an ro dri ailiñ ko.

7 Jermal an pelu mol im ekajet; nan ko An nan in katak rebin.

8 Emwij kabin ir ñōn in drio, im kōmōnōn ir ilo mol im jimwe.

9 E ar jilkintok lomor ñōn ro dron; E ar kaiñi bujen ñōn in drio: ekwojarjar im men in lelñōñ etan.

10 Mijōk Jeova jinoin meletlet; jelalakjen emōn iben ro otemej rej kōmōn ein drein: An nebar ej ber ñōn in drio.

# SAM 112.

**K**OMIN nebar Jeova. Emōnōnō armij eo ej mijōk Jeova, ej lōñliñ kake kien ko An.

2 Inen e naj kajurpotata ion lōl; ebeben ro dru wānik re naj mōnōnō.

3 Mweiuk ko im elōñ mōnni ilo mweo imōn; im an wānik ej ber ñōn in drio.

4 Ñōn ro re jimwe maram ej walok ilo marok, e joij wōt, im eobrōk kin tiriamo im wānik.

5 Emōn iben armij eo ej kōmōn ilo joij im ej lelok: e naj kejbārok bebe eo an ilo ekajet.

6 Bwe jamin kamōkit e: ro dru wānik re naj kememej ir ñōn in drio.

7 E jamin mijōk kin nan in kenan ko renana; erim buruen; ej liki Jeova.

8 Ebin buruen, e jamin lelñōñ, mae ien an lo an kōuan ion ro dri kijirāt e.

9 E ar kejbliklok, e ar lelok ñōn ro dri aikwij: an wānik e naj ber ñōn in drio: drun eo an e naj utiej kin nebar.

10 Ro dri nana re naj loe, im buronōj: e naj kalōlōl ñi ko ñiin, im

unlok; an dri nana kōnan e naj joko.

# SAM 113.

**K**OMIN nebar Jeova. Komin nebar, O kom ro dri korijeran Jeova, komin nebar etan Jeova.

2 Emōuōnō etan Jeova jen ien in im ñōn in drio.

3 Jen tak al ñōn tulok eo an, ren kamōnōnō etan Jeova.

4 Jeova e utiej ilōñin ro dri ailiñ ko otemej, im An albujuj ilōñin lōñ ko.

5 Wōn eo einwōt Jeova amuij Anij, eo An ken jijōt eutiej?

6 Eo ej mōke kōtaik E bwe en lo men ko i lōñ kab ilo lōl?

7 Ej kejerkak dri jeramel jen ilōan bōñōlñōl, im kwotōke dri aikwij jen be in brij.

8 Bwe Eu likit e iben bwirōk rōn, yokwe iben bwirōk ro in ro dri ailiñ eo An.

9 Ej kōmōn bwe kōra eo ewar en lale mweo imōn, im bwe en mōnōnō im keutak niñiñ ro. Komin nebar Jeova.

# SAM 114.

**K**E Israel e ar ilok jen Ijpt; ro nukin Jekōb jen ailiñ ijo e jejinet air konono.

2 Juda e ar jikin kwojarjar eo An, Israel An men in iroj.

3 Lomelo e ar loe im e ko, Jordau e ar oktōklik.

4 Tol ko r'ar etōr kālok einwōt šip koman ko, tol ko redrik einwōt kon in šip ko.

5 Kwo bōj it, O lomalo, bwe kw'ar ko? Kwe Jordan bwe kw'ar oktōklik?

6 Kom tol ko bwe kom ar etōrkālok einwōt šip ko, im kom tol redrik einwōt kon in šip ko?

7 Kwon wuririr, kwe lōl, iman mejen Jeova, iman mejen Anij in Jekōb.

8 Eo e ar ukot dreka bwe en erom lwe in dren, dreka ebin bwe en unin dren ko.

SAM 115.

**J**AB ñon kim O Jeova, jab ñon kim, a ñon etom ren lelok wij-tak kin Am tiriamo im kin Am mol.

2 Etke ro dri alliñ ko ren ba, Ewi air Anij kið?

3 A amuij Anij ej ilo lõn ko; E ar kõmõn men ko jabrewõt E ar kõnan.

4 Ekjöp ko air silver im gold wõt, pein armij r'ar kõmõnmõni.

5 Eor loñir, a re jab konono: eor mejeir a re jab lo.

6 Eor lojliñir, a re jab roñ: eor baur a re jab atbwin.

7 Eor peir a re jab kõmõn kaki: eor neir a re jab etal; im re jab ba jen ilo burueir.

8 Ro re kõmõnmõni re eirwõt; yokwe, ro otemjej rej liki ir.

9 O Israel komin liki Jeova. E wõt air jibõñ im air likepijñõk.

10 O nukin Aarõn komin liki Jeova, e air jibõñ im air likepijñõk.

11 Komeo komij mijõk Jeova, komin liki Jeova; E air jibõñ im air likepijñõk.

12 Jeova e ar lemnok kin kim; E naj kejerammõn kim, E naj kejerammõn ro nukin Israel; E naj kejerammõn ro nukin Aarõn.

13 E naj kejerammõn ro rej mijõk Jeova, ro redrik im ro relap.

14 Jeova en kalõñlok wõt kom, kom im ro nejmí.

15 Emõnõnõ kom jen Jeova eo E ar kõmõnmõn lõñ im lõl.

16 Lõñ ko, lõñ ko re an Jeova, a lõl E ar letok ñon ro nejin armij.

17 Ro remij re jab nebar Jeova: ejelok ian ro rej wõulõllok ñon jikin ikõñ.

18 A kim naj nebar Jeova jen ien in im ñon in drio: komiu nebar Jeova.

SAM 116.

**N**A ij yokwe Jeova, bwe E ar roñjake alnikið im að akwelap ko.

2 Bwe E ar eoroñ ið inem I naj kir ñon E toðn að mour.

3 To ko, toðn mij r'ar kabol ið, im iñtan ko an Hedis r'ar drebij ið; I ar lo jorran im burumõj.

4 Inem I ar kir ñon etan Jeova; O Jeova, I akwelap ñon Kwe, kwon kõtlok að.

5 E joij Jeova, im E wānik: amuij Anij ej tiriamokake.

6 Jeova ej kejbārok ro re jab kauij meletlet; emwij kõtaik ið, inem E ar lomorið.

7 Kwon jeblaklok ñon am kakije, O að, bwe Jeova e ar wujlepwoj ñon yuk.

8 Bwe Kw'ar lomoren að jen mij, meja jen dren in kemjalal, im neið jen buñ.

9 I nal etal iman Jeova ilo euen ro remour.

10 Ij tõmak, inem I naj konono; I ar kanuij iñtan.

11 Ilo að kijorur I ar ba, Armij otemjej re dri riðp.

12 Ta eo I naj lelok ñon Jeova kin men ko otemjej E ar letok ñon ið?

13 I naj bõk kõp in lomor, im kir ñon etan Jeova.

14 I naj kõlla men ko I ar kanõjniñ kaki ñon Jeova; aet iman mejen ro dron otemjej.

15 Men in aurõk iman mejen Jeova, mij an ro remõn An.

16 O Jeova, ña korijerõm ilo mol, ña korijerõm, ña nejin korijerõm kõra eo; Kw'ar kõtlok ið jen kworõk ko að.

17 I naj lewoj ñon Kwe men in katok ko in kamolol, im I naj kir ñon etan Jeova.

18 I naj kõlla ñon Jeova men ko I ar kanõjniñ kaki, aet iman mejen ro dron otemjej.

19 Iloan worwor ko an imõn Jeova; ilo kwe, O Jerusalem. . Komin nebar Jeova.

SAM 117.

**O** KOMIN nebar Jeova, ro dri alliñ ko otemjej: komin kai-bujuij E, kom dri alliñ ko otemjej.

2 Bwe An tiriamo elap ñòn kim; in mol an Jeova ej ber ñòn in drio. Komin nebar Jeova.

SAM 118.

**O** KOMIN kamolol Jeova bwe E emõu: bwe An tiriamo ej ber ñòn in drio.

2 Israel eu ba kiõ, Bwe An tiriamo ej ber ñòn in drio.

3 Ro nukin Aarõn ren ba kiõ, Bwe An tiriamo ej ber ñòn in drio.

4 Ro re mijõk Jeova ren ba kiõ, Bwe An tiriamo ej ber ñòn in drio.

5 Jen aõ iñtan I ar kir ñòn Jeova; Jeova e ar uak iõ im E ar likit iõ ilo jikiõ erabõkbõk.

6 Jeova e ñòn iõ; I jamin mijõk, ta eo armij re maroñ in kõmõn ñòn iõ?

7 Jeova e ñòn ña lben ro rej jibõñ iõ: kin men in I naj lo aõ kõnan ion ro rej kijirät iõ.

8 Emõn in liki Jeova jen liki armij.

9 Emõn in liki Jeova jen liki bwi-rõk rõn.

10 Ro dri ailiñ otemjej r'ar kabol iõ; ilo etan Jeova I naj bukwelok ir.

11 R'ar kabol iõ, aet r'ar kabol iõ; ilo etan Jeova I naj bukwelok ir.

12 R'ar kabol io einwõt loñ ko; emwij kwüni ir einwõt kijeek in kaliklik ko; ilo etan Jeova I naj bukwelok ir.

13 Kw'ar kanuij jibellok iõ bwe in buñ; a Jeova e ar jibõñ iõ.

14 Jeova aõ kajur im aõ al, im E ar ñõn iõ aõ lomor.

15 Ainiken lõñliñ im lomor ilo mo ko imõn ro remõu; anbijmaro-ñõn Jeova e beran an kõmõn.

16 Anbijmaroñõn Jeova eutiej; aubijmaroñõn Jeova e beran an kõmõn.

17 I jamin mij, ak mour wõt, im kwalok jerbal ko an Jeova.

18 Jeova e ar kanuij kajeik iõ; a E ar jab ketõk iõ ñòn mij.

19 Kwon kebellok ñòn iõ aur in wānik; I naj dreloñlok na iloir, im I naj kamolol Jeova.

20 Eñin' aur an Jeova; ro dru wānik re naj dreloñ iloan.

21 I naj kamolol Yuk, bwe Kw'ar uak iõ, im Kw'ar aõ lomor.

22 Dreka eo ro dri kal r'ar jolok e, e in dremõn jabõn ini.

23 Men in Jeova e ar kõmõn e, im e men in bwi-lõñ ilo mejem.

24 Eñin ran eo Jeova e ar kõmõn e; je naj mõnõnõ im lõñliñ iomin.

25 O Jeova kimuij akwelap ñòn Yuk, kwon jilkintok jerammõn kiõ.

26 Emõuõnõ eo ej itok ilo etan Jeova; kim ar kamõnõnõik Yuk jen iloan imõn Jeova.

27 Jeova e Anij, im E ar letok maram; komin lukwoj kiru in ka-tok kin to ko ilo drun ko in loka-tok eo.

28 Kwe aõ Anij, im I naj kamolol Yuk; Kwe aõ Anij im I naj kou-tiej Yuk.

29 O komin kamolol Jeova, bwe E emõn, bwe An joij ej ber ñòn in drio.

SAM 119.

ALEPH.

**E** MÕNÕNÕ ro re wāppen ilo ial eo; ro rej etal ilo kien Jeova.

2 Emõnõnõ ro rej kejbārok nan in kennan ko An, ro rej kabukot E kin aolepen burueir.

3 Aet, rej kõmõn ejelok jab wānik, rej etal ilo ial ko An.

4 Kw'ar kaiñi ñòn kim nan in katak ko Am, bwe kimin kanuij lali.

5 O enañin emõu elañe ial ko aõ rebin wõt, bwe in lale kien ko Am.

6 Ien eo I jamin jok, ñe ij kejbā-rok kien ko Am otemjej.

7 I naj kamolol Yuk kin buruõ ejimwe, ñe I naj katak ekajet ko Am rewānik.

8 I naj bokake nan in kaiñi ko Am; O Kwon jab illok wõt jen ña.

BETH.

9 Kin ta juõn jikao e naj karreoik ial eo an? Kin an kanuij lale ial eo ekar ñòn Am in nan.

10 Kin aolepen buruð I ar kabukot Yuk : O Kwon jab likit bwe in jebwābwe jen kien ko Am.

11 Am in nan I ar likit na ilo buruð, bwe in jab bwir nae Yuk.

12 Emōnōnō Kwe, O Jeova, kw'ar katakin ið kien ko Am.

13 Kin tið I ar kwalok ekajet ko otemjej in loñōm.

14 I ar lōñliñ ilo ial in nan in kennan ko Am, einwōt ilo mweiuk ko otemjej.

15 I naj kalomōnlokjen kin nan in katak ko Am, im I naj lale ial ko Am.

16 I naj kalōñliñ ið ilo kien ko Am; I jamin melokolok Am in nan.

#### GIMEL.

17 Kwon wujleptok ñōn korijerōm bwe in mour, im I naj kejbārok Am in nan.

18 Kwon kebellok meja, bwe in lo men in bwilōñ ko ilo kiðm.

19 Ña drua maijet ilo lōl in; Kwon jab noj kien ko Am jen ið.

20 E rup að kin an oñkake ekajet ko Am ien otemjej.

21 Kw'ar enoik ro dri jua, emwij kokol ir, ro re jebwābwe jen kien ko Am.

22 Kwon bōk jen ña kinak im kejekron; bwe I ar kejbārok nan in kennan ko Am.

23 Bwirōk rōn r'ar jijōt im konono nae ið, a ña korijerōm I ar kalomōnlokjen kin kien ko Am.

24 Nan in keunan ko Am men in mōnōnō iba, im re dri bebe ro að.

#### DALETH.

25 Að ej edrep ñōn bōñōlñōl! Kwon kǎejmour ið ekar ñōn Am in nan.

26 I ar kwalok ial ko að, inem Kw'ar uak ið; Kwon katakin ið kien ko Am.

27 Kwon kajelaik ið ial in nan ko Am; ein drein I naj kalomōnlokjen kin jerbal in bwilōñ ko Am.

28 Að ej unlok kin an erro; Kwon kakajur ið ekar ñōn Am in nan.

29 Kwon kadruaklok jen ið ial in riðp; im letok ñōn ið kiðm ilo joij.

30 I ar kalet ial in tiljek; ekajet ko Am I ar likit imað.

31 Ña ij edrep ñōn nan in kennan ko Am, O Jeova kwon jab kajok ið.

32 I naj etōr ilo ial in kiðm ko ñe Kwo naj kalaplok buruð.

#### HE.

33 O Jeova kwon katakin ið ial in nan in kaiñi ko Am, inem I naj kejbāroke ñōn jemlokōn.

34 Kwon letok ñōn ið jelalokjen, inem I naj bokake kiðm, aet I naj lale kin aolepen buruð.

35 Kwon kōmōn bwe in etal ilo ial in nan in kaiñi ko Am, bwe I mōnōnō kake.

36 Kwon ukot buruð ñōn nan in kennan ko Am, im jab ñōn ankwonak.

37 Kwon kajeðr meja jen lale wau, im Kwon kǎejmour ið ilo ial ko Am.

38 Kwon kabin Am in nan ñōn korijerōm, eo ij iben men in mijōk Yuk.

39 Kwon kajeor að kinaklok ij lel-ñōñ kake; bwe ekajet ko Am remōn.

40 Lo I ar oñkake nan in katak ko Am! Kwon kǎejmour ið ilo Am wānik.

#### VAU.

41 Tiriamokake ko Am ren bareinwōt itok ñōn iba, O Jeova, aet Am lomor ekar ñōn Am in nan.

42 Ein drein e naj iba nan in uak ñōn eo ej kinaklok ið; bwe ij liki Am in nan.

43 Im Kwon jab bōk wōt nan in mol jen loñið, bwe I ar kejatrikrik ið ilo ekajet ko Am.

44 Ein drein I naj bokake kiðm ien otemjej ñōn in drio im in drio.

45 Im I naj etal ilo anemkwojað; bwe I ar kabukot nan in katak ko Am.

46 I naj bareinwōt konono kin

nan in kennan ko Am imau kiñ ro,  
im I jamin jok.

47 Im I naj mõnõnõkake nan in  
kaifi ko Am, I ar yokwi.

48 I naj bareinwõt kwotõke peiõ  
ñõn kien ko Am, I ar yokwi, im I  
naj kalomõnlokjen kin nan in jiroñ  
ko Am.

#### ZAIN.

49 Kwon kememej nau eo ñõn  
korijerõm, bwe Kw'ar kõmõn bwe  
in kejatrikrik iõ.

50 Eñin aõ men in kainemõn ilo  
aõ jorran, bwe nan eo Am e ar  
kãejmour iõ.

51 Ro dri jua r'ar kanuij kajirere-  
kake iõ, a I ar jab jeõrløk jen kiõm.

52 I ar kememej ekajet ko Am jen  
ien ko mokta O Jeova, im I ar  
mõke kainemõn iõ.

53 Illu ebwil e ar drebij iõ, kin au  
ro dri nana illok jen kiõm.

54 Nan in kaifi ko Am re kar al  
koaõ, ilo imõn aõ itoitõk.

55 I ar kememej etõm, O Jeova,  
ilo boñ, im I ar bokake kiõm.

56 Men in e kar iba kin aõ kejbä-  
rok nan in katak ko Am.

#### CHETH.

57 Jeova aõ kij : I ar ba, I naj kejbä-  
rok nan ko Am.

58 I ar akwelap ñõn Yuk kin joi  
kin aolepen buruõ; Kwon tiria-  
mokake iõ ekar ñõn Am in nan.

59 I ar kalomõnlokjen kin ial ko  
aõ, inem I ar ukot neiõ ñõn nan in  
kennan ko Am.

60 I ar kijorur, im jab rumijtok,  
in bokake nan in kaifi ko Am.

61 To ko toõn ro dri nana r'ar luk-  
wõj iõ, a I ar jab meloklok kiõm.

62 Ilukwõn boñ I naj jerkak in  
kamolol Yuk kin ekajet ko Am  
rewänik.

63 Ña dri komao iben ir otemjej  
remjõk Yuk, im iben ro re bokake  
nan in katak ko Am.

64 Lõl, O Jeova, eobrok kin Am  
tiriamo; Kwon katakin iõ kien ko  
Am.

#### TETH.

65 Kw'ar kõmõn emõn ñõn kori-  
jerõm, O Jeova, ekar ñõn Am in  
nan.

66 Kwon katakin iõ ekajet emõn  
kab jelalokjen; bwe I ar tõmak  
nan in kaifi ko Am.

67 Mokta jen kejjorran iõ I kar  
jebwäbwe, a kiõ I bokake Am in  
nan.

68 Kwe emõn im Kwoj kõmõn  
emõn; Kwon katakin iõ kien ko  
Am.

69 Ro dri jua r'ar kine riõp nae iõ;  
kin aolepen buruõ I naj kejbärok  
nan in katak ko Am.

70 Burueir remattok einwõt gris,  
a I mõnõnõ kake kiõm.

71 Emõn iba ke kar kejjorran iõ,  
bwe in katak nan in kaifi ko Am.

72 Kien loñõm emõnlok ñõn iõ  
jen tausan ko mõtõn gold im silver.

#### JOD.

73 Peiõm r'ar kõmõnmõn iõ im  
kakajur iõ; Kwon letok jelalokjen  
bwe in katak kien ko Am.

74 Ro remjõk Yuk re naj lo iõ im  
mõnõnõ; bwe I kejatrikrik iõ ilo  
Am in nan.

75 I jela, O Jeova, ekajet ko Am  
rewänik, im ilo tiljek Kw'ar kejjor-  
ran iõ.

76 I kajitõk ibõm, Am joi im ti-  
riamo ren kainemõn iõ einwõt Am  
in nan ñõn ña korijerõm.

77 Tiriamokake ko Am ren itok  
ñõn iba bwe in mour, bwe kiõm  
men in lõñliñ iba.

78 Ro dri jua ren jok, bwe r'ar  
kõmõn nana ñõn iõ ilo jab wänik;  
a I naj kalomõnlokjen kin men in  
katak ko Am.

79 Ren jebaktok ñõn iba, ro rem-  
jõk Yuk, im ren jela nan in ken-  
nan ko Am.

80 Buruõ en wäppen ilo kien ko  
Am, bwe in jamin jok.

#### KAPH.

81 Aõ e bärõk ñõn Am lomoriõ;  
bwe I kõtar Am in nan.



82 Meja re ñatte ñõn Am in nan ke I ba, Ñat Kwo naj kainemõn iõ?

83 Bwe ña I erõm einwõt boto ilo bat; kien ko Am I ar jab meloklok.

84 Jete ran, ran in korijerõm? Ñat Kwo naj kõmõn ekajet ñõn ro rej matõrtõr iõ?

85 Ro dri jua r'ar kõbij roñ ñõn iõ, ro re jab ekar ñõn kiõm.

86 Kien ko Am otemjej retiljek; re matõrtõr iõ ilo mon; kwe kwon jibõñ iõ.

87 R'ar nañin kokkure iõ ion löl; a I ar jab illok jen nan in katak ko Am.

88 Kwon kãejmour iõ ilo Am tiriamokake; ein drein I naj bokake nan in kennan ko Am.

LAMED.

89 Ñõn in drio, O Jeova, Am in nan ebin ilo lõñ ko.

90 Am tiljek e ñõn ebeben otemjej; Kw'ar kabin löl in inem e berwõt.

91 Rej ber ranin kin ekajet ko Am; bwe men otemjej ro dri korijerõm.

92 Elañe kiõm e ar jab men in lõñliñ iba, I naj kar joko ilo aõ jorran.

93 I jamin meloklok nan in katak ko Am; bwe kin ir Kw'ar kãejmour iõ.

94 Ña Am, Kwon lomoriõ; bwe I ar kabukot nan in katak ko Am.

95 Ro dri nana r'ar kõtar iõ bwẽ ren kokkure iõ; a I naj kalomõnlokjen kin nan in kennan ko Am.

96 I ar lo jemlokõn wãppen otemjej; a kien ko Am re kanuij erabõkbõk.

MEM.

97 O e nañin lap aõ yokwe kiõm! I kalomõnlokjen kake iomin aolepen ran.

98 Kien ko Am r'ar kameletletlok iõ jen ro dri kijirät iõ, bwe re ber iba ien otemjej.

99 I meletlet jen aõ dri kaki otem-

jej, bwe nan in kennan ko Am aõ kalomõnlokjen.

100 I melele jen ridto rõn, bwe I ar kejbãrok nan in katak ko Am.

101 I ar drebij neiõ jen ial ko renana otemjej; bwe in bokake Am in nan.

102 I ar jab jeõrlök jen ekajet ko Am, bwe Kw'ar katakin iõ.

103 E nañin tõñel nan ko Am ñe I erjoñi, aet retñõl jen hõuni ilo loñiõ.

104 Kin nan in katak ko Am ij bõk meletlet; inem I jõjõik ial in mon otemjej.

NUN.

105 Am in nan e lamp ñõn neiõ, im maram ñõn aõ ial.

106 I ar kanõjniñ im kabin e, bwe I naj lale ekajet ko Am rewãnik.

107 Ña I kanuij jorran; Kwon kãejmour iõ O Jeova, kin Am in nan.

108 Ij akwelap ñõn Yuk O Jeova, Kwon bõk men in jurtak ko in lõniõ, I kõnan lewoj; im katakin iõ ekajet ko Am.

109 Aõ e ilo peiõ ien otemjej, a I jab meloklok kiõm.

110 Ro dri nana r'ar kapojõk aluk ñõn iõ; a I ar jab jebwãbwe jen nan in katak ko Am.

111 I ar bõk nan in kennan ko Am men in jolit iba ñõn in drio, bwe re men in lõñliñ an buruõ.

112 I ar kamõllok buruõ in bokake kien ko Am ñõn in drio, aet, ñõn jemlokõn.

SAMEK.

113 Ña ij drike armij burueir ruo, a ij yokwe kiõm.

114 Kwe aõ jikin tilekek im likepijñõk; I kejatrikrik iõ ilo Am in nan.

115 Komin ilok jen ña, kom dri kõmõn nana; bwe in bokake kien ko an aõ Anij.

116 Kwon jebok iõ ilo Am in nan bwe in mour, im Kwon jab kajok iõ kin aõ kejatrikrik.

117 Kwon kwotõke iõ im naj

lomoriō, im I naj lale kien ko Am ien otemjej.

118 Kw'ar kejekron ir otemjej re jebwābwe jen kien ko Am, bwe air mon e riōp wōt.

119 Kwo jolok ro dri nana otemjej in lōl einwōt oo; kin men in ij yokwe nan in keunnan ko Am.

120 Koniekiō e wurirrir kin mījōk Yuk; im ij lelñōñ kin ekajet ko Am.

AIN.

121 I ar kōmōn ekajet im jimwe; Kwon jab likit iō ñōn ro dri matōrtōr iō.

122 Kwon dri kamol ñōn ña korijērōm kin emōn; ro dri jua ren jab matōrtōriō.

123 Meja re mōjinolok ñōn Am lomor, im ñōn Am in nan rewānik.

124 Kwon kōmōn ñōn ña korijērōm ilo Am tiriāmo, im katakin iō kien ko Am.

125 Ña dri korijērōm, Kwon letok jelalokjen bwe in jela nau in ken-nan ko Am.

126 Ien in ien jerbal ñōn Jeova, bwe r'ar kokkure kiōm.

127 Kin men in ij yokwe kien eo Am, elap jen gold, aet elap jen gold erreo.

128 Kin men in ij lemnok bwe nan in katak ko Am otemjej kin men ko otemjelok rejimwe, im I jōjōik ial ko otemjej, ial in riōp.

PE.

129 Nan in kennan ko Am re men in bwlōñ; kin men in aō ej bokaki.

130 Kebellok Am in nan ej kama-ramlok, ej lelok jelalokjen ñōn ro re jab kanuij meletlet.

131 I ar kanuij walōñi loñiō im lap aō menono, bwe I ar oñkake kien ko Am.

132 Kwon oktōktok ñōn iō, im tiriāmokake iō einwōt kwo kin kōmōn ñōn ro dri yokwe etōm.

133 Kwon kabin jenkwōn ko jenkwōn neiō ilo Am in nan; im Kwon jab likit bwe jabrewōt nana en iroj iōō.

[Marshall Islands.] \*5

134 Kwon wiaik iō jen matōrtōr an armij; ein drein I naj bokake nan in katak ko Am.

135 Turin mejōm en romak ion ña dri korijērōm, im katakin iō nan in kaiñi ko Am.

136 River in dren retorlok jen meja, kin air jab bokake kiōm.

TZADE.

137 Kwo wānik, O Jeova, im rejimwe ekajet ko Am.

138 Kw'ar kaiñi nan in kennan ko Am ilo wānik im tiljek wōt.

139 Aō kijejeto e ar tili iō, bwe ro dri kijirāt iō r'ar meloklok nan ko Am.

140 Am in nan e kanuij erreo; kin men in korijērōm ij yokwe.

141 Ña erik im armij in kejekron; a I jab meloklok katak ko Am.

142 Am wānik eo wānik ej ber ñōn in drio, im kiōm emol.

143 Jorran im iñtan r'ar jibwe iō, a kien ko Am men in mōnōnō iba.

144 Nan in kennan ko Am rewānik ñōn in drio; Kwon letok jelalokjen im I naj mour.

KOPH.

145 I ar kir kin aolepen buruō; Kwon uak iō, O Jeova; I naj bokake nan in kaiñi ko Am.

146 I ar kir ñōn Kwe, kwon lomoriō; inem I naj lale nan in kennan ko Am.

147 I ar iwij imam mokta jen rantak im kir ñōn Kwe, I ar kejatrikrik iō ilo nan ko Am.

148 Meja r'ar bōprae mmij in boñ bwe in kalomōnlokjen kin Am in nan.

149 Kwon roñjake ainikiō ilo Am tiriāmo im joi. O Jeova, kwon kǎejmour iō ilo ekajet ko Am.

150 Re kebaktok ro rej lore nana; retolok jen kiōm.

151 Kwoj ebak, O Jeova, im kien ko Am otemjej remol.

152 Jen ien moktata I ar jela nan in kennan ko Am, bwe Kw'ar kabini ñōn in drio.

RESH.

153 Kwon lale aō ifitan, im kötlok iō; bwe I jab meloklok kiōm.

154 Kwon akwaile aō akwail im wiaik iō; kǎejmour iō ilo Am in nan.

155 Lomor etolok jen ro dri nana, bwe re jab bukot nan in kaiñi ko Am.

156 Elap Am tiriamokake ko, O Jeova; Kwon kǎejmour iō ilo ekajet ko Am.

157 Elōñ ro dri matörtör iō im ro dri kijirāt iō; a I ar jab jeör jen nan in kennan ko Am.

158 I ar lo ro dri kōmōn etaō, im buromōj kake; bwe re jab lale Am in nan.

159 Kwon lale ekijkan aō yokwe nan in katak ko Am; Kw'ar kǎejmour iō ilo Am tiriamokake.

160 Bōran Am in nan, mol; im ekajet otemjej Am rewānik rej ber ñōn in drlo.

SHIN.

161 Bwirök rōn r'ar matörtör iō ke ejelok unin; a buruō e lelñōñ kake nan ko Am.

162 I lōñliñ kin Am in nan einwōt eo ej lo elōñ men in rakim.

163 I jōjōik im drike riōp; a ij yokwe kiōm.

164 Jiljilimjuōn alen ilo ran I nebar Yuk kin ekajet ko Am rewānik.

165 Ainemōn elap iben ro rej yokwe kiōm, im ejelok unin lōkatip ibeir.

166 I ar kejatrikrik iō kin Am lomor O Jeova, im I ar bokake nan in kaiñi ko Am.

167 Aō e ar lale nan in kennan ko Am, bwe I kanuij yokwi.

168 I ar lale nan in katak ko, im nan in kennan ko Am, bwe ial ko aō otemjej re imam.

TAU.

169 Aō kir en ebakwōj imam, O Jeova; kwon letok jelalokjen einwōt Am in nan.

170 Aō akwelap en iwij imam; Kwon kötlok iō einwōt Am in nan.

171 Tiō ren konono nebar, bwe Kwo katakin iō nan in kaiñi ko Am.

172 Loō en al kin Am in nan, bwe kien ko Am rewānik.

173 Peiōm en rerelok in jibōñ iō, bwe I ar kalet nan in katak ko Am.

174 I ar oñkake Am lomor O Jeova, im kiōm men in lōñliñ iba.

175 Aō en mōñōñō, inem I naj nebar Yuk; im ekajet ko Am ren jibōñ iō.

176 I ar jebwābwe einwōt šip ejoko: Kwon kabukot korijerōm, bwe I jab meloklok kien ko Am.

SAM 120.

Al in wōñliñlok ko.

**I** LO aō lñtan I ar lamij ñōn Jeova, inem E ar uak iō.

2 Kwon kötlok aō O Jeova jen tien ko re riōp, im jen lo in mon.

3 Ta eo ren lewoj ñōn yuk, im ta eo ren kōmōn elōñlok ñōn yuk, kwe lo in etaō?

4 Mōri ko rekōñ an ro dri kajur, im melle in wijki juniper.

5 Wo ñōn ña kin aō ber ilo Mesek, kin aō jokwe ilo moko im nuknuk an Kidar.

6 Aō eto an jokwe iben eo ej jōjōik ainemōn.

7 Ña I kōnake ainemōn; a ke ij konono, re kōnake tōrinae.

SAM 121.

Al in wōñliñlok ko.

**I** NAJ reiliñlok ñōn tol ko; aō jibōñ en itok jen ia?

2 Aō jibōñ ej itok jen Jeova, eo E ar kōmōnmōn lōñ ko im lōl.

3 E jamin likit neiōm bwe en makōtkit; Eo ej kejbārok yuk E jamin kiki.

4 Lo Eo ej kejbārok Israel E jamin mijki ak kiki.

5 Jeova am dri lale, Jeova e anōñōm i anbijmaroñōm.

6 Al eo e jamin mōn yuk ilo ran, ak aliñ ilo boñ.

7 Jeova e naj kejbārok yuk jen nana otemjej, E naj kejbārok am.

8 Jeova e naj kejbärok am drioi-  
lok im am dreloñtok jen ien in im  
ñön in drio.

SAM 122.

Al in wönliflok ko; an Devid.

**I** AR mōnōnō ke r'ar ba ñön iō,  
Jen llok ñön imōn Jeova.

2 Neiēm rej jutōk iloan aur ko  
am, O Jerusalem.

3 Jerusalem eo emwij kalek e ein-  
wōt jikin kwelok mōkon re kut.

4 Ñön ie bwij ko rej wōnliflok,  
aet bwijin ko an Jeova, kin kennan  
ñön Israel, bwe ren kamolol etan  
Jeova.

5 Bwe ijo emwij tron ko ñön eka-  
jet, tron ko an imōn Devid.

6 Komin jar kin an Jerusalem  
ainemōu; re naj jerammōn ro rej  
yokwe yuk.

7 Ainemōn en iloan worwor ko  
am, im jerammōn ilo moko am  
imōn iroi.

8 Kin ro nuku im kin ro jera I naj  
ba kiō, Ainemōn en iloan.

9 Kin imōn Jeova amuij Anij, I  
naj bukot am ainemōn.

SAM 123.

Al in wönliflok ko.

**Ñ**ÖN Kwe ña ij leliñwoj meja, O  
Kwe kwoj jijōt ilo lōñ ko.

2 Lo einwōt mejen ro dri kori-  
jeran re reilok ñön pein iroi eo air,  
im einwōt mejen korijeran e led-  
rik re reilok ñön pein liroi eo an,  
ein drein mejem rej reilok ñön  
Jeova amuij Anij mae ien Ej tiri-  
amokake kim.

3 Kwon tiriāmokake kim, O Jeova,  
kwon tiriāmokake kim; bwe kim  
kanuij mat kin jōjōik.

4 Am e kanuij mat kin kitōtōkake  
an ro rej ilo ainemōn, im kin jōjōik  
an ro dri jua.

SAM 124.

Al in wönliflok ko. An Devid.

**E**LAÑE e ar jab Jeova eo E ar  
ibem, Israel en ba kiō;

2 Elañe e ar jab Jeova eo E ar

ñön kim, ke armij rōn r'ar jerkak  
nae kim;

3 Inem ien eo re naj kar wōrōñō-  
lok kim ke kim mour; ke emwij  
kejo air illu nae kim.

4 Ien eo dren ko re naj kar kama-  
loñ kim; river eo e naj kar wōnlif-  
lok jen am.

5 Ien eo dren ko re killip re naj  
kar woñliflok ion am.

6 Emōnōnō Jeova eo E ar jab le-  
lok kim, einwōt men in jibwe, ñön  
ñi ko ñiir.

7 Am e ar ko einwōt bao jen aluk  
an ro dri jibwe bao; erup aluk eo  
im kim ar ko.

8 Men in jibōñ kim ilo etan Jeova,  
eo E ar kōmōnmōn lōñ im lōl.

SAM 125.

Al in wönliflok ko.

**R**O rej liki Jeova rej einwōt tol  
Zaiōn eo, re ban kamōkit e, a  
ej ber ñön in drio.

2 Einwōt tol ko rej iturin im ka-  
bol Jerusalem, ein drein Jeova ej  
iturin ro dron jen ien in im ñön in  
drio.

3 Bwe septer in jab wānik e jamin  
berwōt ion jolit an ro dru wānik,  
bwe ro dru wānik ren jab erlokwe  
peir ñön jerawiwi.

4 O Jeova, kwon kōmōn emōn  
ñön ro dri'mōu, im ñön ro e jime  
burueir.

5 A kin ro rej jeōrlok ñön ial ko  
air r'ankeke, Jeova e naj tellok ir  
iben ro rej jerbale nana, a ainemōn  
en ion Israel.

SAM 126.

Al in wönliflok ko.

**K**E Jeova e ar ukot men in jebo-  
kwe an Zaiōn, kim ar einwōt  
ro rej tōnak.

2 Ien eo loñem e ar obrōk kin tōñ  
im loem kin al ko; ien eo r'ar ba  
ilo allif ko, Jeova e ar kōmōn men  
ko relap ñön ir.

3 Jeova e ar kōmōn men ko  
relap ñön kim, kimuij mōnōnō  
kaki.

4 Kwon ukot amuij jebokwe O Jeova, einwöt river ko i rök.

5 Ro rej jeör ilo dren in kemjalal, re naj marmir ilo löfliñ.

6 Meñe ej ilok ilo ial im jöñ, im bökklok ine ko; e naj bar itok ilo löfliñ im böktok kworök ko iben.

SAM 127.

Al in wönliflok ko, an Solomön.

**E**LAÑE Jeova e jab kalek mweo, ro rej kaleke re jerbal bata; elañe Jeova e jab kejbärok imön kwelok eo, dri ekil ej ekil bata.

2 Men in bata fiön kom ne komij jerkak mököj, im babu ñe ebat, im möña bred in jorran: bwe ein drein Ej lelok kiki fiön ro dri jitenburu iben.

3 Lo ajiri rön men in jolit jen Jeova, im leen lojien köra wönan jen E.

4 Einwöt möri ko ilo pein armij ekajur, ein drein ajiri ro nejin eo emön drer.

5 Emönöñ armij eo im nien möri eo an e obrök kaki: re jamin jok ñe rej konono iben ro rej kijirät ir ilo kejem in worwor.

SAM 128.

Al in wönliflok ko.

**E**MÖNÖNÖ jabrewöt eo ej mijök Jeova, eo ej etal ilo ial ko An.

2 Bwe kwo naj möña jen jerbal in peiöm: kwo naj mönönö, im e naj emön iböm.

3 Lio beleöm e naj einwöt vain ej kouwa ilon mweo imöm, ro nejöm einwöt wijki ko redrik wijki oliv iturin tebel eo am.

4 Lo ein drein armij e naj jerammön, eo ej mijök Anij.

5 Jeova e naj kejerammön yuk jen Zaiön, im kwo naj lo an Jerusalem emön lomin aolepen am mour.

6 Aet kwo naj lo ro nejin nejöm rön. Ainemön en ion Israel.

SAM 129.

Al in wönliflok ko.

**E**LÖÑ alen air kejjorran iö jen ien aö inono, Israel en ba kiö:

2 Elöñ alen air kejjorran iö jen ien aö inono, a re jañin bok anjo jen iö.

3 Ro dri köbij r'ar köbij ilo elikiö, r'ar kaitoklok air köbij ko.

4 Jeova e wänik: E ar bukwe to ko toön ro dri nana.

5 Ren jok im jenliklik, ro otemjej rej kijiräte Zaiön.

6 Ren einwöt ujoij ion mo ko ej aimerlok mokta jen an edrekliñlok.

7 Kin e dri bukwe ujoij e jab kobrök pein, ak eo ej lukwöj kworök ko ubön.

8 Im ro rej ela re jab ba, Jeova en kejerammön yuk, kim kamönönök yuk ilo etan Jeova.

SAM 130.

Al in wönliflok ko.

**J**EN imlöi ko I ar kir fiön Kwe, O Jeova.

2 Jeova kwon roñjake ainikiö: lojiliñöm ren eoroñ ainiken aö akwelap ko.

3 Elañe Kwe, O Jeova, kwo naj kaköle jerawiwi ko, O Iroi, wön e naj jutök?

4 A jolok jerawiwi ej iböm, bwe armij ren mijök Yuk.

5 I kötar Jeova, aö ej kötar, im ilo An in nan I kejjatrikrik iö.

6 Aö ej kötar Iroi elap jen ro dri kil re kötar rantak, aet elap jen ro dri kil rantak.

7 O Israel kwon kejjatrikrik yuk ilo Jeova, bwe iben Jeova eor tiriamokake, im iben elöñ lomor.

8 Im E naj lomoren Israel jen bwir ko an otemjej.

SAM 131.

Al in wönliflok ko an David.

**J**EOVA, buruö e jab jua: im meja re jab utiejlok: im I jab etetal ilo men ko relap, ak ilo men ko men in bwilöñ jen aö maroñ kake.

2 Emol I ar töi im kökajeklokjen aö, einwöt niñniñ e likitit iben jinen: aö iböm einwöt niñniñ e likitit.

3 O Israel kwon kejatrikrik yuk ilo Jeova, jen ien in im ññn in drlo.

SAM 132.

Al in wõnlñlok ko.

**J**EOVA, kwon kememej kin Devid aolepen an iñtan:

2 Ekijkan e ar kanõjnij ññn Jeova, im kalimur ññn Eo e kajurpotata an Jekõb.

3 Emol I jamin dreloñ iloan im nuknuk mweo imõ, im I jamin wõnlñlok ññn iloan aõ bed:

4 I jamin lelok kiki ññn meja, ak mijki ññn killn meja,

5 Mokta jen aõ lo jikin ññn Jeova: imõn kabere ññn Eo dri kajurpotata an Jekõb.

6 Lo kim ar roñ kin e i Eprata, kim ar loe i melaj ko'an jikin wijki.

7 Kim naj dreloñlok iloan imõn kabere ko An: kim naj kabuñ i eran neen.

8 Kwon jerkak O Jeova, ññn iloan Am jikin kakije: Kwe im dipdip in kajur eo Am.

9 Pris ro Am ren kõnõk wānik: im ro remõn Am, ren lamij kin lõñliñ.

10 Kin Devid, dri korijerõm, Kwon jab kejeõr mejen Am Dri kalet.

11 Jeova e ar kanõjnij ññn Devid ilo mol: E jamin illok jen e: jen leen enbwinõm I naj likit ilo tron eo Am.

12 Elañe ro nejõm rej drebij bujen eo Aõ, im Aõ nan in kennan eo I naj katakin ir: ro nejir re naj jijõt ilo tron eo am ññn in drlo.

13 Bwe Jeova e ar kalet Zaiõn: E ar kõnake bwe en jikin jokwe An. 14 Eñin Aõ jikin kakije ññn in drlo: I naj jokwe ijo bwe I ar kõnake.

15 I naj kanuij kejerammõn kijen: I naj kamat ro dri jeramel an kin bred.

16 Bareinwõt pris ro an I naj kanuknuk ir kin lomor: im ro remõn an re naj lamij kin lõñliñ.

17 Ijo I naj kõmõn bwe drun

Devid en eoñ: I ar likit juõn lamp ññn dri kabit eo Aõ.

18 I naj kanuknuk ro dri kijiräte kin jok: a ion e mõke kraun eo an e naj eoñ.

SAM 133.

Al in wõnlñlok ko, an Devid.

**L**O enañin emõn im men in mõnõn, ñe ro jein im jatn rej ber iben dron ilo karõk.

2 Ej einwõt oil e aurõk ion bõran, e ar torlõllok ion kworeak, aet kworeak an Aarõn: e ar wõnlõllok ion toreren nuknuk ko an.

3 Einwõt molawi in Hermõn, ej wõnlõltok ion tol ko in Zaiõn: bwe ijo Jeova e ar kalñi jerammõn, aet mour in drlo.

SAM 134.

Al in wõnlñlok ko.

**L**O komin kamõnõnõk Jeova, kom otemjej dri korijeran Jeova, ro rej jutõk ilo boñ ilo imõn Jeova.

2 Komin kwotõke pelmi ññn jikin kwojarjar eo, im komin kamõnõnõk Jeova.

3 Jeova en kejerammõn yuk jen Zaiõn: aet Eo e ar kõmõnmõn lõñ im lõl.

SAM 135.

**K**OMIN nebar Jeova, komin nebar etan Jeova: komin nebar E, O komeo kom ro dri korijeran Jeova.

2 Komeo komij jutõk iloan imõn Jeova, iloan worwor ko an imõn amulij Anij.

3 Komin nebar Jeova, bwe Jeova emõn: komin al im nebar etan, bwe men in men in mõnõnõ.

4 Bwe Jeova e ar kalet Jekõb ññn E mõke, im Israel ññn men in aurõk eo An.

5 Bwe I jela bwe Jeova elap, im amulij Anij eutiejen anij ro otemjej.

6 Men ko jabrewõt Jeova e mõnõnõ kake E ar kõmõnmõni ilo

lōñ im ilo lōl, ilo lomalo ko im ilo  
imlōl ko otemjej.

7 Ej kōmōn bwe tap ko ren wōn-  
liñlok jen jabōn lōl ko: Ej kōmōn  
jarōm ko ñōn wut: Ej bōktok kōto  
ko jen imōn mweiuk ko An.

8 E ar mōn manji rōn i Ijpt, ar-  
mij im kiru.

9 E ar jilkinlok kakōle ko im men  
in bwiłōñ ko ñōn ilujōm, O Ijpt,  
ion Pero im ion ro dri korijeran  
otemjej.

10 E ar kokkure elōñ ailiñ, im  
mōn kiñ rekajur:

11 Saiōn kiñ an ro dri Amor, im  
Og kin in Besan, im ailiñ in kiñ  
otemjej in Keneen.

12 Im lelok ene ko air bwe en  
men in jolit, men in jolit ñōn Israel  
dri ailiñ eo An.

13 Etōm O Jeova, e ñōn in drio:  
ememej eo am O Jeova iomin ebe-  
ben otemjej.

14 Bwe Jeova e naj ekajet dri  
ailiñ ro An, im naj ukwelok iben  
kin ro dri korijeran.

15 Ekjōp ko an ro dri ailiñ ko  
silver im gold, jerbāl in pā ko pein  
armij.

16 Eor loñir, a re jab konono; eor  
mejeir, a re jab lo:

17 Eor lojilliñir, a re jab roñ, im  
ejelok menono ilo loñir.

18 Ro rej kōmōnmōn ir re naj eir-  
wōt, aet ro otemjej rej liki ir.

19 O imōn Israel, komin kamōnō-  
nōik Jeova; O imōn Aaron, komin  
kamōnōnōik Jeova.

20 O imōn Lival, komin kamōnō-  
nōik Jeova; komeo kom mijōk  
Jeova, komin kamōnōnōik Jeova.

21 Emōnōnō Jeova jen Zaiōn, Eo  
ej jokwe i Jerusalem. Komin ka-  
mōnōnōik Jeova.

# SAM 136.

**O** KOMIN kamolol Jeova, bwe  
E emōn, bwe An tiriamo e ñōn  
in drio.

2 O komin kamolol Anij in anij  
rōn, bwe An tiriamo e ñōn in  
drio.

3 O komin kamolol Iroj in iroj  
rōn, bwe An tiriamo e ñōn in drio.

4 Ñōn Eo ej kōmōn men in bwi-  
lōñ ko relap mōke ian, bwe An  
tiriamo e ñōn in drio.

5 Ñōn Eo e ar kōmōnmōn lōñ ko  
kin melelet, bwe An tiriamo e ñōn  
in drio.

6 Ñōn Eo e ar erlokwe lōl ilōñin  
dren ko, bwe An tiriamo e ñōn in  
drio.

7 Ñōn Eo e ar kōmōnmōn maram  
ko relap, bwe An tiriamo e ñōn in  
drio.

8 Aleo bwe en iroj ilo ran, bwe  
An tiriamo e ñōn in drio.

9 Ailiñ eo im iju ko bwe ren iroj  
ilo boñ, bwe An tiriamo e ñōn in  
drio.

10 Ñōn Eo e ar mōn Ijpt ilo man-  
jir, bwe An tiriamo e ñōn in drio.

11 Im E ar bōktok Israel jen ibeir,  
bwe An tiriamo e ñōn in drio.

12 Kin pein ekajur, im pein E ar  
erlokwe, bwe An tiriamo e ñōn in  
drio.

13 Ñōn Eo e ar kijbil lomalo ekil-  
mir ilo mōtōn ko, bwe An tiriamo  
e ñōn in drio.

14 Im E ar kōmōn bwe Israel en  
etal lolapin, bwe An tiriamo e ñōn  
in drio.

15 Im E ar jolok Pero im jar in  
tōrinae eo an na iloan lomalo ekil-  
mir, bwe An tiriamo e ñōn in drio.

16 Ñōn Eo e ar tel ro dron ilujen  
ene jemaren eo, bwe An tiriamo e  
ñōn in drio.

17 Ñōn Eo e ar mōn kiñ relap,  
bwe An tiriamo e ñōn in drio.

18 Im E ar mōn kiñ rebuñbuñ,  
bwe An tiriamo e ñōn in drio.

19 Saiōn kiñ in ro dri Amor, bwe  
An tiriamo e ñōn in drio.

20 Im Og kiñ in Besan, bwe An  
tiriamo e ñōn in drio.

21 Im E ar lelok ene ko air men  
in jolit, bwe An tiriamo e ñōn in  
drio.

22 Men in jolit wōt ñōn Israel dri  
korijeran, bwe An tiriamo e ñōn in  
drio.

23 Eo e ar kememej kim ilo amuij eta, bwe An tirlamo e ñõu in drio.

24 Im E ar kötlok këm jen ro dri kijlrät kim, bwe An tirlamo e ñõn in drio.

25 Ej lelok kijeir ñõn kõniek otemej, bwe An tirlamo e ñõn in drio.

26 O komin kamolol Anij in lõñ ko, bwe An tirlamo e ñõn in drio.

# SAM 137.

**I**TURIN river ko an Babulõn, kim ar jljõt, aet kim ar jõñ ke kim ar kememej Zaiõn.

2 Kim ar totoik arp ko am ilo wijki ko willo ilo bwiljin ene eo.

3 Bwe ijo ro r'ar kajeboekwe kim re kajitok ibem al ko: im ro r'ar kokkure kim r'ar kajitok ibem tõñ, im ba. Komin al ñõn kim juõn ian al ko in Zaiõn.

4 Ekijkan am naj al kin al in Jeova i ene an drua majjet?

5 Elañe ij meloklok yuk, O Jerusalem, anbijmaroñiõ en meloklok an kabel.

6 Loiõ en edrep ñõn ñatiõ, elañe I jab kememej yuk; elañe I jab koutiej Jerusalem jen aõ lõñliñ elaptata.

7 O Jeova, kwon kememej nae ro nejin Idõm ran in Jerusalem, r'ar ba, Komin kokkure, komin kokkure, aet ñõn loñtak ko an.

8 O nejin kõra in Babulõn, im naj kokkure yuk, e naj mõnõnõ eo e naj 'nawõnan yuk einwõt am kõmõn ñõn kim.

9 E naj mõñõnõ eo e naj bõk im jolõllok na ion dreka niñniñ ro am.

# SAM 138.

Sam an Devid.

**I** NAJ kamolol Yuk kin aolepen buruõ: iman anij rõn I naj al kin nebar ko ñõn Kwe.

2 I naj kabuñ ñõn tempel eo Am ekwojarjar, im kamolol etõm kim Am tirlamo, im kin Am mol: bwe Kw'ar kalaplok Am in nan jen aolepen etõm.

3 Ilo ran eo ke I ar kir, Kw'ar uak iõ: Kwoj kaberan iõ kin kajur ilo aõ.

4 Kiñ ro otemej in lõl re naj kamolol Yuk, O Jeova, bwe r'ar roñjake nan ko an loñõm.

5 Aet, re naj al kin ial ko an Jeova, bwe elap aibujuij an Jeova.

6 Bwe meñe Jeova eutie, Ej lale ro retä: ro dri jua E jela kajeir jen etolok.

7 Meñe I etal ilujen jorran, Kwo naj kãejmour iõ: Kwo naj erlokwe peiõm nae illu an ro dri kijlrät iõ: im anbijmaroñiõ e naj lomoriõ.

8 Jeova e naj kamwijlok men eo aõ: Am tirlamo, O Jeova, e ñõn in drio: Kwon jab illok jen jerbal ko in pä ko peiõm.

# SAM 139.

Ñõn dri lale al. Sam an Devid.

**O** JEOVA, kw'ar kalimjek iõ im jela iõ.

2 Kwo jela aõ jljõt im aõ jutõk: Kwo jela aõ lemnok jen etolok.

3 Kwo kalimjek aõ ial, im aõ babu, im Kwo jela ial ko aõ otemej.

4 Bwe ejelok nan ilo loõ, im Kwe O Jeova, kwo jab jelakake wõt.

5 Kw'ar nitbwill iõ ilikiõ im imaõ, im Kw'ar likit peiõm iõõ.

6 Jelalokjen einwõt in I kanuij bwilõñ kake: eutie, I jab maroñ in tõbare.

7 I naj ilok ñõn ia jen Am Jitõb? Ak I naj ko ñõn ia jen mejõm?

8 Elañe I wõnliñlok ñõn iloan lõñ ko, Kwe ijo: elañe I likit kiniõ ilo Hedis, Kwe ijo.

9 Elañe ij bõk pein bau in rantak im jokwe ilo mõtõn retoloktata in lometo:

10 Ijo peiõm e naj tel iõ, im anbijmaroñiõ e naj drebij iõ.

11 Elañe I ba, Emol marok e naj kalibubu iõ, im maram eo ituriõ e naj boñ:

12 Marok eo e jab noj jen Kwe, a boñ ej romak einwõt ran: marok im maram irro einwõt juõn ibõm.



13 Bwe ibið e ar ibòm: Kw'ar kalibubu ið ke I ar ber i lojien jinð.  
14 I naj kamolol Yuk, bwe Am kòmðnmòn ið men in lelñon im bwilñ: jermal ko Am men in bwilñ: im men in, að e kanuij jela-kake.

15 Mõtøn enbwinið rekaiur r'ar jab tilekek jen Kwe ke emwij kòmnmòn ið ilo etino: im ej ið ilo mõtøn ko etåtata in löl.

16 Mejòm r'ar lo enbwinið ke e jañin 'mwij kòmðne: ilo buk eo Am ar jejekake ra ko rað, ar kòmnmòni ran im ran len eo ke ejelok iair.

17 Bareinwõt lemnok ko Am re nañin aurøk iba, O Anij! air koba e kanuij lap!

18 Elañe I naj bwiniur, oran elðñ jen oran bok ko: ke ij ruj, ña ibòm wõt.

19 Emol Kwo naj mòn ro dri nana, O Anij, inem komin ilok jen ña, komeo armij bõtøktøk ko.

20 Bwe re konono nana nae Yuk, im ro dri kijiråt Yuk rej kanauaik etòm.

21 O Jeova, I jab drike ro rej kijiråt Yuk ke? Im I jab buromøj kin ro rej jutøk jumae Yuk ke?

22 I kijiråt ir kin kijiråt elaptata: ij likit ir að dri kijiråt.

23 Kwon kalimjek ið, O Anij, im jela buruð: Kwon melejoñ ið im jela lemnok ko að.

24 Im Kwon lo elañe jabrewõt ial enana iba: im Kwon tel ið ilo ial ej ñon in drlo.

#### SAM 140.

Ñon dri lala al. Sam an Devid.

**K**WON kötlok ið, O Jeova, jen armij dri nana: Kwon lomorið jen armij eo dri kokkure.

2 Ro rej lemnok kin men ko renana ilo burueir: ien otemjej re kweloklok ñon dron kin törinae.

3 R'ar jimjim loir einwõt kiru serpent: uno køn mij an kiru adder iomin tieir. Sela.

4 O Jeova, kwon lomorið jen pein

ro dri nana: Kwon lomorið jen armij in kokkure eo, ro r'ar bebe in jibellok buññen neið.

5 Ro dri jua r'ar noj jen ñon ið: r'ar erlokwe juðn ok iturin ial: r'ar likit aluk ko ñon ið. Sela.

6 I ar ba ñon Jeova, Kwe að Anij: kwon eoroñ ainiken akwelap ko að, O Jeova.

7 O Anij Iroiur eo, kajur an að lomar: Kw'ar torøk böra ilo ran in törinae.

8 O Jeova, kwon jab lelok ñon ro dri nana men ko re kønan: Kwon jab jibðñ e ilo an bebe enaua, ñe ab ren møke koutiej ir. Sela.

9 Kin böran ro rej kabol ið, nana in tieir en kalibubu ir.

10 Melle rej urur ren buñ ioir: emøn jolok ir na ilo kijeek: ilo roñ ko r'imlöl, bwe ren jab bar jerkak.

11 Eo ej konono nana jamin kabin e ilo löl: nana e naj kabukot armij in kokkure bwe en møne.

12 I jela Jeova e naj kòmøn wänik ñon eo e jorran, im ekajet ñon eo e jeramel.

13 Emol ro dru wänik re naj kamolol etòm; ro remøn re naj jokwe iman mejòm.

#### SAM 141.

Sam an Devid.

**J**EOVA, I ar kir ñon Kwe: kwon kijorur in itok ñon iba, Kwon eoroñ ainikið ke ij kir ñon Kwe.

2 Að jar en ber einwõt melu imam; að kwotøke peið en einwõt men in katok ejota.

3 O Jeova, kwon likit ken kej-bärok i loñið; Kwon kejbärok aur in tið.

4 Kwon jab ukot buruð ñon jabrewõt men enana, im kòmøn kòmøn ko renana iben ro dri kòmøn nana, im in jab mõña men ko renno air.

5 Ro dru wänik ren ubrare ið, e naj men in yokwe; im en kowe ið, e naj einwõt oil ilo böra; böra en jab abwin e, bwe ilo air bwir wõt að jar e naj walok.

6 Emwij jolöllok air dri ekajet røn

iturin dreka ko, im re naj roñjake  
aõ in nan, bwe retõñiel.

7 Einwõt eo ej kõbij im bukwe  
brij, ein drein dri ko drin re jiblik-  
lok iturin loñin lüp eo.

8 Bwe meja re ñõn Kwe, O Anij  
Iroi, ij liki Yuk; kwon jab likit  
aõ ilo aikwij.

9 Kwon kejbaşrok aõ jen aluk eo  
r'ar kapoje ñõn iõ, im jen ko an ro  
dri kõmõn nana.

10 Ro dri nana ren buñ na iloan  
ok ko air, im ña ilo ien eo in ko.

# SAM 142.

Maskil an Devld, ke e ar ber iloan roñ eo. Juõn  
jar.

**K**IN ainikiõ ij kir ñõn Jeova;  
kin ainikiõ ñõn Jeova ij akwe-  
lap.

2 I lutõklok aõ lotan iman; I  
kwalok aõ jorran iman.

3 Ke aõ e ar kijelok ilo ña, Kw'ar  
jela aõ ial. Ilo ial eo ijo I ar etetal,  
r'ar noj jen ñõn iõ.

4 Kwon lalẽ i anbijmaroñiõ im lo,  
bwe ejelok armij e jelakake ña;  
jikin tilekek e joko jen ña, ejelok  
armij ej tar aõ.

5 I ar kir ñõn Kwe O Jeova, I ar  
ba, Kwe aõ jikin tilekek, aõ kij ilo  
ene an dri mour.

6 Kwon eoroñ aõ lamij, bwe ar  
kanuij kõtaik iõ; Kwon kõtlok iõ  
jen ro rej matõrtõr iõ, bwe re kajur  
jen ña.

7 Kwon kadrioi,lok aõ jen prisõn,  
bwe in kamolol etõm. Ro remõn  
re naj kabol iõ; bwe Kwo naj wuj-  
leptok joi, ñõn iõ.

# SAM 143.

Sam an Devld.

**K**WON roñjake aõ jar, O Jeova,  
kwon eoroñ akwelap ko aõ;  
ilo Am til ek Kwon uak iõ, im ilo  
Am wānik.

2 Im Kwon jab dreloñ ilo ekajet  
iben kori,erõm: bwe ilo mejõm jam-  
min kowānik jabrewõt armij.

3 Bwe dri kijirāt eo e ar matõrtõr  
aõ, e ar jolõllok aõ mour ñõn bri,;  
e ar kõmõn bwe in jokwe ilo jikin

ko re marok, einwõt ro eto ke r'ar  
mij.

4 Inem aõ e kijelok ilo ña; buruõ  
ilo ña e men in jeebeplok.

5 I kememej ran ko mokta: I ka-  
lomõnllokjen kin men ko Kw'ar  
kõmõnmõni; ij lemnok kin jerbāl  
ko an pelõm.

6 Ij erlokwe peiõ ñõn Kwe; aõ e  
maro kin Kwe einwõt ene e mōk.  
Sela.

7 Kwon kijorur im uak iõ, O  
Jeova, aõ jitõb e kijelok: Kwon jab  
binej mejõm jen ña, ñe ab in einwõt  
ro rej wõnlõllok ñõn iloan roñ eo.

8 Kwon kõmõn bwe in roñjake  
Am joi, ke ejiboñ; bwe ij liki Yuk.  
Kwon kõmõn bwe in jela ial eo  
emõn in etal iloan, bwe ij leliñwoj  
aõ ñõn Kwe.

9 O Jeova, kwon kõtlok iõ jen ro  
dri kijirāt iõ: ña I ko ñõn Kwe  
bwe in tilekek.

10 Kwon katakin iõ in kõmõn  
ankil Am, bwe Kwe aõ Anij: Am  
Jitõb emõn, Kwon tel iõ ilo ene in  
wānik.

11 O Jeova, kwon kǽjmour iõ kin  
etõm; ilo Am wānik Kwon bõktok  
aõ jen jorran.

12 Im ilo Am joi, Kwon bukwe-  
lok ro dri kijirāt iõ; im Kwon kok-  
kure'ir otemjej rej ke,orran aõ, bwe  
ña dri kori,erõm.

# [SAM 144.

Sam an Devld.

**E**N mōnõnõ wõt Jeova, aõ dreka,  
eo Ej katakin peiõ in tōrinae,  
im arriõ ko in iri.

2 Aõ joi, im aõ me, aõ imõn bar  
eutiej, im aõ Dri lomor, aõ likepij-  
ñõk, im Eo ij liki E, eo ej kõtaik  
ailiñ ko iomiõ.

3 Jeova, ta armij bwe Kwon jela-  
kake? ak nejin armij bwe Kwon  
lemnok kake?

4 Armij ej einwõt men in jekron;  
ran ko an einwõt anõñin e jokolok.

5 Kwon kõtaik lõñ ko Am O  
Jeova im; wõnlõltok: Kwon uñir  
tol ko im re naj batat.

6 Kwon jolöllok jaröm im kejb-liklok ir; Kwon jolok möri ko Am im kejjorran ir.

7 Kwon erlokwe peiöm jen ilöñ: Kwon kötlok iö, im lomoriö jen iloan dren ko relap, jen ene'n ro drua maijet.

8 Ro loñir e könan wan, im anbij-marofñir e anbijmarofñön riöp.

9 I naj al juön al ekal ñön Kwe, O Anij: ilo salteri in to ko joñoul, I naj al im nebar Yuk.

10 E eo Ej lelok lomor ñön kiñ ro: Eo ej lomoren Devid jen jäji in kokkure.

11 Kwon lomoriö im kötlok iö jen pein ro drua maijet; ro loñir ej konono wan, im anbijmarofñir e anbijmarofñön riöp.

12 Ñe ro nejim man re naj einwöt jul ko elap air edrekliñlok ke re jab kanuij ridto: Im ro nejim köra einwöt dreka ko in dremör im, emwij jekjeki ilo wäwen dreka in imön iroi.

13 Ñe mo ko imön kijem ren obrök, im eor wäwen mweiuk oten-jej; im šip ko am ren keutak taus- san ko im joñoul tausand ko ilo me- laj ko am.

14 Ñe kau koman ko am emön air inene; ñe ejelok kokkure ak joko, im ejelok lotan ilo ial ko am.

15 Emönönö ro dri ailiñ eo, ñe einwöt in ibeir; aet, emönönö ro dri ailiñ ñe air Anij Jeova.

### SAM 145.

Sam in nebar. An Devid.

**I** NAJ koutiej Yuk, aö Anij, Aö Kiñ: im I naj kamönönönik etöm ñön in drio im in drio.

2 Ran otemjej I naj kamönönönik Yuk; im I naj nebar etöm ñön in drio im in drio.

3 Elaplap Jeova, im ren kanuij nebar E; im An laplap re ban bukot im jelakajen.

4 Juön ebeben e naj nebar jerbal ko Am ñön bar juön, im naj kwa- lok men ko rekajur Kw'ar kömön- möni.

5 I naj kalomonlokjen kin wölio in köñiajoik an utiejen eo Am, im kin men in bwilöñ kö Kw'ar jerbali.

6 Im armij re naj konono kin kajur potata in men in leñioñ ko Kw'ar kömöni; im I naj kwalok Am laptata.

7 Re naj ba kin air kememej Am emön elap, im naj al kin Am wänik.

8 Jeova e joij, im E obrök kin tiriamo; erumij An illu, im elap An tiriamokake.

9 Jeova emön ñön ro otemjej, im men in joij ko An ilöñin men ko otemjej E ar kömönmöni.

10 Jerbal ko Am otemjej re naj kamolol Yuk, O Jeova, im ro remön Am re naj kamönönönik Yuk.

11 Re naj ba kin aibujuij in ailiñ eo Am, im naj konono kin Am kajur.

12 In kwalok ñön ro nejim armij men ko rekajur E ar kömönmöni, im aibujuij in utiejen eo An.

13 Ailiñ eo Am juön ailiñ e ñön in drio, im Am iroi e berwöt iomin ebeben ko otemjej.

14 Jeova ej kejerkak im drebij ro otemjej re buñ; im kajutök ro otemjej re kumliklik.

15 Mejeir otemjej rej kötar Yuk, im Kwoj lelok ñön ir kijeir ilo ien ekar.

16 Kwoj erlokwe peiöm im kamat air könan ñön men otemjej remour.

17 Jeova e wänik ilo ial ko An otemjej, im E joij ilo jerbal otemjej An.

18 Jeova ej ebak ñön ir otemjej rej kir ñön E, ñön ro otemjej rej kir ñön E ilo mol.

19 E naj kamol könan an ro rem- jök E; e naj bareinwöt roñjake air lamij im lomori.

20 Jeova ej kejbärok ir otemjej rej yokwe E; a ro renana otemjej E naj kokkure ir.

21 Loñiö e naj konono im nebar Jeova; im köniek otemjej en ka- mönönönik etan ekwojarjar ñön in drio im in drio.

SAM 146.

**K**OMIN nebar Jeova; kwon nebar Jeova O aō.

2 Iomin ien aō mour I naj nebar Jeova; I naj al kin nebar ko ññ aō Anij iomin ien jabrewōt aō ber.

3 Komin jab liki bwirōk rōn, ak nejin armij eo ejelok jibōñ iben.

4 Menono an ej ilok, ej jeblak ññ lōl eo an; ilo ran eo lemnok ko an rejokolok.

5 Emōnōnō eo Anij in Jekōb ej jibōñ e, im an kōtomene ilo Jeova, Anij eo an.

6 Eo e ar kōmōnmōn lōñ im lōl; lometo im men ko otemjej ilo ir; Eo ej kejbārok mol ññ in drio.

7 Eo ej kōmōn ekajet ññ ro dri jorran; Eo ej lelok kijeir ññ ro dri kwūli: Jeova ej kōtlok ro rej ilo prisōn.

8 Jeova ej kebellok mejen ro rebilu; Jeova ej kajutōk ro rej kumliklik; Jeova ej yokwe ro dru wānik.

9 Jeova ej kejbārok ro drua maijet; Ej jibōñ ro ejoko jemeir, im ro e joko leo beleir, a ial an ro renana Ej okjōk.

10 Jeova e naj Kiñ ññ in drio; am Anij O Zaiōn, ññ ebeben otemjelok. Komin nebar Jeova.

SAM 147.

**K**OMIN nebar Jeova; bwe emōn al im nebar amuij Anij: bwe e men in mōnōnō im nebar e wōlio.

2 Jeova ej kalek Jerusalem; Ej kokweloklok ro dri jolok in Israel.

3 Ej kāejmour ro erup burueir; Ej kitimi kinej ko kinjeir.

4 Ej bwini oran iju ko; Ej naetan ir otemjej.

5 Elaplap amuij Iroi, im kajur eo An e kanuij lap. Ejelok tōreren jelalokjen eo An.

6 Jeova ej kejkarak ro etā burueir; E kōtaik ññ brij ro renana.

7 Komin al im nebar Jeova kin kamolol; komin al kin nebar ko ilo arp ññ amuij Anij.

8 Eo ej kalibubu mejatoto kin

kōro ko; Eo ej kapojōk wut ññ brij; Eo ej kadreklok ujoij ion tol ko.

9 Ej lelok ññ kiru kijan, im ññ bau reven ko re kir.

10 E jab lōfliñ kin kajur an ors; E jab mōnōnō kin neen armij.

11 Jeova e mōnōnō kake ro remjōk E; kin ro rej kejatrikrik ir ilo An tiriamo.

12 Kwon nebar Jeova, O Jerusalem, kwon nebar am Anij, O Zaiōn.

13 Bwe E ar kabin alal ko in aur ko am; E ar kejerammōn ro nejōm iloan.

14 Ej kōmōn ainemōn ilo tōreren ko am; Ej kamat yuk kin wit emōnpotata.

15 Ej jilkinlok kien ion lōl; An in nan ej etōr mōkōj.

16 Ej letok sno einwōt kolan šip; Ej kijibliklok frost eo emouj einwōt brij in ubaj.

17 Ej jolok dren ebin einwōt tibrikrik ko; wōn e marōñ in jutōk iman bio eo An?

18 Ej jilkinlok An in nan im kounlok ir; Ej kōmōn bwe en ukwi kōto eo An, inem dren etorlok.

19 Ej kwalok An in nan ññ Jekōb, kien ko An im ekajet ko An ññ Israel.

20 E ar jab kōmōn einwōt ññ jabrewōt ailiñ; im ekajet ko An r'ar jab jelakajeir. Komin nebar Jeova.

SAM 148.

**K**OMIN nebar Jeova. Komin nebar Jeova jen lōñ ko; komin nebar E ilo jikin reutiej.

2 Komin nebar E, komeo enjel ro An; komin nebar E, jar in tōrinae ko An.

3 Komin nebar E, al im aliñ; komin nebar E, kom iju ko in maram.

4 Komin nebar E, kom lōñ ko in lōñ ko; im dren ko ilōñin lōñ ko.

5 Ren nebar etan Jeova, bwe E ar kaifi inem emwij kōmōnmōn ir.

6 E ar bareinwōt kabini ññ in drio im in drio. E ar kōmōn kien eo e jamin joko.

7 Komin nebar Jeova jen löl, ko-meo drakön ko im imlöl ko otemjej:

8 Kijeek im wut ebin; sno im tap; köto in lañ ej kamol An in nan.

9 Tol ko relap im ro redrik; wijki ko re kouwa, im sidar otemjej.

10 Kiru rawiä im kau ko otemjej; men ko retöböl böl im bau ko re kăki.

11 Kiñ ro an löl, im ro dri ailiñ otemjej; iroiñ rön im dri ekajet otemjej an löl.

12 Man rön im kōra rön emön drer, ridto rön im ajiri rön.

13 Ren nebar etan Jeova; bwe etan wöt eliñlok, An aibujuij ilöñin löl im löñ.

14 Im E ar leliñlok drun in dri ailiñ eo An, men in nebar in ro remön otemjej An; ro nejin Israel wöt, juön ailiñ ebak ñön E. Komin nebar Jeova.

#### SAM 149.

**K**OMIN nebar Jeova. Komin al ñön Jeova kin al ekal, im kin nebar eo An ilo jar an ro remön.

2 Israel, en löñliñ ilo Eo e ar kōmōnmōne; ro nejin Zaiñ, ren mōnōnō kin air Kiñ.

3 Ren nebar etan ilo iep eo; ren al im nebar E kin timbrel im arp.

4 Bwe Jeova ej mōnōnō kin ro dri ailiñ eo An; E naj kalitlit eo etä buruen kin lomor.

5 Ro remön ren jualöñliñ ilo aibujuij; ren al kin löñliñ ion kineir.

6 Nebar ko reutiej an Anij ren ilo loñir, im juön jäji ruo mejen ilo peir;

7 In kōmōn irenwōne ñön ro dri ailiñ ko; im enoik ko ion armij rön;

8 In liabe kiñ ro air kin tomere ko, im bwirök ro air kin feter ko mal;

9 In kōmōn ñön ir ekajet eo emwij jejekake: kōñiajoik in iben ro remön otemjej An. Komin nebar Jeova.

#### SAM 150.

**K**OMIN nebar Jeova. Komin nebar Anij ilo jikin kwojarjar eo An: komin nebar E ilo mejatoto in kajur eo An.

2 Komin nebar E kin jerbal ko An rekajur potata. Komin nebar E ekar ñön An utiejen emöntata.

3 Komin nebar E kin ainiken jilil: komin nebar E kin salteri im arp.

4 Komin nebar E kin timbrel im iep: komin nebar E kin ken kajöñjñ eor toair im kin paip.

5 Komin nebar E kin simbal ko elap ainikeir. Komin nebar E kin simbal ko emōnōnō ainikeir.

6 Men otemjej eor air menono ren nebar Jeova. Komin nebar Jeova.